






Bound by
P. LOW,
21 Devonshire St.
Boston



John Carter Brown.







Alexandri Bonelli Bononi.



JOHN CARTER BROWN

L. ANNEI SENECAE NATVRAE

LIVM QV AESTIONVM

LIBRI VII.

Matthæi Fortunati in eosdem libros annotationes.

Index rerum notatis dignarum in calce operis appositus.



Alexandri Pomelii Bonon.

"Ce livre est depuis long temps regardé comme
un des plus rares de ceux qu'ont imprimés les
Alde". Vide Renouard.

Sold in Sir M. Sykes' Sale for £.5.

IO. LVDOVICO SALVTIO PRIN-
CIPIS ILLVSTRISS. MAT-
THAEVS FORTVNATVS S.

*Um nuper Stephanus Brodaricius Praepositus Quin-
queeclesiensis, & a Secretis clarissimus Regis Hun-
gariae, consilio, linguaq; princeps, atque omnis di-
uini, humaniq; iuris consultissimus, in legationem ad
Senatum V. & ad Max. Pont. mitteretur, LVDOVICE
SALUTI Princeps Iucundiss. atque omnibus naturae fortunaeq; bo-
nis illustriss. nos comitibus eius adhaesimus. ut in ipso saltem itine-
re, quando alijs per summa eius in Rep. negotia non licet, con-
suetudine iucundissima uiri sapientissim frueremur, utq; mirato-
res pariter & cultores essemus tum aliarum eius uirtutum, quae
summae in eo elucet, tum praesertim humanitatis, constantiae, in-
tegritatis, & eminentissimae sapientiae, cum summa eloquentia
coniunctae. Postquam uero Patavium urbem uiris & studijs
utriusque fatundiae florentissimam uenimus, iussit me intereatem-
poris, quoad ipse peracta legatione ab Vrbe rediret, Patavij Grae-
carum Latinarumq; literarum professoribus operam dare. multa
benigne, ut est eximus uirtutis ingeniorumq; patronus, confe-
rens, plura pollicitus ad sumptum meorum studiorum. Quamuis
inuitus ab eius diuellebar latere, auctoritatem tamen, uoluntatemq;
hominis & sapientissim, & beneuolentissim negligere non fas
mhi putavi. Acquieui itaque eius consilio, desediq; Patavij. Deinde
haud ita multo post, aliquot Pannonij iuuenes ornatissim, qui hic
cultum ingenij capiunt, in maximam me admirationem tui, lau-
dum tuarum, uirtutumq; testimonio excitauerunt, & praecipue
humanitatis, comitatis, & beneuolentiae, qua tu omnes quidem,
in quibus aliqua opinio uirtutis esset, sed maxime Pannonios com-
plectereris. Cum autem ego ipse oculatus (ut dici solet) testis tui
animi, & uoluntatis honestissimo quoque officio incensae, huma-
nitatisq; & fidei plenae factus essem, facile intellexi meos Panno-
nios longe minora de te, quam pro tuis meritis praedicare. Nam
uel me ignotum, nec unquam ante tibi uisum, Dij immortales, quan-
ta humanitate, comitate, & affabilitate, quam serena fronte, quam
hilari uultu excepisti. quam benigne, ut tua uterer beneuolentia*

in omnes Pannonios peculiari ; hortatus es , in nulla re nobis te
defuturum pollicitus . Hunc autem tibi & hereditarium quidem
esse , auitumq; in nos amorem , & beneuolentiam . neque enim
recens tantum esse Salutæ gentis in Pannonios meritum . Testari
æternis probatissimæ fidei annalibus , multis ante seculis princi-
pes , heroësq; Saluos Hungaris contra hostes Christiani nominis
auxilio uenisse , communibusq; armis hostes repulisse . Hoc tamen
præcipue te debere aiebas **L V D O V I C O** Regi nostro Sere-
nissimo , hic enim tibi semper in animo , plurimus in ore est . Hunc
unum prædicas , laudas ; ueneraris . Illi prospera omnia , ac fau-
sta , feliciaq; ominaris . Illi deum propitium (qui nisi præsens , uo-
lensq; humanis intersit rebus , ludibrium est quicquid homo cogitat ,
non consilium) in omnia uota precaris . Nullum deniq; tempus nec
agendi , nec cogitandi prætermittis , ut tuum erga illum animum
officiūq; declares . nec id iniuria . cui enim aut magis affectus
esse , aut plus boni optare debeas , quàm Regi clarissimo , summæ
spei , summæ uirtutis , tibi autem & beneuolentissimo , & uena
alti sanguinis propinquo ? Vterque Gastonem Candalæ principem ,
bellicis ac domesticis rebus , & insignibus clarissimum , tu auuncu-
lum , ille auum agnoscitis . Ille Gastonis ex filia , tu ex sorore ne-
pos . Quid mirum itaque si & illi summa omnia exoptas , & no-
bis tanquam tuis faues ? Nos quoque profectò ingrati , & inhumana-
ni , indigniq; tuo fauore uideremur , nisi te & privato , & publico
nomine , per omnes occasiones , omnibus officiis ueneraremur , tum
propter summam animi ingenijq; tui uirtutem , summāsq; & na-
turæ , & fortunæ dotes , quæ in te plurimum elucet . tum propter
singularem in nos beneuolentiam , & humanitatem . sed præser-
tim , quod te sanguinis propinquitatis iungit Regi nostro generosissi-
mo , cuius etiam prima cunabula nos omnibus faustis precationi-
bus , acclamationibus , & plausibus uenerati sumus . nunc quoq;
ab eo , postquam felicibus adoleuit auspicijs , omnes nostræ spes ,
omnes fortunæ , omnia uota pendent . Quamobrem dari iampri-
dem mihi aliquam occasionem uotis exoptabam , ut tibi possem osten-
dere aliquo pignore , ac monumento mei erga te animi , & obser-
uantie , me quoque unum esse e multis , qui te magno animi fauore
uenerer . Præterea ne paterer exolescere tuæ tam insignis erga nos
beneuolentiæ & humanitatis memoriam , sed aliquo opere officioso
apud omnes testatam relinquerem , hortabatur me etiam **V R b a -**
nus

nus Batianus iuuenis magnanimus, tuæ dignitatis studiosissimus. cui, ut scis, nam illi tecum plurima est consuetudo, omnes Libentiæ Gratiæq; , felici quodam moderamine, & temperamento maturæ grauitati coniunctæ, permistæq; fauent. est enim perquam honesti, atq; amœni ingenij. Morum uero, quos uel grauissimus censor non improbet, grauitate, tum aliarum uirtutum ornamentis, literarumq; splendore honestat, ac illustrat nobilitatem Batianæ domus. quæ & alioqui clarissima est, & de patria semper benemerita. Tantum enim earum disciplinarum studijs, quæ ingenio, & liberaliter educato dignæ sunt, animum hoc breui tempore excoluit, & quotidie magis ac magis excolit, ut eius ardens studium, eximia docilitas, acre ingenium, uinax, singularisq; memoria iam præceptoris quoque, quem summum in utraque facundia sibi delegit, diligentiam sollicitam fecerint. Accedit ad hanc egregiam bonarum literarum peritiâ magnitudo animi, constantia, fides, prudentia, & consiliorum rara, atque in ista præsertim ætate mira felicitas. Quarum uirtutum fama & opinione in maximam sui expectationem totam patriam iam pridem erexit, quæ mox eum omnibus honoribus, & dignitatibus, summa uirtute, summoq; ingenio dignis exceptura est. Cum itaque & uoluntati iuuenis nobilissimi, cuius authoritas apud me iure magna est, nihil negare, & meo animo, quem iandudum magnitudo, & admiratio tuarum uirtutum inuitabat, & toties testata beneuolentia, humanitasq; prouocabat, consultum iri uellem, tuumq; fauorem omnibus occasionibus demereri plus nimio cuperem, idq; si contigisset, non solum utile, sed etiam abunde pulchrum & gloriosum mihi fore existimarem. hæc unica occasio uidebatur maxime omnium apta & ad referendam tibi publico nomine Pannoniorum gratiam, & priuatim ad tuum animum mihi comparandum, si aliquid tui nominis auspicijs in publicum ederem. dabat spem etiam tua humanitas, quam boni consulturam non dubitabam, quicquid ab homine officioso proficisceretur. Cogitabundus ergo cum apud me quærerem, quid potissimum edendum esset, opportune in istas Senecæ de naturalibus rebus quæstiones incidi. quas si ab innumeris erroribus, quibus temporum uitio scatebant, nostro labore, & industria uindictas, ac genuino nitori restitutas, tuo nomini augustissimo dicarem, tuisq; auspicijs, ac tuo patrocinio in lucem publicam, ad communem studiosæ iuuentutis utilitatem, cum nostris an-

notationibus emitterem, arbitratus sum neque ineptum, neque tibi ingratum hoc munus fore. Cui enim aptius Philosophiae patrocinium commendari potest, quam tibi, quem à prima ætate omnis ars, & doctrina liberalis delectauit, sed in primis arcanum studium sanctissimæ Philosophiæ? qua nec dari melius à deo munus mortalibus poterat, nec optari maius ab hominibus. Hæc enim sola est, quæ format, & componit uitam, actionem regit, agenda & omittenda demonstrat. sola deniq; homini dat humanitatem. Nemo potest bene beatèq; uiuere, ac ne tolerabiliter quidem sine Philosophiæ studio. quicumque autem in Philosophia proficiat, in uita proficiat necesse est. Quod uiuimus deo debemus, quod bene uiuimus Philosophiæ. tanto plus ergo Philosophiæ deberemus, quanto est nobilior, præstantiorq; bona uita, quam uita, nisi ipsa quoque Philosophia munus dei esset. Huic tu prima fundamenta fideliter, peculiari quodam dono naturæ, eximia docilitate Lucetiae in urbe Parisiorum omnibus liberalibus studiis florentissima iecisti. Deinde crescentibus annis in Italiam artium parentem, superatis Alpium difficultatibus uenisti, ut pluribus locis tuæ uirtutis uestigia imprimeres, summumq; fastigium studiorum diuinæ Philosophiæ imponeres, atquæ absolutam omnibus numeris uirtutem referres. Tanta tibi est colendi per omnes uirtutes ingenij, quærendiq; decoris cura, ut nulla te regionum longinquitas, nulla iniquitas locorum, nulla tempestatis asperitas ab inquirenda uirtute, quod est rarissimum in ista fortuna, deterreat. Adeo non satiatur perceptæ uirtutis cupido, atque

❧ Inflammata semel nescit mutescere uirtus.

Apud antiquos innumeri reges honore artium colebantur, & in ostentatione has proferebant, suæq; dignitatis & existimationis fundamenta non tam in congestis opibus, aut in exterarum gentium iniuria, & ruina ponebant, quam in liberalitate, innocentia, mansuetudine, & literarum splendore. nec quisquam dignus imperio publiciq; administratione censebatur, nisi usu, & peritia multarum rerum cerneret, ac totius uetustatis facta, dicta, instituta, denique omnia uitæ officia teneret. Ille enim optime de futuris consulit, qui de præteritis exempla petit. Hinc fortunatas esse res. Socrates & Plato attestantur, quorum reges sapiunt, uel in quibus sapientes regnant. Sapientia enim habenas tenente omnia consultissime geruntur. illa duce nihil temere, nihil inconsulte agitur.

Quapropter

Quodpropter neminem plura scire oportere, quam principem, qui sicut pluribus praeest dignitate, ita et scientia cum antecellere debere. Sed rarum profecto et uisendum nostro aeuo spectaculum, feliciter nasci, atque optime institui, uirtutisque luce natalium splendorem illustrari. Nihil pulchrius, nihil iucundius, nihil magis plausibile, ac fauorabile, quam si cum uirtute et sapientia, placidoque ingenio magna dignitas coniungatur, cum uicissim et sapientia fortunam, et fortuna sapientiam illustrat. Quod tibi quam feliciter dono diu contigit, nemo non uidet, qui te nouit. Tanto enim amore sacrosanctae Philosophiae studia, rectamque uiuendi rationem sectaris, ut omnia una uirtute minora existimes. Virtus siquidem est summum firmumque contra omnes Fortunae insultus praesidium. Lubrica, fluxa et desultoria sunt omnia Fortunae munera, Virtus autem firma et stabilis, ex alta arce secura despicit insidiantis Fortunae impetus. Te quidem et natalium splendor (quorum originem utrinque serie stemmatum longissima, illustriumque imaginum a regibus clarissimis, caesaribusque rerum potitis ducis) plurimum illustrat, et paterna domus, belli que parta gloria ornatissimum reddit. Nam parens tuus LUDOVICVS Salutarum Marchio (ut auos, proauosque, et alios Salutiae gentis principes, quorum illustria facinora orbis terrae iudicio ac testimonio comprobantur, praeteream) heros sapientia, uirtute, authoritate, gloria longe omnium clarissimus. cui neque in deliberando consilium, neque in agendo industria unquam defuit. Nulla rerum sublimitas eius ingenium superare, nulla uarietas confundere, nulla multitudo obruere potuit. Quodpropter illum, ut par erat, LVDOVICVS XII. Gallorum Rex sapientissimus, uirtute, et gloria rerum gestarum omnis memoriae facile princeps, sicut alterum parentem et obseruabat, et diligebat. quin etiam paternae uenerationis nomine dignabatur. Illius enim tum consilijs, tum etiam ductu et auspicijs maximum imperium et protulit et confirmauit. Quare siue ille bella, siue pacem gerebat, Ludouico patri maxima rerum, uerborumque fides habebatur. Tanta erat domus, forisque toties probatae, atque spectatae uirtutis fiducia. Hic ergo regiorum titulorum, et uictoriarum, quibus ille tot loca illustrauit, ac triumphorum insignium, denique omnis gloriae regiae particeps celebratur et a scriptoribus regiarum rerum, et priuatis Salutiae gentis annalibus. Huius inquam uel unius, patris dico, decora, et insignia cum te securum lau-

dis, & gloriæ reddere possent, magis tamen sollicitum fecerunt,
& æmulatione eximie uirtutis inflammauerunt, atque tam acre
subdiderunt calcar, ut nihil te magis inquietum habeat, quàm
natalium splendor, quàm auitum, paternumq; decus, ut illa tue-
ri, ut superare possis.

» Ut tibi maiores, maius decus ipse futuris.

Neque enim domestica tantum maiorum tuorum exempla sequeris,
quorum præclara facinora, æterna annalium, historiæq; serie
condita, satis te admonere egregiæ laudis poterant, poterat uel unius
patris memoria. sed totam uetustatem exemplorum plenam re-
uoluis, multasq; imagines fortissimorum uirorum & a' Græcis,
& a' Latinis scriptoribus uiuo, loquentiq; penicillo expressas, &
ad intueudum, & ad imitandum tibi proponis. In multis, quo-
rum nomen per orbem celebre uiget, te ipsum agnoscis, & cum te
in illis probari à rerum scriptoribus intelligas, tacitam quandam de-
lectationem capis. Plurimorū uirtutes superasse gaudes. Si uero ali-
quos, quorum uestigia nondum impleueris, anteire uides, illi tibi
somnia rumpunt, & sollicitum tantæ laudis faciunt. Thucydides
olim auditis Herodoti Musis collacrymasse dicitur. Demosthenem fa-
brorum antelucana diligentia excitare solebat. Themistocli Militia=
dis trophæa somnum rumpebant. Alexander Achilles tumulo,
Cæsar Alexandri titulis conspectis, laudis æmulatione ingemuisse
feruntur. Ita est profectò natura comparatum, ut optimus quisq;
alienæ uirtutis & gloriæ æmulatione ad simile decus petendum ma-
xime incitetur & inflammetur. Hæc sunt uera generosi animi argu-
menta, cuius fidem princeps generosissime tu manifestam facis, dum
optimum quenque ueterum ita imitaris, ut uel effingas, uel superes.
Quòcirca multorum uirtutes in te unum, miro quodam tempera-
mento, coiere, ut nihil seueritati hilaritas, nihil grauitati candida
simplicitas, nihil dignitati detrahat humanitas. ita enim te ama-
mus, ut simul ueneremur. Tu quidem omnes, præsertim bonarum
artium studiosos sic amas, & complecteris, ut æque cunctis tuæ
dignitatis quasi fascers submittas, & te principem obliuiscaris, ut
amicum præstare possis. uel potius principem, & amicum tem-
peras. nobis tamen tua humanitas non solum iucunda, uerumetiam
admirabilis, & ueneranda uidetur. quoq; magis ad nostram hu-
militatem descendis, eo nobis maior exoreris. Illa mihi uidetur
in te uera & incomparabilis generosi animi sublimitas (ut cæteras

uirtutes, quibus enumerandis non sufficimus, relinquam) quod indignus etiam, & aduersarijs omne genus humanitatis, & beneuolentiae ostendis, nec cuiusquam improbitate, aut inhumanitate quicquam ab illa animi tui mansuetudine (tantus tibi inoleuit bonitatis affectus) demittis. nec quid illi mereantur, sed quid te deceat, respicis. ita fit ut quenque etiam pessimum quamprimum suae improbitatis poeniteat, & admiratio tuae humanitatis subeat. Tantum tibi ad promerendam omnium uoluntatem uel naturae, & ingenij, uel artis, uel fortunae superest. Titus se perdidisse dicebat illum diem, quo nihil cuiquam praestitisset. Memoranda sane, meritoque laudanda omni aeuo uox principis optimi, qui propter hanc animi benignitatem deliciae humani generis, amorque orbis est appellatus. Scipio non ante redibat a foro, quam sibi aliquem amicum comparasset. his enim artibus, non numerosa armatorum stipatione paratur tutela fidelissima. Illius siquidem uirtus, & gloria minimum inuidiae habitura est, qui plurimum humanitatis habet. Alexandri Macedonis ut infinitam gloriam bellicae uirtus, ita praecipuum amorem humanitas meruit. Tu quoque Princeps clariss. ad conciliandam tibi omnium uoluntatem nullum genus nec humanitatis, nec beneficij praetermittis. maiora defers multis, quam uelint, plura quam sperare possint. quod etiam uelle magnitudinis esset, posse felicitatis. at uelle et posse perfectae absolutaeque uirtutis est. Sed haec sicut aeterna sunt memoria digna, ita epistolari angustia, meoque ingenio longe ampliora. Reliquum est Princeps sapientiss. ut Philosophiae eximus a pueritia cultor, Senecae philosophi sanctissimi, idest Romani Socratis tutelam & patrocinium suscipias. quem nos labore non exiguo, collatione diligenti ueterum exemplarium, paucis diebus non ut uolumus, sed ut potuimus emendatum, nitidioremque, quam ab hinc trecentis fuerit annis, in lucem, cum nostris annotationibus nudis, & raptim inter legendum excerptis, tui nominis auspicijs, pleni bonae spei emittimus. tu dabis felix exordium primae nostrae foeturae. Senecae quidem magna est & ex se apud homines eruditos authoritas, & gratia, sed illa quoque non parum accessionis sibi fore tuo fauore, & patrocinio sperat. Nostrae uero in illum annotationes boni consulent, si summam, tui nominis umbra tectae, euaserint reprehensionem. Nam praecclare scio non defuturos, qui me operam male locasse clamitent. multi enim audiores sunt inueniendi quae reprehendant, quam quae probent. Si autem aliquid

gratiæ consequentur, id totum tibi acceptum relaturæ. quam nec sperare alioqui auderent, nisi tibi nominatim inscriptæ essent. Multa etiam uilia templis consecrata, æstimationem à numinum maiestate accipiunt. Nihil siquidem est, unde aut fauorem, aut æstimationem, nisi à tui nominis dignitate, hæc nostra lucubratiuncula speret. quippe in qua nec sunt res secretiores, nec ubertas orationis, nec ulla ornamenta dicendi. nudis tantum uerbis apertius, & indoctius, atque, ut Græci dicunt, *παχυτέρα μόνον* cuncta quasi in transitu quæ breuissime notauimus. Nāq; ut eleganter ait Manilius,

» Ornari res ipsa negat, contenta doceri.

Neq; patiebatur hoc bimestre tempus, quo hæc inter alia studia per otium curauimus, uerba elegantiora exquirere, pluresq; ad hoc authores reuoluere. quorū alioqui nobis maxima erat penuria, unicū enim Pliniū comitem itineris mecum habebam, et forsitan coacti fuissetus hoc fructu, quisquis est, studiosos defraudare, nisi nobis tum Græcorū, tum Latinorum aliquot authorum copiam fecisset hospes meus Philippus Phoscarus Patritius Venetus, Marci Phoscarī clarissimi Senatoris filius, adolescens incipientis Iuuentæ, à teneris honeste educatus, disciplinis liberalibus ornatus, & præceptis sanctissimis institutus. Non nihil iuuat nos in hac re & Bonus Salutus iuuenis generosissimus, ac clarissimus, neq; à Musis, neque à Charitibus abhorrens, uirtutumq; excellentia, & ingenij sollertia maximis rebus domi, forisq; gerendis natus. quem nullus unquam egregius exercitus ducem, nulla resp. quolibet tempore principem sperneret. Hic tecum æqualibus ad uirtutem laudemq; & ad omne decus petendum facibus à prima ætate inflammatus. nunc etiam una tecum, ut fidus Achates, felicibus incrementis ad fastigium uirtutis progreditur. Præterea plurimum nobis præsidij tulit, ut ingenue fatear, maxima doctorum, doctrinarumq; parens domus Asulana. His itaque collectis, & contractis hinc inde auxilijs multa millia monstrorum, quæ Senecæ campos obsederant, iugulauimus. atque horum præsidijs, quicquid est hoc operis, magna ex parte effecimus. ego ipse mihi sum testis, quanta cura, quanto ue labore. Errant profecto, qui facilem putant authorum corruptorum castigationem, præsertim quando non aperta tantum sectari uolumus (ut faciunt nonnulli emendatores, qui magno gaudio, magna q; gloria se effrunt, si uel unicū non magni momenti locum in aliquo authore emundaerint, multo ante ab alijs, quos ipsi uel non uiderunt, uel se uidisse

astute dissimulant, ut alieni laboris, uirtutisq; gloriolam sibi uen-
dicent, emendatum) sed omnium sensuum concordiam, ac singulorum
uerborum dispositionem, pondus, & concentum perpendimus. tunc
in istis maior, quam pro existimatione difficultas. Qua forsitan nos ui-
cti, & territi à proposito fuisset, nisi tuae celsitudinis, cui hæc mun-
cipanda destinaram, respectus omnia leuiora, atque etiam suauia
fecisset. suscipe igitur Princeps humanis. læta fronte, atque eo, cuius
nobis semper spem dedisti, uultu hoc munus pusillum quidem, ac
tenue, sed tibi destinatum, ac deuotum, sed officiosum, sed mei
erga te animi, obseruantiaeq; in te meae non paruum indicium.
Quisquis Genius harum lucubrationum apud populum futurus
est, nos tamen amplissimam mercedem laborum, ac uigiliarum no-
strarum consecuti uidebimur, si tuum fauorem, ac patrocinium me-
ruerimus. Vale. Calendis Augusti. M D X X I I.

Handwritten text in a cursive script, likely a letter or a page from a manuscript. The text is written in dark ink on aged, slightly yellowed paper. The handwriting is dense and fills the upper portion of the page.

Handwritten text in a cursive script, continuing from the upper portion. The text is written in dark ink on aged, slightly yellowed paper. The handwriting is dense and fills the middle portion of the page.

Handwritten text in a cursive script, continuing from the middle portion. The text is written in dark ink on aged, slightly yellowed paper. The handwriting is dense and fills the lower portion of the page.

I
LVCII ANNEI SENECAE AD LVCILIVM

NATVRALIVM QVAESTIONVM LI-

BER PRIMVS DE IGNIBVS

COELESTIBVS ET DE

ARCV PRAEFATIO.

VANTVM inter philosophiam interest
Lucili uirorum optime, & ceteras artes, tan-
tum interesse existimo in ipsa philosophia, in-
ter illam partem, quæ ad homines, & hanc,
quæ ad deos pertinet. Altior est hæc, & ani-
mosior, multum permisit sibi, non fuit oculis
contenta. Maius esse quiddam suspicata est, ac

q pulchrius, quod extra conspectum natura posuisset. Deniq; tantum
inter duas interest, quantum inter deum, & hominem. Altera docet
quid in terris agendum sit, altera quid agatur in cælo. Altera er-
rores nostros discutit, & lumen admouet, quo discernantur ambigua
uitæ, altera multo supra hanc caliginem, in qua uolutamur, exce-
dit, & e' tenebris ereptos illo' perducit, unde lucet. Equidem tunc
naturæ rerum gratias ago, cum illam non ab hac parte uideo, quæ
publica est, sed cum secretiora eius intraui, cum disco quæ uniuersi
materia sit, quis author sit, aut custos, quid sit deus, totus in se inten-
dat, an & ad nos aliquando respiciat. Faciat quotidie aliquid, an
semel fecerit. Pars mundi sit, an mundus, liceat illi hodieq; decernere,
& ex lege fatorum aliquid derogare, an maiestatis diminutio sit, et
confessio erroris mutanda fecisse. Necesse est enim ei eadem placere,
cui nisi optima placere non possunt. Nec ob hoc minus liber, & po-
tens est, ipse enim est necessitas sua. Nisi ad hæc admitterer, non fue-
rat operæpretium nasci. Quid enim erat, cur in numero uiuentium
me positum esse gauderem? an ut cibos & potiones percolarem? ut
hoc corpus casurum ac fluidum, periturumq; nisi subinde implea-
tur, farcirem, et uiuerem ægri minister? ut mortem timerem? cui uni
omnes nascimur. Detrahe hoc inæstimabile bonum, non est uita tanti,
ut sudem, ut æstuem. O q̄ contempta res est homo, nisi supra huma-
na se erexerit. Quandiu cum affectibus colluctamur, quid magnifici
facimus? Etiam si superiores sumus, portenta uincimus, quid est, cur
suspiciamus nosmetipsos, quia dissimiles deterrimis sumus? Non ui-

LIBER

deo quare sibi placeat, qui robustior est ualutinario. Multū interest inter uiuers et bonam ualutinem. Effugisti uitia animi, non est tibi frons ficta, nec in alienam uoluntatem sermo compositus, nec cor inuolutum, nec auaritia, quæ quicquid omnibus abstulit, sibi ipsi negat. Nec luxuria, pecuniam turpiter amittens, quam turpius reparet. Nec ambitio, quæ te ad dignitatem, nisi per indigna, non ducet, nihil adhuc consecutus es, multa effugisti, te nondum. Virtus enim ista, quæ affectamus, magnifica est. Non quia per se beatum est malo caruisse, sed quia animum laxat, ac præparat ad cognitionem cœlestium, dignumq; efficit, qui in consortium dei ueniat. Tunc consummatum habet plenumq; bonum sortis humanæ, cum calcato omni malo petit altum, et in interiorem naturæ sinum uenit. Tunc iuuat inter sydera ipsa uagantem diuitum pauimenta ridere, et totam cum auro suo terram. Non illo tantum dico, quod egressit, et signandū monetæ dedit, sed et illo quod in occulto seruat posterorum auaritiæ. Nec potest ante contemnere porticus, et lacunaria ebore fulgentia, et tonsiles syluas, et derivata in domos flumina, quæ totum circumeat mundum, et terrarum orbem superne deficiens angustum, et magna ex parte opertum mari, etiam ea parte qua extat late squalidum, et aut uisum, aut rigentem, sibi ipse ait. Hoc est illud punctum, quod inter tot gentes ferro et igni diuiditur. O quæ ridiculi sunt mortalium termini. Ultra Istrum Dacus non exeat, Isthmus Samothrace includat, Parthis obstet Euphrates, Danubius Sarmaticæ ac Romana distermnet, Rhenus Germaniæ modum faciat, Pyreneus medium inter Gallias et Hispanias iugum extollat, inter Aegyptum et Aethiopias arenarum inculta uastitas iaceat. Siquis formicis det intellectum hominis, nonne et illæ unam aream in multas prouincias diuident? Certe si illam, ut magnam sustuleris, quoties uidebis exercitus sub multis ire uexillis, et quasi magnum aliqd agatur, eoque modo ulteriora exploratē, modo a lateribus affusum, libebit dicere,

» It nigrum campis agmen.

Formicarum iste discursus est in angusto laborantium. Quid illis et uobis interest, nisi exigui mensura corpusculi? punctum est illud, in quo nauigatis, in quo bellatis, in quo regnatis, * Ponitis minima etiam cum illis. Vtrinque oceanus incurrit. Sursum ingentia spatia sunt, in quorum possessionem animus admittitur, at ita, si minimum secum ex corpore tulit, si sordidum omne deterisit, et expeditus leuisq; ac contentus modico emicuit. Cum illa tetigit, alitur, crescit, ac uelut uinculis liberatus, in originem redit. Et hoc habet argumentū diuinitatis

diuinitatis suæ, quod illū diuina delectant, nec ut alienis, sed interest ut suis. Secure spectat oasus syderum, atq; ortus, & tam diuersas concordantiū uias, obseruat ubiq; quæ stella proximū terris lumen ostendat, ubi culmen eius summum, qua cursus sit, quousq; descendat. Curiosus spectator excutit singula, & quærit. Quid ni quærat? scit illa ad se pertinere. Tunc contemnit domicilij prioris angustias, quantum enim est, quod ab ultimis litoribus Hispaniæ usq; ad Indos iacet? paucissimorum dierum spatium, si nauem suus uentus impleuit. At illa regio cœlestis p̄ triginta annos uelocissimo syderi uiam præstat nunq̄ resistenti, sed æqualiter cito. Illic demum discit, quod diu quæsiuit. Illic incipit deum nosse. Quid est deus? mens uniuersi. Quid est deus? Quod uides totum, & quod non uides totum. Sic demum magnitudo sua illi redditur, quia nihil maius excogitari potest. Si solus est omnia, opus suum & extra et intra tenet. Quid ergo interest inter naturam dei, & nostram? Nostri melior pars animus est, in illo nulla pars extra animum, totus ratio est. Cum interim tantus error mortalia teneat, ut hoc, quo neq; formosius est quicq̄, nec dispositius, nec in proposito constantius, existiment homines fortuitum & casu uolubile, ideoq; tumultuosum inter fulmina, nubes, tempestates, & cætera, quibus terræ, ac terris uicina pulsantur. Nec hæc intra uulgum dementia est, sed sapientiam quoq; professos contingit. Sunt qui putent sibipsis animum esse, & quidem providū ac dispensantem singula, & sua & aliena, hoc autem uniuersum, in quo nos quoq; sumus, expers esse consilij, & aut ferri temeritate quadam, aut natura nesciente quid faciat. Quam utile existimas ista cognoscere, & rebus terminos ponere, quantum deus possit materiam ipse sibi formet, an ea utatur, utrum idea materiæ prius superuenit, an materia ideæ, deus quicquid uult efficiat, an in multis rebus illum tractanda destituant, & à magno artifice prauè formantur multa, non quia cessat ars, sed quia id in quo exercetur, sæpe inobseques arti est? Hæc inspicere, hæc discere, his incumbere, non ne transilire est mortalitatem suam, & in meliorem transcribi sortem? Quid tibi inquis ista proderunt? si nil aliud, hoc certe, sciam omnia angusta esse. Sed hæc deinde.

Caput I.

Vnc ad propositum ueniam opus. Audi quid de ignibus philosophia uelit, quos aër transfusus agit. Magna ui illos excuti argumentum est, quod obliqui feruntur, & prærapida celeritate, apparet illos non ire, sed proijci. Ignium multæ uariæq; facies sunt. Aristoteles quoddam genus illorū Capram uocat.

Si me interrogaueris quare, prior mihi rationē reddas oportet, quare Hædi nocentur. Si autem, quod cōmodissimum est, conuenerit inter nos, ne alter alterum interroget, quid dicit ille, responde. Satus erit de re ipsa quærere, q̄ mirari quid ita Aristoteles globum ignis appellauerit Capram. Talis fuit forma eius, q̄ bellū aduersus Persen Paulo gerente, lunari magnitudine apparuit. Nos quoq; uidimus non semel flammam ingentis pilæ specie, quæ tamen in ipso cursu suo dissipata est. Vidimus circa diui Augusti excessum simile prodigium, Vidimus cum de Seiano actum est. Nec Germanici mors sine denunciatione tali fuit. Dices mihi, ergo tu in tantis erroribus es, ut existimus deos motuum signa præmittere, & quicq̄ esse in terris tam magnum, quod perire mundus denunciet. Erit aliud istius rei tempus. Videbimus an certus omnium rerum ordo ducatur, & alia alijs ita complexa sint, ut quod antecedit, aut causa sit sequentium, aut signum. Videbimus an dijs humana sint curæ, an series ipsa qd factura sit, certis rerum notis nunciet. Interim illud existimo, huiusmodi ignes existere aëre uehementius trito, cum inclinatio eius in alteram partem facta est, & non cessit, sed inter se pugnavit. Ex hac uexatione nascuntur trabes, & globi, & facies, & ardores. At cum leuius collisus, & (ut ita dicam) frictus est, minora lumina excutuntur, crinemq; uolantia sydera ducunt. Tunc ignes tenuissimè iter exile designant, & cœlo producunt. Ideo nulla sine eiusmodi spectaculis nox est. Non enim opus est ad efficienda ista magno aeris motu. Deniq; (ut breuiter dicam) eadē ratione fiunt ista, qua fulmina, sed ui minore. Quēadmodū nubes mediocriter collisæ fulgurationes efficiūt, sed maiore impetu impulsæ, fulmina, sic quanto illas minus presseris, tātō leuiores fulmina emittunt. Aristoteles eiusmodi rationē reddit. Varia & multa terrarum orbis expirat, quædam humida, quædam siccæ, quædam calentia, quædā concipiendis ignibus idonea. Nec mirum est, si terris omnis generis, & uaria euaporatio est, cum in cœlo quoq; non unus appareat color rerum, sed acrior sit caniculæ rubor, Martis remissior, Iouis nullus, in lucem puram nitore perducto. Necesse est ergo in magna copia corpusculorum, quæ terræ eiectant, & in superiorem agunt partem, aliqua in nubes peruenire alimenta ignium, quæ non tantum collisa possint ardere, sed etiam afflata radijs solis. Nam apud nos quoq; sarmenta sulfure aspersa ignem ex intervallo trahunt. Veri ergo simile est, talem materiam inter nubes congregatam facile succendi, & maiores minoresue ignes existere, prout illis fuit plus, aut minus uirium. Illud enim

enim stultissimum est existimare, aut stellas decidere, aut transilire, aut aliquid illis auferri et abradi, nam si hoc fuisset, iam defuissent, nulla enim nox est, qua non plurimæ ire, & in diuersum uideantur abduci. Atqui, quo solent, quæq; inueniuntur loco, magnitudo sua singulis constat. Sequitur ergo, ut infra illa, ista nascantur, & citò intercadant, quia sine fundamento sunt, & sede certa. Quare ergo etiā non interdiu transferuntur? Quid si dicam stellas interdiu non esse, quia non apparent? Quemadmodum illæ latent, & solis fulgore obumbrantur, sic facies quoq; transcurrunt interdiu, sed abscondit eas diurni luminis claritas. Si quando tamen tāta uis emicuit, ut & aduersus diem uendicare sibi suum fulgorem possint, apparent. Nostra quoq; ætas non semel uidit diurnas facies, alias ab oriente in occidentem uersas, alias ab occasu in ortum. Argumentum tempestatis nautæ putant, cum multæ transuolant stellæ, quod si signum uentorum est, ibi uenti sunt, id est in aëre, qui medius inter lunam & terram est. In magna tempestate apparent quasi stellæ uelo insidentes, adiuari se tunc periclitantes existimant Pollucis & Castoris numine, causa autem melioris spei est, quod iam apparet frangere tempestatem, & desinere uentos. Aliquando feruntur ignes non sedent, Gylippo Syracusas petenti uisa est stella super ipsam lanceam constitisse, in Romanorum castris uisa sunt ardere pila, ignibus scilicet in illa delapsis, qui sæpe fulminum modo animalia ferire solent, & arbusta, sed si minore ui mittuntur, defluunt tantum, & insidunt, non feriunt, nec uulnerant. Alij inter nubes eliduntur, alij sereno, si aër ad exprimendum ignis aptus fuit. Nā sereno quoq; cœlo aliquando tonat, ex eadem causa, qua nubilo, aëre inter se colliso, qui etiam si est lucidior, ac siccior, coire tamen, & facere corpora quædam similia nubibus potest, quæ percussa reddant sonum. Quandoq; igitur fiunt trabes, quandoq; clypei, et uastorum imagines ignium, ubi in talē materiā incidit similis causa, sed maior. Caput II.

Ideamus nunc quemadmodum fiat is fulgor, qui sydera circumnectit. Memoriae proditum est, quo die diuus Augustus urbem, ex Apollonia reuersus, intrauit, circa solem uisum coloris uarij circulum, qualis esse in arcu solet, hunc græci *ἀλωρ* uocant, nos dicere coronam aptissime possumus. Quemadmodum fieri dicantur, exponam. Cum in piscinam lapis missus est, uidemus in multos orbes aquam descendere, & fieri primum angustissimum orbem, deinde laxiores, ac deinde maiores, donec euane=

quiddam cogitemus fieri etiam in aëre, cum spissior factus plagam sentire potest, lux solis, aut lunæ, uel cuiuslibet syderis incurrens, recedere illum in circulos cogit. Nam humor & aër, & omne quod ex ictu formam accipit, in talem habitum impellitur, qualis est eius, quod impellit. Omne autem lumen rotundum est, ergo & aër percussus lumine hunc modum exhibet. Ob hoc tales splendores græci areas uocauerunt, quia fere terendis frugibus loca destinata sunt rotunda. Nos autem non existimamus istas, siue arcæ, siue coronæ sint, in uicinia syderum fieri, plurimum ab his absunt, quāuis cingere ea, et coronare uideantur. Non longe a terra fit talis effigies, quam uisus noster, solita imbecillitate deceptus, arcæ ipsam sydus putat positā. In uicinia autem solis, & stellarum nihil tale potest fieri, quia illic æther tenuis est. Nam formæ crassis demum, spissisq; corporibus imprimi solent, in subtilibus non habent ubi consistent, aut hæreant. In balneis quoq; circa lucernam tale quiddam aspici solet, ob aëris densi obscuritatem, frequentissime autem austro, cum cælum maxime graue & spissum est. Nonnunquam paulatim diluuntur et desinunt, nonnunquam ab aliqua parte rumpuntur, & inde uentum nautici expectant, unde contextus coronæ perit. Si a septentrione discesserit, Aquilo erit, si ab occidente, Fauonius. Quod argumentum est, inter eam partem cæli has fieri coronas, inter quā uenti quoq; esse solent. Superiora autem non habent coronas, quia ne uentos quidem. His argumentis & illud adijce, nullā coronam colligi nisi stabili aëre, & pigro uento, aliter non solet aspici, Nam qui stat aër, impelli, & deduci, et in aliquam faciem fingi potest, is autem qui fluit, nec feritur quidem lumine, non enim formatur, nec resistit, quia prima quæq; pars eius dissipatur. Nunquam ergo aliquod sydus talē sibi effigiem circūdabit, nisi cum aër erit densus, atq; immotus, & ob hoc custodiens incidentem in se rotundi lineam luminis, nec sine causa. Repete igitur exemplum, quod paulo ante proposui, Lapillus in piscinam aut lacum, & aliquam alligatam aquam missus, circulos facit innumerabiles, at hoc quid non facit in flumine. Quare? quia omnē figuram fugiens aqua disturbat. Idem ergo in aëre euenit, ut ille qui manet possit figurari, at ille qui rapitur, & currit non det sui potestatem, & omnem ictum, uenientemq; formam exturbet. Hæ de quibus dixi coronæ cum dilapsæ sint æqualiter, & in semetipsis euanuerint, significatur aëris quies et otium, & tranquillitas. Cum ad unam partem cesserint, illinc uentus est, unde finduntur, si ruptæ pluribus locis sunt, tempestas fit. Quare id accidat, ex his quæ iam proposui, intelligi potest. Nā si facies uni-
uersa

uersa subsedit, apparet temperatum esse aëra. Si ab una parte interisa est, apparet inde aëra incumbere, & ideo illa regio uentum dabit. At cum undiq; & concerpta, & lacerata est, manifestum est a pluribus partibus in illam impetum fieri, & inquietum aëra hinc atq; hinc assilire, itaq; ex hac inconstantia coeli, tā multa tentantis, et undiq; laborantis, futura tempestas uentorū plurium apparet. Hæ coronæ noctibus fere circa lunam, et alias stellas notantur, interdū raro, adeo ut qdam ex Græcis negauerint eas omnino fieri, cū illos historiae coarguant. Causa autem raritatis hæc est, quod solis fortius lumen est, & aër agitated ab illo, calefactusq; solutior est, lunæ autē inertior uis est, & ideo a circumposito aëre facilius sustinetur, æque sydera cætera infirma sunt, nec perumpere aëra ui sua possunt. Excipitur itaq; illorū imago, & in materia solidiore, ac minus cedente uersatur. Debet enim aër nec tam spissus esse, ut excludat, ac submoueat a se lumen immissum, nec tam tenuis & solutus, ut nullam uenientibus radijs morā præbeat. Hæc noctibus tēperatura contingit, cū sydera coniectum aëra luce leui non pugnaciter, nec aspere feriūt, spissioremq; q̄ solet esse interdū, inficiunt. Caput III.

¶ Contra arcus in nocte non fit, nisi admodum raro, quia luna non habet tantum uirium, ut nubes transeat, & illis colorem suffundat, qualem accipiunt sole perstrictæ. Sic enim formam arcus discoloris accipiunt, quia aliæ partes in nubibus tumidiore sunt, aliæ submissiores, quædam crassiores, q̄ ut solem transmittant, aliæ imbecilliores, q̄ ut excludat. Hæc inæqualitas alternis lucē umbramq; pmiscet, & exprimit illam mirabilem arcus uarietatem. Altera causa eiusmodi arcus redditur. Videmus cum fistula aliquo loco rupta est, aquam p tenue foramen elidi, quæ sparsa contra solem oblique positum, faciem arcus representat. Idem uidebis accidere, si quando uolueris obseruare fullonem, cum os aqua impleuit, & uestimenta tendiculis diducta leuiter aspergit, apparet uarios edi colores in illo aëre asperso, quales in arcu fulgere solent. Huius rei causam in humore esse nō dubitaueris, non fit enim unq̄ arcus nisi núbilo. Sed queramus quomodo fiat. Quidam aiunt esse aliqua stillidia, quæ solē transmittant, quædā magis coacta, q̄ ut transluceant, itaq; ab illis fulgorem reddi, ab his umbram, & sic utriusq; inter cursu effici arcum, in quo pars fulgeat, quæ solē recipit, pars obscurior sit, quæ exclusit, & ex se umbram proximis fecit. Hoc ita esse qdā negant, poterat enim umbra, et lux causa uideri, si arcus duos tātū haberet colores, et sic ex lumine umbrāq; cōstaret,

- » Sed nunc diuersi niteant cum mille coloribus
 » Transitus ipse tamen spectantia lumina fallit,
 » Vsq; adeo quod tangit idem est, tamen ultima distant.

Videmus in eo aliquid flammei, aliquid lutei, aliquid caerulei, & alia in picturae modum subtilibus lineis ducta, ut ait Poëta, ut an dissimiles colores sint, scire non possis, nisi cum primis extrema contuleris. Nam commissura decipit, usque adeo mira arte naturae, quod a simillimis coepit, in dissimillima desinit. Quid ergo istic duo colores faciunt luminis atque umbræ, cum innumerabilium ratio reddenda sit? Qui ita existimant arcum fieri, dicunt in ea parte, in qua pluit, singula stillicidia pluuie cadentis, singula specula esse, a singulis ergo imaginem reddi solis, deinde multas imagines, immo innumerabiles, & deuexas, & in præceps transeuntes confundi. Itaque & arcum esse multarum imaginum solis confusiones. Hoc sic colligunt. Peluers inquirunt, mille die sereno pone, & omnes habebunt imaginem solis. In singulis folijs dispone singulas guttas, singulae habebunt imaginem solis. At contra ingens stagnum non habebit nisi imaginem unam. Quare? quia omnis circumscripta leuitas, uel planities, & circumdata suis finibus, speculum est. Itaque piscinam ingentis magnitudinis, insertis parietibus, in plures diuide, totidem illa habebit imagines solis, quot lacus habuerit. Relinque illam sicut est diffusa, semel tibi imaginem reddet. Nihil refert quam exiguus sit humor, aut lacus, si circumseptus est, speculum est. Ergo stillicidia illa infinita, quæ imber cadens defert, totidem specula sunt, & totidem solis facies habent. Hæ contra intuenti perturbatæ apparent, nec discernuntur intervallo, quibus singula distant, spatio prohibente discerni, deinde pro singulis apparet una facies turbida ex omnibus. Aristoteles idem iudicat. Ab omni, inquit, leuitate acies radios suos replicat, nihil autem leuius aqua et aëre, ergo etiam ab aëre spisso uisus noster in nos redit. Vbi uero hebes, et infirma est acies, quolibet aëris ictu deficiat. Quidam hoc genere ualitudinis laborant, ut ipsi sibi uideatur occurrere, ut ubique imaginem suam cernant. Quare? quia infirma uis oculorum non potest ne proximum quid sibi aërem prumpere, sed resistit. Itaque quod in alijs efficit densus aër, in his facit omnis, satis enim ualet qualiscunque, ad imbecillam aciem repellendam. Longe autem magis uisum nostrum nobis remittit, quod crassior est, & princi non potest, sed radios luminum nostrorum moratur, & eo unde exierint, reflectit. Ergo cum multa stillicidia sint, totidem specula sunt, sed quia parua sunt, solis colorem sine figura exprimunt. Deinde cum in stillicijs innumerabilibus, et sine intervallo cadentibus

bus reddatur idē color, incipit facies esse nō multarū imaginum in-
 termissarū, sed unius longæ atq; cōtinuæ. Quomodo, inquis, tu mihi
 multa milia sic imaginū esse, ubi nullā uideo? Et quare cum solis
 color unus sit, imaginū diuersus est? Vt & hæc quæ proposuisti re-
 fellā, & alia quæ nō minus refellenda sunt, illud dicā oportet, nihil
 acie nostra fallacius, nō tantū in his, a' qbus subtiliter puidendis illā
 colorū diuersitas summoet, sed etiā in his quoq; , quæ ad manum
 cernit. Remus integer in tenui aqua fracti speciei reddit. Poma p uitrū
 aspicientibus multo maiora sunt, Columnarū internalla porticus lon-
 giores iungunt. Ad ipsum solē reuertere, hunc, quē toto orbe terra-
 rum maiore probat ratio, acies nostra sic cōtraxit, ut sapientes uiri
 pedalē esse contenderint. Quē uelocissimū omniū esse scimus, nemo
 nostrū uidet moueri, nec ire crederemus, nisi appareret isse. Mundū
 ipsum præcipiti uelocitate labentē, & ortus occasusq; intra momen-
 tum tēporis reuoluentē, nemo nostrum sentit procedere. Quid ergo
 miraris, si oculi nostri innumerabilia stillicidia nō separent, & in-
 genti spatio intuetibus minutarū imaginum discrimen interit? Illud
 esse dubiū nulli potest, quin arcus imago solis sit roscida, & caua nu-
 be concepta, quod ex hoc tibi appareat. Nunq̃ non aduersa soli est,
 sublimis aut humilis, prout ille se submisit, aut sustulit contrario mo-
 tu. Illo enim descendente altior est, alto depressior. Sæpe talis nubes
 a' latere solis est, nec arcū efficit, q̃a non ex recto imaginem trahit.
 Varietas autē non ob aliā causam fit, quā q̃a pars coloris sole
 est sparsa, pars nube illa. Humor autem modo cœruleas lineas, modo
 uirides, modo purpuræ similis, & luteas, aut igneas ducit, duobus
 coloribus hanc uarietatem efficientibus, remisso & intento. Sic enim
 & purpura eodē conchylio nō in unum modū exit, interest quantū
 macerata sit, crassius medicamētū, an aquatius traxerit, sæpius mer-
 sa sit, an excocta, an semel tincta. Nō est ergo mirū, cū duæ res sint,
 sol & nubes, id est corpus, & speculū, si tam multa genera colorum
 exprimuntur, q̃ in multis generibus possunt aut incitari, aut languere,
 aliis enim est color ex igneo lumine, aliis ex obtuso & lenio-
 re. In alijs rebus uaga inq̃sitiō est, ubi nō habemus quod manu tenere
 possimus, & late coniectura mittenda est, hic apparet duas causas
 esse arcus, solē nubemq; , q̃a nec sereno unq̃ fit, nec ita nubilo, ut sol
 lateat. Ergo utiq; ex his est, quorū sine altero non est. Caput IIII.

i Am nunc illud accedit, quod æque manifestum est, speculi
 ratione imaginē reddi, q̃a nunq̃ nisi ex cōtrario redditur,
 id est, nisi ex altera parte steterit, quod apparet, ex altera

quod ostendit. Rationes quæ non persuadent sed cogunt, à geometris adferuntur, nec dubiū quicquid relinquitur, quin arcus imago solis sit male expressi, ob uitii figuramque speculi. Nos interim repetimus alias probationes, quæ de Platone legi possunt. Inter argumenta sic nascentis arcus pono, quod celerrime nascitur, igneum enim uariumque corpus coelo intra momentum subtexitur, et æque celeriter aboletur, nihil autem tam cito redditur à speculo, quam imago, non enim facit quicquam, sed ostendit. Parianus Arthemidorus adiicit, et quale genus nubis esse debeat, quod tale soli imaginem reddit. Si speculū, inquit, concavū feceris, quod sit sectæ pilæ pars, si extra mediū constiteris, quicunque iuxta te steterint, universi à te videbuntur propiores tibi, quam speculo. Idem, inquit, evenit, cum rotundā, et cavam nubem intuemur à latere, ut solis imago à latere discedat, propiorque nobis sit, et in nos magis conuersa. Color igitur igneus à sole est, cæruleus à nube, cæteri utriusque mixturæ.

Caput V.

Contra hæc illa dicuntur. De speculis duæ opiniones sunt, alij enim in his simulachra cerni putant, id est corporum nostrorum figuras à nostris corporibus emissas, ac separatim, alij imagines aiunt non esse in speculo, sed ipsa aspici corpora, re-torta oculorum acie, et in se rursus reflexa. Nunc nihil ad rem pertinet, quomodo ipsas uideamus, sed quomodo imago similis debet è speculo reddi. Quid nam est tam dissimile, quam sol et arcus, in quo neque color, neque figura solis, neque magnitudo apparet? Arcus longior ampliorque est, longeque ea parte, qua fulget, rubicundior quam sol, cæteris uero coloribus diuersus. Deinde cum uelis speculū aëri comparare, des oportet mihi eandem leuitatē corporis, eandem æqualitatē, eundem nitore. Atqui nullæ nubes habent similitudinē speculi, per medias sæpe transimus, nec in illis nos cernimus. Qui montium summa conscendunt, spectant nubem, nec tamen imaginem suā in illa cernunt. Singula stillicidia singula specula sunt. Concedo, sed illud nego ex stillicijs consistere nubem, habet enim quædam, ex quibus fieri stillicidia possunt, non ipsa. Nec aqua quid habent nubes, sed materiā futuræ aquæ. Concedā tibi et guttas innumerabiles in nubibus esse, et illas faciem reddere, non tamen omnes unam reddunt, sed singulæ singulas. Deinde inter se specula coniunge, in unam imaginē non coibunt, sed quæque particula in se rei similitudinē claudet. Sunt quædam specula ex multis minutisque composita, quibus si unum ostenderis hominem, populus apparet, unaquaque parte faciem suā exprimente. Hæc cum sint coniuncta, et simul collocata, nihilominus seducunt imagines suas, et ex uno turbam efficiunt. Cæterum cæternam

illam non confundunt, sed diremptam in facies singulas distrahunt. Ergo arcus uno circūscriptus ductu, una totus est facies. Quid ergo, inquit, nō et aqua, rupta fistula, sparsa, et remota excussa habere quiddam simile his, quos uidemus in arcu, coloribus solet? Verum est, sed nō ex hac causa, ex qua tu uideri uis, quia unaquæque stilla recipit imaginem solis, citius enim cadūt stillæ, quā ut concipere imaginē possint, standū est, ut id quod imitantur excipiant. Quid ergo fit? Colorem non imaginē ducunt aliquo modo, ut ait Nero Cæsar disertissime.

Colla Cytheriacæ splendent agitata columbæ.

Et uarijs coloribus pauonum ceruix, quoties aliquod defleetur, nitet. Nunquid ergo dicemus specula eiusmodi plumas, quarū omnis inclinatio in colores novos transit? Non minus nubes diuersam speculis naturā habent. Aues, quas retuli, et Chamæleontes, et reliqua animalia, quorū color aut ex ipsis mutatur, cū ira, uel cupidine accensa, cutem suā uariant humore diffuso, aut positione lucis, quam prout rectam, uel obliquam receperint, ita colorantur. Quid enim simile speculis habent nubes, cū illæ non pluceant, hæc transmittant lucē? Illæ densæ et coactæ, hæc rara sint? Illa eiusdem materiæ tota, hæc ex diuersis temere cōpositæ, et ob hoc discordes, nec diu cohesuræ? Præterea uidemus ortu solis partē quandā cœli rubere, uidemus nubes aliquando ignei coloris. Quid ergo prohibet, quomodo hunc colorem unū accipiunt solis ocurso, sic multos ab illis trahi, quis non habeat speculi potentiā? Modo, inquit, inter argumenta ponebas semper arcū contra solē excitari, quia ne a speculo quidē imago redderetur, nisi aduerso. Hæc, inquit, quæstio nobiscū est, nā quemadmodū opponendum est speculo id cuius in se imaginē transferat, ita sol ad hoc apte ponendus est, sic, ut nubes infici possit, non enim idē facit si undique fulsit, et ad hoc opus est radiorū idonea locatio. Hæc dicuntur ab his, qui uideri uolūt nubē colorari. Possidonius, et hi qui speculari ratione talē effici iudicant uisum, hoc respondent. Si ullus esset in arcu color, permaneret et uideretur eodem manifestius, quod propius, nūc imago arcus ex longinquo clara est, interit cū e vicino est uētur. Huic cōtradictioni nō consentio, cū ipsam sententiā probē. Quare? dicā, quia coloratur quidē nubes, sed ita ut color eius nō undique appareat, nā ne ipsa quidē undique apparet, nubē. n. nemo, qui in ipsa est, uidet. Quid ergo mirū, si color eius nō uidetur ab eo, a quo ipsa nō uisitur? Atque quis ipsa nō uideatur, est, ergo et color. Ita nō est argumētū falsi coloris, quod idē apparere accedētibz desinit, idē. n. i. ipsis euenit nubibus, nec ideo falsæ sunt, quia nō uidetur. Præterea cū dicitur tibi nubē sole esse suffectam,

non dicitur tibi colorem illum immixtum esse uelut dum duro corpori, ac stabili, & manenti, sed ut fluido, & uago, et nihil amplius quàm per breuem speciem recipienti. Sunt etiam quidam colores, qui ex intervallo uim suam ostendunt. Purpuram tyriam quod melior, saturiorque est, eo oportet ut altius teneas, ut fulgorem suum ostendat. Non tamen ideo non habet illa colorem, quia, quem optimum habet, non, quomodocumque explicentur, ostendit. In eadem sententia sum, qua Possidonius, ut arcum iudicem fieri nube formata in modum concavi speculi & rotundi, cui forma sit partis pilae sectae. Hoc probari, nisi geometrae adiuerint, non potest, qui argumentis nihil dubij relinquentibus docent solis illam esse effigiem, non similem, neque enim omnia aduersus specula respondent. Sunt quae uidere extimescas, tanta deformitate corrupta, ut faciem uisentium reddant, seruata similitudine in peius, sunt quae cum uideris, placere tibi uires tuae possint, in tantum lacerti crescunt, & totius corporis supra humanam magnitudinem habitus augetur, sunt quae dexteris facies ostendant, sunt quae sinistras, sunt quae torqueant & euertant. Quid ergo mirum est, eiusmodi speculum, quo solis species uitiosa reddatur, in nube quoque fieri?

Caput VI.

Inter cetera argumenta et hoc erit, quod nunquam maior arcus dimidio circulo apparet, & quod eo minor est, quod altior est sol, * ut ait Virgilius noster.

» = Et bibit ingens Arcus: cum adueniat imber, sed non easdem, unde cunque apparuerit, minas affert. A meridie ortus magnam uim aquarum uehet, uinci enim non poterunt uehementissimo sole, tantum est illis uirum. Si circa occasum refulget, rorabit, & leuiter impluet. Si ab ortu, circa ues surrexerit, serena promittit. Quare tamen, si imago solis est arcus, longe ipso sole maior apparet? Quia est alicuius speculi natura talis, ut maiora multa, quam uideat, ostendat, et in portentosam magnitudinem augeat formas, alicuius inuicem talis est, ut minuat. Illud mihi dic, quare in orbe eat facies, nisi orbi redditur? Dices fortasse unde sit illi color uariis, unde talis figura sit, non dices, nisi aliquod exemplar, ad quod formetur, ostenderis, nullum autem aliud quam solis est, a quo cum fatearis illi colorem dari, sequitur ut detur & forma. Denique inter me & te conuenit, colores illos, quibus regio coeli depingitur, a sole esse, illud unum inter nos non conuenit, tu dicis illum colorem esse, ego uideri, qui siue est, siue uidetur, a sole est. Tu non expedies, quare color ille subito desinat, cum omnes fulgores paulatim discutiatur. Pro me est & repentina eius facies, et repentinus

interitus. Proprium enim est speculi hoc, quod non per partes struitur, quod apparet, sed statim totum fit. Aequè cito omnis imago in illo aboletur, quàm ponitur. Nihil enim aliud ad ista efficienda uel remouenda opus est, quàm ostendi, & abduci. Non est propria in ista nube substantia, nec corpus, sed mēdax est sine re similitudo. Vis scire hoc ita esse? Desinet arcus, si obtexeris solem. Oppone inquam, soli alteram nubem, istius uarietas peribit. At maior est aliquanto arcus, quam sol. Dixi modo fieri specula, quæ multiplicent omne corpus, quod imitantur. Illud adiiciam omnia per aquam uidentibus longe esse maiora. Literæ quamuis minutæ, & obscuræ per uitream pilam aqua plenam, maiores clariorēq; cernuntur. Poma formosiora q̄ sint uidentur, si innatant uitro. Sydera ampliora per nubem aspicienti cernuntur, quia acies nostra humido labitur, nec apprehendere, quod uult, fideliter potest. Quod manifestum fiet, si poculum adimpleueris aqua, & in id conieceris annulum, nam cum in ipso fundo iaceat annulus, facies eius in summo aquæ redditur. Quicquid uidetur per humorem, longe amplius uero est. Quid mirum maiore uideri imaginem solis, quæ in nube humida uisitur? cum de causis duabus hoc accidat, quia in nube est aliquid uitro simile, quod potest perlucere, est aliquid & aquæ, quam si non dum habet, tamen iam apparet eius natura, in quā ex sua uertatur.

Caput VII.

Voniam, inquis, uitri fecisti mentionem, ex hoc ipso contra te argumentum sumam. Virgula solet fieri uitrea, stricta, uel pluribus angulis in modum clauæ tortuosæ, hæc si ex transuerso solem accipit, colorem talem, qualis in arcu uideri solet, reddit, ut scias hic non imaginem solis esse, sed coloris imitationem ex repercusso. In hoc argumento multa sunt pro me, primum quod apparet quiddam leue esse debere, simile speculo, quod solem repercutiat, Deinde quod apparet non fieri ullum colorem, sed speciem falsi coloris, qualem, ut dixi, columbarum ceruix et sumit & ponit, utcunq; deflectitur, hoc autem & in speculo est, cuius nullus uidetur color, sed simulatio quædam coloris alieni. Vnum tamen hoc soluendum est, quod non uisitur in illa uirgula solis imago, cuius bene exprimendæ capax nō est. Illa conatur quidē reddere irraginem, quia leuis est materia, & ad hoc habilis, sed non potest, quia enormiter facta est. Si apte fabricata foret, totidem redderet soles, quot habuisset insecturas, quæ, quia non discernuntur inter se, nec satis in uicem speculi nitent, inchoant tantū imagines, nec exprimunt, & ob ipsum uicina turbant, & in speciem coloris unius adducunt.

LIBER

Caput VIII.

T quare arcus non implet orbem, sed dimidia pars eius uidetur, cum plurimū porrigitur, incuruaturq. Quidam ita opinantur, Sol cum sit multo altior nubibus, a superiore tantum illas percutit parte, sequitur ut inferior pars earum nō tangatur lumine. Ergo cum ab una parte solem accipiant, unam partem eius tantum imitantur, quæ nunquam dimidia maior est. Hoc argumentum parū potens est. Quare? quia quamuis sol a superiori parte sit, totam tamen percutit nubem, ergo contingit. Quid ni? cum radios transmittere soleat, & omnem densitatem perrūpere? Deinde contrariam rem proposito suo dicunt. Nam si superior est sol, & ideo tantum superiori parti nubium affunditur, nunquam terra tenus descendit arcus, atqui usq; in humum demittitur. Præterea nunquā non contra solem est arcus. Nihil ad rem p̄tinet, supra infraue sit, quia totum, quod contra est, latus uerberatur. Deinde aliquando arcum & occidens facit, cum certe ex inferiori nubes ferit, terris propinquus. Atqui & tunc dimidia pars est, quamuis solem nubes ex humili & sordido accipiant. Nostri qui sic in nubilo, quomodo in speculo lumen reddi uolunt, nubem cauam faciunt, & sectæ pilæ partem, quæ non potest totum orbem reddere, quia ipsa est pars orbis. Proposito accedo, argumento non consentio. Nam si in concavo speculo tota facies oppositi orbis exprimitur, & in semiorbe nihil prohibet aspici totam pilam, Etiamnum diximus circulos apparere soli lunæq; in similitudinem arcus circumdatos, quare & ille arcus in circulum iungitur nunquam? Deinde quare semper concava nubes solem accipiunt, nec aliquando planæ & tumentes? Aristoteles ait, post autumnale æquinoctium qualibet hora diei arcum fieri, æstate non fieri, nisi incipiente, aut inclinato iam die. Cuius rei causa manifesta est. Primum, quia media die sol calidissimus nubes euincit, nec potest ab his imaginem suam accipere, quas scindit. At matutino tempore, & uergens ad occasum, cum minus uirium habeat, minus calidus est, & ideo a nubibus & sustineri, & re-percuti potest. Deinde cum arcum facere non soleat, nisi aduersus his, in quibus facit, nubibus, cum breuiiores dies sunt, semper obliquus est. Itaq; qualibet diei parte etiam cum altissimus est, habet aliquas nubes, quas ex aduerso ferire potest. At temporibus æstiuis supra nostrum uerticem fertur. Itaq; medio die excelsissimus terras rectiore aspiciat linea, quā ut ullis nubibus possit occurrī, omnes enim tunc sub se habet.

Caput IX.

Vnc dicendum est de uirgis, quas non minus pictas, uariasq; et æque pluuiarum signa solemus accipere. In quibus non multum operæ consumendum est, quia uirgæ nihil aliud quàm imperfecti arcus sunt. Nam facies quidem illis est picta, sed nihil curuati habent, in rectum iacent. Fiunt autem iuxta solem fere in nube humida, & iam se spargente. Itaq; idem est in illis, qui in arcu color, tantum figura mutatur, quia nubium quoq; in quibus extenduntur, alia est.

Caput X.

In uulis uarietas in coronis est, sed hoc differunt, quod coronæ ubiq; fiunt, ubicunq; sydus est, arcus non nisi contra solem, uirgæ non nisi in uicinia solis. Possum & hoc modo differentiam omnium reddere. Coronam si diuiseris, arcus erit, si direxeris, uirga. In omnibus color mutiplex est, ex cœruleo fuluoq; uariis. Virgæ soli tantū adiacent, arcus solares lunaresq; omnes sunt, Coronæ omnium syderum.

Caput XI.

Liud quoq; uirgarum genus apparet, cum radij per angusta foramina nubium tenues intenti, distantesq; inter se diriguntur, & ipsæ signa imbrum sunt. Quomodo nunc me hoc loco geram? Quid eas uocem? imagines solis? Historia soles uocant, et binos ternosq; apparuisse memoriæ tradunt. Græci παρηλία appellant, quia in propinquo fere a sole uisuntur, aut quia accedunt ad aliquam similitudinem solis. Non enim totum imitantur, sed imaginem eius figuramq;. Cæterum nihil habent ardoris, hebetes ac languidi. His quod nomen imponimus? An facio quod Virgilius, q̄ dubitauit de nomine, deinde id, de quo dubitauerat, posuit?

n - & quo te nomine dicam

n Rhetica? nec cellis ideo contende falernis.

Nihil ergo prohibet illas parhelia uocari. Sunt autē imagines solis in nube spissa & uicina in modum speculi. Quidam parhelion ita diffiniunt, nubes rotunda & splendida, similisq; soli. Sequitur enim illū, nec unq̄ longius relinquitur, quàm fuit cum apparuit. Nunqs nostrū miratur, si solis effigiem in aliquo fonte, aut placido lacu uideret? Non ut puto. Atqui tam in sublimi facies eius potest, quā nos uidemus, reddi, si modo idonea est materia, quæ reddat. Caput XII.

Voties defectionem solis uolumus deprehendere, ponimus peluers, quas aut oleo, aut pice implemus, quia pinguis humor minus facile turbatur, & ideo quas recipit imagines seruat. Apparere autem imagines non possunt,

nisi in liquido & immoto. Tunc solemus notare quomodo se luna soli opponat, ut illum tanto maiorem, subiecto corpore abscondat, modo ex parte, si ita contigit, ut latus incurrerit, modo totum. Hæc dicitur perfecta defectio, quæ stellæ quoque ostendit, & intercipit lucem, tunc scilicet, cum uterque orbis sub eodem libramento stetit. Quemadmodum ergo in ære utriusque imago in terris aspici potest, ita in aëre cum sit coactus aer, & limpidus constitit, ut faciem solis acciperet, quam & aliæ nubes accipiunt, sed transmittunt, si aut mobiles sunt, aut raræ, aut sordidæ. Mobiles enim spargunt illam, raræ emittunt, sordidæ turpesque non sentunt. Sicut apud nos imaginem maculosa non reddunt.

Caput XIII.

Olent & bina fieri parhelia eadē ratione. Quid enim impedit quo minus tot sint, quot nubes fuerunt aptæ ad exhibendā imaginem solis? Quidam in illa sententia sunt, quoties duo simulachra talia existant, ut iudicent unū esse solis, alterum imaginis. Nam apud nos quoque, cum plura specula disposita sunt ita, ut alteri sit conspectus alterius, omnia implentur, & una imago uera est, cæteræ imaginum effigies sunt. Nihil enim refert quid sit, quod speculo ostendatur. Quicquid enim uidet, reddit. Ita illis quoque in sublimi, si nubes fors aliqua disposuit, ut inter se afficiant, altera nube solis imaginem, altera imaginis reddi. Debent autem hæ nubes, quæ hoc præstant, densæ esse, leues, splendide, planæ, naturæ solis. Ob hoc omnia quæ huius sunt simulachra, candida sunt, & similia lunaribus circulis, quia ex percussu, oblique accepto sole, resplendent. Nam si infra solem nubes fuerit, & propior, ab eo dissipatur, longe autem posita radios non remittit, nec imaginem efficit, quia apud nos quoque specula, cum a nobis procul abducta sunt, faciem non reddunt, quia acies nostra non habet usque ad nos recursum. Pluviarum autem & hi soles (utar enim historica lingua) indicia sunt. Vtque, si a parte austri constiterunt, inde maxime nubes ingrauescunt. Cum utrinque solem cingit talis effigies (si Arato credimus) tempesta surgit.

Caput XIII.

Empus est alios quoque igneis percurrere, quorum diuersæ figuræ sunt. Aliquando emicat stella, aliquando ardores sunt, aliquando fixi & hærentes, nonnunquam uolubiles. Horum plura genera conspiciuntur. Sunt enim uelut corona cingente introrsus igneis cœli. Recessus est similis effusæ in orbem speluncæ, sunt pithiæ in magnitudinem uasti rotundi; ignis doilio similis, qui uel fertur, uel in uno loco flagrat. Sunt chasmata,

cum

cum aliquod cœli spatium desedit, & flammam dehiscens uelut in abdito ostentat. Colores quoq; horum omnium plurimi sunt. Quidam ruboris acerrimi, quidam euanidæ, ac levis flammæ, quidam candidæ lucis, quidam micantes, quidam æqualiter & sine eruptionibus, aut radijs fului. Videmus ergo

» Stellarum longos a tergo albescere tractus, hæ uelut stellæ exiliunt & transuolant, uidenturq; longum ignem porrigere, propter immensam celeritatem, cum acies nostra non discernat transitum earum, sed quacunq; cucurrerunt, hoc totum ignitum credat. Tanta enim est uelocitas motus, ut partes eius non dispiciantur, sed tantum summa prendatur. Intelligimus magis, qua appareat stella, quam qua exeat. Itaq; uelut igne continuo, totum iter signat, quæ uisus nostri tarditas non subsequitur momenta currentis, sed uidet simul & unde exilierit, & quo peruenerit. Quod fit in fulmine, longus nobis uidetur ignis eius, quia cito spatium suum transiit, & oculis nostris occurrit uniuersum per quod deiectus est, at ille non est extenti corporis, per omne per quod uenit, neq; tam longa, & extenuata in impetum ualent. Quomodo ergo prosiliunt? Attritu aëris, ignis incensus, uento præceps impellitur. Non semper tamen uento attritu ue fit, nonnunquam ex aliqua opportunitate aëris nascitur. Multa enim sunt in sublimi siccæ, calida, terrena, inter quæ oritur, & pabulum suum subsequens defluit, ideoq; uelociter rapitur. At quare color diuersus est? Quia refert, quale sit id quod incenditur, & quam uehemens quo incenditur. Ventum autem significat eiusmodi lapsus, & quidem ab ea parte qua erumpit.

Caput XV.

Ulgores, inquis, quomodo fiunt, quos græci σέλαα appellant? multis, ut aiunt, modis. Potest illos uentorum uis edere, potest superioris cœli feruor. Nam cum late fusus sit ignis, inferiora aliquando, si sunt idonea accendi, corripit. Potest stellarum motus cursu suo excitare ignem, & in subiecta transmittere. Hoc uero non potest fieri, ut aër uim igneam usq; in æthera elidat, ex qua fulgor ardor ue sit, uel stellæ similis excursus. Ex his fulgoribus, quædam in præceps eunt, similia prosilientibus stellis, quædæ certo loco permanent, & tantum lucis emittunt, ut fugent tenebras, & diem repræsentent, donec consumpto alimento, primum obscuriora sint, deinde flammæ modo, quæ in se cadit, per assiduam diminutionem redigantur in nihilum. Ex his quædam in nubibus apparent, quædam supra nubes, cum aër spissus, ignem, quem

LIBER

propior terris diu pauperat, usque in sydera expressit. Horum aliqua non patiuntur moram, sed transcurrunt, aut extinguuntur subinde qua reluxerant. Hæc fulgores dicuntur, quia brevis facies illorum et caduca est, nec sine iniuria decedens, sæpe enim fulminum noxas ediderunt, ab his tecta uidimus icta sine fulmine, quæ asparospecta græci uocant. At quibus longior mora et fortior ignis est, motumque cœli sequuntur, aut proprios cursus agunt, cometas nostri putant, de quibus dicemus. Horum genera sunt pogoniæ, lampades, et acharissæ, et alia omnia quorum ignis in exitu sparsus est. Dubium an inter hos ponantur trabes, et pithiæ, quæ raro sunt uisæ. Multa enim conglotatione ignium indigent, cum ingens illorum orbis aliquando matutini amplitudinem solis exuperet. Inter hæc ponas licet, et quod frequenter in historiis legimus, cœlum ardere uisum. Cuius nonnunquam tam sublimis ardor est, ut inter ipsa sydera uideatur, nonnunquam tam humilis, ut speciem longinqui incendiij præbeat. Sub Tiberio cæsare cohortes in auxilium Ostiensis colonie cucurrerunt, tanquam conflagrantis, cum cœli ardor fuisset per magnam partem noctis parum lucidus, crassi fumidique ignis. De his nemo dubitat quin habeant flammam quam ostendunt, certa illis substantia est. De prioribus quaeritur, de archidico et coronis, an decipiant aciem, et mendacio consent, an in illis quoque uerum sit, quod apparet. Nobis non placet in archidico aut coronis subesse aliquid corporis certi, nihil enim iudicamus in speculis, nisi fallaciam esse. Nihil aliud quam alienum corpus mentientibus. Non enim est in speculo, quod ostenditur, alioqui non exiret, nec alia protinus imagine obduceretur, nec innumerales modo interirent, modo exciperentur formæ. Quid ergo? Simulachra ista sunt, et inanis uerorum corporum imitatio, suntque ista à quibusdam ita composita, ut et hæc possint detorquere in prauum. Nam (ut dixi) sunt specula quæ faciem prospicientium obliquent, sunt quæ in infinitum augeant, ut humanum habitum excedant, modumque nostrorum corporum.

Caput XVI.

Oe loco uolo tibi narrare fabellam, ut intelligas quam
 h nullum instrumentum irrisundæ uoluptatis libido contemnat, et ingeniosa sit ad incitandum furorem suum. Hostus quidam fuit obscœnitatis usque in scenam productæ. Hunc diuitem auarum HS malies seruum Diuus Augustus indignum uindicta

uindicta iudicauit, cum à seruis occisus esset, & tamen non pronuntiavit iure cæsum uideri. Non erat ille tantummodo ab uno sexu impurus, sed tam uirorum quàm foeminarum auidus fuit, fecitq; specula eius notæ, cuius modo retuli imagines longe maiores reddentia, in quibus digitus brachij mensuram & longitudine & crassitudine excederet. Hæc autem ita disponebat, ut cum uirum ipse pateretur, aduersus omnes admissarij sui motus in speculo uideret, ac deinde falsa magnitudine ipsius membri tanquam uera gaudebat. In omnibus quidem balneis agebat ille delectum, & aperta mensura legebat uiros, sed nihilominus mendacijs quoq; insatiabile malum oblectabat. I nunc, dic speculum mundiciarum causa repertum. Fœda dictu sunt, quæ portentum illud ore suo lacerandum dixerit, feceritq;, cum illi specula ab omni parte apponerentur, ut ipse flagitiorum suorum spectator esset, & quæ secreta quoq; conscientia premuntur, & quæ accusari quisq; fecisse se negat, non in os tantum, sed in oculos suos ingereret. At Hercules scelera conspectum suum reformidant, in perditis quoq;, & ad omne dedecus expositis, tenerrima est oculorum uerecundia. Ille autem quasi parum esset inuidita & inognita pati, oculis suis illa aduocauit, nec quantum peccabat uidere contentus, specula sibi, per quæ flagitia sua diuideret, disponderetq;, circumdedit, & quia non tam diligenter intueri poterat, cum compressus erat, & caput merserat, genibusq; alienis obhæserat, opus suum sibi per imagines referebat. Speculabatur illam libidinem oris sui, spectabat sibi admissos pariter in omnia uiros. Nonnunquam inter marem & foeminam distributus, & toto corpore patiente expositus, spectabat nefanda. Quid nam homo impurus reliquit, quod in tenebris faceret? non pertimuit diem, sed ipsos concubitus portentosos sibi ipse ostendit, sibi ipse approbavit. Quid non putes in ipso habitu uoluisse pingi? Est aliqua etiam prostituta modestia, & illa corpora publico obiecta ludibrio, aliquid, quo infelix patientia lateat, obtendunt, adeo quodammodo lupanar quoq; uerecundum est. At illud monstrum obscenitatem suam spectaculum fecerat, & ea sibi ostentabat, quibus abscondendis nulla satis alta nox est. Simul, inquit, & uirum & foeminam patior, nihilominus illa quoq; supernacua mihi parte alicuius contumelia marem exerceo. Omnia membra stupris occupata sunt, oculi quoq; in partem libidinis ueniant, & testes eius exactores ne sine.

L I B E R

Etiam ea quæ ab aspectu corporis nostri positio summouit, ante uer-
sentur, ne quis me putet nescire quid faciam. Nihil egit natura, quod
humane libidini ministeria tam maligna dedit, quod aliorum ani-
malium concubitus melius instruxit. Inueniam quemadmodum mor-
bo meo et potiar et satisfaciam, quo nequitiam meam, si ad natu-
ræ modum pecco. id genus speculorum circumponam mihi, quod
incredibilem imaginum magnitudinem reddat. Si liceret mihi, ad
uerum ista perducerem, quia non licet, mendacio pascar. Obscœnitas
mea, plus quàm capit, uideat, et patientiam suam ipsa miretur. Fa-
cinus indignum, hic fortasse cito et antequam uideret hæc occisus
est, ad speculum suum imolandus fuit.

Caput XVII.

Erideantur nunc philosophi, quod de speculi natura disse-
d rant, quod inquirent, quid ita facies nostra nobis, et qui-
dem in nos obuersa reddatur? Quid sibi rerum natura
uoluit, quod cum uera corpora dedisset, etiam simulachra eorum
aspici uoluisset? Quorsum pertinuerit hanc comparare materiam
excipiendarum imaginum capacem? Non in hoc scilicet, ut ad spe-
culum barbam faciemq; uelleremus, aut ut faciem uiri poliremus. In
nulla re illa negotium luxuriæ accessit, sed primum omnium, quæ
imbecilli oculi ad sustinendum communis solem, ignoraturi erant for-
mam eius, hebetato illum lumine ostendit. Quamuis enim cum orien-
tem occidentemq; contemplari liceat, tamen habitum eius, ipsam qui
uerus est, non rubentis, sed candida luce fulgentis nesciremus, nisi in
aliquo nobis humore lenior, et aspici facilius occurreret. Præterea
duorum syderum occursum, quo interpolari dies solet, non uidere-
mus, nec scire possemus, quid esset, nisi liberius humi solis lunæq; ima-
gines uideremus. Inuenta sunt specula, ut homo ipse se nosceret. Mul-
ti ex hoc consequuntur primo sui notitiam, deinde et quoddam con-
siliium, Formosus, ut uitaret infamiam. Deformis, ut sciret redimen-
dum esse uirtutibus, quicquid corpori deesset. Iuuenis, ut flore ætatis
admoneretur, illud tempus esse discendi, et fortia audendi. Senex, ut
indecora canis deponeret, et de morte aliquid cogitaret. Ad hoc re-
rum natura facultatem nobis dedit, nosmetipsos uidendi. Fons cuiq;
perlucidus, aut leue saxum imaginem reddit.

» Nuper me in littore uidi,

» Cum placidum uentis staret mare.-

Qualem fuisse cultum putas ad hoc speculū se cernentium? Aetas
illa simplicior et fortuitis contenta, nondum in uitia beneficiū de-
torquebat, nec inuentum naturæ in libidinem luxumq; rapiebat.

Primo

Primo faciem suam cuiq; casus ostendit, deinde cum insitus sui mortalibus amor dulcem aspectum formæ suæ faceret, ea sæpius despectere, in quibus prius effigies suas uiderant. Postquam deterior populus subit, in ipsas terras se effusus, ferrum obruendum primū in usu fuit, & id homines impune eruerent, si solū eruissent. Tunc deinde alia terræ mala, quorum leuitas aliud agentibus speciem suā obtulit, quam hic in poculo, ille in ære ad aliquos usus comparatam uidit, & mox proprio fuit ministerio paratus orbis. Nondum argenti nitor, sed fragilis uilisq; materia tunc quoq; cum antiqui illi uiri inclyte uiuerent, satis nitidi, si squalorem opere collectum aduerso flumine eluerent. Cura comere capillum fuit, ac prominentem barbam depectere, & in hac re quisq; sibi, alteriq; inuicem operam dabat. Coniugum quidem manibus crinis ille, quem effundere olim mos uiris fuit, attrectabatur, sed illum sibi sine ullo artifice formosi quatiebant, non aliter quā iubam generosa animalia. Postea rerum iam potente luxuria, specula totis paria corporibus auro argentoq; cælata sunt, deinde gemmis adornata, et poculis. Vnū ex his fœminæ constitit, quod antiquarū dos fuit, non illa quæ publice dabatur, sed imperatorum pauperum filiabus. An tu existimas ex auro nitidum habuisse scipionis filias speculum, cum illis dos fuisset æs graue? O paupertas felix, quæ tanto titulo locum fecit. Non fecisset illis senatus dotem, si habuissent. At quisquis ille fuit, cui soceri loco senatus fuit, intellexit se accepisse dotem, quam fas non esset reddere. Iam libertinorum uirgunculis in unum speculum nō sufficit illa dos, quam dedit pro se scipio. Processit enim molistius paulatim opibus ipsis immutata luxuria, & incrementum ingens uitia acceperunt, adeoq; omnia indiscreta sunt peruersissimis artibus, ut quicquid mundus muliebri vocabatur, sarane uiriles sine, minus dico, etiam militares. Iam speculum ornatus tantum causa adhibetur, nulli non uitio numero necessarium factum est.

LVCII ANNEI SENECAE AD LVCILIVM NATV
RALIVM QVAESTIONVM LIBER SECVNDVS
DE TONITRIBVS, FVLGVRATIONI-
BVS ET FVLMINIBVS, FVL-
GVRVMQVE GENERIBVS.

• MNIS de uniuerso quaestio in coelestia, in sublimia,
et terrena diuiditur. Prima pars naturam syderum
scrutatur, et magnitudinem, et formas ignium, qui-
bus mundus includitur. Solidum ne sit coelum, ac
firmæ concretæq; materiae, an ex subtili tenuiq; ne-
xu. Agatur, an agat, et infra se sydera habeat, an in contextu sui
fixa, quemadmodum anni uices seruet, solem an retro flectat, cætera
deinceps his similia. Secunda pars tractat inter coelum terramq; her-
santia. Hæc sunt nubila, imbres, niues, *deest ne aliquid?*
• - et humanas motura tonitrua mentes.
Quæcumq; aer facit patiturue, hæc sublimia dicimus, quia æditiora
imis sunt. Tertia illa pars de agris, terris, arbutis, satis quaerit, et,
ut iuriconsultorum uerbo utar, de omnibus quæ solo continentur.
Quomodo, inquis, de terrarum motu quaestionem eo posuisti loco, quo
de tonitribus fulguribusq; dicturus es? Quia cum motus terræ fiat
spiritu, spiritus autem sit aer agitatus, et si subeat terras, non ibi
spectandus est, cogitetur in ea sede, in qua illum natura disposuit.
Dicam, quod magis uidebitur mirum, inter coelestia et de terrenis
dicendum erit. Quare, inquis? quia cum propria terræ excutimus
suo loco, utrum lata sit, et inæqualis et enormiter proiecta, an to-
ta in formam pilæ spectet, et in orbem partes suas agat, alliget
aquas, an aquis alligetur, ipsa animal sit, an iners corpus, et sine
sensu, plenum quidem spiritus, sed alieni, et cætera huiusmodi quo-
ties in manus uenerint, terram sequentur, et in imis collocabuntur.
At ubi quaeretur, quis terræ sit situs, qua parte mundi subsederit,
quomodo aduersus sydera coelumq; posita sit, hæc quaestio cedit supe-
rioribus, et, ut ita dicam, meliorem conditionem sequitur. Caput II.

• Voniā dixi de partibus in quas omnis rerum naturæ
q materia diuiditur, quædam in commune sunt dicenda, et
hoc primum præsumendum, inter ea corpora, a quibus
unitas est, aëra esse. Quid sit hoc, et quare præcipiendum fuerit,
scies,

scies, si paulo altius repetiero, & dixero aliquid esse continuū, aliqd commissum. Continuatio est partiū inter se non intermissa coniūctio. Unitas est sine cōmissura continuatio, et duorū inter se coniūctorū corporū tractus. Nunquid dubiū, quin ex his corporibus, quæ uide-
mus tractamusq; quæ aut sentiuntur, aut sentiunt, quædā sint cōpo-
sita? Illa constant aut nexu, aut acervatione, ut puta funis, frumentū,
nauis. Rursus non cōposita ut arbor, lapis. Ergo concedas oportet, ex
his quoq; quæ sensum effugiunt, ceterū ratione prenduntur, esse in
qbusdam unitatem corporum. Vides quomodo auribus tuis parcam,
expedire me poterā, si philosophorum lingua uti uoluissē, ut dicere
unita corpora, hoc cum tibi remittam, tu inuicem mihi refer gratiā.
Quare istud? si quando dixero unū, memineris me nō ad numerum
referre, sed ad naturam corporis, nulla ope externa, sed unitate sua
coherētis, ex hac nota corporum aēr est.

Caput III.

o Mnia quæ in notitiam nostrā cadunt, uel cadere possunt,
mundus cōplectitur, ex his quædā eius sunt partes, quædā
materie loco relictæ. Desyderat omnis natura materiam,
sicut ars omnis quæ manu constat. Quid sit hoc, apertius faciam. Pars
enim nostri, manus, ossa, nerui, oculus. Materia, succus recentis abi-
iturus in partes. Rursus quasi pars nostri est sanguis, qui tamen &
materia est, parat enim & alia, & nihilominus in numero est eo-
rum, quibus totum corpus efficitur.

Caput IIII.

f Ic mundi pars est aēr, et qdem necessaria, hic est enim qui
coelum terramq; connectit, qui ima ac summa sic separat,
ut tamen iungat. Separat, quia medius intēruenit. Iungit,
quia utriq; p hoc inter se consensus est. Supra se dat, quicqd accipit
a terris. Rursus uim syderū in terrena transfundit. Quæ sic partē
mundi uoco, ut animalia, et arbusta, nā genus animalīū arbustorūq;
pars est uniuersi, qā in consumatione uniuersi acceptū, & qā non est
sine hoc uniuersum. Vnū autē animal et una arbor quasi pars est, qā
si pierit, tamen id ex quo perit, totū est. Aēr autē, ut dicebā, et cælo,
et terris coheret, utriq; innatus est. Habet autem unitatē qcqd alicu-
ius naturæ pars est. Nihil. n. nascitur sine unitate.

Caput V.

t Erra et pars est mūdi, et materia. Pars quare sit, nō puto te
interrogaturū, ut æque interroges quare cælū pars sit, qā
scilicet nō magis sine hoc, quā sine illa uniuersum esse potest,
quod cū his uniuersum est, ex qbus, id est ex illo, et ex ista alimēta
oībus animalibus, oībus satis, oībus stellis diuidūtur. Hinc qcqd est ui-
riū singulis, hinc ipsi mundo, tam multa poscēti subministratur. Hinc

profertur quo sustineantur tot sydera, tam exercitata, tam auida per diem noctemq; ut in opere, ita & in pastu. Et omnium quidem rerum natura, quantum in nutrimentum sui satis sit, apprehendit. Mundus autē, quantum in æternum desiderabat, inuasit. Pusillū tibi exemplū magnæ rei ponam. Oua tantum complectuntur humoris, quantum ad effectum animalis exituri sat est.

Caput VI.

Er continuus terræ est, & sic appositus, ut statim ibi futurus sit, unde illa discesserit. Pars est totus mundi, sed idem tamen quicquid terra in alimentum misit, recipit, ut scilicet materia non pars intelligi debeat. Ex hoc omnis inconstantia tumultusq; est. Hunc quidam ex distantibus corpusculis, ut puluerem, ferunt, plurimumq; a uero recedunt, nunquam enim contexti, nisi p unitatem corporis niscus est, cum partes consentire ad intensionem debeant, & conferre uires. Aër autem si in atomos diuiditur, sparsus est. Teneri uero disiecta non possunt. Intensionem aëris ostendunt tibi inflata, nec ad ictum cedētia. Ostendent pondera, per magnum spatium ablata gestante uento. Ostendent uoces, quæ remissæ elatæq; sunt, prout aër se concitauit. Quid enim est uox, nisi intensio aëris ut audiatur, linguae formata percussu? Quid cursus & motus omnis, non ne intenti spiritus opera sunt? Hic facit uim, & uelocitatem nervis currentibus. Hic cum uehementer concitatus ipse se torset, arbusta, syluasq; conuellit, & ædificia tota corripiciens in altum frangit. Hic mare per se languidum & iacens incitat. Ad minora ueniamus. Quis enim sine intensione spiritus cantus est? cornua & tubæ & alia, quæ aliqua pressura maiorem sonitum reddunt, quàm qui ore reddi potest, non ne aëris intensione partes suas explicant? Consideremus quàm ingentem uim p occultum agat. Paruula admodum semina, & quorum exilitas in commissura lapidum locum inueniat, intantum coalescunt, ut ingentia saxa detrahant, & in momenta dissoluant, scopulos rupesq; radices in terra minutissimæ, ac tenuissimæ findunt. Hoc qd est aliud, quàm intentio spiritus, sine qua nil ualidum, & contra quam nil ualidum est.

Caput VII.

Se autem unitatem in aëre uel ex hoc intelligi potest, quod corpora nostra inter se coherent. Quid enim aliud est, qd tenet ea quàm spiritus? Quid est aliud quo animus noster agitetur? Quis est illi motus, nisi intensio? Quæ intensio, nisi ex unitate? Quæ unitas, nisi hæc esset in aëre? Quid est aliud, qd producit fruges, & segetē imbecillā, ac uirenters erigit arbores, ac distēdit in ramos, aut in altū erigit, quàm spiritus intensio et unitas?

Quidam

Caput VIII.

q Vidam aëra discerpunt & in particulas diducunt, ita ut illi inane permisceant. Argumentum autem existimant non pleni corporis, sed multum vacui habentis, quod auibus in illo tam facilis motus, quod maximis minimisq; per illū transcur- sus est. Sed falluntur, nam aquarum quoq; similis facilitas est, nec de unitate illarum dubium est, quæ sic corpora accipiunt, ut semper in contrarium acceptis resiliant. Hanc nostri circumstantiam, Græci autem περιστασις appellant, quæ in aëre quoq; sicut in aqua fit, circumstat enim omne corpus a quo impellitur. Nihil autem opus erit inani admisto, sed hæc aliàs.

Caput IX.

n Vnc autem esse quādam in rerum natura uehementiam, magnosq; impetus est colligendum. Nihil enim nisi intentione uehementius est, & tamen mehercules per aliud nihil intendi poterit, nisi per semetipsum fuerit intentum. Dicimus enim eodem modo non posse quicquam ab alio moueri, nisi aliquid fuerit mobile ex semetipso. Quid autem est, quod magis creditur ex se- metipso habere intensionem, quā spiritus? hunc intendi quis nega- bit, cum uiderit iactari terram cum montibus, tecta, murosq; plures & magnas cum populis urbes, cum totis maria litoribus? Ostendit intensionem spiritus uelocitas eius & diductio. Oculi statim p multa milia aciem suam intendit, uox una totas urbes simul percutit, lu- men non paulatim prorepat, sed semel uniuersis infunditur rebus. A qua autem sine spiritu quemadmodum posset intendi? Nunquid du- bitas quin sparsio illa, quæ ex fundamentis mediæ arenæ crescens in summam altitudinem amphitheatrum peruenit, cum intensione aquæ fiat? Atqui uero nec manus, nec ullum aliud tormentum aquam poterit mittere aut agere, quā spiritus. Huic se commodat, hoc in- fert, & agente attollitur, & contra naturam suam multa conatur, & ascendit, nata defluere. Quid, nauigia sarcina depressa, parum ostendunt non aquam sibi resistere, quod minus mergantur, sed spiri- tum? aqua enim cederet, nec posset pondera sustinere, nisi ipsa susti- neretur. Discus ex loco superiore in piscinam missus, non descendit, sed resilit, quemadmodum, nisi spiritu referente? Vox autem qua ra- tione per parietum munimenta transmittitur, nisi quod solido quoq; aër inest, qui sonum extrinsecus missum & accipit & remittit? scilicet spiritus non aperta tantum intendens, sed etiam abdita & inclusa, quod illi facere expeditum est, quia nusq; diuisus, sed per ea ipsa quibus separari uidetur, coit secum. Interponas licet muros &

mediam altitudinem montium, per omnia ista prohibetur nobis esse peruius, non sibi. Id enim intercluditur tantum, per quod illum nos sequi possumus, ipse quidem transit per ipsum quo scinditur, & media non circumscindit tamen, sed utrinque cingit.

Caput X.

Erneat ab æthere lucidissimo aer, in terram usque diffusus, agilior quodammodo tenuior & altior terris, nec minus aquis, ceterum æthere spissior grauiorque, frigidus per se & obscurus, lumen illi calorque alimentum sunt, sed per omne spatium sui similis non est, mutatur enim a proximis. Summa pars eius est siccissima calidissimaque, & ob hoc etiam pertenuissima, propter uiciniam æternorum ignium, et illos tot motus syderum, assiduamque cœli circumactum. Illa pars ima, & uicina terris, densa & caliginosa est, quæ terrenas exhalationes receptat. Media pars temperatior, si summus imisque conferas, quantum ad sinceritatem tenuitatemque pertinet. Ceterum utraque parte frigidior. Nam superiora eius calorem uicinarum syderum sentiunt, inferiora quoque tepent, primum terrarum halitus, qui multum secum calidi affert, deinde quia radij solis replicantur, & quousque redire potuerunt id duplicato calore benignius fouent. Deinde etiam illo spiritu, qui omnibus animalibus, arbutisque ac satis, calidus est. Nihil enim uiueret sine calore. Adijce nunc ignes, non tantum manu factos & certos, sed opertos terris, quorum aliqui eruperunt, innumerabiles in abscondito flagent, & obscuro semper. Etiamnum tot partes eius fertiles rerum, habent aliquid teporis, quoniam quod frigidum est, sterile est, calor autem gignit. Media ergo pars aeris, ab his submotæ in frigore suo manet. Natura enim aeris frigida est.

Caput XI.

Vi cum sic diuisus sit iam sui parte maxima uariis, & inconstans, & mutabilis est. Circa terram plurimum agit, plurimum patitur, exagitat & exagitur, nec tamen eodem modo totus afficitur, sed aliter alibi, ac partibus inquietus est, ac turbidus. Causas autem illius mutationis & inconstantie alias terra præbet, cuius positiones huc aut illo uersæ magna ad aeris temperiem momenta sunt. Alias syderum cursus, ex quibus soli plurimum imputes. Illum sequitur annus, ad illius flexum hyemus æstatesque uertuntur. Lunæ proximum ius est, sed & ceteræ quoque stellæ non minus terrena, quæ incumbentem spiritum terris afficiunt, & ortu suo occasuue contrario, modo frigora, modo imbreis aliisque terrarum iniurias turbidæ mouent. Hoc necessarium fuerit præloqui dicturo

de tonitruo ac fulminibus, & fulgurationibus. Nam quia in aëre sunt, naturam eius explicare oportebat, quo facilius appareret quid facere, aut pati posset.

Caput XII.

Ria sunt ergo quæ accidunt, fulgurationes, fulmina, & tonitrua, quæ una facta serius audiuntur. Fulguratio ostendit ignem, Fulminatio emittit. Illa (ut ita dicam) comminatio est, & conatio sine ictu. Ista iaculatio cum ictu. Quædam sunt ex his, de quibus inter omnes conuenit, quædam in quibus diuersæ sententiæ sunt. Conuenit illis omnia ista in nubibus & e nubibus fieri, etiamnum conuenit & fulgurationes & fulminationes aut igneas esse, aut ignea specie. Ad illa nunc transeamus, in quibus lis est, quidam putant ignem esse in nubibus, quidam ad tempus fieri, nec prius esse, q̄ nati. Nec inter illos quidem quid proferat ignem, conuenit. Alius enim aliunde illum colligit. Quidam autem radios solis intercurrentis recurrentisq̄, sæpius in se relictos ignem excitare dicit. Anaxagoras uero ait illum ex æthere distillare, & ex tanto ardore cœli multa decidere, quæ nubes diu inclusa custodiant. Aristoteles multo ante ignem colligi non putat, sed eodem momento exilire, quo fiat. Cuius sententia talis est, Duæ partes in imo iacent, terra & aqua, utraq̄ ex se reddit aliquid. Terre nus uapor siccus est, & fumo similis, qui uentos, tonitrua & fulmina facit, aquarum halitus humidus est, & in imbres & nubes cedit. Sed siccus ille terrarum uapor, unde uentis origo est, quia coaceruatus est, cum coitu nubium uehementer à latere eliditur, deinde, ut latius feriat nubes proximas, hæc plagi cū sono incutitur, qualis in nostris ignibus redditur, cum flamma uitio lignorum uirentium crepat, & illic spiritus habens aliquid humidi secum, conglobatusq̄ rumpitur flamma. Eodem modo spiritus ille quem paulo ante exprim collis nubibus dixi, impactus alijs, nec rumpi, nec exilire silentio potest. Dissimilis autem crepitus fit, ob dissimilem impactionem nubium, quare aliæ maiorem sonitum habent, aliæ minorem. Cæterum illa uis expressi spiritus ignis est, qui fulgurationis nomen habet, leni impetu accensus & uariis. Ante autem uidemus fulgorem q̄ sonum audiamus, quia oculorum uelocior est sensus, & multum auris antecedit.

Caput XIII.

Alsam autem esse opinionem eorum, qui ignem in nubibus seruant, per multa colligi potest. Si de cœlo cadit, quomodo non quotidie fit, cum tantundem illic semper ardeat? Deinde nulla ratio crediderim, quare ignis, quæ natura sur-

sum uocat, defluat. Alia enim conditio nostrorum ignium est, ex quibus fauillae cadunt, quae ponderis secum aliquid habent. Ita non descendit ignis, sed praecipitatur & deducitur. Huic simile nihil accidit in igne purissimo, in quo nihil est quod deprimatur. Aut si ulla pars eius deciderit, in periculo totus est, quia totum potest excidere, quod potest carpi. Deinde illud, quod quotidie leuitas cadere prohibet, si in abdito suo tenet graue, quomodo illic esse potuit, unde caderet? Quid ergo? Non aliqui ignes in inferiora ferri solent, sicut haec ipsa de quibus quaerimus fulmina? Fato enim non eunt, sed feruntur. Aliqua illos potentia deprimat, quae non est in aethere. Nihil enim iniuria illic cogitur, nihil rumpitur, nihil praeter solitum euenit. Ordo rerum est, & expurgatus ignis in custodia mundi, summus sortitus oras, operas pulcherrime circumit, hinc discedere non potest. Sed ne ab externo quidem exprimi, quia in aethere nulli incerto corpori locus est. Certa enim & ordinata non pugnant.

Caput XIII.

Os inquam dicatis, cum causas stellarum transuolantium redditis, posse aliquas partes aeris ad se trahere ignem, ex aethere decidentem, & locis his superioribus ardere, an hic accendi? Sed plurimum interest, utrum aliquis dicat ignem ex aethere decedere, quod natura non patitur, ut liceat ex ignea uicalem in ea, quae subiecta sunt, transilire, an hic accendi. Non enim illinc ignis cadit, quod non potest fieri, sed hic nascitur. Videmus certe apud nos late incendio peruagante quasdam insulas, quae diu concaluerint, ex se concipere flammam. Itaque uerisimile est in aere summo, qui naturam rapiendi ignis habet, aliquid accendi calore aetheris superpositi. Necesse est enim, ut & imus aether habeat aliquid aeri simile, & summus aer non sit dissimilis imo aetheri, quia non fit statim ex diuerso in diuersum transitus. Paulatim ista confinio uim suam miscent ita, ut dubitare possis, an aer, an hoc iam aether sit.

Caput XV.

Vidam ex nostris existimant aera, cum in ignem & aquam mutabilis sit, non detrahare aliunde causas flammarum nouas, ipse enim se mouendo accendit, et cum densos, compactosque nubiū sinus dissipat, necessario uastum in tam magnorum corporum diruptione reddit sonum. Illa porro nubium difficulter cedentium pugna, aliquid confert ad concitandum ignem. Sic, quemadmodum ferro aliquid manus ad secandum confert, sed secare ferri est.

Caput XVI.

Vid ergo inter fulgurationem & fulmen interest? dicam.

q Fulguratio est late ignis explicitus. Fulmen est coactus ignis, & impetu iactus. Solemus duabus manibus inter se iunctis, aquam concipere, et compressa utrinque palma, in modum siphonis exprimere. Simile quiddam & illic fieri puta. Nubium inter se compressarum angustiae medium spiritum emittunt, & hoc ipso inflammant, & tormenti modo eijciunt. Nam balistae quoque et scorpiones tela cum sono expellunt.

Caput XVII.

Vidam existimant ipsum spiritum per frigida atque humida euntem, sonum reddere. Nam ne ferrum quidem ardens silentio tingitur, sed quemadmodum si in aquam feruens massa mittatur, cum multo murmure extinguatur, ita, ut Anaximenes ait, spiritus incidens nubibus tonitrua edit, & deinde cum luctatur, per obstantia & intercisa vadens, ipsa ignem fugam accendit.

Caput XVIII.

a Naximandros omnia ad spiritum retulit. Tonitrua, inquit, sunt nubis ictus sonus. Quare inaequalia sunt? Quia & ipse ictus inaequalis est. Quare & sereno tonat? Quia tunc quoque per percussum & scissum aëra spiritus prosilit. At quare aliquando non fulgurat & tonat? quia tenuior & infirmior spiritus, qui in flammam non valuit, in sonum valuit. Quid est ergo ipsa fulguratio? aëris diducens se, corruentisque iactatio, languidum ignem, nec exiturum aperiens. Quid est fulmen? Acrioris densiorisque spiritus cursus.

Caput XIX.

a Naximander ait omnia ista sic fieri, ut ex aethere aliqua vis in inferiora descendit, ita ignis impactus nubibus frigidis sonat. At cum illas interscindit fulget, & minor vis ignium fulgurationes facit, maior fulmina. Caput XX.

d Iogenes Apolloniates ait, quaedam tonitrua igne, quaedam spiritu fieri. Illa ignis facit, quae ipse antecedit, & nunciat. Illa spiritus, quae sine splendore crepuerunt. Vtrunque sine altero fieri, & esse aliquando concedo, ita tamen, ut non discreta illis potestas sit, sed utrumque ab utroque effici possit. Quis enim negabit spiritum magno impetu ductum, cum efficiat sonum, effecturum & ignem? Quis nam & hoc non concedat aliquando ignem quoque rumpere posse nubes, et non exilire, si plurimarum aceruo nubium, cum paucis percidisset, oppressus est? Ergo & ignis ibit in spiritum, paretque fulgorem & speciem, dum secuta in terram accendit. Adijce

SECVNDVS

nunc, q̄ necesse est ut impetus fulminis, & præmittat spiritus & agat ante se, & à tergo trahat uentum, cum tam uasto ictu aëra inciderit. Itaq; omnia, antequam feriantur, intremiscunt uibrata uento, quem ignis ante se pressit.

Caput XXI.

Inmissis nunc præceptoribus incipiamus per nos moueri, d & à confessis transeamus ad dubia. Quid enim confessi est? fulmen ignem esse, & æque fulgurationem, quæ nihil aliud est q̄ flamma, futura fulmen, si plus uirium habuisset. Non natura ista, sed imperi distant, esse illum ignem calor ostendit, qui si non esset, ostendit effectus. Magnorum enim sæpe incendiorum causa fulmen fuit. Syluæ illo cremantur & urbium partes, etiam quæ non percussa sunt, tamen adusta cernuntur. Quædam uero uelut fuligine colorantur. Quid q̄ omnibus fulguritis odor sulfureus est? Ergo & utranq; rem ignem esse constat, & utranq; rem inter se meando distare. Fulguratio est fulmen non in terras usq; perlatum. Et rursus licet dicas fulmen esse fulgurationē usq; in terras pductam, nō ad exercēdū uerba hæc diutius ptracto, sed ut ista cognata esse, & eiusdē notæ ac naturæ probē. Fulmen est qddam plus, q̄ fulguratio, uertamus istud. Fulguratio est penē fulmen.

Caput XXII.

Voniam constat esse utranq; rem ignem, uideamus quem- q̄ admodum apud nos fieri soleat ignis, eadem enim ratione & supra fit. Duobus modis. Vno, si excutitur, sicut ex lapide. Altero, si attritu inuenitur, sicut cum duo ligna inter se diutius trita sunt. Non omnis hoc tibi materia præstabit, sed idonea eliciendis ignibus, sicut laurus, hederæ, & alia in hunc usum nota pastoribus. Potest ergo fieri, ut nubes quoq; ignem eodem modo uel percussæ reddant, uel attritæ. Videmus quantis procellæ uiribus ruant, quanto uertantur impetu turbines. Id tormentum in quo obuium sit dissipatur, & rapitur, et longe à loco suo projicitur. Quid ergo mirum, si tanta uis ignem excutit, uel aliunde, uel sibi? Vides enim quantum feruorem sensura corpora sunt, horum transitu uita exanimata. Nihil tamen tantum in his debet credi, ac in ui syderū, quorum ingens & confessa potentia est.

Caput XXIII.

Ed fortasse nubes quoq; in nubers incitatæ fremente uento, & leuiter urgente, ignem euorabunt, qui explendescat, nec exiliat. Minore enim ui ad fulgurandum opus est, q̄ ad fulminandū. Superioribus collegimus, in q̄tum feruorē quædā attrita pducerentur. Cū autē aër mutabilis in ignem, maximis uiribus suis conuersus est, atteratur credibile est, & uerisimile est ignē caducum

excit, & cito interitum, q̄a non ex solida materia oritur, nec in qua possit consistere. Transit itaq; tantumq; habet moræ, quantum itineris, & cursus sine alimento * coniectus est. Caput XXIIII.

Vomodo, inquis, cum dicas hanc ignis esse naturam, ut petat superiora, fulmen tamen terram petit? aut falsum est quod deinde dixisti. Est enim illi æque sursum iter atq; deorsum. Vtrunq; uerum potest esse. Ignis enim natura in uerticem surgit, & si nihil illum prohibet, ascendit. Sicut aquæ natura deferatur, si tamen aliqua uis accessit, quæ illam in contrarium ageret, illo intenditur, unde imbre deiecta est. Fulmen autem eadem necessitate qua excititur. His ignibus accidit quod arboribus, quarum cacumina si tenera sunt, ita deorsum trahi possunt, ut etiam terram attingant, sed cum permiseris, in locum suum exilient. Itaq; non est, q̄ eum spectes cuiusq; rei habitum, q̄ illi non ex uoluntate est. Si ignem permittis ire quo uelit, cœlum, id est leuissimæ cuiusq; sedem repetet, ubi est aliquid quod eum feriat, & ab impetu suo auertat, id non natura, sed seruitus eius sit. Caput XXV.

Icis, inquis, nubis attritas edere ignem, cū sint humidae, immo hidae. Quomodo ergo possunt gignere ignem, quem non magis uerisimile est ex nube, q̄ ex aqua generari? Caput XXVI.

Ignis qui nascitur, primum in nubibus non est aqua, sed i aer spissus ad gignendum aquam præparatus, nondum in illam mutatus, sed iam pronus & uergens. Non est q̄ eā existimes tūc colligi, sed effundi. Simul fit, & cadit. Deinde si concessero humidā esse nubē, conceptis aquis plenā, nihil tamen prohibet ignē gigni ex humido quoq; immo ex ipso (quo magis mireris) humore. Quidā negauerunt in ignē quicq̄ posse mutari, prius q̄ mutatuū esset in aquā. Potest ergo nubes, salua quā continet aqua, ignē parte aliqua sui reddere, ut sæpe alia pars ligni ardet, alia sudat. Nec hoc dico, nō contraria inter se ista esse, & alterum altero periri. Sed ubi ualentior ignis, q̄ humor est, uincit. Rursus ubi copia humoris exuperat, tūc ignis sine effectū est. Itaq; non ardēt uirentia. Refert quantum aquæ sit. Exigua enim uis non resistit, nec ignem impedit. Quid ni? Auorum nostrorum memoria, ut Possidonius tradit, cum insula in Aegeo mari surgeret, spumabat inter diu mare, & fumus ex alto ferebatur. Nam demum prodebat ignem, non continuū, sed ex intervallo emicantē fulminū more, quoties ardor inferius iacētis superū pōdus euicerat. Deinde saxa cōuoluta, rupesq; partim illæse, quas spi

ritus anteq̃ uerteretur expulerat, partim exesce et in leuitatem pumicis uersae. Nouissime cacumen adusti montis emicuit. Postea altitudine adiectum & saxum, illud in magnitudinem insulae creuit. Idē nostra memoria, Valerio Asiatico consule iterum accidit. Quorsus hæc retuli? ut appareret nec extinctum ignem mari superfuso, nec impetum eius grauitate ingentis undae prohibitum exire. Ducentorum passuum fuisse altitudinem Asclepiodotus Possidonij auditor tradidit, p̃ quam disruptis aquis ignis emerfit. Quod si immensa aquarum uis, subeuntium ex imo flāmarum uim non potuit cōprimere, quanto minus in aëre extinguere ignem poterit nubium tenuis humor & rescidus? Adeo res ista non habet ullam moram, quæ contra causas ignium sit, quos non uidemus emicare, nisi impendente cœlo, serenum sine fulmine est. Non habet istos metus dies purus, nec nox quidem nisi obscura nubibus. Quid ergo? Num aliquando etiam apparentibus stellis, & nocte tranquilla fulgurat? Sed scias, licet, nubes illic esse, unde splendor effertur, quas uideri à nobis terrarum tumor non sinit. Adijce nunc, quod fieri potest, ut nubes summae & humiles attritu suo ignem reddant, qui in superiora expressus, in parte sincera puraq; cœli uisatur, sed fit in sordida.

Caput XXVII.

Onitrua distinxere quidam ita, ut dicerent unum esse genus, cuius sit graue murmur, quale terrarum motum antecedit clauso uento & fremente. Hoc quomodo illis uideatur fieri, dicam. Cum spiritum inter se clausere nubes, in concavis partibus earum uolutatus aër, similem agit mugitibus sonum raucum, & æqualem, & continuum. Itaq; etiam ubi illa regio humida est, exitū claudit. Ideo huiusmodi tonitrua uenturi prænuincia imbris sunt. Aliud genus est acre & acerbum, quod acerbum magis dixerim q̃ sonorum, qualem audire solemus, cum super caput alicuius disrupta uesica est. Talia eduntur tonitrua, cum globata dissoluitur nubes, & spiritum quo distenta fuerat emittit. Hic proprie fragor dicitur subitus & uehemens, quo edito concidunt homines & exanimantur. Quidam uero uiui stupent, & in totum sibi excidunt, quos uocamus attonitos, quorum mentis sonus ille cœlestis loco pepulit. Hic fieri hoc quoq; modo potest, ut inclusis aër caua nube & motu ipso extenuatus diffundatur. Deinde cum maiorem sibi locum quærit, à quibus inuolutus est, sonum patitur. Quid autem, non quemadmodum illisæ manus inter se plausum edunt, sic illisarum inter se nubium sonus potest esse magnus, quia magna concurrunt inter se?

Videmus

Caput XXVIII.

Idemus, inquit, nubes impingi montibus, nec sonum fieri.

Primum omnium non quocunq; modo impulsæ sunt tonant, sed si apte sunt compositæ ad sonum edendū. Aversæ inter se manus collisæ non plaudunt, sed palma cum palma collata plausum facit. Et plurimum interest, utrum cavæ concutiantur, an planæ, et extentæ. Deinde non tantum nubes ire oportet, sed agi magna vi et procellosa. Etiam mons non scindit nubem, sed digerit, et primam quanq; partē eius solvit. Nec uestigia quæ quocunq; modo spiritum emittens sonat. Si ferro diuisa est, sine ullo aurium sensu exit. Rumpi illam oportet ut sonet, non scari. Idem de nubibus dico, nisi magno impetu dissolutæ, non sonant. Adijce nunc, quod nubes in monte actæ non franguntur, sed circumsunduntur in aliquas partes montis, arboris ramos, frutices, aspera saxa, et eminentia. Et ita cum ducuntur, si quem habent spiritum multifariam emittunt, qui non uniuersus erumpit nec crepat. Hoc ut scias, uentus qui circa arborem funditur, sibilat, non tonat. Lato (ut ita dicam) ictu, et totum globū semel dissipante opus est, ut sonitus erumpat, qualis auditur cum tonat.

Caput XXIX.

Ræter hæc, natura aptus est aer ad uoces. Quid nō, cum uox nihil aliud sit quàm ictus aeris? Debent ergo nubes utrinque dissectari et cavæ et intentæ. Vides enim quanto calidiora sunt uacua quàm plena, quanto intentiora quàm remissa. Item tympana et cymbala sonant, quia illa repugnantem ex ulteriore parte spiritum pulsant. Hæc ad ipsum aerem acta, nisi concavo non tinniunt.

Caput XXX.

Vidam, inter quos Asclepiodotus est, iudicant sic, quorundam quoque corporum concursu tonitrua et fulmina excuti posse. Aetna aliquando multo igni abundauit, ingentem uim arenæ urentis effudit. Inuolutus est dies puluere, populosque subita nox terruit. Illo tempore aiunt plurima fuisse tonitrua et fulmina, quæ concursu aridorum corporum facta sunt, non nubium, quas uerisimile est, in tanto ardore aeris nullas fuisse. Aliquando Cambises ad Ammonem misit exercitum, quem arena austro mota, et more niuis incidens texit, deinde obruit. Tunc quoque uerisimile est fuisse tonitrua fulminaque attritu arenæ sese affricantis. Non repugnat proposito nostro ista opinio. Diximus enim utriusque naturæ corpora efflare terras, et sicut aliquid et humidi in toto aëre uagari. Itaque siquid tale interuenit, nubem facit solidiorem

crassioresq; , q̄ si tantum simplici spiritu intexeretur. Illa frangi potest & edere sonum. Ista quæ dixi siue incendijs uaporantibus aëra repleuerint, siue uentis terras uerrentibus, necesse est nubem faciant ante, quàm sonum. Nubes autem tam arida, q̄ humida esse censetur. Est autem nubes (ut diximus) spissitudo aëris crassi.

Caput XXXI.

A Eterum mira fulminis, si intueri uelis, opera sunt, nec quicq̄ dubij relinquentia, quàm diuina insit illis & subtilis potentia. Loculis integris ac illæsis conflatur argentum. Manente uagina, gladius liquefit. Et inuiolato ligno, circa pila ferrum omne distillat. Stat fracto dolio uinum, nec ultra triduum rigor ille durat. Illud æque inter annotanda ponas licet, quod & hominum & cæterorum animalium, quæ icta sunt, caput spectat ad exitum fulminis, quod omnium percussarum arborum contra fulmina hastilia surgunt. Quid quod malarum serpentum & aliorum animalium, quibus mortifera uis inest, cum fulmine icta sunt, uenenum omne consumitur? Vnde, inquis, scis? In uenenatis corporibus uermis non nascitur, fulmine icta, inter paucos dies uerminat.

Caput XXXII.

Vid quod futura portēdunt, nec unius tantum aut alterius rei signa dant, sed sæpe totum fatorum sequentium ordinem nunciant, & quidem decretis euidentibus, longeq; clarioribus, q̄ si scriberentur? Hoc autem inter nos & Thuscos, quibus summa persequendorū fulminū est scientia, interest, nos putamus quod, quia nubes collisæ sunt, ideo fulmina emittantur, ipsi existimant nubes collidi ut fulmina emittantur. Nā cū omnia ad deū referāt, in ea sunt opinione, tanquam non quia facta sunt, significant, sed quia significatura sint, fiant. Eadem tamen ratione fiunt, siue illis significare propositum est, siue consequēs. Quomodo ergo significant, nisi a deo mittantur? Quomodo aues non in hoc motæ, ut nobis occurrerent, dextrum auspicium sinistrumue fecerint? Et illas, inquis, deus mouit. Nimis illum otiosum, & pusillæ rei ministrum facis, si alijs somnia, alijs exta disponit. Ita nihilominus diuina ope geruntur, si a deo pennæ auium reguntur, nec pecudum viscera sub ipsa securi formantur. Alia ratione fatorum series explicatur, indicia uenturi ubiq; præmittens, ex quibus nobis quædam familiaria, quædam ignota sunt. Quicquid fit, alicuius rei futuræ signum est, fortuita & sine ratione uaga diuinationem non recipiunt. Cuius rei ordo est, etiam prædictio est. Cur ergo aquilæ hic honor datus est, ut
magnarum

magnarum rerum faceret auspicia? Aut coruo, aut paucissimis aui-
bus, & ceterarum sine praesagio uox est? Quia quaedam in artem
nondum redacta sunt, quaedam uero ne redigi quidem possunt, ob-
nimium remotam conuersationem. Ceterum nullum animal est, quod non
motu et ocurso suo praedicet aliquid. Non omnia scilicet, sed quaedam
notantur. Auspiciu est obseruantis. Ad eum itaque pertinet, qui in eo di-
rexerit animum, ceterum, & illa quae pereunt. Quinque stellarum
potestates Chaldaeorum obseruatio excepit. Quid tu illa tot milia
syderum iudicas sine causa lucere? Quid est porro aliud, quod er-
rorem incutiat peritis natalium, quam quod paucis nos syderibus assi-
gnant, cum omnia quae supra nos sunt, partem sibi nostri uendicent?
Submissiora forsitan in nos propius uim suam dirigunt, & ea quae
frequentius mota, aliter nos, aliter cetera animalia prospiciunt. Cae-
terum & illa quae aut innotata sunt, aut propter uelocitatem uni-
uerso mundo parem, immotis similia, non extra ius dominiumque no-
stri sunt. * Aliud aspice & distribuis rem efficis tractas. Non magis
autem facile est scire, quid possint, quam dubitari debeat, an possint.

Caput XXXIII.

Vnc ad fulmina reuertamur, quorum ars in tria diuidi-
tur. Quemadmodum exploremus, quemadmodum interprete-
mur, quemadmodum exoremus. Prima pars ad formulam
pertinet, secunda ad diuinationem, tertia ad propiciandos deos, quos
bona rogare oportet, mala deprecari. Rogare, ut promissa firment.
Deprecari, ut remittant minas.

Caput XXXIIII.

Vnimam esse uim fulminum iudicant, quia quicquid alia
portendunt, interuentus fulminis tollit. Quicquid ab hoc
portenditur, fixum est, nec alterius ostentis significatione
minuitur. Quicquid exta, quicquid aues minabuntur, secundo
fulmine abolebitur. Quicquid fulmine denunciatum est, nec ex-
tis, nec aue contraria refellitur. In quo mihi falli uidentur. Qua-
re? Quia uero uerius nihil est. Si aues futura cecinerunt, non potest
hoc auspiciu fulmine irritum fieri. Aut si potest, non futura ce-
cinere. Non enim nunc auem comparo & fulmen, sed duo ueri
signa, quae si unum significant, paria sunt. Itaque si fulminis in-
teruentus submouet extorum, uel auguriorum indicia, male in-
specta exta, male obseruata auguria sunt. Non enim refert utrius
rei maior potentiorue natura sit, sed utra uim attulit. Signum quan-
tum ad hoc par est. Si dicas flammam uim maiorem esse quam fumum, non
mentieris. Sed iudicandum, an in igne idem ualeat flamma, quod fumus. Itaque

hoc dicunt, quoties extra aliud significabunt, & aliud fulmina, fulminum erit authoritas maior, fortasse consentiam, sed hoc dicunt. Quamuis altera signa uerum prædixere, fulminis ictus priora deleuit, & ad se fidē traxit, falsum est. Quare? quia nihil inter est, q̄ multa auspicia sint, fatum unum est, quod si bene primo auspicio intellectum est, secundo non interit. Ita dico, non refert, an aliud sit per quod quærimus, quoniam de quo quærimus idem est.

Caput XXXV.

Atum fulmine mutari potest. Quid ni? Nā fulmen ipsum
f fati pars est. Quid ergo expiationes, procurationesq; quo pertinent, si immutabilia sint fata? Permite mihi illam rigidam sectam tueri eorum, qui excipiunt ista, & nihil aliud esse existimant fata, q̄ ægræ mentis solatia. Aliter ius suum peragunt, nec ulla commouentur prece, non misericordia flectuntur, non gratia. Seruant cursum irrenuocabilem, ingesta, ex destinato fiunt. Quemadmodum rapidorum aqua torrentium in se non recurrit, nec moratur quidem, quia priorem superueniens præcipitat, sic ordinē fati æterna series regit, cuius hæc prima lex est, stare decreto.

Caput XXXVI.

Vid enim intelligis fatum? existimo necessitatem rerum
q omnium actionumq; quam nulla uis rumpat, hanc sacrificijs, & capite niuæ agnæ exorari iudicas? Diuina non nosti. Sapientis quoq; uiri sententiam negatis posse mutari, quanto magis dei, cum sapiens quid sit optimum in præsentia sciat, illius diuinitati omne præsens sit. Agere tamen nunc eorum uolo causam, qui procuranda existimant fulmina, et expiationes non dubitant prodesse, aliquando ad summouenda pericula, aliquando ad lenienda, aliquando ad differenda.

Caput XXXVII.

Vid sit quod sequitur, paulo post prosequar. Interim hoc
q habent commune nobiscum, quod nos quoq; existimamus uota proficere, salua ui ac potestate fatorū, quædam enim a dijs immortalibus ita suspensa relictæ sunt, ut in bonum uertant, si admotæ dijs preces fuerint, si uota suscepta. Ita non est hoc contra fatum, sed ipsum quoq; in fato est. Aut futurum, inquit, est, aut non? Si futurum est, etiam si non susceperis uota, fiet. Si non est futurum, etiam si susceperis uota, non fiet. Falsa est ista illatio, quia illam mediam inter ista exceptionem præteris. Futurum, inquit, hoc est, sed si uota suscepta fuerint. Hoc quoq; necesse, inquit, est, fato comprehensum sit, ut aut suscipias uota, aut non.

Caput XXXVIII.

Vt me tibi manus dare, & fateri hoc quoque fato esse com-
 prehensum, ut utique uota fiant, ideo fient. Fatum est, ut
 hic disertus sit, sed si literas didicerit, ab eodem fato con-
 tinetur, ut literas discat, ideo discat. Hic diues erit, sed si nauigauerit. At in illo fati ordine, quo patrimonium illi grande promittitur, hoc quoque protinus fatum est, ut nauiget, ideo nauigabit. Idem dico tibi de expiationibus. Effugiet pericula, si expiauerit praedictas diutius minas. At hoc quoque in fato est, ut expiet, ideo expiabit. Ista nobis opponi solent, ut probetur nihil uoluntati nostrae relictum, & omne ius fato traditum. Cum de ista re agetur dicam quemadmodum manente fato aliquid sit in hominis arbitrio. Nunc uero id, de quo agitur, explicabo, quomodo, si fati certus est ordo, expiationes propiciationesque prodigiorum pericula auertant, quia cum fato non pugnant, sed ipsa in lege data sunt. Quid ergo, inquis, aruspex mihi prodest? Vtique enim expiare etiam non suadente illo mihi necesse est. Hoc prodest, quod fati minister est. Sic cum sanitas uideatur esse de fato, debetur & medico, quia ad nos beneficium fati per huius manus uenit.

Caput XXXIX.

Enera fulgurum tria esse ait Cecinna. Consiliarium. Authori-
 ritatis, & quod Status dicitur. Consiliarium ante rem fit, sed post cogitationem, cum aliquid in animo cogitantibus, aut suadetur fulminis ictu, aut dissuadetur. Authoritatis est, ubi post rem factam uenit, cum bonam fortunam malamue significat. Status est, ubi quietis nec agentibus quicquam, nec cogitantibus quidem fulmen interuenit. Hoc aut minatur, aut promittit, aut monet. Hoc monitorium uocat, sed nescio quare non idem sit consiliarium, nam & quod monet consilium dat. Sed habet aliquam distinctionem, ideoque separatur a consiliario, quia illud suadet, dissuadetque, hoc solam impendentis periculi euitationem continet. Vt cum timeamus ignem aut fraudem a proximis, aut insidias a seruis. Etiamnum tamen aliam distinctionem utriusque uideo. Consiliarium est, quod cogitant factum est. Monitorium, quod nihil cogitanti. Habet autem utraque res suam proprietatem. Suadetur deliberantibus, & ultronei monentur.

Caput XL.

Rimo omnium non sunt fulminum genera, sed significatio-
 num. Nam fulminum genera sunt illa, quod terebrat, quod discutit, quod urit. Quod terebrat, subtile est & flammeum, cui per angustissimum fuga est ob sinceram & puram flammæ tenuitatem. Quod dissipat, conglobatum est, & habet com-

mistam vim spiritus coacti et procellosi. Itaque illud fulmen per id foramen, quod ingressum est, redit et euadit. Huius late sparsa vis, rumpit icta, non perforat. Tertium illud genus, quod urit, multum terreni habet, et igneum magis est, quam flammereum. Itaque relinquit magnas ignium notas, quae percussis inhæreant. Nullum quidem sine igni fulmen uenit. Sed tamen proprie igneum dicimus, quod manifesta ardoris signa imprimit. Quod enim urit, et fuscatur, tribus modis urit, aut afflat, et leui iniuria lædit, aut cõburit, aut accendit. Omnia ista urunt, sed genere et modo differunt. Quodcumque combustum est, utique illud et ustum est. At non omne quod ustum, utique et cõbustum est. Item quod accensum est, potest enim illud ipso transitu ignis ussisse. Quis nescit uri quid, nec ardere? Nihil autem potest ardere, quod non uratur. Vnum hoc adiiciam. Potest aliquid esse combustum, quod non sit accensum. Potest accensum esse, nec combustum.

Caput XLI.

Vnc ad id transeo genus fulminis, quo icta fuscantur. Hoc aut decolorat, aut colorat. Vtrique distinctionem suam reddam. Decoloratur id, cuius color uitatur, non mutatur. Coloratur id, cuius alia fit quam fuit facies, tanquam cœrulea, uel nigra, uel pallida. Hæc adhuc Hetruscis et philosophis communia sunt. In illo dissentunt, quod fulmina dicunt à Ioue mitti, et tres illi manubias dant. Prima (ut aiunt) monet et placata est, et ipsius consilio Iouis mittitur. Secundam mittit quidem Iupiter, sed ex consilii sententia, duodecim enim deos aduocat, quæ prodest quidem, sed non impune. Tertiam manubiam idem Iupiter mittit, sed adhibitis consilio dijs, quos superiores et inuolutos uocant. Quæ uastat et includit, et inique mutat statum priuatum et publicum, quem inuenit. Ignis enim nihil esse, quod sit, patitur.

Caput XLII.

In his primam faciem si intueri uelis, errat antiquitas. Quid enim tam imperitum est, quam credere fulmina è nubibus Iouem mittere, columnas, arbores, statuas suas nunquam petere, ut impunitis sacrilegis, percussis ouibus, incensis aris, pecudes innoxias feriat, et ad suum consilium à Ioue deos, quasi in ipso parum consilii sit, aduocari. Illa læta et placata esse fulmina, quæ solus excutiat, perniciofa, quibus mittendis maior munum turba interfuit. Si quaeris à me quid sentiam, non existimo tam hebetes fuisse, ut crederent Iouem, aut non æquæ uoluntatis, aut certe minus paratum esse, uel tunc, cum emisit ignes, quibus innoxia capita præteret, scelerata transiret, aut noluisse iniuste mittere,

aut non

aut non successisse. Quid ergo secuti sunt cum hoc dicerent? Ad coercendos animos imperitorum sapientissimi uiri indicauerunt inevitabilem metum, ut supra nos aliquid timeremus. Vtile erat in tanta audacia scelerum aliquid esse, aduersum quod nemo sibi satis potens uideretur. Ad conterendos itaque eos, quibus innocentia, nisi metu, non placet, posuere super caput iudicem, et quidem armatum.

Caput XLIII.

Vare id solum fulmen, quod Iupiter mittit, placabile est, quod perniciosum id, quod deliberauit, et quod alijs quoque dijs authoribus misit? Quia Iouem, idest regem prodesse etiam solum oportet nocere non, nisi cum pluribus visum est. Discant hi quicunque magnam potentiam inter homines adepti sunt, sine consilio nec fulmen quidem mitti. Aduocent, considerent multorum sententias, placita temperent, et hoc sibi proponant, ubi aliquid percuti debet, ne Ioui quidem suum satis esse consilium. Caput XLIIII.

In hoc quoque tam imperiti non fuere, ut Iouem existimarent tela mutare, poetarum ista licentiam decent.

Est aliud leuius fulmen, cui dextra cyclo-
pum
Sæuitiæ, flammæque minus, minus addidit iræ,
Tela secunda uocant superi-

illos uero altissimos uiros error iste non tenuit, ut existimarent Iouem modo leuioribus et luforijs flammis uti, sed uoluerunt admonere eos, quibus aduersus peccata hominum fulminandum est, non eodem modo omnia esse percutienda, quædam frangi debere, quædam eligi et distinguere, quædam admoneri. Caput XLV.

E hoc quidem crediderunt, Iouem esse, qualem in capitolio et in cæteris ædibus uidemus mittere manu fulmina, sed eundem, quem nos Iouem, intelligunt custodem rectoremque uniuersi, animum ac spiritum, mundani huius operis dominum, et artificem, cui nomen omne conuenit. Vis illum fatum uocare? Non errabis, hic est, ex quo suspensa sunt omnia, ex quo sunt omnes causæ creaturarum. Vis illum prouidentiam dicere? recte dices. Est enim, cuius consilio huic mundo prouidetur, ut inconfusus exeat, et actus suos explicet. Vis illum naturam uocare? Non peccabis. Est enim, ex quo nata sunt omnia, cuius spiritu uiuimus. Vis illum uocare mundum? non falleris. Ipse enim est, totum quod uides, totus suis partibus inditus, et se sustinens ui sua. Idem et Hetruscis visum est, et ideo fulmina a Ioue mitti dixerunt, quia sine illo nihil geritur.

LIBER

Caput XLVI.

T quare Iupiter ferienda transit, aut innoxia ferit? In
a maiorem me quaestionem uocas, cui suus locus, suus dies
 dandus est. Interim hoc dico, fulmina non mitti à Ioue,
 sed sic omnia disposita, ut ea etiam quæ ab illo non fiunt, tamen sine
 ratione non fiant. Vis eorum, illius permissio est. Nam & si Iupiter
 illa nunc non facit, Iupiter non fecit, ut non fierent. Singulis non
 adest, sed signum & uim & causam dedit oïbus. Caput XLVII.

Vic illorum diuisioni non accedo. Aiunt aut perpetua, aut
b finita esse fulmina, aut prorogatiua. Perpetua, quorum
 significatio in totâ uitam p̄tinet, nec unâ rē id enūciat, sed
 contextum rerū p̄ omne dēinceps ætatē futurarū cōplectitur. Hæc
 sunt fulmina, quæ prima accepto patrimonio, et i nouo hominis, aut
 urbis statu fiūt. Finita ad diē utiq; respōdēt. Prorogatiua sunt, quorū
 minæ differri possunt, auerti tolliq; nō possunt. Caput XLVIII.

Icā quid sit, quare huic diuisioni non consentiam. Nam
d & quod perpetuum uocant fulmen, finitum est. Aequē
 enim talia ad diē respondent. Nec ideo finita non sunt,
 quia multum tempus significant. Et quod prorogatiuum uidetur, fi-
 nitum est. Nam illorum quoq; confessione certum est, quousq; impe-
 tretur dilatio. Priuata enim fulgura negant ultra decimum annum,
 publica ultra tricesimum posse differri. Hoc modo & ista finita sunt,
 q̄a ultra quod nō prorogarentur inclusum est. Omnium ergo fulmi-
 num & omnis euentus dies stata est. Nō potest enim ulla incerti esse
 cōprehēsiō. Quæ inspiciēda sunt in fulgure, passim et uage dicunt,
 et sic passionēs eorū debere diuidi, quē admodū ab Attalo philoso-
 pho, q̄ se huic disciplinæ dederat, diuisa sunt, ut inspiciātur ubi factū
 sit, quando, cui, in qua re, quale, q̄tū. Hæc si digerere in partes suas
 uoluerō, qd̄ postea faciā nisi in imensum procedā? Caput XLIX.

Vnc nomina fulgurum, quæ à Cecinna ponuntur, aperte
n stringam, & quid de his sentiam, exponam. Ait esse Postu-
 latoria, quibus sacrificia intermissa, aut non rite facta re-
 petuntur. Monitoria, quibus docetur, quid cauendum sit. Pestifera, quæ
 mortem exiliūq; portendunt. Fallacia, quæ p̄ speciem alicuius boni
 nocent. Dant consulatum malo futurum gerentibus, & hereditatē,
 cuius compendium magno sit luendum incommodo. Dentanea, quæ
 speciem periculi sine periculo afferunt. Peremptalia, quibus tolluntur
 priorum fulminū minæ. Attestata, quæ prioribus consentiunt. Atter-
 ranea, quæ in inclusō fiunt. Obruta, quibus iam prius percussa, nec
 procrata

procurata feriuntur. Regalia, quorum ui tangitur uel comitum, uel principalia urbis liberæ loca, quorū significatio regnum ciuitati minatur, Inferna, cum e terra exiliunt ignes. Hospitalia, quæ sacrificijs ad nos Iouē arcessunt, et (ut uerbo eorū molliori utar) inuitāt. Hunc uenire cum magno inuitantium piculo affirmant. Auxiliaria, quæ aduocata dicuntur, sed aduocantium bono ueniunt. Caput L.

q Vanto simplicior diuisio est, qua utebatur Attalus noster egregius uir, qui Hetrusorum disciplinam Græca utiliter miscebat. Ex fulminibus quedam sunt, quæ significant id, quod ad nos pertinet. Quedam aut nihil significant, aut id, cuius intellectus ad nos nō puenit. Ex his quæ significāt, quedā sunt læta, quedā aduersa, quedā nec aduersa nec læta. Aduersorum hæ species sunt. Aut inuitabilia mala portēdūt, aut euitabilia, aut quæ minui possunt, aut quæ prorogari. Læta aut mansura sunt, aut caduca. Mista aut habent partē boni, aut partē mali, aut mala in bonū, aut bona in malū uertunt. Nec aduersa nec læta sunt, quæ aliquā nobis actionem significant, qua nec terreri nec lætari debemus, aut peregrinationē in qua nec metus, nec spei quicq̃ sit. Caput LI.

r Euertar ad ea fulmina, quæ significant quidem aliquid, sed quod ad nos non pertineat. Tanquam utrum eodem anno idem futurū sit fulmen, quod factum est. Nihil significant fulmina, aut id cuius notitia nos effugit, ut illa quæ in uastum mare sparguntur, aut in desertas solitudines, quorum significatio uel nulla est, uel perit. Caput LII.

p Aut adhuc adiiciam ad enarrādā uim fulminis, quæ non eodem modo omnē materiam uexat. Valētiora quia resistunt, uehementius dissipat, cedētia nōnunq̃ sine iniuria transit. Cum lapide ferroq̃ et durissimis quibusq̃ configit, quia uiam necesse est p̃ illa impetū quærat. Itaq̃ facit uiam qua effugiat. Teneris et rarioribus parat, quanq̃ et flāmus opportuna uideatur, quia transitu patente minus sæuit. Loculis itaq̃ (ut dixi) integris, pecunia, quæ in his fuerat, conflata reperitur, q̃a ignis tenuissimus per occulta foramina transcurrit. Quicquid autem in tigno solidū inuenit, ut contumax uincit. Non uno autem (ut dixi) modo sæuit, sed quid quæq̃ uis fecerit, ex ipso genere iniuriæ intelligis, et fulmen opere cognoscis. Interdum in eadem materia, multa diuersa eiusdē uis fulminis facit, sicut in arbore, quod aridissimū est, urit, quod solidissimū et durissimū est, terebrat et frangit, summos cortices dissipat, Interiores libros interioris arboris, rūpit ac scindit, folia p̃tun-

dit ac stringit, vinum gelat, ferrū & æs fundit. Caput LIII.

Ilud est mirum, q̄ vinū fulmine gelatū, cum ad priorem habitum redit, potum aut exanimat, aut dementis facit.

Quare illud accidat, quærenti mihi illud occurrit. Inest fulmini vis pestifera, ex hoc aliquē remanere spiritū in eo humore, quem coëgit gelavitq̄; uerisimile est. Nec.n. alligari potuisset, nisi aliquid illi esset additū uinculū. Præterea olei quoq̄ et omnis unguenti teter post fulmen odor est. Ex quo apparet inesse quandā subtilissimo igni, & contra naturā acto, pestilentem potentiā, qua non tantū icta cadunt, sed etiam afflata. Præterea quocūq̄ decidit fulmen, ibi odorē sulfuris esse certū est, qui quia natura grauis est, sæpius haustus alienat. Sed ad hoc uacui reuertemur. Fortasse enim libebit ostendere quantum omnia ista a philosophia artium parente fluxere. Illa primū & quæsiuit causas rerum, & obseruauit effectus, & quod in fulminis inspectione longe melius est, initijs rerum exitus contulit.

Caput LIIII.

Vnc ad opinionem Possidonij reuertar. E' terra terrenisq̄; in omnibus pars humida efflatur, pars siccā & fumida remanet. Hæc fulminibus alimentū est, illa imbribus. Quicquid in aëra siccā fumosiq̄; puenit, id includi se nubibus nō fert, sed rumpit claudencia. Inde est sonus, quē nos tonitruū uocamus. In ipso quoq̄; aëre qcqd attenuatur, simul siccatur & calet. Hoc quoq̄; si inclusum est, æque fugam quærit, & cum sono euadit, & modo uniuersam eruptionē facit, eoq̄; uehementius intonat, modo p̄ partes et minutatim. Ergo tonitrua hic spiritus exprimit, dum aut rumpit nubes aut peruolat. Volatio autem spiritus in nube conclusi, uehementissimum est atterendi genus.

Caput LV.

Onitrua nihil aliud sunt, q̄ citi aëris sonitus, qui fieri, nisi dū aut teritur, aut rūpitur, nō potest. Et si colliditur, inqt, nubes inter se, fit is, quē desyderas, ictus, sed nō uniuersus. Non.n. tota totis cōcurrūt, sed partibus partes. Nō sonant mollia, nisi illisa duris sint. Itaq̄; nō auditur fluctus, nisi impactus. Ignis, inquit, missus in aquam sonat, dum extinguitur. Puta ita esse, pro me est. Non.n. ignis tunc sonū efficit, sed spiritus p̄ extinguentia effugiēs. Itidē ibi & fieri ignē in nube, & extingui, qui ē spiritu nascitur et attritu. Quid ergo inquit, non potest aliqua ex his transcurrētibz stellis incidere in nubē & extingui? Existimemus posse aliquando et id fieri. Nūc naturalē causam querimus & assiduam, & nō rarā et fortuitā. Puta me cōfiteri uerū esse, quod dicit. Aliquando post to-

nitrua emicare igneis, stellis transuersis et cadētibus similis, tamen
nō ob hoc tonitrua facta sunt, sed hoc fieri, q̃a tonitrua facta sunt.
Clidenus autem fulgurationes ait specē inanē esse, nō ignē. Sic. n. p
noctē splendorē motu remorū uideri. Dissimile est exēplum. Illic. n.
splēdor intra ipsam aquam apparet. Id quod fit in aēre erumpit
et exilit.

Caput LVI.

h Eraclitus existimat fulgurationē esse uelut apud nos inci-
pientiū igniū conatus, et primam flāmam incertam, modo
intereuntē, modo resurgētē. Hoc antiqui fulgētā dicebāt.
Tonitrua nos pluraliter dicimus, antiqui autē tonitrū dixerūt, aut
tonū. Hoc apud Cecinnā inuenio faciendū uirū, si habuisset in eloquē
tia nomē, et nisi illū Ciceronis umbra pressisset. Etianū illo uerbo ute
bantur antiq̃ correpto, quo nos producta una syllaba utimur, dici-
mus enim ut splendēre, sic fulgēre. Atqui illis, ad significandam tam
subitam ē nubibus eruptionem lucis, mos erat uti media syllaba cor
repta, ut dicerent fulgēre.

Caput LVII.

q Vid ipse existimem, quæris? Adhuc. n. alienis opinionibus
accōmodauī manū, dicā, fulgurat, cū repentinū late lumen
emittit. Id euenit, ubi i ignē extenuatis nubibus aēr uerti-
tur, nec uirens, q̃bus lōgius profiliat, iuenit. Nō miraris puto, si aēra
aut motus extenuat, aut extenuatio incēdit. Sic liquescit excussa glās
funda, et attritu aēris, uelut igne distillat. Ideo, æstate plurima fiūt
fulmina, q̃a plurimū calida est. Facilius autē attritu calidiore ignis
existit. Eodē autem modo fit fulgur, q̃ tantū fulget, et fulmen, quod
mittitur. Sed illi leuior uis, alimentiq̃ est minus, et, ut breuiter dicā
quod sentio, Fulmen est fulgur intētū. Ergo ubi calidi fumidiq̃ natu
ra emissa terris, in nubis incidit, et diu in illarū sinu uolutata est.
nouissime erumpit, et quia uirens non habet, splēdor est. At ubi
fulgura illa plus habuere materiæ, et maiore impetu arserunt,
non apparent tantum, sed decidunt.

Caput LVIII.

q Vidam utiq̃ existimāt fulmen reuerti, qdā subsidere, ubi
alimēta prægrauauerūt, et fulmē ic̃tu languidore delatū
est. At quare fulmē subitū apparet, nec cōtinuatur assiduus
ignibus? Quia celerrimū est, miriq̃ motus, simul et nubis rum-
pit, et aēra incendit, deinde desinit flāma quiescente motu. Nō enim
est assiduus spiritus cursus, ut ignis possit extendi, sed quoties for-
tius ipsa iactatione se accendit. fugiendi impetū capit. Deinde cum
euasit, et pugna desinit. Ex eadē causa modo usq̃ ad terrā profertur,
modo dissoluitur, si minore ui pressus est. Quare oblique fertur?

LIBER

Quia spiritus constat, spiritus autem obliquus est, flexuosusq; & quæ
puta ignē sursum uocat, iniuria deorsum premit, incipit obliquus
esse. Interdum autem neutra uis alteri cedit, & ignis in superiora
nititur, & in inferiora deprimatur. Quare frequenter cacumina
montium feriuntur? Quia opposita sunt nubibus, & e' cælo caden-
tibus per hæc transeundum est.

Caput LIX.

Intelligo quid iam dudum desideres, quid efflagites, ma-
lo, inquis, fulmina nō timere, q̄ nosse. Itaq; alios doce quē-
admodum fiant, ego mihi metum illorū excuti malo, q̄ na-
turam indicari. Sequar quod uocas, omnibus enim rebus omnibusq;
sermonibus aliquid salutare miscendum est. Cum imus per occulta
naturæ, cum diuina tractamus, uēdicandus est a malis suis animus,
ac subinde firmandus, q̄ etiam eruditis & hoc unum agentibus,
necessarium est. Non ut effugiamus ictus rerum (undiq; enim tela in
nos iaciuntur) sed ut fortiter constanterq; patiamur. Inuicti esse pos-
sumus, in concussi non possumus. Quauquam interim spes subit, in-
concussos quoq; esse nos posse. Quomodo inquis? Contemne mortem,
et omnia quæ ad mortem ducunt contempta sint, licet illa bella sint,
siue naufragia, seu morsus ferarum, siue ruinarū subito lapsu proci-
dentium pondera, nunquid amplius facere possunt, q̄ ut corpus ab
animo resoluant? Hæc nulla diligentia euitat, nulla felicitas domat,
nulla potētia euincit, talia uera fortitudine disponuntur. Mors omnes
æque uocat. Iratis dīs, propicijsq; moriendum est. Animus ex ipsa
desperatione sumatur. Ignauissima animalia, quæ natura ad fugā ge-
nuit, ubi exitus non patet, tentant fugam corpore imbelli. Nullus p-
niciosior hostis est, q̄ quem audacem angustia faciunt, longeq; uiolen-
tius semper ex necessitate, q̄ ex uirtute corrigimur. Maiora, aut certe
paria conatur animus magnus ac perditus. Cogitemus nos tanq̄ ad
mortem proditos esse, et sumus. Ita est Lucili, Omnes reseruamur ad
mortem. Totum hunc quem uidemus populum, quousq; cogitas esse?
cito natura reuocabit & condet. Nec de re, sed de die quaeritur.
Eodem citius'ue tardius'ue ueniendum est. Quid ergo? Non tibi ti-
midissimus omnium uidetur, & insipientissimus, qui magno ambitu
rogat moram mortis? Non ne contemneres eum, qui inter peritu-
ros constitutus, beneficij loco peteret, ut ultimus ceruicem præberet?
Id facimus, magno aestimamus mori tardius. In omnes constitu-
tum est capitale supplicium, et quidem constitutione dignissima, quod
maximū solet esse solatiū extrema passuris, quod eorū in causa ea-
dem sors est. Sequeremur traditi a iudice, aut magistratu, & car-

nifici nostro præstaremus obsequium. Quid interest, ad mortem iussu
eamus an ultronei? O te dementem & oblitum fragilitatis tuæ, si
tunc mortem times, cum tonat. Ita'ne-salus tua in hoc uertitur?
Vives si fulmen euaseris? Petet te gladius, petet te lapis, petet te fe-
bris. Non maximum ex periculis tuis, sed speciosissimum fulmen est.
Male scilicet erit actum tecum, si sensum mortis tuæ celeritas infi-
nita præuenerit, si mors tua prædicetur, si tu tunc quidem quum
spiras non supervacuæ, sed alicuius magnæ rei signum es. Male
scilicet tecum agitur, si cum fulmine cederis. Sed paucis ad cœli
fragorem, & ad inane nubium trepidas, et quoties aliquid effulsit, ex-
piras. Quid ergo? Honestius iudicas deiectione animi perire, q̄ ful-
mine? Eo' itaq; fortius aduersus cœli minas surge, & cum mundus
undiq; exarserit, cogita te nihil habere tantæ morte perdendum.
Quod si tibi parari credis illam cœli confusionem, illam tempesta-
tum discordiam, si propter te ingestæ, illisq; nubes strepunt, si in-
tuum exitum tanta uis ignium excutitur, at tu solatiij loco numeras,
tanti esse mortem tuam. Sed non erit huic cogitationi locus. Casus
iste demat metum. Est inter cætera hoc quoq; commodum eius, q̄ ex-
pectationem tuam antecedit. Nemo unq̄ fulmen timuit, nisi q̄ effugit.

LVCII ANNEI SENECAE NATVRALIVM

QVAESTIONVM LIBER TERTIVS, QVI

EST DE AQVIS AQVARVMQVE MIRA-

CV LIS. INIBI DE DILV VIO.

PRAEFATIO.

ON præterit me Lucili uirorum optime, q̄ magnas
rerum fundamenta ponam senex, qui mundum cir-
cuire constitui, & causas secretaq; eius eruere, atq;
alijs noscenda producere. Quādo tam multa conse-
quar? tam sparsa colligam? tam occulta perspiciam?

Præmittat ergo senectus, & obijciat annos inter uana studia con-
sumptos, tanto' magis urgeamus, et damna ætatis male exemptæ la-
bor sarciat, nox ad diem accedat, occupationes patrimonij recidan-
tur, longe a' dominio iacentis causa soluatur, sibi totus animus uacet,
et ad contemplationem sui saltem in ipso fugæ impetu respiciat.
Faciet, ac sibi instabit, & quotidie breuitatem temporis metietur.

Quicquid amissum est, id diligenti usu præsentis uitæ recolliget. Fidelissimus est ad honesta ex poenitentia transitus. Libet mihi exclamare illius poetæ inclyti uersum,

» Tollimus ingentes animos & maxima paruo

» Tempore molimur, -

hoc dicere, si puer iuuenisq; moliver. Nullum non tam magnis rebus tempus angustum est. Nunc uero ad rem seriā, grauē, immensam, post-meridianis horis accessimus. Faciamus quod in itinere fieri solet. Qui tardius exierunt, uelocitate pēsant morā. Festinemus, et opus, nescio an superabile, magnum certe, sine ætatis excusatione tractemus. Crescit animus quoties coepti magnitudinē ostendit, & cogitat quantum proposito, non quantum sibi supersit. Consumpsere se quidā, dum acta regum externorum componunt, quæq; passi inuicē ausiq; sunt populi. Quanto satius est sua mala extinguere, quā aliena posteris tradere? Quanto potius deorum opera celebrare, quā Philippi aut Alexandri latrocinia? Qui exitio gentium clari, non minores fuere pestes mortaliū, quā inūdatio, qua planum omne perfusum est, quā conflagratio, qua magna pars animantium exaruit. Quemadmodum Annibal superauerit alperis scribunt, quemadmodum confirmatum Hispaniæ cladibus bellum Italiæ inopinatus intulerit, infractisq; rebus etiam post Carthaginem, pertinax reges pererrauerit, contra Romanos ducem se promittens, etiā sine exercitu. Quemadmodum non desierit senex omnibus angulis bellum querere. Adeo sine patria esse pati poterat, sine hoste non poterat. Quanto satius quod faciendum sit, quā quod factum sit querere, ac docere eos, qui sua promissere fortunæ, nihil stabile ab illa datum esse, eius omnia fluere aura mobilius? Nescit enim quiescere, gaudet lætis tristia sustinere, & utraq; miscere. Itaque in secundis nemo confidat, in aduersis nemo deficiat, alternæ sunt uices rerum. Quid exultas? Ista quibus ueheris in summum, nescis ubi te relictura sint, habebunt suum, non tuum finem. Quid iaces? ad imum delatus es, nunc est resurgendi locus. In melius aduersa, in deterius optata uertuntur. Ita accipienda est animo uarietas, non priuatarum tantum domum, quas leuis casus impellit, sed etiam reipublicæ. Regna ex infimo coorta supra imperatorem consistere. Vetera imperia in ipso flore cecidere. Inueniri non potest numerus, quā multa ab alijs fracta sint. Nunc, cum maxime deus alia exaltat, alia submittit, nec molliter ponit, sed ex fastigio suo nullas habitura reliquas iactat, magna ista (quæ parui sumus) credimus. Multis rebus non ex natura sua, sed ex humilitate nostra magnitudo est. Quid præcipuum in rebus humanis est? Non classibus maria cōplesse, nec in rubri maris litore

signa posuisse, nec deficiente terra ad iniurias aliorum errasse in oceanum ignota quaerentem, sed animo omne uidisse, et, qua nulla est maior uictoria, uicta domuisse. Innumerabiles sunt, quae urbes, quae populos habere in potestate, paucissimi quae se. Quid est praecipuum? Erigere animum supra minas et promissa fortunae. Nihil dignum putare, quod speres. Quid enim habet dignum quod concupiscas? quia a diuinorum contemplatione, quoties ad humana recideris, non aliter caligabis, quam quorum oculi in densam umbram ex claro sole rediere. Quid est praecipuum? posse laeto animo aduersa tolerare, quicquid acciderit sic ferre, quasi tibi uolueris id accidere. Debuiſſes enim uelle, si scires omnia ex decreto dei fieri. Flere, queri, ingemere deſciſcere est. Quid est praecipuum? Animus contra calamitates fortis et cotumax, luxuria non aduersus tantum, sed et iustus. Nec auidus periculi, nec fugax, prosperitatem non expectans, sed aduersus utrumque intrepidus et incosus. Nec illius tumultu, nec huius fulgore percussus. Quid est praecipuum? non admittere in animo mala consilia, puras ad coelum manus tollere, nullum petere bonum, quod ut ad te transeat, alius possit amittere. Optare, quod sine aduersario optatur, bonam mentem. Caetera, magno aestimata mortalibus, etiam si quis domum casus abstulerit, sic intueri, quasi exitura, quae uenerint. Quid est praecipuum? Altos supra fortunam spiritus hominis tollere. Memnissse, ut siue felix eris, scias hoc non futurum diu, siue infelix, scias hoc te non esse, nisi cum putes. Quid est praecipuum? In primis liberum animum habere. Haec res efficit non euenire Quiriti, ut sit liber, sed euenire naturae. Liber autem est, quae seruitutem effugit suam. Haec est assidua seruitus, et ineluctabilis, et per diem ac noctem aequaliter premens, sine intervallo, sine comatu. Sibi seruire grauissima seruitus est, quam discutere facile est, si desieris multa poscere, si desieris tibi referre mercedem, si ante oculos et naturam tuam posueris, et aetatem, ac tibi ipse dixeris, quod insanio? quod anhelio? quod sudo? quod terram uerso? quod forum uiso? Nec multo opus est, nec diu. Ad hoc proderit nobis inspicere rerum naturam, primo discedemus a sordidis, deinde animum ipsum, quo magno summoque opus est, seducemus a corpore. Deinde in occultis exercitata subtilitas non erit in aperto deterior. Nihil autem est apertius his salutaribus, quae contra nequam nostram furoremque discuntur, quae damnamus, nec ponimus. Caput I.

Vaeramus ergo de aquis, et inuestigemus, qua ratione fiat.

quae Siue (ut ait Ouidius)

Fons erat illius nitidis argenteus undis.

Siue (ut ait Virgilius)

Vnde per ora nouem uasto cum murmure montis

» It mare præruptum, & pelago premit arua sonanti.

Siue, ut apud te. Iunior carissime inuenio.

» Elysus siculis de fontibus exilit amnis.

Quomodo aquas subministret, quomodo tot flumina ingentia per diem et noctem decurrant, quare alia Hybernus aquis intumescant, alia in defectu cæterorū amniū crescant. Nilum interim seponamus à turba, propriæ naturæ & singularis, illi diē suū dabimus, nunc vulgares aquas prosequemur, tam frigidas q̄ calētes. In qbus quærendū erit, utrū calidæ nascentur, an fiant. De cæteris quoq; differemus, quas insignes aut sapor, aut aliqua reddit utilitas. Quædam enim oculos, quædam nervos iuuant, quædam inueterata et desperata à medicis vitia percurant. Quædam medentur ulceribus, quædam interiora fouent potu, & pulmonis ac uiscerū querelas lenant. Quædam suppressunt sanguinem, tam uariis singulis usus, q̄ gratus est.

Caput II.

Ut stant omnes aquæ, aut fluunt, aut colliguntur, aut uarias habent uenas. Aliæ sunt dulces, aliæ uariæ, asperæ quippe interueniunt, salse q̄; amaræ q̄; aut medicatæ, ex qbus sulfuratas dicimus. Ferratas, et aluminosas indicat inde sapor. Habent præterea multa discrimina. Primū tactus, frigidæ calidæ q̄; sunt. Deinde ponderis, omnes aut leues aut graues sunt. Deinde coloris. Puræ sunt et turbidæ, cœruleæ, lucidæ. Deinde salubritatis, sunt etenim salubres & utiles, sunt mortiferæ, sunt quæ coguntur in lapidem. Quædam tenues, quædam pingues, quædam alunt, quædam sine ulla bibentis ope transeunt, quædam haustæ fecunditatem afferunt.

Caput III.

Ut stet aqua aut fluat, loci positio efficit, in deuexo fluit, in plano continetur & stagnat, & aliquando in aduersum spiritu impellitur, tunc cogitur, non fluit. Colligitur ex imbribus, ex suo fonte natua est. Nihil tamen prohibet eodem loco aquam colligi & nasci, quod in Fucino uidemus, in quem montis circumuecti fluij deriuantur. Sed et magnæ latentes q̄; in ipso undæ sunt, itaq; etiam cum Hyberni defluxere torrentes, faciē suā seruat.

Caput IIII.

Rimum ergo quæramus, quomodo ad continuādos fluminum cursus terra sufficiat, unde tantum aquarum exeat?

Miramur, quod accessionem fluminum maria nō sentiant. Aequè mirandum est, quod detrimenta exeuntum terra non sentit. Quid est, quod illam sic impleuit, ut præbere tantum ex recondito possit, ac

possit, ac subinde sic suppleat? Quamcunq; rationem reddiderimus de flumine, eadem erit riuorum ac fontium. Caput V.

Vidam iudicant terram quicquid aquarū emiserit, rursus accipere, et ob hoc maria non crescere, quia quod influxit non in suū uertant, sed protinus reddant. Ocul-
to enim itinere subit terras, & palam uenit, secretoq; reuertitur; colaturq; transitu mare, quod per multiplices anfractus terrarum uerberatum amaritudine ponit, & prauitatem saporis in tanta soli uarietate exuit, & in sinceram aquam transit. Caput VI.

Vidam existimant, quicquid ex imbribus terra concipit, in flumina rursus emitti. Et hoc argumenti loco ponunt, quod paucissima flumina sunt in his locis, in quibus rarus est imber. Ideo sitas esse aiunt Aethiopiae solitudines, paucosq; inueniri in interiori Africae fontes, quia feruida caeli natura sit, et pene semper aestua. Squalidae itaq; sine arbore, sine cultore arenae iacent, raris imbribus sparsae, quos statim combibunt. At contra constat Germaniam Galliamq; & proxime ab his Italiam abundare riuis & fluminibus, quia coelo humido utuntur, & ne aestas quidem imbribus caret. Caput VII.

Duersus haec multa dici posse uides, primum ego tibi, uinearum diligens fossor, affirmo, nullam pluuiam esse tam magnam, quae terram ultra decem pedes in altitudinem madafaciat. Omnis humor intra primam crustam consumitur, nec in inferiora descendit. Quomodo ergo potest imber suggerere amnibus uireis, qui summam humum tangit? Pars maior eius per fluminum alueos in mare transfertur, exiguum est quod sorbet terra, nec id seruat. Aut enim arida est, & absorbit quicquid in se fustum est, aut satiata, si quid supra desiderium cecidit, excludit. Et ideo primis imbribus non augentur amnes, quia totos in se sitiens terra trahit. Quid, quod quaedam flumina erumpunt saxis & montibus, his quid conferent pluuiæ, quæ per nudas rupes deferuntur, nec habent terram cui insidant? Adijce, quod in sicatissimis locis, putei in altum acti, per ducentum, aut trecentum pedum spatia, inueniunt aquarum uberes uenas, in ea altitudine, in quam aqua non penetret, ut scias illic non coelestem esse, nec collectitum humorem, sed, quod dici solet, uiuam aquam. Illo quoq; argumento hæc opinio refellitur, quod quidam fontes in summo montis cacumine redundant. Apparet ergo illos sursum agi, aut ibi concipi, cum omnis aqua pluuialis decurrat.

LIBER

Caput VIII.

Vidam existimant, quemadmodum in exteriori parte terrarum vastæ paludes iacent, magni & nauigabiles lacus, quemadmodum ingenti spatio terræ maria porrecta sunt, infusa uallibus, sic interiora terrarum abundare aquis dulcibus. Nec minus illas stagnare, q̃ apud nos oceanum, & sinus eius, immo eò latius, quò plus terra in altum patet. Ergo ex illa profunda copia isti amnes egeruntur, quos quid miraris si terra detractos non sentiat, cum adiectos maria non sentiant.

Caput IX.

Vibuscum hæc placet causa. Aiunt habere terram intra se cauos recessus, & multum spiritus, qui necessario frigit, umbra graui pressus. Deinde piger & immotus in aquam, cum desit, conuertitur, quemadmodum supra nos mutatio aeris imbrem facit, ita infra terras riuum agit. Supra nos stare nõ potest segnis diu & grauis, aliquando enim sole tenuatur, aliquando uentis expanditur. Itaq; interualla magna imbribus sunt. Sub terra uero quicquid est, quod illum in aquam conuertat, idem semper est, umbra perpetua, frigus æternum, inexercitata densitas. Semper ergo præbebit fonti aut flumini causas. Placet nobis terram esse mutabilem, hoc quoq; quicquid effluit, quia non aëre libero concipitur, crassescit, & protinus in humorem conuertitur.

Caput X.

Abes primam aquarum sub terra nascentium causam, adiicias etiã licet, quod fiant omnia ex omnibus, ex aqua aër, ex aëre aqua, ignis ex aëre, ex igne aër. Quare ergo nõ terra fiat ex aqua, & ex terra aqua? quæ si in alia mutabilis est, et in aquã, immo maxime in hæc. Vtraq; cognata res est, utraq; densa, utraq; in extremum mundi compulsa. Ex aqua terra fit, cur non aqua fiat e' terra? At magna sunt flumina. Cũ uideris quanta sunt, rursus ex quanto prodeant aspice. Miraris, cum labantur assidue, quædam uero & concitata rapiantur, quod præsto sit illis semper aqua noua. Quid si mireris, quod, cum uenti totum aëra impellant, non deficit spatio spiritus, sed per dies noctesq; æqualiter fluit, nec ut flumina certo alueo fertur, sed per vastum cœli spatium lato impetu uadit. Quod si ullam undam superesse mireris, quæ superueniat tot fluctibus fractis. Nihil deficit, quod in se redit. Omnium elementorũ alterni recursus sunt. Quicquid alteri perit, in alterũ transit. Et natura partem suam uelut in ponderibus constitutas examinat, ne portionũ æquitate turbata mundus præponderet.

Omnia

Omnia in omnibus sunt, non tantū aër in ignem transit, sed nunq̃ sine igne est. Detrahe illi calorem, rigescet, stabit, durabitur. Transit aër in humorem, sed nihilominus non sine humore est. Et aëra & aquam facit terra, sed non magis unquam sine aqua est, quā sine aëre. Et ideo facilius inuicem transitus est, quia illis, in quæ transeundum est, iam mista est. Habet ergo terra humorem, hunc exprimit, habet aëra, hūc umbra hyberni frigoris densat, ut faciat humorem. Ipsa quoq; mutabilis est in humorem, natura sua utitur.

Caput XI.

Vid ergo, inquis, si perpetui sunt amnes, uel causæ quibus q flumina oriuntur ac fontes, quare aliquando siccantur, aliquando, quibus non fuisse locas, exeunt? Sæpe motu terrarum itinera turbant, & ruina interscindit uiam aquis, quæ recentis & novos exitus quærent, & aliquo impetu faciunt, aut ipsius quassatione terræ aliunde aliō transferuntur. Apud nos euenire solet, ut amisso canali suo flumina primum refundantur, deinde, quia perdiderunt uiam, faciant, hoc quod accidisse ait Theophrastus in Corydō monte, in quo post terrarū tremorem noua uis fontium emerfit. Sed & alios quoq; casus interuenire quidam opinantur, qui aliter euocent aquas, aut à cursu suo decidant, atq; auertant. Fuit aliquando aquarum inops Hæmus, sed cum Gallorum gens à Cassandro obsessa in illum se contulisset, & syluas cecidisset, ingens aquarum copia illis apparuit, quas uidelicet in alimentum suum nemora ducebant, quibus excisis humor, qui desijt in arbusta consumit, supersusus est. Idem ait & circa Magnesium accidisse. Sed pace Theophrasti dixisse liceat, non hoc est simile ueri, quia fere aquosissima sunt, quæcunq; umbrosissima. Quod non eueniret, si aquas arbusta siccarent, quibus alimentum ex proximo est, fluminum uero uis ex intimo manat, ultraq; excipitur, quā radicibus euagari licet. Deinde succisæ arbores plus humoris desiderant, non tantum id quo uiuant, sed & id, quo crescant. Idem ait circa Arcadium, quæ urbs in Creta insula est, fontes & lacus substitisse, quia desierit coli terra, diruta urbe. Postea uero quā cultores receperit, aquas quoq; recepisse. Causam siccitatis hanc ponit, quod obduruerit constricta tellus, nec potuerit imbres inagitata transmittere. Quomodo ergo plurimos uidemus in locis desertissimis fontes? Plura deniq; inuenimus, quæ propter aquas coli coeperunt, quā quæ aquas habere coeperint, quia colebantur. Non enim esse pluuiale hanc aquā, quæ uastissima flumina à fonte

LIBER

statim, magnis acta nauigijs defert, ex hoc intelligas licet, quod per hyemem aestatemq; par est a capite deiectus. Pluuia potest facere torrentem, non potest autem equali inter ripas suas tenore labentem, aquam non faciunt imbres, sed incitant.

Caput XII.

Aulo repetamus hoc altius si uidetur, & scies te non habere quod quaeris, cum ad ueram omnium originem accesseris. Flumen nempe facit copia cuiusq; aquae perennis. Ergo quaeris a me, quomodo aqua fiat. Interrogabo inuicem, quomodo aer fiat, aut terra. Si rerum elementa sunt quatuor, non potest interrogari unde aqua sit, quarta enim pars est naturae. Quid ergo miraris, si rerum naturae portio tam magna potest aliquid ex se semper effundere? Quomodo aer & ipse quarta pars mundi uentos & auras mouet, sic aqua riuos & flumina. Si uentus est fluens aer, & flumen est fluens aqua. Satis & multum illi uirium dedi, cum dixi elementum est. Intelligis quod ab illo proficiscitur, non posse deficere.

Caput XIII.

Qua, ait Thales, ualentissimum elementum est, hoc fuisse primum putat, ex hoc surrexisse omnia. Sed nos quoq; aut in eadem sententia eius, aut in ultima sumus. Dicamus enim ignem esse qui occupet mundum, & in se cuncta conuertat. Hunc eundem languentem considerare, & nihil relinqui aliud in rerum natura, igne restincto, quam humorem, in hoc futuri mundi speciem latere. Ita ignis exitus mundi est, humor primordium. Miraris amens ex hoc posse exire semper, qui pro omnibus fuit, & ex quo sunt omnia? Hic humor rerum primordium sic positus est, ut fluminibus edendis sufficere, ut riuis, ut fontibus posset. Quae sequitur Thaletis inepta sententia est. Ait enim terrarum orbem aqua sustineri, & uehi more nauigij, mobilitateq; eius fluctuare, tunc cum dicitur tremere. Non est ergo mirum, si abundat ad flumina fundenda, cum mundus in humore sit totus. Hanc ueterem & rudem sententiam explode. Nec est quod credas in hunc orbem aquam subire, & per rimas facere sentinam.

Caput XIII.

Egyptij quatuor elementa fecere, deinde ex singulis bina, a marem & foeminam. Aërem marem iudicant, quae uentus est. Foeminam, quae nebulosus & iners. Aquam uirilem uocant mare, muliebrem omnem aliam. Ignem uocant masculum, quae ardet flamma, foeminam quae lucet innoxius tactu. Terram fortio rem marem uocant, saxa cautesq;, foeminae nomen assignant huic tractabili ad culturam.

Mare

Caput XV.

Are unum est, ab initio scilicet ita constitutum, habet suas
 m uenas, quibus impletur atq; aestuat. Quomodo maris, sic
 & huius aquae mitioris uasta in occulto uia est, quam nul-
 lius fluminis cursus exhauriet. Abdita est uirium eius ratio. Tantum
 ex illa, quantum superfluum sit, emittitur. Quaedam ex istis sunt, qui-
 bus assentire possumus, sed hoc amplius censeo. Placet natura regi
 terram, & quidem ad nostrorum corporum exemplar, in quibus
 & uenae sunt & arteriae. Illae sanguinis, haec spiritus receptacula,
 In terra quoq; sunt alia itinera, per quae aqua, & alia per quae
 spiritus currit, adeoq; illam ad similitudinem humanorum corporum
 natura formauit, ut maiores quoq; nostri aquarum appellauerint ue-
 nas. Sed quemadmodum in nobis non tantum sanguis est, sed multa
 genera humorum, alia necessarij, alia corrupti, ac paulo pigrioris, in
 capite cerebrum, in ossibus medullae, musculi, saluaeque & lachrymae,
 & quiddam additum articulis, per quod citius flectantur ex lubri-
 co. Sic in terra quoq; sunt humoris genera complura. Quaedam quae
 matura durentur. Hinc est omnis metallorum humus, ex quibus au-
 rum argentumque petit auaritia. Quaedam quae in lapidem ex li-
 quore uertuntur. In quibusdam uero locis terra humorque liquefunt,
 sicut bitumen, & caetera huic similia. Haec est causa aquarum, se-
 cundum legem naturae uoluntatemque nascentium. Caeterum ut in no-
 stris corporibus, ita in illa saepe humores uitia concipiunt, aut ictus,
 aut quassatio aliqua, aut loci senium, aut frigus, aut aestus corrumpere
 naturam, & sulfuratio contrahit humorem, qui modo diuturnus
 est, modo breuis. Ergo ut in corporibus nostris sanguis, cum percussa
 uena est, tam diu manat, donec omnis effluxit, aut donec uenae scissu-
 ra subsedit, atque interclusit, uel aliqua alia cura retro dedit sangui-
 nem, ita in terra solutis ac patefactis uenis, riuus, aut flumen effun-
 ditur. Interest quantum aperta sit uena, quomodo consumpta aqua
 sit, modo exsiccatur aliquo impedimento, modo coit uelut in cicatrice,
 comprimatque illam quam fecerat uiam. Modo illa uis terrae, quam esse
 mutabilem diximus, desinit posse alimenta in humorem conuvertere,
 aliquando autem exhausta replentur, modo per se uiribus recolle-
 ctis, modo aliunde translatis. Saepe enim inania apposita plenis hu-
 morem in se attrahunt. Ipse transire facilis in aliud. Saepe ipsa ter-
 ra in tabem soluitur, & humescit. Idem euenit sub terra, quod in
 nubibus, si spissetur, grauioremque, quam ut manere in natura sua possit,
 gignat humorem. Saepe colligitur roris modo, tenuis & dispersi s

LIBER

liquor, qui ex multis in unum locum confluit. Sudorem aquae leges uocant, quia guttae quaedam uel pressura loci eliduntur, uel aestu euocantur. Hic tenuis unda uix fonti sufficit, sed ex magnis causis magnisque conceptibus excedunt amnes nonnunquam leuiter, si aqua pondere suo se tantum detulit, nonnunquam uehementer & cum sono, si illam spiritus internus cecit.

Caput XVI.

Ed quare quidam fontes senis horis pleni, senisque siccant? Sunt? Superuacuum est nominare singula flumina, quae certis mensibus magna, certisque angusta sunt, & occasionem singulis quaerere, cum possim eandem causam omnibus reddere. Quemadmodum quartana ad horam uenit, quemadmodum podagra ad tempus respondet, quemadmodum purgatio, si nihil obstat, statum diem seruat, quemadmodum praesto est ad mensem suum partus. Sic aquae interualla habent, quibus se retrahant, & quibus reddant. Quaedam autem interualla, quia minora sunt, ideo notabiliora, quaedam maiora, nec minus certa. Et quid hoc mirum est, cum uideas ordinem rerum, & naturam per constituta procedere? Hyems nunquam aberrauit. Aestas suo tempore incaluit, Autumnus Verisque (ut solet) facta mutatio est. Tam solstitium quam aequinoctium suos dies retulit. Sunt & sub terra minus nota nobis iura naturae, sed non minus certa. Crede infra, quicquid uides supra. Sunt & illic specus uasti, sunt ingentes recessus, ac spatia suspensis hinc & inde montibus laxa. Sunt abrupti in infinitum hiatus, qui saepe illapsas urbes receperunt, & ingentem in alto ruinam condidere. Haec spiritu plena sunt, nihil enim usquam inane est, & stagna obsessa tenebris & locis amplis. Animalia quoque illis innascuntur, sed tarda & informia, ut in aëre caeco pigroque concepta, & in aquis torpenti-bus facta, pleraque ex his caecut talpae & subterranei uermes, quia deest lumen quod superuacuum est. Inde, ut Theophrastus affirmat, pisces quibusdam locis eruantur.

Caput XVII.

Vlti hoc loco tibi in mentem ueniunt, quae urbane in re m incredibili fabulosaque dicas, non cum retibus aliquem, aut cum hamis, sed cum dolabra ire piscatum, expecta ut aliquis in mari uersetur. Quid est autem, quare pisces in terram non transeant, si nos in maria transimus? Permutabimus sedes. Hoc miraris accidere. Quanto incredibiliora sunt opera luxuriae,

xurie, quoties naturam aut mentitur, aut vincit. In cubili natant pisces, & sub ipsa mensa capitur, qui statim transferatur ad mensam. Parum videtur recens Mullus, nisi qui in conuiuiæ manu moritur. Vitreis ollis inclusi offeruntur, & observatur morientium color; quem in multas mutationes mors luctante spiritu uertit. A lios necant in Garo, & condiunt uiuos. Hi sunt, qui fabulas putant piscem uiuere posse sub terra, & effodi, non capi. Quam incredibile illis uideretur, si audirent natare in Garo piscem, nec cœnæ causa occisum esse super cœnam, cum multum in deutijs fuit, & oculos ante, quàm gulam paut.

Caput XVIII.

Ermitte mihi quæstione seposita castigare luxuriam. Nihil est, inquis, Mullo expirante formosius. Ipsa colluctatione animam efflanti rubor primum, deinde pallor suffunditur. Quam æque uariatur, & in cæteras facies inter uitam & mortem coloris est hæc uagatio longa. Somniculosæ inertisq; luxuriæ fuit hoc tam sero experiri, sero enim circumscribi se, & fraudari tanto bono sensit. Hoc adhuc tanto spectaculo, & tam pulchro piscatores fruebantur, qui coctum piscem, & exanimum in ipso ferculo etiam experirentur. Mirabamur tantum in illis esse fastidium, ut nollent attingere, nisi eodem die captum piscem, qui (ut aiunt) saperet ipsum mare. Ideo cursu aduehebatur, ideo gerulis cum anhelitu & clamore properantibus dabatur uia. Quò peruenere deliciae? Is pro putrido iam piscis offertur, qui non hodie eductus, hodie occisus est. Nescio de re magna tibi credere, ipse oportet mihi credam, huc afferatur, coràm me animam agat. Ad hunc fastum peruenere uentres delicatiorum, ut gustare non possint piscem, nisi quem in ipso conuiuiο natantem palpitantemq; uiderint. Quanto ad sollertiam luxuriæ plures eunt, tanto subtilius quotidie & elegantius aliquid excogitat furor, usitata contemnens. Illa audiebamus, nihil est melius saxatili Mullo. At nunc audimus, nihil est moriente formosius. Da mihi in manus uas uitreum in quo exulter, in quo trepidet. Vbi multum diuq; laudatus est, ex illo perlucido uiuario extrahitur, tunc, ut quisq; peritior est, monstrat, uide quomodo exarserit rubor omni acrior minio, uide quas per latera uenas agat. Ecce sanguineum putes uentrem, quàm lucidum quiddam cœruleumq; sub ipso tempore effulsit. Iam porrigitur & pallet, & in unum colorem componitur. Ex his nemo morienti amico assidet, nemo uidere mortem pa-

LIBER

eris sui sustinet, quam optavit. Quotus quisque finis domesticum ad rogam prosequitur. Fratrum, propinquorumque extrema hora deseritur, ad mortem nulli concurritur. Nihil enim est illa formosius. Non tempero mihi, quin utar interdum temerarie uerbis, et proprietatis modum excedam. Non sunt ad popinam dentibus, et uentre, et ore contenti, oculis quoque gulosi sunt.

Caput XIX.

Ed ut ad propositum reuertar, accipe argumentum, magnam uim aquarum in subterraneis oculi fertilem faedo situ piscium. Si quando erupit, affert secum immensam animalium turbam, horridam aspici, et turpem ac noxiam gustu. Certe cum in Caria circa Myndum urbem talis exilisset unda, periere quicunque illos ederant pisces, quos ignotos ante eum diem caelo nouus amnis ostendit. Nec id mirum, erant enim pingua et differta, ut ex longo otio, corpora, ceterum inexercitata, et in tenebris saginata, et lucis expertia, ex qua salubritas ducitur. Nasci autem posse pisces in illo terrarum profundo sit indicium, quod anguillae quoque latebrosis locis nascuntur. Grauis et ipsae cibis ob ignauiam utique, si altitudo luti illas penitus abscondit. Habet ergo non tantum uenas aquarum terra, ex quibus corruatis flumina effici possunt, sed et amnes magnitudinis uastae, quorum alijs semper cursus est, donec aliquo sinu terrae deuorentur, alij sub aliquo lacu emergunt. Iam quis ignorat esse quaedam stagna sine fundo? Quorsum haec pertinent? Ut appareat hanc esse magnis amnibus aeternam materiam, cuius non tanguntur extrema, sicut fluminum, et fontium.

Caput XX.

¶ Quare aquis sapor uariis? propter quatuor causas. Ex solo prima est, ex quo efferuntur. Secunda ex eadem similitudine eius nascitur. Tertia ex spiritu, qui in aquam transfiguratus est. Quarta ex uitio, quod saepe concipiunt corruptae per iniuriam. Haec causae saporem dant aquis uarium, haec medicaminum potentiam, haec grauem spiritum odoremque pestiferum, haec leuitatem grauitatemque, aut calorem, aut nimium rigorem. Interest utrum per loca sulfure, an nitro, an bitumine plena transeant. Hac ratione corruptae, cum uitae piculo bibuntur. Hinc est illud, de quo Ouidius ait,

- » Flumen habent Cicones, quod potum saxea reddit
- » Viscera, quod tactis inducit marmora rebus.

Medicamentum

Medicatum est, & eius naturæ habet limum, ut corpora & glutinet & obduret. Quemadmodum puteolanus pulvis, si aquam attigit saxum est, sic e contrario, hæc aqua si solidum tetigit, hæret & affigitur. Inde est, quod res abiectæ in eundem lacum, lapideæ subinde extrahuntur. Quod in Italia in quibusdam locis euenit, siue uirgam, siue frondem demerseris, lapidem post paucos dies extrahis. Circumfunditur enim corpori limus, alliniturq; paulatim. Hoc minus uidebitur tibi mirum, si notaueris albulam, & ferè sulfuratam aquam circa cannalens suos, riuosq; durari. Aliquam harum habent causam illi lacus,

» = quos quisquis faucibus hausit, ut idem poëta ait,

» Aut furit, aut patitur mirum grauitate saporem.

Similem habet uim mero, sed uehementiorem. Nam quemadmodum ebrietas donec exicætur, dementia est, & nimia grauitate defertur in somnum, sic aquæ huius sulfurea uis habet quoddam acius ex aëre noxio uirus, quod mentem aut furore mouet, aut sopore opprimit. Hoc habet mali & Lyncestius Amnis,

» Quem quicumq; parum moderato gutture traxit,

» Haud aliter titubat, q̃ si mera uina bibisset,

Caput XXI.

i N quosdam specus qui despexere moriuntur, tam uelox malum est, ut transuolantes auers deiciat, ac talis est aër; talis locus, ex quo letalis aqua distillat. Quod si remissior fuerit aëris, aut loci pestis, ipsa quoq; temperatior noxa nihil amplius, q̃ tentat nervos, uelut ebrietate torpentis. Nec miror, si locus atq; aër aquas infici, similisq; regionibus reddit, per quas, & ex quibus ueniunt. Tabuli sapor apparet in lacte, & uini uis existit etiam in aceto. Nulla res est, quæ non eius, a quo nascitur notas reddat.

Caput XXII.

a Liud est etiam aquarum genus, quod nobis placet cœpisse cum mundo. Siue ille æternus sit, hoc quoq; fuit semper. Siue initium aliquod est illi, hoc quoq; cum mundo dispositum est. Quod sit hoc, quæris? Oceanus, & quodcumq; cum illo mare terras interluit. Iudicant quidam flumina quoque, quorum inenarrabilis natura est, cum ipso mundo traxisse principia, ut Istrum, ut Nilum, uastosq; amnes, magisq; insignis quàm ut dici possit, & eandem illis originem quam cæteris esse.

Caput XXIII.

AEc est ergo aquarum diuisio, ut quibusdam uidetur. Post
 h illam sunt coelestes ex posterioribus, quas nubila eijciunt.
 Ex terrenis aliae sunt (ut ita dicam) supernatantes, quae
 in summa humo repunt, aliae abditae, quarum reddita est ratio.

Caput XXIII.

Vare quaedam aquae caleant, quaedam etiam ferueant in tantum,
 q ut non possint esse usui, nisi aut in aperto euauerint, aut
 matura frigidae iteperuerint. Plures causae redduntur. Empe-
 docles existimat ignibus, quos multis locis terra opertos tegit, aquam ca-
 lescere, si subiecti sunt solo, per quod aquarum transcursus est. Facere so-
 lemus dracones et miliaria, et complures formas, in quibus aere tenui
 fistulas struimus per decliue circumdatas, ut saepe eundem ignem ambiens
 aqua per tantum fluat spatium, quantum efficiendo calori sat est. Frigida
 itaque intrat, effluit calida. Idem sub terra Empedocles existimat fieri,
 quem non falli credunt, quibus balnearia sine igne calefiunt. Spiritus
 in illa feruens loco aestuanti insunditur, hic per riuos lapsus non aliter,
 quam igni subdito, parietes et uasa balnei calefacit. Omnis denique
 frigida transitu mutatur in calidam, nec trahit sapor, euaporatio, quae
 clausa plabitur. Quidam existimant per loca sulfure plena exeuntes
 uel introeuntes aquas calorem ueneficio materiae, per quam fiunt,
 trahere, quod ipso odore, gustuque testantur. Reddunt enim qualitatem
 eius, quae caluerunt materiae. Quod ne accidere mireris, uiuae cal-
 aquam infunde, feruebit.

Caput XXV.

Vaedam aquae mortiferae sunt, nec odore notabiles, nec
 q sapore. Circa Nonacrin in Arcadia Styx appellata ab in-
 colis, aduenas fallit, quia non facie, non odore suspecta
 est, qualia sunt magnorum artificum uenena, quae deprehendi, nisi
 morte, non possunt. Haec autem, de qua paulo ante retuli aqua, sum-
 ma celeritate corrumpit, nec remedio locus est, quia protinus hausta
 duratur, nec aliter quam gypsum sub humore constringitur, et alligat
 viscera. Est autem noxia aqua et in Thessalia circa tempe, quam
 et ferae et pecus omne deuitat, per ferrum et aes transit, tanta uis
 illi inest etiam dura molliendi, nec arbuta quidem ulla alit, et herbas
 necat. Quibusdam fluminibus uis inest mira, alia enim sunt quae pota
 inficiunt greges ouium, intraque breue tempus, quae fuere nigrae, albae
 ferunt lanam, quae albae uenerant, nigrae abeunt. Hoc etiam in Boetia
 amnes duo efficiunt, quorum alteri ab effectu Melas nomen est,
 uterque ex eodem lacu exeunt, diuersa facturi. In Macedonia quoque, ut

ait Theophrastus, est flumen, ad quod, qui facere albas oues uolunt, adducunt, quod ut diutius potauerit, non aliter q̄ infecta mutantur. At si illis lana opus sit nigra uel pulla, paratus gratuitus infector est, & ad Peneion eundū gregem appellant. Authores nouos habeo esse in Galatia flumen, quod idem in ouibus efficiat. Esse in Capadocia, quo poto equis, nec ulli præterea animali color mutetur, & spargatur albo cutis. Quosdā lacus esse, qui nandi imperitos ferant, notum est. Erat in Sicilia, est et adhuc in Syria stagnum, in quo natant lateres, et mergi proiecta non possunt, & si graua sint. Huius rei palam causa est, quamcunq; uis rem expende, & contra aquam statue, dummodo utriusq; par sit modus, si aqua grauior est, leuiorē rem, quā ipsa est, fert, & tanto supra se extollit, quanto erit leuior, grauiora descendunt. At si aqua, & eius rei, quam contra pensabis, par pondus erit, nec pessum ibit, nec extabit, sed æquabitur aquæ, et natabit quidem, sed penē mersa, ac nulla emnens parte. Hoc est cur quædā tigna supra aquam penē tota efferantur, quædā ad mediū summissa sint, quædam ad æquilibriū aquæ descendant. Nam cum utriusq; pondus par est, neutra res alteri cedit. Grauiora descendunt, leuiora gestantur. Graue autem & leue est, non æstimatione nostra, sed comparatione eius quo uehi debet. Itaq; ubi aqua grauior est hominis corpore, aut saxi, non sinit id, quo non uincitur, mergi. Sic euenit, ut in quibusdam stagnis ne lapides quidem pessum eant. De solidis & duris loquor. Sunt enim multi pumicosi & leues, ex quibus quæ constant insulæ in Lydia natant Theophrastus est author. Ipse ad Cutyliam natantem insulam uidi. Alia in Vadimonis lacu uehitur, alia in lacu stationensi. Cutylarum insula & arbores habet, & herbas nutrit, tamen aqua sustinetur, & in hanc atq; in illam partem non tantum uento impellitur, sed & aura, nec unquam illi per diem & noctem in uno loco statio est, adeo leui statu mouetur. Huic duplex causa est, aquæ grauitas medicatæ, ob hoc ponderosæ, & ipsius insulæ materia uectibilis, quæ non est corporis solidi, quamuis arbores alat. Fortasse enim leues truncos, frondesq; in lacus sparsas pinguis humor apprehendit, ac uinxit. Itaq; etiam si qua in illa saxa sunt, inuenies aquosa & fistulosa, qualia sunt, quæ duratus humor efficit utiq; circa medicatorum fontium riuos, quæ ubi purgantia aquarum coaluerunt, ex spuma solidantur. Necessario leue est, quod ex uentoso, inaniq; concretum est. Quorundam causa non potest reddi. Quare aqua Nilotica fecundiores fœminas faciat, adeo ut quarū=

dam viscera longa sterilitate praeclusa, ad conceptum relaxauerit, quare quaedam in Lycia aquae conceptum foeminarum custodiant, quas solent petere, quibus parum tenax uulua est, quid ad me attinet? Pono ista inter temere uulgata. Creditum est quasdam aquas scabiem asferre corporibus, quasdam uiriliginem et foedam ex aluo uarietatem, siue infusa, siue pota sit, quod uitium dicunt habere aquam ex rore collectam. Quis non grauissimas esse aquas credat, quae in crystallum coeunt. Contra autem est. tenuissimus hoc enim euenit, quas frigus ab ipsa tenuitate facillime gelat. Vnde autem fiat eiusmodi lapis, apud graecos ex ipso nomine apparet *νεφθαλας* enim appellant aequae hunc perlucidum lapidem, quam illam glacem, ex qua fieri creditur. Aqua enim coelestis minimum in se terreni habens, cum induruit, longioris frigoris pertinacia spissatur magis ac magis, donec omni aëre excluso in se tota comprehensa est, et qui humor fuerat, lapis effectus est.

Caput. XXVI.

Estate quaedam flumina augentur, ut Nilus, cuius aliàs ratio reddetur. Theophrastus est author, in Ponto quoque quosdam amnes crescere tempore aestiuo. Quatuor autem esse iudicant causas, aut quia tunc maxime in humorem mutabilis terra est, aut quia maiores in remoto imbres sunt, quorum aqua per secretos cuniculos reddita tacite suffunditur. Tertia, si crebrioribus uentis ostium ceditur, et reuerberatur fluctu, amnis resistit, qui crescere uidetur, quia non effunditur. Quarta ratio est syderum, haec enim quibusdam mensibus magis urgent, et exhauriunt flumina, cum longius recesserunt, minus consumunt, atque trahunt. Itaque quod impendere solebat, id incremento accedit. Quedam flumina palam in aliquem specum decidunt, et sic ex oculis auferuntur. Quedam consumuntur paulatim et intercidunt, eadem ex intervallo reuertuntur, recipiuntque et nomen et cursum. Causa manifesta est, sub terra uacat locus. Omnis autem humor natura ad inferius, et ad inane defertur. Illo itaque recepta flumina cursus egere secreto. Sed cum primum aliquid solidi quod obstarat occurrit, praerupta parte, quae minus ad exitum repugnauit, repetiere cursum suum.

- » Sic ubi terreno Lycus est epotus hiati,
- » Existit procul hinc, aliisque renascitur ore.
- » Sic modo combibitur, tacito modo gurgite lapsus,
- » Redditur Argolicis ingens Erasinus in agris.

Idem et in oriente Tigris facit, absorbetur, et desideratus diu tandem longe remoto loco purgamenta eiecit, ut Arethusa in Sicilia quinta

quaq; æstate per olympia. Inde opinio est Alphæon ex Achaia eo usq; penetrare, & agere sub mare cursum, nec ante, quàm in syracusano litore emergere. Ideo quibus diebus olympia sunt, uictimarum⁹ sterco secundo traditum flumini illic redundare. Et hoc etiam à te traditum est, ut in prima Lucili carissime, & à Virgilio, qui alloquitur Arethusam.

» Sic tibi, cum fluctus subter labère sicinos,

» Doris amara suam non intermisceat undam.

Est in chersoneso Rhodiorum fons, qui post magnum intervallum temporis fœda quædam turbidus ex intimo fundat, donec liberatus eliquatusq; est. Hoc quibusdam locis fontes faciunt, ut non tantum lutum, aut folia, sed testas quoq; & quicquid putre iacuit, expellant. Vbiq; autem facit mare, cui hæc natura est, ut omne immundum stercore sumq; litoribus impingat. Quædam uero partes maris id certis temporibus faciunt, ut circa Messanam & Mylas simo quiddam simile turbulentum in litus mare profert, feruetq; & exæstuat, non sine odore fœdo, unde illic stabulari solis boves fabula est. Sed difficilis ratio est quorundam, utiq; inibi tempus eius ualde, quo purgatur, observatum, sed incertum est. Itaq; proxima quidē inueniri & uicina non potest causa, cæterum publica est illa. Omnis aquarum stantium clausarumq; natura se purgat. Nam in his quibus cursus est, non possunt uitia consistere, quæ sua uis defert & exportat. Illæ quæ non emittunt, quicquid insedit, magis minusue æstuant. Mare uero caduera stramenta q; & naufragorum reliqua similia ex intimo trahit, nec tantum tempestate fluctuq; , sed tranquillum quoq; placidumq; purgatur.

Caput XXVII.

Ed monet me locus, ut quæram cum fatalis dies diluuij uenerit, quemadmodum magna pars terrarū undis obruatur. Vtrum oceani uiribus fiat, & externum in nos pelagus insurgat, an crebri sine intermissione imbres, & elisa æstate hyems pertinax immensam uim aquarum ruptis nubibus diruat. An flumina tellus largius fundat, aperiatq; fontes novos. Aut nō sit una tanto malo causa, sed omnis ratio consentiat, & simul imbres cadant, flumina increscant, maria sedibus suis excita percurrant, et omnia nouo agrine ad exitum humani generis incumbant. Ita est. Nihil difficile est naturæ, utiq; ubi in finem sui properat. Ad originē rerum parce utitur uiribus, dispensatq; se incrementis fallentibus, subito ad ruinam toto impetu uenit. Quàm longo tempore opus est, ut conceptus ad puerperium perducatur infans. Quantis laboribus

LIBER

tener educatur, quàm diligenti nutrimento obnoxium nouissime corpus adoleſcit, at quàm nullo negotio ſoluitur. Vrbers cōſtituit ætas, hora diſſoluit. Momento fit cinis, diu ſylua. Magna tutela ſtant aut uigent omnia, citò ac repente diſſiliunt. Quicquid ex hoc ſtatu rerum natura fluxerit, in exitum mortalium ſatis eſt. Ergo cum affuerit illa neceſſitas temporis, multa ſimul fata cauſas mouent, nec ſine conſuſione mundi tanta mutatio eſt, ut quidam putant, inter quos Fabianus eſt. Primo immodici cadunt imbres, & ſine ullis ſolibus triſte nubilo cœlum eſt. Nebulæq; continua, & ex humido ſpiſſaq; caligine nunquam exiſtantibus uenis. Inde uitum ſatis eſt, ſegetum ſine fruge ſurgentium marcor. Tunc corruptis quæ ſeruntur manu, paluſtris omnibus campis herba ſuccreſcit. Mox iniuriam & ualidiora ſenſere, ſolutis quippe radicibus arbuſta procumbunt, & uitis, atq; omne uirgultum non tenetur ſolo, quod molle fluidumq; eſt. Iam nec gramina aut pabula læta aquis ſuſtinet, fame laboratur, & manus ad antiqua alimenta porrigitur, quæ ilex eſt & quercus excutitur, & quæcunq; in his arduis arbor commiſſura aſtricta lapidum ſtetit. Labant ac madent tecta, & in imum uſq; receptis aquis fundamenta deſidunt, ac tota humus ſtagnat, fruſtra titubantium ſultura tentatur. Omne enim firmamentum in lubrico figitur, & luſa humo nihil ſtabile eſt. Poſtquam magis magisq; nimbi ingruunt, et congeſtæ ſeculis tabuerunt niues, deuolutus torrens altiffimis montibus rapit ſyluas male hærentes, & ſaxa reuolutus remiſſa compagibus rotat. Abluit uillas, & intermiſtos ouium greges deuēhit, uulſisq; minoribus tectis quæ in tranſitu abduxit, tandem in maiora uolutus oberrat. Vrbers & implicitos trahit mœnibus ſuis populos, ruinam an naufragium querantur incertos. A deo ſimul & quod opprimeret, & quod mergeret, uenit. Auctus deinde proceſſu aliquo in ſe torrentibus raptis plana paſſim populatur. Nouiſſime in ruina magna gentium clarus, omniſq; diſfunditur. Flumina uero ſuapte natura ualta, et tempeſtatibus raptæ alueos relinquunt. Quid tu eſſe Rhodanum, quid putas Rhenum atq; Danubium, quibus torrens etiam in canali ſuo curſus eſt, cum ſuperfuſi nouas ſibi fecere ripas, ac ſciſſa humo ſimul exceſſere alueo? Quanta cū præcipitatione uoluntur, ubi per campeſtria ſiuens Rhenus ne ſpatio quidem languidus, ſed latiffime uelut per anguſtum aquas implet? Cumq; Danubius non iam radices, nec media montium ſtringit, ſed iuga ipſa ſollicitat, ferens ſecum madefacta montium latera, rupesq; deiectas, & magnarum promontoria regionum, quæ fundamentis

laborantibus avulsa recesserunt. Deinde non inueniens exitum, omnia enim sibi ipse praecluserat, in orbem redit, ingentem terrarum ambitum, atque urbium uno uortice inuoluit. Interim permanent imbres, fit caelum grauius, ac sic diu malum ex malo colligit. Quod olim fuerat nubilum, nox est, et quidem horrida et terribilis inter cursu luminis diri, crebra enim micant fulmina, procellae quatunt mare, tunc primum autem fluminum accessu, et sibi angustum, iam non promouet litus, non continetur suis finibus, sed prohibent exire torrentes, aguntque fluctus retro. Pars tamen maior, ut maligno hostio retenta, restagnat, et agros in formam unius lacus redigit. Iam omnia, quae prospici possunt, aquis obsidentur. Omnis tumultus in profundo latet, et immensa ubique altitudo est, tantum in summis montium iugis uada sunt. In ea excelsissima cum liberis coniugibusque fugere, actis ante se gregibus. Diremptum inter miseros commercium ac transitus, quoniam quicquid submissius erat, id unda compleuit. A editissimisque adhærebant reliquiae generis humani, quibus in extrema productis, hoc unum solatio fuit, quod transierat in stuporem metus, non uacabat timere mirantibus, ne dolor quidē habebat locum. Quippe uim suam perdit in eo, quod ultra sensum mali miser est. Ergo insularum modo eminent montes, et sparsas Cycladas augent, ut ait ille poetarum ingeniosissimus egregie, sic et illud pro magnitudine rei dixit.

Omnia pontus erat, deerant quoque littora ponto,
nisi tantum impetum ingenij et materiae ad puerilem ineptias reduxisset.
Natus lupus inter oues, fuluos uehit unda leones.
Non est res satis sobria lasciuire deuorato orbe terrarum. Dixit ingentia, et tantae confusionis imaginem cepit cum dixit,

Expatulata ruunt per apertos flumina campos,

Prisaeque labant sub gurgite turres.

Magnifice hoc, si non curauerit quid oues et lupi faciant. Natari autem in diluuium, et in illa rapina potest? aut non eodem impetu pecus omne, quod raptum erat,mersum est? Concepisti imaginem quam tam debebas obrutis omnibus terris, caelo ipso in terram ruente, perfer, scies, quid deceat, si cogitas orbem terrarum natari. Nunc ad propositum reuertamur.

Caput XXVIII.

Vnt qui existimet immodicis ibribus uexari terras posse, non obrui. Magno impetu magna ferienda sunt. Faciet pluuia segetes malas, fructum grando decutiet, intumescent riuus flumina, sed resident. Quibusdam placet moueri mare, et illinc causam tantae cladis accersiri. Non potest

torrentium, aut imbrum, aut fluminum iniuria fieri tam grande naufragium. Vbi instat illa perniciēs, mutariq; genus humanum placuit, fluere assiduos imbres, & non esse modum pluuijs concesserim, suppressis aquilonibus, & flatu sicciorē, austris nubes, & imbres, & amnes abundare. Sed adhuc in damna profectū est.

» Sternuntur segetes, & deplorata colonis

» Vota iacent, longiq; perit labor irritus anni.

Non lēdi debent terrae sed abscondi. Deniq; cum per ista prolusum est, crescunt maria, sed super solitum, & fluctum ultra extremum tempestatis maximae uestigium mittunt, deinde à tergo uentis surgentibus ingens aequor inuoluunt, quod longe à conspectu uentis litoribus frangitur. Deinde ubi litus his prolatum est, & pelagus in alieno constitit, uelut admoto malo, comminus procurrit aestus eximo recessu maris. Nam ut aëris, ut aetheris, sic huius elementi largi materia est, multoq; in abdito plenior. Hae fati mota non aestu. (Nam aestus fati ministerium est) attollit vasto sinu fretum, agitq; ante se. Deinde in altitudinem erigitur, & illis tutis hominum receptaculis superest. Nec id aquis aridum est, quoniam aequo terris fastigio ascenderet. Si quis excelsa perlibret maria, paria sunt, nam par undiq; sibi ipsa tellus est. Caua eius & plana inferiora sunt, sed istis adeo in rotundum orbis aequatus est. In parte autem eius & maria sunt, quae in unius aequalitatem pilae coeunt. Sed quemadmodum campos intuentem, quae paulatim de uexa sunt, fallunt, sic enim non intelligimus curuaturas maris, & uidetur planum quicquid apparet, at illud aequale terris est. Ideoq; ut effluat, non magna mole se tollet, dum satis est illi, ut supra paria ueniat, leuiter exurgere, nec à litore ubi inferius est, sed à medio, ubi ille cumulus est. Defluit ergo ut solet aestus æquinoctialis sub ipsum lunae solisq; ortū omnibus alijs maior undare. Sed hic qui ad occupandas terras emittitur, solitis maximisq; uiolentior, plus aquarum trahit, nec ante, quam supra cacumina eorum, quos persufusus est, montium creuit, deuoluitur. Per centena milia, quibusdam locis aestus excurrit innoxius, & ordinem seruat. Ad mensuram enim crescit, iterumq; decrescit. At illo tempore solutus legibus sine modo fertur. Qua ratione, inquis? Eadem qua conflagratio futura est, alterutrum fit, cum deo uisum ordiri meliora, uetera finire. Aqua & ignis terrenis dominantur, ex his ortus & ex his interitus est. Ergo quodcumq; placere res nouae mundo, sic in nos mare emittitur, desuper ut feruor ignisq; cum aliud genus exitij placuit.

Quidam

Vidam existimant terrā quoque concuti, et disrupto solo nova
 q fluminum capita detegere, quæ amplius, ut e' pleno pro-
 fundant. Berosus, qui Belum interpretatus est, ait cursu ista
 syderum fieri, et adeo quidem affirmat, ut conflagrationi atque diluvio
 tempus assignet, arsuræ enim terrena contendit, quando omnia sy-
 dera, quæ nunc diversos agunt cursus in Cancro conveniunt, sic
 sub eodem posita uestigio, ut recta linea exire per urbes omnium
 possint. Inundationem futuram, cum eadem syderum turba in Ca-
 pricornium convenierit. Illic solstitium, hic bruma conficitur. Magnæ
 potentie signa, quæ in ipsa mutatione anni momenta sunt. Et istas
 ego receperim causas, neque enim ex uno est tanta perniciēs. Et illa,
 quæ in conflatione nostri placent, huc quoque transferenda puto. Siue
 anima est mundus, siue corpus natura gubernante, ut arbores, ut
 sata, ab initio eius usque ad exitum, quicquid facere, quicquid pati de-
 beat, inclusum est. Ut in semine omnis futuri ratio hominis compre-
 hensa est, et legem barbæ et canorum nondum natus infans ha-
 bet, totius enim corporis et sequentis ætatis in parvo occultoque li-
 niamenta sunt. Sic origo mundi, non minus solem et lunam, et vi-
 ces syderum, et animalium ortus, quam quibus mutarentur ter-
 rena, continuit. In his fuit inundatio, quæ non secus, quam
 hyems, quam æstas lege mundi venit. Itaque non pluvia istud fiet;
 sed pluvia quoque. Non incursu maris, maris quoque incursu. Non
 terræ motu, sed terræ quoque motu. Omnia adiuvabunt naturam,
 ut naturæ constituta peragantur. Maximam tamen causam ad se mu-
 tandam terra ipsa præstabit, quam diximus esse mutabilem, et
 solui in humorem. Ergo quandocumque erit terminus rebus humanis,
 cum partes eius interire debuerint, aboleri, ut funditus totæ, ut de
 integro totæ, rudes, innoxieque generentur, nec supersit in deteriora.
 magister, plus humoris, quam semper fuit, fiet. Nunc enim elementa
 ad id, quod debetur pensa sunt. Aliquid oportet alteri accedat, ut
 quæ libramento stant, inæqualitas turbet. Accedet humori, nunc
 enim habet quo ambiat terras, non quo obruat. Quicquid illi adie-
 ceris, necesse est in alium locum exundet. Unde ergo terra habeat,
 minus ut validioribus infirma succumbat. Incipiet ergo putrescere,
 dehinc laxata ire in humorem, et assidua tæbe defluere. Tunc exi-
 lient sub montibus flumina, ipsosque impetu quatiant, inde aura ta-
 cita manabunt. Solum omne aquas reddet, summi scaturient mon-
 tes. Quemadmodum in morbum transeunt sana, et ulceri vicina

consentiunt, ut quæq; proxima terris fluentibus fuerint, eluentur, stillabuntq; deinde current, & hiant pluribus locis saxo, per fretum salient, & maria inter se component. Nihil erunt Adriatici, nihil Siculi æquoris fauces, nihil Carybdis, nihil Scylla, omnes nouum mare fabulas obruet, & hic qui terras cingit Oceanus extremas, ueniet in medium. Quid ergo est? nihilominus tenebit alienos mensers hyems, æstas prohibebitur, & quodcunq; terras sydus exeat, compresso ardore cessabit. Peribunt tot nomina, Caspium & Rubrum mare, Ambracici, & Cretici sinus, Propontis & Pontus. Peribit omne discrimen. Confundetur quicquid in suas partes natura digessit. Non muri quemq; turres ue tuebuntur. Non proderunt templa supplicibus, nec urbium summa, quippe fugientes unda praeueniet, & ex ipsis arcibus deferet. Alia ab occasu, alia ab oriente concurrent, unus humanum genus condet dies. Quicquid tam longa fortunæ indulgentia excoluit, quicquid supra cæteros extulit, nobilia pariter atq; adornata, magnarumq; gentium regna pessundabit.

Caput XXX.

Vnt omnia, ut dixi, facillima naturæ, uti quæ a primo facere constituit, ad quæ non subito sed ex denunciato uenit.

Iam autem a primo die mundi, cum in hunc habitum ex informi unitate discederet, quando mergeretur terrena, decretum est, & ne sit quandoq; uelut in nouo opere, dura molitio, olim ad hæc maria se exercent. Non uides ut fluctus in litora tanquam exiturus incurrat? Non uides, ut æstus finis suos transeat, & in possessionem terrarum mare inducat? Non uides, ut illi perpetua cum claustris suis pugna sit? Quis porro istinc, unde tantum tumultum uides, metus est e mari, & magno impetu erumpentibus fluminibus? Vbi non huius morem natura disposuit, ut undiq; nos, cum uoluisset, aggredi posset? Mentior, nisi eruentibus terram humor caurrit, & quoties nos auaritia, aut defodit, aut aliqua causa penetrare altius cogit, eruenti finis aliquando est. Adijce nunc, quod immanes sunt in abdito lacus, & multum maris conditi, multum fluminum per operta labentium. Undiq; ergo erit causa diluuii, cum aliæ aquæ subinsuant terras, aliæ circumfluant, quæ diu coercitæ uincant, & amnes amnibus iungent, paludibus stagna. Omnium tunc mare ora fontum implebit, & maiore hiatu soluet. Quemadmodum corpora nostra ad egestum uenter exhaurit, quemadmodum eunt in sudore uires, ita tellus liquefiet, & alijs causis quiescentibus, intra se, quo mergatur, inueniet. Sic magna omnia coitura crediderim. Nec erit longa mora

mora exitij. Tentatur, diuelliturq; concordia, cum semel aliquid ex hac idonea diligentia remiserit mundus, statim undiq; ex aperto, & abdito, superne, ab infimo aquarum fiet eruptio. Nihil est tam uiolentum & incontinens sui, contumax, infestumq; renitentibus, quàm magna uis undæ. Utetur libertate permissa, & iubente natura, quæ scindit, circuitq; complebit. Ut ignis, diuersis locis ortus, cito miscet incendium, flammis coire properantibus, sic momento redundantia pluribus locis maria se committent. Nec ea semper licentia undis erit, sed peracto exitio generis humani, extinctisq; pariter feris, in quarum homines ingenia transierant, iterum aquas terra sorbebit, terram pelagus stare, aut intra terminos suos furere coget, & reiectus è nostris sedibus in sua secreta pelletur oceanus, & antiquus ordo reuocabitur. Omne ex integro animal generabitur, dabiturq; terris homo inscius scelerum, & melioribus auspicijs natus. Sed illis quoq; innocentia non durabit, nisi dum noui sunt, cito nequitia surrepit, uirtus difficilis inuentu est, rectorem ducemq; desiderat, etiam sine magistro uitia discuntur.

LVCII ANNEI SENECAE QVAESTIONVM
NATVRALIVM LIBER QVARTVS, IN
QVO DE NIVE, GRANDINE, ET PLVUIA,
ATQVE IN PRIMIS DE NATVRA
NILI. PRAEFATIO.

ELECTAT te, quemadmodum scribis, Lucili uirorum optime, Sicilia, et officium procurationis otiosae. Delectabit, si continere id intra fines suos uolueris, nec efficere imperium, quod est procuratio. Facturum te hoc non dubito, scio quàm sis ambitioni alienus, quàm familiaris otio, & literis. Turbam rerum hominumq; desiderant, qui se pati nesciunt. Tibi tecum optime conuenit. Nec mirum est paucis istud contingere in imperio, si nobis ipsi molesti sumus, si modo amore nostri, modo taedio laboramus. Infelicem animum nunc superbia inflammas, nunc cupiditate distendimus, aliàs uoluptate laxamus, aliàs solitudine exurimus. Quod est miserrimum, nunquam sumus singuli. Necesse est itaq; assidua utamur, in tam magnorum uitiorum contubernio, rixa. Fac ergo mi Lucili, quod facere consueuisti, a

turba, quantū potes, te separa, nec adulatoribus latus præbeas. Artifices sunt ad captandos superiores. Par illis, etiā si bene caueris, nō eris. Sed mihi crede proditori, si capieris, ipse te trades. Habent hoc in se naturale blanditiæ, etiam cum reijciuntur placent, sæpe exclusæ nouissime recipiuntur. Hoc enim ipsum imputant, quod repelluntur, & subigi ne contumelia qdem possunt. Incredibile est, quod dicturus sum, sed tamen uerum, ea maxime quisq; patitur quā patet, fortasse enim idem, qui patet patitur. Sic ergo formare, ut scias non posse te consequi, ut sis impenetrabilis, cum omnia caueris, per ornamenta fiet. Alius adulatione clām utetur parce, alius ex aperto palām rusticitate simulata, quasi simplicitas illa, non ars sit. Plancus artifex ante Vileum maximus, aiebat non esse occulte, nec dissimulando blandiendum. Perit, inquit, procari, si latet, plurimum adulator, cum deprehensus est proficit, plus etiamnum si obiurgatus est, si erubuit. Futuros multos in prouincia tua Plancos cogita, & hoc nō esse remedium tanti mali, nolle laudari. Crispus Passienus, quo ego nil noui subtilius in omnibus rebus, maxime in distinguendis & curandis uitijis, sæpe dicebat adulationibus non claudere hostium, sed aperire. Et quidem sic, quemadmodum opponi amicæ solet, quæ si impulit grata est, gratior si effregit. Demetrium egregium uirum memini dicere cuidam libertino potenti, facilem sibi esse ad diuitias uiam, quo die poenitisset bonæ mentis. Nec inuidebo, inquit, uobis hanc artem, sed docebo eos quibus quæsito opus est, quemadmodum non dubiam fortunam maris, nō emendi, uendendiq; litem subeant, non incertam fidem ruris, incertiore fori tentent. Quemadmodū non solum facili, sed etiam hilari uia pecuniā faciant, gaudentesq; despolient. Te, inquit, longiorem fido Anneo iurabo, & Apollonio pyctæ, quamuis staturam habeas Thetisi Threæ incompoti. Hominem quidem non esse ullum liberaliorem, non mentiar, cum possis uideri omnibus donasse, qcquid dereliquisti. Ita est mi Iunior, quod apertior est adulatio, quod improbior, quod magis frontem suam pfricuit, cecidit aliam, hoc citius expugnat. Eo enim iam dementiæ uenimus, quod qui parce adulatur, pro maligno sit. Solebam tibi dicere Gallionem fratrem meum, quem nemo non parum amat, etiam qui amare plus non potest, talia uitia non nosse, hoc eum odisse. Ab omni illum parte tentasti, ingenium si spicere cœpisti omnium maximum, & dignissimum, quod consecrari mallet, quā conteri. Pedes abstulit, frugalitatem laudare cœpit. Quare sic a nobis resiliuit? uti nos nec laudare, nec damnare uideatur. Prima statim uerba præcidit.

præcidit. Cœpisti mirari comitatem & compositam suauitatem, quæ illos quoq; quos transit, abducit, gratuitum etiam in obuios meritum. Nemo enim mortalium uni tam dulcis est, quàm hic omnibus. Cum interim tanta naturalis boni uis est, uti artem simulationemq; non redoleat. Nemo non imputari sibi bonitatem publicam patitur, hoc quoq; loco blanditijs tuis restitit, ut exclamares inuenisse te inexpressibilem uirum aduersus insidias, quas nemo non in sinum recipit. Eo quidem magis hanc eius prudentiam, & in euitando inuitabili malo pertinaciam te suspicere confessus es, quia speraueras posse apertis auribus recipi, quamuis blanda diceres, quia uera dicebas, sed eo magis intellexit obstandum. Semper enim falsis a uero petitur ueritas. Nolo tamen tibi displiceas, quasi male egeris, & quasi ille aliquid iocorum aut doli suspicatus sit. Non deprehendit te, sed repulit. Ad hoc exemplar componere. Cum quis ad te adulator accesserit, dicito. Vis tu ista uerba, quæ iam ab alio magistratu ad alium cum lictoribus transeant, ferre ad aliquem, qui paria facturus, uult, quicquid dixeris, audire? Ego nec decipere uolo, nec decipi possum. Laudari me a uobis, nisi laudaretis etiam malos, uellem. Quid autem necesse est in hoc descendere, ut te petere comminus possint. Longum inter uos interuallum sit. Cum cupieris bene laudari, quare hoc ulli debeas? Ipse te lauda, dic, liberalibus me studijs tradidi, quanquam paupertas alia suaderet, & ingenium abduceret. Vbi præsens studiij pretium est, ad gratuita carmina deflexi me, & ad salutare philosophiæ studium contuli. Ostendi in omne pectus eandem cadere uirtutem, & eluctatus natalium angustias, nec sorte me, sed animo mensus, par maximis steti. Non mihi inimicitia Getulici Caij fidem eripuit, non in aliorum personam infelicitè armati Messala, & Narcissus, diu publici hostes ante, quàm sui, propositum mihi potuerunt euertere. Cervicem pro fide apposui. Nullum uerbum mihi, quod non salua bona conscientia procederet, excussum est. Pro amicis omnia timui, pro me nihil, nisi ne parum bonus amicus fuisset. Non mihi muliebres fluxere lachrymæ, non e manibus ullius supplex pependi. Nihil indecorum nec bono, nec uiro feci. Periculis meis maior paratus ire in ea, quæ minabantur. Egi gratias fortunæ, quæ experiri uoluisset, quanti æstimare fidem. Non debebat mihi paruo res tanta constare. Nec examinauit me quidem diu, neq; enim paria pendebant, utrum satius esset me perire pro fide, an fidem pro me. Non præcipiti impetu in ultimum consilium, quo me eriperem furori potentium, nisi. Videbam apud Caium

tormenta, uidebam ignes. Sciebam olim sub illo in eum statum res humanas decidisse, ut inter misericordiae opera haberentur casti. Non tamen ferro incubui, nec in mare aperto ore desilui, ne uiderer pro fide tantum mori posse. Adijce nunc inuictum munerebus animum, & in tanto auaritiae certamine nunquam suppositam manum lucro. Adijce nunc uictus parsimoniam, sermonis modestiam, aduersus minores humanitatem, aduersus maiores reuerentiam. Post hoc ipse te consule, uera ne an falsa memoraueris. Si uera sunt, coram magno teste laudatus es, si falsa sine teste derisus es. Possum & ipse nunc uideri te aut captare, aut experiri. Vtrumlibet crede, & omnis timori a me incipe. Virgilianum illud * excludi.

» Nusquam tuta fides. - Aut Ouidianum.

» - Quae terra patet fera regnat Erinys.

» In facinus iurasse putes. - Aut illud Menandri.

» Quis enim non in hoc magnitudinem ingenij sui concitauit? detestatus consensum humani generis tendentis ad uitia, omnes, ait, malos uiuere, & in scenam uelut rusticus poeta prosiluit. Non senem excepit, non puerum, non foeminam, non uirum, & adiicit, singulos peccare non paucos, sed iam scelus esse contextum. Fugiendum ergo, & in se redeundum est, immo etiam a se recedendum. Hoc tibi, & si diuidimur mari, praestare tentabo, ut dubium uiae iniecta manu ad meliora perducam. Et ne solitudinem sentias, hinc tecum miscebo sermones. Erimus una, qua parte optimi sumus, dabimus inuicem consilia, & ex uultu audientis pendentia. Longe te ab ista provincia abducam, ne forte magnam historiis esse fidem credas, & placere tibi incipias, quoties cogitaueris. Hanc ego habeo sub meo iure provinciam, quae maximarum urbium, exercitus & sustinuit & fregit, cum inter Carthaginem & Romam ingentis belli pretium iacuit, cum quatuor Romanorum principum, id est totius imperij uires contractas in unum locum uidit, altamque Pompei fortunam erexit, Caesaris fatigauit, Lepidi transtulit, omniumque cepit. Quae illi ingenti spectaculo interfuit, ex quo liquere mortalibus posset, quam uelox foret ad imum lapsus ex summo, quamque diuersa uia magnam potentiam fortuna destrueret. Vno enim tempore uidit Pompeium Lepidumque ex maximo fastigio, aliter ad extrema deiectos, cum Pompeius alienum exercitum fugeret, Lepidus suum.

Itaque

Caput I.

i Taq; ut totum mente abducam, quamuis multa habeat Sicilia in se, circaq; se mirabilia, omnes interim provinciae tuae quaestiones praeteribo, et in diversum cogitationes tuas abstraham. Quæram enim tecum id, quod libro superiore distuli, quid ita Nilus aestivis mensibus abundet. Cui Danubium similem habere naturam philosophi tradiderunt, quod & fontis ignoti, & æstate quàm hyeme maior sit. Vtrunq; apparuit falsum. Nam & caput eius in Germania esse comperimus, & æstate quidem incipit crescere, sed adhuc manente intra mensuram suam Nilo, primis caloribus, cum sol uehementior inter extrema ueris niuers emollit, quas ante consumit, quàm intumescere Nilus incipiat. Reliquo uero æstatis minuitur, & ad hybernæ magnitudinem redit, atq; ex ea dimittitur.

Caput II.

a T Nilus ante ortum caniculæ augetur medijs æstibus, ultra æquinoctium. Hunc nobilissimum amnem natura extulit ante humani generis oculos, & ita disposuit, ut eo tempore inundaret Aegyptum, quo maxime usta feruoribus terra undâ altius traheret, tantum hausura, quantum siccitati annuæ sufficere possit. Nam in ea parte, qua in Aethiopiâ uergit, aut nulli imbres sunt, aut rari, & qui insuetam aquis cœlestibus terram non adiument. Vnam, ut scis, Aegyptus in hoc spem suam habet. Proinde aut sterilis annus aut fertilis est, prout ille magnus influxit, aut parrior. Nemo aratorum aspicit cœlum. Quare non cum poëta in eo iocor? & illi Albium suum impingo, qui ait,
- Nec pluuio supplicat herba ioui.

Vnde crescere incipiat si comprehendi posset, causæ quoq; incrementi inuenirentur. Nunc uero magnas solitudines peruagatus, & in paludes diffusus, gentibusq; sparsus, circa Philas primum ex uago & errante colligitur. Philæ insula est aspera & undiq; prærupta, duobus in unum coituris amnibus cingitur, qui Nilo mutantur, & eius nomen ferunt. Vrbs totam complectitur. Hanc Nilus magnus magis, quàm uiolentus, egressus Aethiopiam arenasq;, per quas iter ad commercia indici maris est, prælabitur. Excipiunt autem cataractæ, nobilis insigni spectaculo locus. Ibi per arduas excisasq; pluribus locis rupes Nilus insurgit, & uireis suas concitat. Frangitur enim occurrentibus saxis, & per angustias eluatur, ubicunq; uincit, aut uincitur, fluctuat. Et illic exci-
tatis primum aquis, quas sine tumultu leni alueo duxerat, uiolen-

tus, & torrens per malignos transitus profilit, dissimilis sibi. Quippe
 ad id lutosus & turbidus fluit. At ubi in scopulos cautum intrauit,
 spumat, & illi non ex natura sua, sed ex iniuria loci color est. Tan-
 demq; eluctatus obstantia, in vastam altitudinem subito destitutus ca-
 dit, cum ingenti circumiacentium regionum strepitu, quem perferre
 gens ibi asperis collocata non potuit, obtusis assiduo fragore auribus, et
 ob hoc sedibus ad quietiora translati sunt. Inter miracula fluminis
 incredibilem incolarum audaciam accepi. Bini parvula navigia
 conscendunt, quorum alter navem regit, alter exhaurit. Deinde mul-
 tum inter rapidam insaniam Nili, & reciprocos fluctus volutati,
 tandem tenuissimos cannalis tenent, per quos angusta rupium effu-
 giunt, & cum toto flumine effusi, navigium ruens manu tempe-
 rant, magnosq; spectantium metu in caput missi, cum iam ad plora-
 veris, mersosq; atq; obrutos tanta mole credideris, longe ab eo, in quem
 ceciderant, loco navigant, tormenti modo missi. Nec mergit cadens
 unda, sed planis aquis tradit. Primum incrementum Nili circa in-
 sulam, quam modo retuli, Philas nascitur. Exiguo ab hoc spatio pe-
 tra diuiditur A'βτορ graeci vocant, nec illam ulli, nisi antistites
 calcant. Illa primum saxa auctum fluminis sentiunt. Post magnum
 deinde spatium duo eminent scopuli, Nili uenas vocant incolae, ex
 quibus magna vis funditur, non tamen quanta operire possit Aegy-
 ptum. In hac ora stipem sacerdotes, & aurea dona praefecti, cum
 solene uenit sacrum, iaciunt. Hinc iam manifestus novarum vi-
 rium Nilus alto, ac profundo alueo fertur, ne in latitudinem exce-
 dat obiectu montium pressus. Circa Memphim demum liber, &
 per campestria uagus, in plura scinditur flumina, manuq; canna-
 libus factus, ut sit modus in derivantium potestate, per totam discur-
 rit Aegyptum. Initio diducitur, deinde continuatis aquis in faciem
 lacu, ac turbidi maris stagnat. Cursum illi uolentiamq; eripit lati-
 tudo regionum, in quas extenditur, dextra lenaq; totam ample-
 xus Aegyptum. Quantum creuit Nilus, tantum spei in annum est,
 nec computatio fallit agricolam, adeo ad mensuram fluminis re-
 spondet, quam fertilem facit Nilus. Is arenoso ac sitienti solo &
 aquam inducit & terram. Nam cum turbulentus fluat, omnem in-
 siccis, atq; hiantibus locis fecem relinquit, & quicquid pingue se-
 cum tulit, arenibus locis illinit, iuvatq; agros duabus ex causis, &
 quod inundat, & quod oblimat. Ita quicquid non adiit, sterile ac
 squalidum iacet. Si creuit super debitum, nocuit. Mira itaq; natura
 fluminis, quod cum caeteri amnes abluant terras et eniscerent, Nilus
 tanto

tanto cæteris maior, adeo nihil exedit, nec abradit, ut contra adij-
ciat uireis, minimumq; in eo sit, quod solum temperet. Illato enim
limo, arenas saturat, ac inungit. Debetq; illi Aegyptus non tantum
fertilitatem terrarum, sed ipsas. Illa facies pulcherrima est, cum iam
se in agros Nilus ingessit, latent campi, opertæq; sunt ualles, oppi-
da insularum modo extant. Nullum in mediterraneis, nisi per na-
uigia commercium est, maiorq; est lætitia gentibus, quo minus terra-
rum suarum uident. Sic quoq; cum se ripis continet Nilus, per se-
ptena ostia in mare emittitur, quodcumq; elegeris ex his, mare est.
Multos nihilominus ignobiles ramos in aliud atq; aliud litus por-
rigit. Cæterum beluas marinis uel magnitudine, uel noxa pareis
educat. Et ex eo, quantus sit, æstimari potest, quod ingentia animalia
et pabulo sufficienti, et ad uagandum loco continet. Babillus uiro-
rum optimus, perfectusq; in omni literarum genere rarissimus au-
thor est, cū ipse præfectus obtineret Aegyptum, Heraclitio ostio Nili,
quod est maximum, spectaculo sibi fuisse Delphinorum à mari con-
currentium, et Crocodilorum à flumine aduersum agmen agen-
tium, uelut pro partibus prælium, Crocodilos ab animalibus placi-
dis, morsuq; innoxiijs uictos. His superior pars corporis dura, et
impenetrabilis est etiam maiorum animalium dentibus, at inferior
mollis ac tenera, hanc Delphini spinis, quas dorso eminenters ge-
runt, submersi uulnerabant, et in aduersum emissi diuidebant.
Recis hoc modo pluribus, cæteri uelut acie uersa refugerunt. Fu-
gax animal audaci, audacissimum timido. Nec illos Tentyritæ gene-
ris, aut sanguinis proprietate superant, sed contemptu et temeritate.
Vltro enim insequuntur, fugientesq; iniecto trahunt laqueo, ple-
riq; pereunt, quibus minus præsens animus ad persequendum fuit.
Nilum aliquando marinam aquam deulisse Theophrastus est au-
thor. Biennio continuo, regnante Cleopatra, non ascendisse decimo
regni anno, et undecimo constat. Significatam aiunt duobus rerum
potentibus defectionem, Antoniū enim Cleopatraeq; defecit impe-
rium. Per nouem annos non ascendisse Nilum superioribus seculis
Callimachus est author. Sed nunc ad inspiciendas causas, propter
quas æstate Nilus crescat, accedam, et ab antiquissimis incipiam.
Anaxagoras ait ex Aethiopie iugis solutas niues ad Nilum usq;
decurrere. In eadem opinione omnis uetustas fuit, hoc Aeschylus,
Sophocles, Euripides credebant. Sed falsum esse argumentis plurimis
patet. Primo Aethiopiam feruentissimam esse indicat hominum
adustus color, et Troglodytæ, quibus subterraneæ domus sunt.

Saxa uelut igni feruescunt, non tantum medio, sed inclinato quoque die, ardens puluis, nec humani uestigij patiens, argentum replumbatur, signorum coagmenta soluantur, nullum materiae * superadornatae manet operimentum. Auster quoque, qui ex illo tractu uenit, uentus calidissimus est. Nullum ex his animalibus, quae latent bruma unquam reconditur. Etiam per hyemem in summo & aperto serpens est. Alexandriae quoque, quae longe ab huiusmodi immodicis caloribus est posita, niues non cadunt, superiora etiam pluuia carent. Quomodo ergo regio tantis subiecta feruoribus duraturas per totam aestatem niues recipit? quas sane aliqui montes illic quoque excipiant, nunquam tamen magis, quam Alpes, quam Thraciae iuga, aut Caucasus. Atqui horum montium flumina uere & prima aestate intumescunt, deinde hybernis minora sunt. Quippe uernis temporibus imbres niuem diluunt, reliquias eius primus calor dissipat. Nec Rhenus, nec Rhodanus, nec Ister, nec Caystrus subiacent malo aestate. Altissimae sunt & in illis septentrionalibus iugis niues. Phasis quoque per id tempus, eas oras tenens, cresceret, si niues flumina possent contra aestatem magna producere. Praeterea si haec causa attolleret Nilum, aestate prima plenissimus fluere, tunc enim maximae & integrae adhuc niues, ex mollissimoque tabes est. Nilus autem per menses quatuor liquitur, & illi aequalis accessio est. Si Thaleti credis, Etesiae descendenti Nilo resistunt, & cursus eius acto contra ostia mari sustinent, ita reuerberatus in se recurrit, non crescit, sed exitu prohibitus resistit, & quacunq; mox potuit, inconcessis erumpit. Eudimenes Massiliensis testimonium dicit. Nauigauimus, inquit, Atlanticum mare, ubi Nilus fuit maior, quandiu Etesiae tempus obseruant, tunc enim eijcitur mare instantibus uentis. Cum resederint, & pelagus conquiescit, minorque descendenti inde uis Nilo est. Caeterum dulcis mari sapor est, & similes Niloticis belluae. Quare ergo, si Nilum Etesiae prouocant, & ante illos incipit incrementum eius, & post eos durat? Praeterea non sit maior, quod illi flauere uehementius? Nec remittitur incitaturque, prout illis impetus fuit? quod fieret, si illorum uiribus cresceret. Quid, quod Etesiae litus Aegypti uerberant, & contra illos Nilus descendit, inde uenturus, unde illi, si origo ab illis esset. Praeterea ex mari purus & coeruleus efflueret, non ut nunc turbidus uenit. Adde quod testimonium eius

testium turba coarguitur. Tunc erat mendacio locus, cum ignota essent externa litora, libebat illis fabulas mittere. Nunc uero tota exteri maris ora mercatorum nauibus stringitur, quorum nemo narrat nunc caeruleum Nilum, aut mare saporis alterius, quod & natura credi uetat, quia dulcissimum quodq; & leuissimum sol trahit. Præterea quare hyeme non crescit, & tunc potest uentis concitari mare, aliquando quidem maioribus, nam Etesiae temperati sunt. Quod si e mari ferretur Atlantico, semel oppleret Aegyptum. At nunc per gradus crescit. Oenopides Chius ait hyeme calorem sub terris contineri, ideo & specus calidos esse, & tepidiorem puteis aquam, itaq; uenas interno calore siccari. Sed in alijs terris augentur imbribus flumina. Nilum, quia nullo imbre adiungetur, tenuari, deinde crescere per æstatem, quo tempore frigent interiora terrarum, & redit rigor fontibus. Quod si uerum esset, æstate flumina crescerent, omnesq; putei æstate abundarent. Deinde non calorem hyeme sub terris esse maiorem. Aqua & specus & putei tepent, quia aëra rigentem extrinsecus non recipiunt. Ita non calorem habent, sed frigus excludunt. Ex eadem causa æstate refrigerant, quia illo remotus, seductusq; aër calefactus non peruenit. Diogenes Apolloniates ait, Sol humorem ad se rapit, hunc exsiccata tellus tum ex mari ducit, tum ex cæteris aquis. Fieri autem non potest, ut una siccata sit tellus, alia abundet, sunt enim perforata omnia, & inuicem peruia. Siccata ab humidis sumunt aliquando. Nisi aliquid terra acciperet, exaruisset. Ergo undas sol trahit, sed ex his quæ premuntur maxime, hæc meridiana sunt. Terra cum exaruit, plus ad se humoris adducit, ut in lucernis oleum illo fluit, ubi exuritur. Sic aqua illo incumbit, quo uis caloris & terræ æstuantis arcessit. Vnde ergo trahit? ex illis scilicet partibus semper hybernis, septentrionalibus, unde exundat. Ob hoc Pontus in inferum mare assidue fluit rapidus, non ut cætera maria alternatis ultro citro æstibus, in unam partem semper pronus & torrens. Quod nisi faceret, hisq; itineribus, quod cuiq; deest, redderetur, quod cuiq; superest, emitteretur, iam aut siccata essent omnia, aut inundata. Interrogare Diogenem libet, quare, cum pontus & amnes cuncti inuicem commeent, non omnibus locis æstate maiora sunt flumina? Aegyptum sol magis percoquit, itaq; Nilus magis crescit, sed in cæteris quoq; terris aliqua fluminibus fiat adiectio. Deinde quare ulla pars terræ sine humore est, cum omnis ad se ex alijs re-

LIBER

gronibus trahat, eoq; magis, quo' calidior est. Deinde quare Nilus dulcis est, si hæc illi e' mari unda est. Nec enim ulli flumini dulcior gustus.

Caput III.

Grandinem hoc modo fieri, quo apud nos glacies fit, gelata
 g nube tota, si affirmauero, nimis audacem rem fecero. Itaq;
 ex his me testibus numero secundæ notæ, qui uidisse qui-
 dem se negant, sed audisse. Aut quod historici faciunt, & ipse faciam.
 Illi cum multa mentiti sunt ad arbitrium suum, unam aliquam rē
 nolunt spondere, sed adiungunt. Penes authores fides erit. Ergo si
 mihi parum credis, Possidonius tibi authoritatem promittet, tam in
 illo quod præterit, q̄ in hoc quod secuturum est. Grandinem enim
 fieri ex nube aquosa & iam in humorem uersa sic affirmabit, tanq̄
 interfuerit. Quare autem rotunda sit grando, etiam sine magistro
 scire poteris, cum adnotaueris stillicidium omne glomerari. Quod
 & in speculis apparet, quæ humorem halitu colligunt, & in pocu-
 lis sparsis, aliq; omni leuitate. Nam & in herbarū uel arborum
 folijs, si quæ guttæ adhæserunt, in rotundum iacent.

» Quid magis est saxo durum? quid mollius unda?

» Dura tamen molli saxa cauantur aqua.

» aut ut alius poëta ait, Stillicidij casus lapidem cauat, -
 et hæc ipsa excauatio rotunda fit. Ex quo apparet illud huic quoq;
 simile esse quod cauat, locū. n. sibi ad formā & habitū sui exculpit.
 Præterea potest, etiā si non fuerit grando talis, dū defertur corrotun-
 dari, et toties p̄spatiū aëris densi deuoluta æquabiliter, atq; in orbē
 teri. Quod nix pati non potest, q̄a non est tam solida, immo' q̄a tam
 fusa est, & non p̄ magnam altitudinem cadit, sed circa terras initū
 eius est. Ita nō longius illi p̄ aëra, sed ex proximo lapsus est. Quare
 non & ego idem mihi p̄mittam, quod Anaxagoras, cū inter nullos
 magis, q̄ inter philosophos esse debet æqua libertas? Grando nihil
 aliud est, q̄ suspensa glacies. Nix in pruina pendens congelatio. Illud
 enim iā diximus, quod inter aquā et rorē interest, hoc inter pruina
 & glaciē, necnon inter niuem & glaciē interesse. Caput IIII.

Oteram me peracta quæstione dimittere, sed bene emen-
 p sum dabo, & quoniam cœpi tibi molestus esse, quicquid in
 hoc loco quæritur, dicam. Quæritur autem, quare hyeme
 ningat, non grandinet, & Vere iam frigore infracto grando cadat.
 Nam, ut fallar tibi, uerū mihi quidem persuadetur, qui me usq; ad
 mendacia hæc leuiora, in qbus os præcidi, nō oculi erui solent, cre-
 dulum præsto. Hyeme aër riget, et ideo nondū in aquā uertitur, sed

in niuem, cui aër propior est. Cum uer cœpit, maior inclinatio tem-
poris sequitur, & calidiore cœlo maiora fiunt stillicidia. Ideo, ut ait
Virgilius noster,

» - Cum ruit imbriferum uer,
uehementior immutatio est aëris undiq; patefacti, & soluentis se,
ipso tempore adiuvante. Ob hoc nimbi graues uasti; magis q̄ pti-
naces deferuntur. Bruma lentas pluias habet et temues, quales sæpe
solent interuenire, cum pluuia rara & minuta, niuem quoq; ad-
mistam habet. Dicimus ninalem diem, cum altum frigus, & triste
cœlum est. Præterea Aquilone flante, & suum cœlum habente, mi-
nutæ pluiæ sunt. Austro imber improbius, et guttæ pleniores sunt.

Caput V.

r Em a' nostris positam nec dicere audeo, quia infirma ui-
detur, nec præterire. Quid enim mali est aliquid & faci-
liori iudicio scribere? Immo si omnia argumenta ad lan-
cem cœperimus exigere, silentium indicetur. Pauca enim admodum
sunt sine aduersario. Cætera etiam si uincunt, litigant. Aiunt quicq̄
circa Scythiam & Pontum & Septentrionalem plagam glaciatum,
& astrictum est, Vere relaxari. Tunc flumina gelata discedere,
tunc obrutos montes niuis soluere. Credibile est ergo frigidus spi-
ritus inde fieri, et uerno cœlo immisceri. Illud quoq; adiungunt, quod
nec sum expertus, nec experiri cogito. Tu quoq; censeo, si uolueris ue-
rum exquirere, niuem ita caue, experiaris. Minus algere aiunt pe-
des eorum, qui fixam & duram niuem calcant, q̄ eorum qui tene-
ram, & labefactam. Ergo si non mentuntur, quicquid ex illis se-
ptentrionalibus locis iam disturbata niue & glacie frangente se fer-
tur, id meridiane partis tepentem iam humidumq; aëra alligat, &
præstringit. Itaq; cū pluuia futura erit, grando fit iniuria frigoris.

Caput VI.

n On tempero mihi quo minus omnium nostrorum ineptias
proferam, quosdam peritos obseruandarum nubium esse
affirmant, & prædicere cum grando uentura sit, & hoc
intelligere usu ipso potuisse, cum colorem nubium notassent, quem
grando toties insequabatur. Illud incredibile, Cleone fuisse publice
præpositos χαλαροφύλακας speculatores futuræ grandinis. Hi cum
signum dedissent adesse iam grandinem, quid expectas ut homines
ad penulas discurrerent, aut ad storeas? Immo pro se quisq; alius
agnū immolabat, alius pullū. Protinus autem illæ nubes alio decli-
nabant, cum aliquid gustassent sanguinis. Hoc rides, accipe quod ri-

LIBER

deas magis. Si quis nec agnum, nec pullū habebat, quod sine damno fieri poterat, manus sibi afferebat. Et ne tu auidas, aut crudelis existimes nubes, digitum suum acuto graphio pungebat, & hoc sanguine litabat. Nec minus ab huius agello grando se auertebat, q̄ ab illo, in quo maioribus hostijs exorata erat.

Caput VII.

Ationem huius rei quidā quærent. Alteri ut homines sapientissimos decet, negant posse fieri, ut cum grandine aliquis pascatur, & tempestates munusculis redimat, quāuis munera & deos uincant. Alteri suspicari se aiunt, esse in ipso sanguine uim quandam potentem auertendæ nubis, ac repellendæ. Sed quomodo in tam exiguo sanguine potest esse uis tanta, ut illa in altum penetret? & eam sentiant nubes? Quanto expeditius erat dicere, mendaciū et fabula est. At Cleone iudicia animaduertebant in illos, quibus delegata erat cura providendæ tempestatis, quod negligentia eorum uineæ uapulassent, aut segetes procidissent. Et apud nos in duodecim tabulis cauetur, ne quis alienos fructus excantassit. Rudis adhuc antiquitas credebatur & attrahi nubes cantibus, & repelli, quorum nihil posse fieri tam palam est, ut huius rei causa nullius philosophi schola intranda sit.

Caput VIII.

Nam rem ad hoc adiiciā, & fauere, ac plaudere te iuuabit. Aiunt niuem in ea parte aëris fieri, quæ prope terras est. Hanc enim plus habere caloris ex tribus causis. Una, quod omnis terrarum euaporatio, cum multum intra se feruidi aridiq; habeat, hoc est calidior, quod recentior. Altera quod radij solis a terra resiliunt, & in se recurrunt. Horum duplicatio proxima quæq; a terris calefacit. Quæ ideo plus habent teporis, quia solem bis sentiunt. Tertia causa est, quod magis superiora perflantur. At quæcunq; depressa sunt, minus uentis uerberantur.

Caput IX.

Cædit his ratio Democriti. Omne corpus quod solidius est, hoc calorem citius concipit, & diutius seruat. Itaq; si in solem posueris æneum uas & uitreum & argenteum, æneo citius calor accedet, diutius adhærebit. Adijcit deinde quare hoc existimet fieri. His, inquit, corporibus, quæ duriora & pressiora, densioraq; sunt, necesse est minora foramina esse, & tenuiorem in singulis spiritum. Sequitur, ut quemadmodum minora balnearia, & minora miliaria citius calefiunt, sic hæc foramina occulta, & oculos effugientia, & celerius feruorem sentiant, et propter easdem angustias, quicquid receperunt, tardius reddant.

Caput X.

AEc longe præparata ad id perducunt, de quo nunc quaeritur. Omnis aër quod propior est terris, hoc crassior.

Quemadmodum in aqua & in omni humore fex ima est, ita in aëre spississima quæq; desidunt. Iam autem probatum est omnia quod crassioris solidiorisq; materiæ sunt, hoc fidelius custodire calorem receptum, sed quod ædior est aër, & quod longius a terrarum collumie recessit, hoc sincerior, puriorq; est. Itaq; solem non retinet, sed uelut per inane transmittit, ideo minus calefit.

Caput XI.

Contra autem quidam aiunt cacumina montium hoc alidiora esse debere, quod propiora soli sunt. Qui mihi uidentur errare, quod Apenninum & Alpes, & alios notos ob eximiam altitudinem montes, in tantum putant crescere, ut illorum magnitudo sentire solis uiciam possit. Excelsa sunt ista quoad nobis comparantur, at uero ubi ad uniuersum respexeris, manifesta est omnium humilitas. Inter se uincuntur, & uincunt. Cæterum in tantum nihil attollitur, ut collatione totius nulla sit uel maximis portio, quod nisi esset, non diceremus totum orbem terrarum pilam esse. Pilæ proprietas est cum æqualitate quadam rotunditas. Aequalitatem autem hanc accipe, quam uides in lusoria pila. Non multum illi commissuræ & rimæ earum nocent, quo minus par sibi ab omni parte dicatur. Quomodo in hac pila nihil illa interualla efficiunt ad speciem rotundi, sic nec in uniuerso qdem orbe terrarum æditi montes, quorum altitudo totius mundi collatione consumitur. Qui dicit altio rem montem, quia solem propius excipiat, magis calere debere, idem dicere potest longiorem hominem citius, q̃ pusillum debere calefieri, & citius caput eius q̃ pedes. At quisquis mundum mensura sua æstimauerit, & terram cogitauerit tenere puncti locum, intelliget nihil in illa posse ita emnere, ut coelestia magis sentiat, uelut in propinquum illis accesserit. Montes isti, quos suspicimus, & uertices æterna niue obfessi, nihilominus in imo sunt. Sed propius qdem soli est mons, q̃ campus aut uallis. Sed sic, quomodo est pilus pilo crassior, arbor arbore, & mons monte maior esse dicitur. Isto enim modo & arbor, et alia magis, q̃ alia terra, dicetur uicina coelo, quod falsum est, quia inter pusilla non potest esse magnum discrimen, nisi dum inter se comparantur. Vbi ad collationem immensi corporis uentum est, nihil interest quanto alterum altero sit maius, quia etiam si magno discrimine, tamen minima uincuntur.

LIBER

Caput XII.

Ed ut ad propositum reuertar, propter has, quas retuli
s causas, plerisq; placuit in ea parte aëris niuem concipi,
 quæ uicina terris est, & ideo minus alligari, quia minore
 rigore coit. Nam uicinus aër & plus habet frigoris, q̄ ut
 in aquam & imbrem transeat, & minus, q̄ ut duretur in gran-
 dine. Hoc medio frigore non nimis intento niues fiunt coactis aquis.

Caput XIII.

Vid istas inquis ineptias, quibus nec literatior sit quisquā,
 q nec melior, tam operose persequeris? Quomodo fiant ni-
 ues dicis, cum multo magis ad nos dici à te pertineat, quo-
 modo emendæ non sint niues. Haha, iubes me cum luxuria litigare.
 Quotidianum istud & sine effectui iurgium est. Litigemus tamen,
 etiam si superior futura est, pugnantis ac reluctantis uincat.
 Quid porro? Hanc ipsam inspectionem naturæ nihil iudicas ad id,
 quod uis, conferre? Cum quærimus, quomodo nix fiat, & dicimus
 illam pruinae simulē habere naturam, plus illi spiritus, q̄ aquæ in-
 esse, non putas exprobrari illis, cum emere aquam turpe sit, si nec
 aquam quidem emunt? Nos uero quæramus potius quomodo fiant
 niues, q̄ quomodo seruentur. Quoniam non contenti uina diffunde-
 re ueterana, & per sapes ætatesq; disponere, inuenimus quomodo
 stiparemus niuem, ut ea æstatem euinceret, et contra anni feruorem
 defenderetur loci frigore. Quid hac diligentia consecuti sumus?
 Nempe ut gratuitam mercemur aquam. Nobis dolet, q̄ spiritum, q̄
 solem emere non possumus. Quod hic aër etiam delicatis diuitibusq;
 ex facili, nec emptus uenit. O q̄ nobis male est, q̄ quicquam à rerū
 natura in medio relictum est, hoc quod illa fluere, et patere omni-
 bus uoluit, cuius haustum uitæ publicum fecit, hoc, quod tam homi-
 ni, q̄ feris auibusq;, & inertissimis animalibus in usum large ac
 beate profudit, contra se ingeniosa luxuria redegit ad pretium.
 Adeo nihil potest illi placere, nisi carum. Vnum hoc erat, quod di-
 uites in æquum turbæ deduceret, quo uno non possent antecedere
 pauperrimū. Illi, cui diuitiæ molestæ sunt, excogitatu est, quemadmo-
 dum etiam aqua caperet luxuriam. Vnde ad hoc peruentum sit, ut
 nulla nobis aqua satis frigida uideretur quæ fluere, dicā. Quādiu
 sanus & salubris cibi capax stomachus est, impleturq;, non pre-
 mitur, naturalibus fomentis contentus est. Vbi quotidianis cruditati-
 bus, non temporis æstus, sed suos sentit, ubi ebrietas continua uisce-
 ribus insedit, & præcordia bile, in quam uertitur, torret, aliquid
 necessario

necessario quæritur, quo æstus ille frangatur, qui ipsis aquis incal-
scit, remedijs incitat uitium. Itaq; non æstate tantum, sed & media hyeme
niuem hac causa bibunt. Quæ huius rei causa est, nisi intestinum ma-
lum, & luxu corrupta præcordia, quibus nullum intervallum unq̃,
quo interquiescerent, datum est, sed prandia coenis usq; in lucē per-
ductis ingesta sunt, & distentos copia ferculorum, ac uarietate, com-
mesatio altius mersit? Deinde nunquam intermissa intemperantia,
quicquid ante decoxerat, effrauit, & in desyderium semper noui
rigoris accendit. Itaq; quauis cœnationem uelis, ac specularibus
muniant, & igne multo doment hyemem, nihilominus stomachus
ille solutus, & æstu suo languidus, quærit aliquid, quo erigatur.
Nam sicut animo relictos stupentesq; frigida spargimus, ut ad sen-
sum sui redeant, ita uiscera istorum uitijs torpentia nihil sentiunt,
nisi frigore illa uehementiore perusseris. Inde est, inquam, q̃ nec niue
contenti sunt, sed glaciem, uelut certior illi ex solido rigor sit, exqui-
runt, ac sæpe repetitis aquis diluunt. Quæ non e summo tollitur,
sed ut uim maiorem habeat, & pertinacius frigus, ex abdito effo-
ditur. Itaq; ne unum quidem eius est pretium, sed habet institores
aqua, & annonam (pro pudor) uariam. Vnguentarios. Lacedæmo-
nij urbe expulere, & propere cedere finibus suis iusserunt, q̃a oleū
disperderent. Quid illi fecissent, si uidissent reponēdæ niuis officinas,
& tot iumenta deportandæ aquæ deseruiencia, cuius colorem sapo-
remq; paleis, quibus custodiunt, inquinant? At Dii boni, q̃ facile est
extinguere sitim sanam. Sed quid sentire possunt emortuæ fauces, &
ocallatæ cibus ardentibus? Quemadmodum nihil illis satis frigi-
dum, sic nihil calidum illis satis est. Sed ardenters boletos, & raptim
in condimento suo mersatos demittunt penè fumanters, quos deinde
restringunt niuatis potionibus. Videbis, inquā, quosdā gracili pallio-
lo, fo caliq; circumdatos, pallenters & ægros, non sorbere solum ni-
uem, sed etiam esse, & frustra eius in cyphos suos deijcere, ne in-
ter ipsam bibendi moram tepescant. Sitim istam esse putas? Febris
est, et quidem eò acrior, q̃ non tactu uenarum, nec in cutem effuso
calore deprehenditur, sed cor ipsum excoquit luxuria, inuictum ma-
lum, & ex molli, fluidoq; durum atq; patiens. Non intelligis omnia
consuetudine uim suam perdere? Itaq; nix ista, in qua etiamnum
natis, eò peruenit usu, & quotidiana stomachi seruitute, ut aquæ
locum obtineat. Aliquid adhuc quærite illa frigidius, quia pro nihilo
est familiaris rigor.

LVCII ANNEI SENECAE NATVRA-
LIVM QV AESTIONVM LIBER QVIN-
TVS, IN QVO DE VENTIS ET
AERIS MOTV AGITVR.

Caput I.

VENTVS est fluens aër. Quidam ita diffinierunt,
Ventus est aër fluens in unam partem. Hæc diffini-
tio uidetur diligentior, quia nunquam aër tam im-
mobilis est, ut non in aliqua sit agitatione. Sic tran-
quillum mare dicitur, cum leuiter commouetur, nec
in unam partem inclinatur. Itaq; si legeris,
Cum placidum uentis staret mare,=
scito illud non stare, sed concuti leuiter, & dici tranquillum, quia
nec huc, nec illo impetum capiat. Idem & de aëre iudicandū est,
non esse unquam immobilem, etiam si quietus sit. Quod ex hoc in-
telligis licet, cum sol in aliquem clausum locum infusus est, uidemus
corpuscula minuta in aduersum ferri, alia sursum, alia deorsum
uarie concursantia. Ergo parum diligenter comprehendet quod uult,
qui dixerit, fluctus est maris agitatio, quia tranquillum quoq; agi-
tatur. At ille abunde sibi cauerit, cuius hæc diffinitio fuerit, Fluctus
est maris in unam partem agitatio. Sic in hac quoq; re, de qua nunc
maxime querimus, non circumscribetur, qui ita se gesserit, ut dicat;
Ventus est fluens aër in unam partem. Aut, uentus aër est fluens im-
petu, aut uis aëris in unam partem fluentis, aut cursus aëris aliquo
concitator. Scio quid responderi pro diffinitione altera possit. Quid
necesse est adijcere te in unam partem fluens aër? Vtq; enim quod
fluit, in unam partem fluit. Nemo aquam fluere dicit, si tantū intra
se mouetur, sed si aliquo fertur. Potest ergo aliquid moueri & non
fluere, & e contrario nō potest fluere, nisi in unam partem. Sed si hæc
breuitas satis a calumnia tuta est, hac utamur. Si uero aliquis cir-
cūspectior est, uerbo non parcat, cuius adiectio cauillationem omnem
poterit excludere. Nunc ad ipsam rem accedamus, quoniam satis de
formula disputatum est.

Caput II.

Emocritus ait, cum in angusto inani multa sunt corpuscu-
la, quæ ille atomos uocat, sequi uentum. At contra quietū
& placidum aëris statum esse, cum in multo inani paucas
sunt

sunt corpuscula. Nam, quemadmodum in foro, aut uico, quādiu ibi paucitas est, sine tumultu ambulatur, ubi turba in angustum concurrat, aliorum in alios incidentium rixa fit. Sic in hoc, quo circumdati sumus spatio, cum exiguum locum multa corpora impleuerint, necesse est alia alijs incidant, & impellant, ac repellantur, implicenturq; & comprimantur, ex quibus nascitur uentus, cum illa, quæ colluctabantur, incubuere, & diu fluctuata ac dubia inclinauere se. At ubi in magna laxitate corpora pauca uersantur, nec artari possunt, nec impelli.

Caput III.

h Oc falsum esse uel ex eo colligas licet, q̄ interim minime uentus est, cum aër núbilo grauis est. At qui tunc plurima corpora se in angustum contulere, & inde spissatarum nubium grauitas est. Adijce nunc q̄ circa flumina & lacus frequens nebula est, artatis coniunctisq; corporibus, nec tamen uentus est. Interdum uero tanta caligo effunditur, ut conspectum in uicino stantium eripiat, quod non eueniret, nisi in paruum locum corpora se multa compellerent. At qui nullū tempus magis, q̄ nebulosum caret uento. Adijce nunc, quod e contrario uenit, ut sol matutinum aëra spissum, & humidum ortu suo tenuat, tunc surgit aura, cum datum est laxamentum corporibus, & stipatio illorū, ac turba resoluta est.

Caput IIII.

q Vomodo, inquis, ergo uenti fiunt, quos non negas fieri? Non uno modo. Aliās enim terra ipsa magnā uim aëris eijcit, & ex abdito spirat. Aliās, cum magna & continua ex imo euaporatio in altum agit, quæ emiserat, mutatio ipsa halitus misti in uentum uertitur. Illud enim nec ut credam mihi psuaderi potest, nec ut taceā. Quomodo in nostris corporibus ex cibo fit inflatio, quæ non sine magna uariorum iniuria emittitur, & uentrem interdum cum sono exonerat, interdum secretius, sic putant & hanc magnam rerum naturam alimenta mutantem emittere spiritum. Bene nobiscum agitur, quod semper concoquit, alioqui immundius aliquid timeremus. Nunquid ergo hoc uerius est, dicere multa ex omni parte terrarū, & assidua ferri corpuscula, quæ cū coacernata sunt, deinde extenuari sole cœperint, q̄a omne quod in angusto dilatatur, spatium maius desiderat, uentus existit.

Caput V.

q Vid ergo, hanc solam esse causam uenti existimas, aquarū terrarumq; euaporationes, ex his grauitatem aëris fieri, deinde solui impetu, cum, quæ densa steterant, ut est necesse, extenuata nituntur in ampliorem locum? Ego uero et hanc iu-

LIBER

dicō, ceterū illa est longe uerior causa, ualentiorq; habere aëra natura-
 le uim mouendi se, nec aliūde accipere, sed inesse illi, ut aliarum
 rerū, ita huius potentia. An hoc existimas, nobis qdem datas uires
 esse, qbus nos moueremus, aëra autem inertem, & inagitabile reli-
 ctum esse? cū aqua motum suū habeat, etiā uentis quiescentibus, nec
 enim aliter animalia edere posset. Muscum quoq; innasci aquis, &
 herbosa quædam, quæ uidemus summo innatantia. Caput VI.

St ergo aliquid in aqua uitale. De aqua dico. Ignis, qui
 e omnia consumit, quædam etiam creat, & quod uideri nō
 potest simile ueri, sed tamen uerum est, animalia igne gene-
 rantur. Habet ergo aliquam uim talem aër, & ideo modo spissat se,
 modo expandit & purgat, & aliās contrahit, diducit, ac differt. Hoc
 ergo interest inter aëra, & uentum, quod inter lacum & flumen.
 Aliquando per se ipse Sol causa uenti est, fundens rigentem aëra;
 & ex denso coactoq; explicans.

Caput VII.

N uniuersum de uentis diximus, nunc uiritim incipiemus
 i illos excutere. Fortasse apparebit quemadmodum fiant, si
 apparuerit, quando, & unde procedant. Primum ergo
 antelucanos flatus inspiciamus, qui aut ex fluminibus, aut ex conual-
 libus, aut ex aliquo sinu feruntur. Nullus ex his pertinax est, sed
 cadit fortiore iam sole, nec fert ultra terrarum aspectum. Hoc uen-
 torum genus incipit Vere, nec ultra æstatem durat. Et inde maxime
 uenit, ubi aquarum plurimum, & montium est. Plana licet abun-
 dent aquis, tamen carent aura, hac dico, quæ pro uento ualet.

Caput VIII.

Vomodo ergo talis flatus concipitur, quæ Græci ἐμπόριον
 q uocant? Quicquid ex se paludes & flumina erantunt
 (id autem & multum est, & assiduum) per diem solis ali-
 mentum est, nocte non exhauritur, sed montibus inclusum, in unam
 regionem colligitur. Cum illam impleuit, & iam se non capit, sed
 exprimitur aliquo, et in unam partem procedit, hic uentus est. Itaq;
 eo incumbit, quo liberior exitus inuitat, & loci laxitas, in quam
 coacervata incurrant. Huius rei argumentum est, q prima noctis
 parte non spirat. Incipit enim fieri tunc illa collectio, quæ circa lu-
 cem iam plena est, & onerata querit, quo defluat, & eo potissi-
 mum exit, ubi plurimum uacui est, & magna, ac patens area.
 Adijcit autem ei stimulos ortus solis, feriens gelidum aëra. Nam
 etiam ante, q appareat, lumine ipso ualet, & nondum quidem
 aëra radijs impellit, iam tamen lacessit & irritat luce præmissa.

Nam

Nam cum ipse processit, alia superius rapiuntur, alia diffunduntur tepore. Ideo non ultra matutinum illis datur flare, omnis illorū uis conspectu solis extinguatur. Etiam si ualentiores flauere, circa mediū tamen diem relanguescunt, nec unq̄ usq; in meridiem aura produ- citur. Alia autem imbecillior, ac breuior est, prout ualentioribus in- noribusue collecta causis est.

Caput VIII.

Vare tamen tales uenti uere & æstate ualidiores sunt.

q Leuissimi enim cætera parte anni, nec qui uela impleāt, surgunt. Quia uere aër aquosus est, et ex plurimis aquis, locisq; ob humidam coelinaturam saturis, & redundantibus, maior euaporatio est. At quare æstate æque profunditur? Quia post occa- sum solis remanet diurnus calor, & magna noctis parte perdurat, qui euocat exeuntia, ac uehementius trahit, quicquid ex his sponte reddi solet, deinde non tantum habet uirium, ut quod euocauit, ab- sumat. Ob hoc diutius corpuscula emanare solita, & efflare terra ex se, atq; humorem emittit. Facit autem uentum solis ortus non ca- lore tantum, sed etiam ictu. Lux enim (ut dixi) quæ solem antece- dit, nondum aëra calefacit, sed percutit tantum, percussus autem in- latus cedit. Quamq̄ ego ne illud quidem concesserim, lucem ipsam sine calore esse, cum ex calore fiat. Non habet forsitan tantum teporis, quantum tactu appareat, opus tamen suū facit, & densa diducit ac tenuat. Præterea loca, quæ aliqua iniquitate naturæ ita clausa sunt, ut solem accipere non possint, illa quoq; nebula, & tristi luce cale- fiunt, & per diē minus, q̄ noctibus rigent, etiamnum natura calor omnis abigit nebulas, & a se repellit. Ergo sol quoq; idem facit. Et ideo quibusdam uidetur inde flatus esse, unde sol est. Hoc falsum esse ex eo apparet, q̄ aura in omnem partem uehit, & contra ortum plenis uelis nauigatur. Quod non eueniret, si semper uentus ferre- tur a sole.

Caput X.

e Tesiæ, quoq; qui in argumentū a quibusdam aduocantur, non nimis propositum adiuant. Dicam primum qd illis placeat, deinde cur displiceat mihi. Etesiæ, inquiunt, hyeme non sunt, quia breuissimis diebus sol desinit prius, q̄ frigus euincat- tur. Itaq; nives & ponuntur & durantur. Aestate incipiunt flare, cum & dies longius exenditur, & recti in nos radij diriguntur. Veri ergo simile est concussas calore magno nives plus humidi ef- flare. Item terras exoneratas niue, reiectasq; spirare liberius. Itaq; plura ex septentrionali parte cæli corpora exire, & in hæc loca, quæ remissiora ac tepidiora sunt, deferri. Sic impetū Etesias sumere,

LIBER

Ob hoc à solstitio illis initium est, ultraque ortum caniculæ non valent, quia iam multum est frigida cœli parte in hanc egestum est. Ac sol mutato cursu in nostram rector tenditur, et alteram partem aeris attrahit, alteram vero impellit, sic ille Etesiarum flatus æstatem frangit, et à mensium feruentissimorum gravitate defendit. Caput XI.

Vnc quod promisi dicendum est, quare Etesiae illos non adiuvant, nec quicquam huic conferant causæ. Dicimus autem luce auram inatari, eandem subsidere, cum illam sol tangit. Atqui Etesiae ob hoc somniciosi à nautis et delicati vocantur, quod (ut ait Gallio) mane nesciunt surgere, eo tempore fere incipiunt prodire, quo ne pertinax quidem aura est, quod non accideret, si ut auras, ita illos sol commoveret. Adijce nunc, quod si causa flatus est illis spatium diei ac longitudo, etiam ante solstitium flarent, cum longissimi dies sunt, et cum maxime nives tabescunt. Iulio enim mense iam despoliata sunt omnia, aut certe admodum pauca iacent adhuc sub nive.

Caput XII.

Vnt quedam genera ventorum quæ ruptæ nubes, et in primum solutæ emittunt, hos Græci ventos ἐνεπίας vocant. Qui hoc (ut puto) modo fiunt, cum magna inæqualitas, ac dissimilitudo corporum, quæ vapor terrenus emittit in sublime eat, et alia ex his corporibus siata sint, alia humida. Ex tanta discordia corporum inter se pignantium, cum in unum conglobata sunt, verisimile est quasdam cavas effici nubes, et intervalla inter illas relinqui fistulosa, et in modum tibiæ angusta. His intervallis tenuis includitur spiritus, qui maius desiderat spatium, cum euerberatus cursu parum libero incaluit, et ob hoc amplior fit, finditque cingentia, et erumpit in ventum, qui fere procellosus est, qui superne demittitur, et in nos cadit vehemens et acer, quia non fusus nec per apertum venit, sed laborat, et iter sibi vi ac pugna parat. Hic fere brevis flatus est, quia receptacula nubium, per quæ ferebatur, ac munimenta perumpit, ideo tumultuosus venit, aliquando non sine igne ac sono cœli. Hi venti multo maiores, diuturnioresque sunt, si alios quoque flatus ex eadem causa ruentis in se abstulerint, et in unum confluxerint plures, sicut torrentes modicæ valetudinis eunt, quoadiu separatis suus cursus est. Cum vero plures in se aquas convertunt, fluminum iustorum ac perenniū magnitudinem excedunt. Idem credibile est fieri et in procellis, ut sint breves, quoadiu singulæ sunt, ubi vero socii vere uires, et pluribus cœli partibus elisus spiritus eodem se contulit, et impetus illis accedit, et metus.

Facit

Caput XIII.

Acit ergo uentum resoluta nubes, quæ plurimis modis
 f soluitur. Nonnunquam conglobationem illā spiritus rum-
 pit inclusi, & in exitum nitentis luctatio. Nonnunquam
 calor, quem modo sol facit, modo ipsa arietatio, ut magnorum inter
 se corporum attritus. Hoc loco si tibi uidetur quæri potest, cur turbo
 fiat. Euenire in fluminibus solet, ut quādiu sine impedimento ferun-
 tur, simplex & rectum illis iter sit, ubi incurrere in aliquod sa-
 xum ad latus ripæ prominens, retorqueantur, & in orbem aquas
 sine exitu flectant, ita ut circūlata in se sorbeantur, & uorticem effi-
 ciant. Sic uentus quādiu nihil obstat, uires suas effundit, ubi aliquo
 promontorio repercussus est, aut in locorum cōuentum in canna-
 le deuexum, tenuemq; collectus, sæpius in se uolutatur, similemq; illis,
 quas diximus conuerti, aquis facit uorticem. Hic uentus circūactus,
 & eundem ambiens locum, ac se ipsa uertigine concitans, turbo est.
 Qui si pugnator est, ac diutius uolutatus inflammatur, et efficit, quæ
 Græci πρησῦρα uocant. Hic est igneus turbo. Hi ferè omnia peri-
 cula uenti erupti de nubibus produnt, quibus armenta rapiantur, et
 totæ naues in sublime tollantur. Etiamnum quidam uenti diuersos
 ex se generant, & impulsam aëra in alias quoq; partes, quā in
 quas ipsi inclinauere, dispergunt. Illud quoq; dicam, quod mihi oc-
 currit, quemadmodum stillicidia, quamuis iam inclinent se & la-
 bantur, nondum tamen effecere lapsum, sed ubi plura cōiere, &
 turba uires dedit, tunc fluere & ire dicuntur. Sic quādiu leue sunt
 aëris motus agitati pluribus locis, nondum uentus est, tunc enim in-
 cipit, cum omnes illos miscuit, & in unum impetum contulit. Spiri-
 tum a uento modus separat, uehementior enim spiritus uentus est,
 inuicem spiritus, leuiter fluens aër.

Caput XIII.

Epetam nunc quod primo dixeram, edi e' specu uentos,
 r recessuq; interiore terrarum. Non tota solido contextu ter-
 ra in unum usq; fundatur, sed multis partibus caua, &
 cæcis suspensa latebris, alicubi habet inania sine humore. Ibi, etiam
 si nulla lux discrimen aëris monstrat, dicam tamen nubes nebu-
 lasq; in obscuro consistere. Nam ne hæc quidem supraterras, quia
 uidentur, sunt, sed quia sunt, uidentur. Illic quoque nihilomi-
 nus ob id sunt, q non uidentur flumina. illic scias licet nostris
 paria sublabi, alia leuiter ducta, alia in confragosis locis præci-
 pitando sonantia. Quid ergo? non illud æque dabis esse aliquos

Et sub terra lacus, et quasdam aquas sine exitu stagnare? Quæ si ita sunt, necesse est et illud, aëra onerari, oneratumque incumbere, et uentum propulsi suo concitare. Ex illis ergo subterraneis nubibus sciemus nutriri inter obscura flatus, cum tantum uirum fecerint, quanto aut terræ obstantia auferant, aut aliquod apertum ad hos efflatus iter occupent, et per hanc cauernam in nostras sedes efferantur. Illud uero manifestum est, magnam esse sub terris uim sulfuris, et aliorum non minus ignem alentium, per hæc loca cum se exitum quærens spiritus torsit, accendat flammam ipso obstrictu necesse est. Deinde flammis latius fuis, etiam siquid ignauis aëris erat, extenuatum moueri, et uiam cum fremitu uasto, atque impetu quærere. Sed hoc diligentius persequar, cum quæram de motibus terræ.

Caput XV.

Vnc mihi permitte narrare fabulam. Asclepiodotus author est, demissos quæ plurimos à Philippo in metallum antiquum olim destitutum, ut explorarent quæ uertas eius esset, quis status, an aliquid futuris reliquisset uetus auaritia. Descendisse illos cum multo lumine, et multos durasse dies, deinde longa uia fatigatos, uidisse flumina ingentia, et conceptus aquarum inertium uastos, parens nostris, nec compressos quidem terra supereminente, sed liberæ laxitatis, non sine horrore uisos. Cum magna hæc legi uoluptate, intellexi enim seculum nostrum non nouis uitis, sed iam antiquitus traditis laborare, nec nostra ætate primum auaritiam uenas terrarum lapidumque rimatam, in tenebris male abstrusa quæsisse. Illi quoque maiores nostri, quos celebramus laudibus, quibus dissimiles querimus nos esse, spe ducti, montes ceciderunt, et supra lucrum sub ruina steterunt. Ante Philippum Macedonem reges fuere, quæ pecuniam in altissimis usque latebris sequerentur, et relicto spiritu libero, in illos se demitterent specus, in quos nullum nocturnum, dierumque pueniret discrimen, et à tergo lucem relinqueret. Quæ tanta spes fuit? Quæ tanta necessitas hominem ad sydera erectum incuruauit, et defecit, et in fundum telluris intimæ merisit, ut erueret aurum non minore periculo quærendum, quam possidendum. Propter hoc cuniculos egit, et circa prædā lutulentam incertamque reptauit, oblitus dierum, oblitus naturæ melioris, à qua se auertit. Nulli ergo mortuo terra tam grauis est, quam istis supra quos auaritia ingens terrarum pondus iniecit, quibus abstulit cælum, quos in imo, ubi illud malum uirus latitat, infecit. Illo descendere ausi sunt, ubi nouam rerum positionem, terrarum pendentium habitus, uentosque per cæcum inane experirentur, et aquarum nulli fluentium horridos fontes, et altam.

altam perpetuamq; nocte. Deinde cum ista fecerint, inferos metuant.

Caput XVI.

Ed ut ad id, de quo agitur, reuertar, uenti quatuor sunt, in
 ortum, occasum, meridiem, septentrionemq; diuisi. Caeteri,
 quos uarijs nominibus appellamus, his applicantur.

- » Eurvs ad auroram, Nabathæaq; regna recessit,
- » Persidæq; radijs iuga subdita matutinis.
- » Vesper, & occiduo quæ littora sole tepescunt
- » Proxima sunt Zephyro. Scythiam, septemq; triones
- » Horrifer inuasit Boreas. Contraria tellus
- » Nubibus assiduis, pluuioq; madescit ab Austro.

Vel si breuius illos complecti mauis, in unam tempestatem (quod
 fieri nullo modo potest) congregentur.

- » Vna' Eurvsq; Notusq; ruunt, creberq; procellis
 - » Africus, - et qui locum in illa rixa non habuit, Aquilo.
- Quidam illos duodecim faciunt. Quatuor enim cœli partes in
 ternas diuidunt, & singulis uentis binos sub præfecto dant. Hac
 arte Varro uir diligens illos ordinat, nec sine causa. Non enim eo-
 dem semper loco sol oritur, aut occidit, sed alius est ortus occasusq;
 æquinoctialis, bis autem æquinoctium est, alius solstitialis, alius hy-
 bernus. Qui surgit ab oriente æquinoctiali, Subsolanus apud nos
 dicitur, Græci illum ἀπληώτιν uocant. Ab oriente hyberno Eurvs
 exit, quem nostri uocauere Vulturum, et Liuius hoc illum nomine
 appellat, in illa pugna Romanis parum prospera, in qua Annibal
 & contra solem orientem exercitum nostrum, & contra uentum
 construit, cum uenti adiutorio, ac fulgoris præstringentis oculos ho-
 stium uicit. Varro quoq; hoc nomen usurpat. Sed & Eurvs iam ciui-
 tate donatus est, & nostro sermoni non tanquam alienus interuenit.
 Ab oriente solstitiali excitatum Græci ναυίαρ appellat, apud nos
 sine nomine est. Aequinoctialis occidens Fauonium mittit, quem Ze-
 phyrum esse dicunt tibi, etiam qui græce nesciunt loqui. A solstitiali
 occidente Chorus uenit, qui apud quosdam Argestes dicitur, mihi
 non uidetur, quia Chori uiolenta uis est, & in unam partem ra-
 pax, Argestes fere' mollis est, & tam euntibus communis, q̃ re-
 deuntibus. Ab occidente hyberno Africvs furibundus & ruens,
 apud Græcos ἀΐφ dicitur. A septentrionali latere summus est
 Aquilo, medius septentrio, imus Thracias. Huic deest apud nos
 uocabulum. A meridiano axe Euronotus est, deinde Notus, latine
 Auster, deinde Libonotus, qui apud nos sine nomine est.

LIBER

Caput XVII.

Lacet autem duodecim uentos esse, non quia ubiq; tot sint,
 p quosdam enim inclinatio terrarū excludit, sed quoniam
 plures nusquam sunt. Sic casus sex dicimus, non quia omne
 nomen sex recipit, sed quia nullum plureis q̄ sex. Qui duodecim
 uentos esse dixerunt, hoc secuti sunt, totidem uentorū esse, quorū cœli
 discrimina. Cœlum enim diuiditur in circulos quinque, qui per mundi
 cardines eunt. Est septentrionalis, est solstitialis, est Aequinoctialis,
 est Brumalis, est contrarius Septentrionali. His sextus accedit, qui
 superiorē partem mundi ab inferiore secernit, ut scis, dimidia enim
 pars mundi semper supra, dimidia infra est. Hanc lineā quæ inter
 aperta, & occulta est, Græci ὀρίζοντα uocant, nostri finitorē dixere,
 alij finientē. Adijciendus est adhuc meridianus circulus, q̄ HoriZonta
 rectis angulis secat. Ex his q̄dam circuli in transuersa currunt, &
 alios interuentu suo scindunt. Necesse autem est tot aëris discrimina
 esse, quod partes. Ergo HoriZon siue finiens circulus, quinque illos
 orbes, quos modo dixi fieri, secat, & efficit decē partes, quinque ab
 ortu, quinque ab occasu. Meridianus circulus, q̄ in HoriZonta incurrit,
 regiones duas adijcit. Sic duodecim aër discrimina accipit, & totidē
 facit uentos. Quidam sunt quorundā locorū proprii, qui non trans=
 mittunt, sed in proximum ferunt. Non est illis a latere uniuersi
 mundi impetus. A tabulus Apuliam infestat, Calabriam Iapix,
 Athenas Saron, Pamphiliam Catægis, Galliam Circius, cui ædificia
 quassanti, tamen incolæ gratias agunt, tanq̄ salubritatem cœli sui de=
 beant ei. Diuus certe Augustus templū illi, cū in Gallia moraretur,
 & uouit & fecit. Infinitū est, si singulos uelim persequi. Nulla enim
 propemodum regio est, quæ non habeat aliquē flatum ex se nascentem,
 & circa se cadentem.

Caput XVIII.

i Nter cætera itaq; providentiæ opera, hoc quoq; aliquis, ut
 dignum admiratione suspexerit, non enim ex una causa
 uentos aut inuenit, aut per diuersa disposuit, sed primū ut
 aëra non sinerent pigrescere, sed assidua uexatione utilē redderent,
 uitalemq; tracturis. Deinde ut imbres terris subministrarēt, ijdēq;
 nimios compescerent. Nam modo adducunt nubes, modo deducunt,
 ut per totum orbem pluuiæ diuidi possent. In Italiam Auster impel=
 lit, Aquilo in Africam reijcit, Etesiae non patiūtur apud nos nubes
 consistere, ijdē totam Indiam et Aethiopiam continuis per id tem=
 pus aquis irrigant. Quid, q̄ fruges percipi non possent, nisi flatu su=
 peruacua, & mista seruandis uentilarentur, nisi esset, quod segetem

excitaret, & latentem frugem ruptis uelamentis suis, quæ folliculos agricolæ uocant, adaperiret? Quid, quod omnibus inter se populis commercium dedit, & gentes dissipatas locis miscuit? Ingens naturæ beneficium, si illud in iniuriam suam non uertat hominum furor. Nunc, quod de Cesare olim maiore uulgo dictitatum est, & à Tito Liuiio positum, in incerto esse, utrum illū magis nasci reipublicæ profuerit, an non nasci, dici etiam de uentis potest, adeo quicquid ex illis utile et necessarium est, non potest his repensari, quæ in pñiciem suam generis humani dementia excogitat. Sed non ideo non sunt ista natura sua bona, si uitio male utentium nocent. Nimirum in hoc prouidentia, ac dispositor ille mundi deus aëra uentis exercendum dedit, & illos ab omni parte, ne quid esset situ squalidum, effudit, non ut nos classes partem freti occupaturas compleremus milite armato, & hostem in mari, aut post mare inquireremus. Quæ nos dementia exagitat, & in mutuum compellit exitium? Vela uentis damus bellum paraturi, & periclitamur periculi causa. Incerta fortuna experimur uim tempestatum, nulla ope humana superabilem, mortem sine spe sepulturæ. Non erat tanti, si ad pacem per ista uerheremur. Nunc autem cū euaserimus tot scopulos latentis, & insidias uadosi maris, cum effugerimus procellosos de super montes, per quos præeps in nauigantibus uentus impingit, cum inuolutos nubilo dies, et nimbis ac tonitribus horredas noctes, cū turbinibus diuisa nauigia, quis erit huius laboris ac metus fructus? quis nos fessos tot malis portus excipiet? Bellū scilicet, & obuius in litore hostis, & trucidandæ gentes, tracturæ magna ex parte uictorē, & antiquarum urbium flāmam. Quid in arma cogimus populos? Quid exercitus scribimus directuros acie in medijs fluctibus? Quid maria inquietamus? Parum uidelicet ad mortis nostras terra late patet, nimis delicate fortuna nos tractat, nimis dura dedit nobis corpora, felicē ualitudinē, nō depopulatur nos casus incurrens, emetiri cuiq; annos suos ex cōmodo licet, & ad senectutē decurrere. Itaq; eamus in pelagus, & uocemus in nos fata cessantia. Miseri qd quæritis mortem quæ ubiq; superest? petit illa uos et ex lectulo, sed ubiq; innocētes petat, occupabit uos i uestra domo, sed occupet nullū moliētes malū. Hoc uero qd aliud q̄ dixerit, q̄ insaniā circūferre pericula, et ruere in ignotos iratū sine iniuria, occurrētla deuastantē, ac ferarum more occidere, quē nō oderis? Illis tamen in ultionē, aut ex fame morsus est. Nos sine ulla parsimonia nostri, alieniq; sanguinis, mouemus maria, et nauigia deducimus, salutē cōmittimus fluctibus, secundos optamus uentos,

LIBER

uento, quorū felicitas est ad bella perferri. Quousq; nos mala nostra
 rapuere? Parum est intra orbem suū furere. Sic Persarum rex sto-
 lidissimus in Græciam traiecit, quam exersatus non uincat, cum im-
 pleuerit. Sic Alexander ulterior Bactris & Indis uolet quærere,
 quid sit ultra magnum mare, & indignabitur aliqd esse ultimū sibi.
 Sic Parthis auaritia Crassum dabit, non horrebit reuocantis diras
 tribuni, non tempestates longissimū maris, nō circa Euphratem præ-
 sagi fulmina, & deos resistentes, per hominum deorumq; iras ad
 aurum ibitur. Ergo non immerito quis dixerit rerū naturam melius
 acturā fuisse nobiscum, si uentos siare uetuisset, & inhibito discursu
 furentium, in sua quenq; terra stare iussisset. Si nihil aliud, certe suo
 quisq; tantum, ac suorum malo nasceretur. Nunc parū ui domestica,
 externis quoq; laborandū est. Nulla terra tam longe remota est, quæ
 non emittere aliquod suū malum possit. Vnde scio an nunc aliquis
 magnæ gentis in abdito dominus, fortunæ indulgentia tumens, non
 contineat inter terminos arma? an paret classis ignota moliens?
 Vnde scio hic mihi, an ille uentus bellum inuehet? Magna pars erat
 pacis humanæ maria præcludi. Non tamen (ut paulo ante dicebam)
 queri possumus de authore nostro deo, si beneficia eius corrūpimus,
 & ut essent contraria efficiamus. Dedit ille uentos ad custodiendam
 cœli, terrarumq; temperiē, ad euocandas, suppressandasq; aquas,
 ad alendos satorū atq; arborū fructus, quos ad maturitatem cū alijs
 causis adducat ipsa iactatio attrahens abū in summa, & ne torpeat
 permouens. Dedit uentos ad ulteriora noscenda, fuisset enim impe-
 ritum animal, & sine magna experientia rerū homo, si circumscri-
 beretur natalis soli fine. Dedit uentos, ut commoda cuiusq; regionis
 fierent cōmunia, nō ut legiones equitemq; gestarent, nec ut pñciosa
 gentiū arma transueherent. Si beneficia naturæ utentium prauitate
 ppendimus, nihil non nostro malo accepimus, cui uidere expedit?
 cui loqui? cui non uitæ tormentū est? Nihil inuenies tam manifestæ
 utilitatis, quod non in contrariū transferat culpa. Sic uentos quoq;
 natura bonos futuros inuenerat, ipsi illos cōtrarios fecimus. Omnes in
 aliqd nos malū ducunt. Non eadē est his et illis causa soluendi, sed
 iusta nulli. Diuersis enim irritamentis ad tentandū iter impellimur.
 Itaq; alicui uitio nauigatur. Egrege Plato dicit, q nobis circa exitum
 iam testium loco dandus est, minima esse quæ homines emant uitæ.
 Immo Lucili carissime, si bene furorem illorum extimaueris, id est
 nostrum, (in eadem enim turba uolutamur) magis ridebis, cum co-
 gitaueris uitæ parari ea, in quibus uitæ consumuntur.

LVCII ANNEI SENECAE NATVRA-
LIVM QVAESTIONVM LIBER
SEXTVS, IN QVO DE TER-
RAEMOTV AGITVR.

Caput I.

OMPEIOS celebrem Campaniae urbem, in
quam ab altera parte Surrentinum Stabianumq;
litus, ab altera Herculanense conueniunt, mareq;
ex aperto conductum amoeno sinu angit, desedisse
terræmotu, uexatis quæcūq; adiacebāt regionibus;
Lucili uirorum optime, audiuius, & quidem diebus Hybernis,
quos uacare a tali periculo maiores nostri solebant promittere. No-
nis Fēbruarij fuit motus hic, Regulo & Virgilio Coss. qui Campa-
niam nunquam securam huius mali, indemnem tamen & toties de-
functam metu, magna strage uastauit. Nam & herculanensis oppidi
pars ruit, dubieq; stant etiam quæ relicta sunt, & Nucerinorum
colonia, ut sine clade, ita non sine querela est. Neapolis quoq; priua-
tim multa, publice nihil amisit, leuiter ingenti malo perstricta. Villæ
uero præruptæ passim sine iniuria tremuere. Adijciunt his sexcen-
tarum ouium gregem exanimatum, & diuisas statuas, motæ post
hoc mentis aliquos, atq; impotes sui errasse. Quorum ut causas ex-
cutiamus, & propositi operis contextus exigit, & ipse in hoc tem-
pus congruens casus, querenda sunt trepidis solatia, & demendus
ingens timor. Quid enim cuiquam satis tutum uideri potest, si mun-
dus ipse concutitur, & partes eius solidissimæ labant? Si, quod unū
immobile est in illo fixumq;, ut cuncta in se intenta sustineat, flu-
ctuat, si, quod proprium habet, terra perdidit stare, ubi tandem
resident metus nostri? Quod corpora receptaculum inuenient? quo
solicita confugient, si ab imo metus nascitur, & funditus trahitur?
Consternatio omnium est, ubi tecta crepuere, & ruina signum de-
dit, tunc præceps quisq; se proripit, & penates suos deserit, ac se pu-
blico credit. Quam latebrā prospicimus, quod auxilium, si orbis ipse
ruinas agitet? si hoc, quod nos tuetur ac sustinet, supra quod urbes
sitæ sunt, quod fundamentum quidam orbis esse dixerunt, discedit,
aut titubat? Quid tibi esse non dico auxilij, sed solatij potest, ubi
timor fugam perdidit? Quid est inquam satis munitum? Quid ad

tutelam alterius ac sui firmum? Hostem muro repellam, præruptæ altitudinis castella uel magnos exercitus difficultate aditus morabuntur, à tempestate nos uindictant portus, nimborum uim effusam, & sine fine cadentes aquas tecta propellunt, fugientes non sequitur incendium, àduersus tonitrua, & minas cœli subterraneæ domus, & defossi in altum specus remedia sunt. Ignis ille cœlestis, non transuerberat terram, sed exiguo eius obiectul retunditur. In pestilentia mutare sedes licet. Nullum malum sine effugio est. Nunquam fulmina populos perusserunt. Pestilens cœlum exhausit urbers, non abstulit. Hoc malum latissime patet, ineuitabile, auidum, publice noxium. Nō enim domos solū, aut familias, aut urbers singulas haurit, sed gentes totas, regionesq; subuertit, & modo ruinis operit, modo in altam uoraginem condit, ac ne id quidem relinquit, ex quo appareat, quod nō est, saltem fuisse, sed supra nobilissimas urbers sine ullo uestigio prioris habitus, solum extenditur. Nec desunt, q hoc genus mortis magis timeant, quo in abruptū cum sedibus suis eunt, & è uiuorū numero uiui auferuntur, tanq non omne fatum ad eundem terminum ueniat. Hoc habet inter cætera iustitiæ suæ natura præcipuū, quod cum ad exitum uentum est, omnes in æquo sumus. Nihil itaq; interest, utrum me lapis unus elidat, an monte toto premar. Vtrum supra me domus unius onus ueniat, & sub exiguo eius tumulo, ac puluere expirem, an totus caput meū terrarum orbis abscondat. In luce hunc, & in aperto spiritū reddam, an in uasto terrarum dehiscientium sinu. Solus in illud profundum, an cum magno comitatu populorū concadentiū ferar. Nihil interest mea, quantus circa mortem meam tumultus sit, ipsa ubiq; tantundē est. Proinde magnum sumamus animum àduersus istam cladē, quæ nec euitari, nec prouideri potest. Desinamus audire istos, q Campaniæ renunciauere, quiq; post hunc casum emigrauerunt, negantq; se ipsos unq ipsam regionem accessuros. Quis enim illis promittit melioribus fundamentis hoc, aut illud solū stare? Omnia eiusdem sortis sunt, & si nondū mota, tamen mobilia. Hunc fortasse in quo securius consistis locū, hæc nox, aut hic ante noctem dies scindet. Vnde scias an melior eorum locorū conditio sit, in quibus iam uirens suas fortuna consumpsit, et quæ in futurū ruina sua fulta sunt? Erramus enim, si ullam terrarum partem exceptam, immunemq; ab hoc periculo credimus. Omnes sub eadem iacent lege. Nihil ita, ut immobile esset, natura concepit, alia temporibus alijs cadunt. Et quemadmodū in urbibus magnis, nunc hæc domus, nunc illa suspenditur, ita & in hoc orbe

terrarum nunc hæc pars facit uitium, nunc illa. Tyros aliquando infamis ruinis fuit. Asia duodecim urbes simul pdidit. Anno prior Achaiam & Macedoniam quæcunq; est ista uis mali, quæ incurrit, nunc Campaniam lædit. Circuit fatum, & siquid diu præterijt, repetit. Quædam rarius sollicitat, sæpius quædam. Nihil immune esse, & innoxium sinit. Non homines tantum, qui breuis, & caduca res nascimur, urbes, oræq; terrarum & litora, & ipsum mare in seruitutem fati uenit. Nos tamen nobis permansura promittimus bona fortunæ, & felicitatem, cuius ex omnibus rebus humanis uelocissima est leuitas, habituram in aliquo pondus ac morã credimus. Et ppetua sibi omnia promittentibus in mentem nõ uenit, id ipsum, supra quod stamus, stabile non esse. Neq; enim Campaniæ istud, aut Achaiæ, sed omnis soli uitium est, male cohærere, & ex causis pluribus resolui, & summa manere, partibus ruere.

Caput. II.

Vid ago? solatium aduersus pericula dare promiseram, ecce undiq; timenda denuncio. Nego quicq; esse quietis æternæ, quod perire possit, & perdere. Ego uero hoc ipsum solatiũ loco pono, & quidem ualentissimũ. Quandoquidem sine remedio timor stultis est, ratio terrorem prudẽtibus excutit. Imperitis fit magna ex desperatione securitas. Hoc itaq; generi humano dictum puta, quod illis subita captiuitate inter igneis & hostem stupentibus dictum est.

» Una salus uictis nullam sperare salutem, si uultis nihil timere, cogitate omnia esse timenda, circumspicite, q̃ leuibus causis discutiamur. Non cibus nobis, non humor, non uigilia, non somnus sine mensura quadam salubria sunt. Iam intelligitis nugatoria esse nostra, & imbecilla corpuscula, fluida, non magna molitione perdenda. Sine dubio id unum periculi satis esset, quod tremunt terræ, quod subito dissipantur, ac superposita deducunt. Magni se æstimat, qui fulmina & motus terrarum hiatusq; formidat, uult ille imbecillitatis suæ conscius timere pituitam. Ita uidelicet nati sumus, tam felicia sortiti membra, & in hanc magnitudinem creuimus, & ob hoc, nisi mundi partibus motis, nisi cœlum intonuerit, nisi terra subsederit, perire nõ possumus. Unguiculi nos, & ne totius qdem dolor, sed aliqua a latere eius scissura conficit, & ego timeam terras trementers, quæ crassior salina suffocat? Ego extimescam emotũ sedibus suis mare? & ne æstus maiore, q̃ soleat, cursu, plus aquarũ trahens superueniat, cum quosdã strangulauerit

potio male lapsa per fauces? Quàm stultum est mare horrere, cum scias stillicidio perire te posse. Nullum est maius solatiū mortis, quàm ipsa mortalitas. Nullum autem omnium istorum, quæ extrinsecus terrent, quàm quod innumerabilia pericula in ipso sinu sunt. Quid enim dementius, quàm ad tonitrua succidere, & sub terram cor= repere fulminum metu? Quid stultius, q̃ timere nutationem, aut subitos montium lapsus, & irruptiones maris extra litus eiekti, cum mors ubiq; præsto sit, & undiq; occurrat? Nihilq; sit tam exiguum, quod nō in perniciē generis humani satis valeat? Adeo non debent nos ista confundere, tanquam plus in se mali habeant, q̃ vulgaris mors, ut contra cum sit necessarium e' uita exire, & aliquando emittere animam, maiore perire ratione iuuat. Necesse est mori ubi= cunq; quandoq;. Stet licet ista humus, & se teneat suis finibus, nec ulla iactetur iniuria, supra me quandoq; erit. Interest ergo illā ego mihi, an ipsa se mihi imponat? Diducitur ingenti potentia nescio cuius mali, rumpitur, & me in immensam altitudinem abducat. Quid porro? Mors leuior in plano est? Quid habeo quod querar, si rerum natura non me uult iacere in ignobili loco? si mihi iniicit sui partem? Egrege Vagellius meus in illo inclyto carmine.

» Si cadendum est, inquit, mihi, cœlo cecidisse uelim.

Idem licet dicere. Si cadendum est, cadam orbe concusso. Non quia fas est optare publicam cladem, sed quia ingens mortis solatiū est, terram quandoq; uidere mortalem.

Caput III.

i Illud quoq; proderit præsumere animo, nihil horum deos facere, nec ira numinum aut cœlum concuti, aut terram.

Suas ista causas habent, nec ex imperio sæuiunt, sed quibusdam uitij, ut corpora nostra turbantur, & tunc, cum facere uidentur, iniuriam accipiunt. Nobis autem ignorantibus uerum, omnia terribilia sunt, utpote quorum metum raritas auget. Leuius accidunt familiaria, & ex insolito formido est maior. Quare autem quicq; nobis insolitum est? quia naturam oculis, non ratione comprehendimus, nec cogitamus, quid illa facere possit, sed tantum quid fecerit. Damus itaq; huius negligentiae poenas, tanquam nouis territi, cum illa non sint noua, sed insolita. Quid ergo, non religionem incutit mentibus, & quidem publice, siue deficere sol uisus est, siue luna, cuius obscuratio frequentior, aut parte sui, aut tota delituit? longeq; magis illæ actæ in transversum faces, & cœli magna pars ardens, & crinita sydera, & plures solis orbes, & stellæ per diem uisæ, subitiq; transcursus ignium, multam post se lucem trahent um? Nihil

horum

horum sine timore miramur, & cum timendi sit causa nescire, non est tanti scire, ne timeas. Quanto satius est causas inquirere, & quidem toto in hoc intentum animo. Neque enim illo quicquam inueniri dignius potest, cui se non tantum commodet, sed impendat.

Caput IIII.

Veramus ergo quid sit, quod terram ab infimo moueat, quid tanti molē ponderis impellat, quid sit illa ualentius, quid tantum onus ui sua labefactat, cur modo tremat, modo laxata subsidat, nunc in partes diuisa discedat, & aliā interuallum ruinæ suæ diu seruet, aliā cito comprimat. Nunc amens magnitudinis notæ conuertat introrsus, nūc nouos exprimat. Aperiat aliquando aquarum calentium uenas, aliquando refrigeret, ignisq; nonnunquam per aliquod ignotum antea montis, aut rupis foramen emittat, aliquando notos, & per secula nobiles comprimat. Mille miracula mouet, faciemq; mutat locis, et defert montes, subrigit plana, ualles extuberat, nouas i profundo insulas erigit. Hæc ex quibus causis accidant, digna res est excuti. Quid, inquis, erit pretium operæ? Quo nullū maius est, nosse naturam. Neque enim quicquam habet in se huius materiæ tractatio pulchrius, cum multa habeat futura usui, q̄ quod hominem magnificentia sui detinet, nec mercede, sed miraculo colitur. Inspiciamus ergo quid sit, propter quod accidant hæc. Quorum est adeo mihi dulcis inspectio, ut quis aliquando de motu terrarum uolumen inuenis ediderim, tamen tentare me uoluerim, & experiri, an ætas aliquid nobis, aut ad scientiam, aut certe ad diligentiam adiecerit.

Caput V.

Ausam, qua terra concutitur, alij in aqua esse, alij in ignibus, alij in ipsa terra, alij in spiritu putauere, alij in pluribus, alij in omnibus his. Quidam liquere ipsis aliquam ex istis causam dixerunt, sed non liquere quæ esset. Nunc singula prosequamur. Illud ante omnia mihi dicendum est, opiniones ueterū parum exactas esse & rudes. Circa uerum adhuc errabatur. Noua omnia erant primo tentantibus, post eadem illa limata sunt, & si quid inuentum est, illis nihilominus referri debet acceptum. Magni animi res fuit rerum naturæ latebras dimouere, nec contentum exteriori eius conspectu, introspicere, & in deorū secreta distendere. Plurimum ad inueniendum contulit, qui sperauit posse reperiri. Cum excusatione itaq; ueteres audiendi sunt. Nulla res consumata est, dum incipit. Nec in hac tantum re omnium maxima, atq; inuolutissima, in qua etiam cum multum actum erit, omnis tamen ætas

LIBER

quod agat inueniet, sed in omni alio negotio longe semper a perfecto fuere principia.

Caput VI.

N aqua causam esse, nec ab uno dictum est, nec uno modo.

i Thales Milesius totam terram subiecto iudicat humore portari & innare, siue illud oceanum uocas, siue magnum mare, siue alterius naturae simplicem adhuc aquam, & humidum elementum. Hac, inquit, unda sustinetur orbis, uelut aliquod grande nauigium, & graue his aquis quas premit. Supernacuum est reddere causas, propter quas existimat grauissimam partem mundi non posse spiritu tam tenui, fugaciq; gestari, non enim nunc de situ terrarum, sed de motu agitur. Illud argumenti loco ponit, aquas esse in causa, quibus hic orbis agitur, quod in omni maiore motu erumpunt fere noui fontes, sicut in nauigijs quoq; euenit, ut si inclinata sunt, & abiere in latus, aquam sorbeant, quae in omni onere eorum, quae uehit, si immodice depressa sunt, aut superscinditur, aut certe dextra sinistraq; solito magis surgit. Hanc opinionem falsam esse, non est diu colligendum. Nam si terram aqua sustineret, tota aliquando concuteretur, semper moueretur, nec agitari illam miraremur, sed manere. Tunc tota concuteretur, non ex parte, nunquam enim nauis dimidia iactatur. Nunc uero terrarum non uniuersarum, sed ex parte motus est. Quomodo ergo fieri potest, ut quod totum uehitur, totum non agitur, si eo, quo uehitur, agitur est? At quare aquae erumpunt? Primum omnium saepe tremuit terra, & nihil humoris noui fluxit. Deinde si ex hac causa unda prorumperet, a lateribus terrae circumfunderetur, sicut in fluminibus ac mari uidemus accidere, ut incrementum aquarum, quoties nauigia desidunt, in lateribus maxi me appareat. Ad ultimum non tam exigua fieret, q̄ dicit, eruptio, nec uelut per rimam sentina subreperet, sed fieret ingens inundatio, ut ex infinito liquore, & ferente uniuersa.

Caput VII.

q Vidam motum terrarum aquae imputauere, sed non ex eadem causa. Per omnem, inquiunt, terram multa aquarum genera decurrunt. Alicubi perpetui amnes, quorum nauigabilis etiam sine adiutorio imbrium magnitudo est. Hinc Nilus per aestatem ingentis aquas inuehit. Hinc qui medius inter pacata & hostilia fluit Danubius ac Rhenus, alter Sarmaticos impetus cohibens, & Europam Asiamq; disternans, alter Germanos, quidam gentem belli, repellens. Adijce nunc patentissimos lacus, & stagna populis inter se ignotis circumdata, & ineluctabilis nauigio paludes, nec

des, nec ipsis quidem inter se peruias, quibus incoluntur. Deinde tot fontes, tot capita fluminum subitos ex occulto amneis uomentia. Tot deinde ad tempus collectos torrentium impetus, quorum uires quæ repentinæ, tam breues. Omnis aquarum etiam intra terram natura faciesque est. Illic quoque aliæ uasto cursu deferuntur, et in præceps uolutæ cadunt, aliæ languidiores in uadis refunduntur, et leuiter ac quiete fluunt. Quis autem neget uastis illas receptaculis concipi, et cessare multis inertibus locis? Non est diu probandum ibi multas aquas esse, ubi omnes sunt. Neque enim sufficeret tellus ad tot flumina edenda, nisi ex reposito multoque funderet. Si hoc uerum est, necesse est aliquando illic amnis excrescat, et relictis ripis uiolentus in obstantia incurrat. Sic fiet motus alicuius partis, in quam flumen impetum dedit, et quam, donec decrescat, uerberabit. Potest fieri, ut aliquam regionem riuus affluens exedat, ac secum trahat aliquam mole, qua lapsa, superposita quatiantur. Iam uero nimis oculis permittit, nec ultra illos scit producere animus, qui non credit esse in abscondito terræ sinus maris uasti. Nec enim uideo quid prohibeat uel obstat, quo minus habeatur aliquod etiam in abscondito litus, et per occultos aditus receptum mare, quod illic quoque tantundem loci teneat, aut fortassis hoc amplius, quo superiora cum tot animalibus erant diuidenda. Abstrusa enim et sine possessore deserta, liberius undis uacant. Quas quis uetat illic fluctuare, et uentis, quos omne interuallum terrarum, et omnis aer creat, impelli? Potest ergo maior solito exorta tempestas aliquam partem terrarum impulsam uehementius commouere. Nam apud nos quoque multa, quæ procul à mari fuerant, subito eius accessu uapulauere, et uillas in conspectu collocatas, fluctus, qui longe audiebatur, inuasit. Illic quoque potest accedere ac decedere pelagus infernum, quorum neutrum fit sine motu superstantium.

Caput VIII.

Non quidem existimo diu te hæsitaturum, an credas esse subterraneos amneis, et mare absconditum. Vnde enim ista prorumpunt, unde ad nos ueniunt, nisi quod origo humoris inclusa est? Age cum uides interruptum Tigrim in medio itineris siccari, et non uniuersum auerit, sed paulatim non apparentibus danis minui primum, deinde consumi, quo illum putas abire, nisi in obscura terrarum? utique, cum uideas emergere iterum, non minorem eo, quam prior fluxerat? Quid cum uides Alpheum celebratum poetis in Achaia mergi, et in Sicilia rursus transiecto mari effundere amoenissimum fontem Arethusam? Nescis autem inter opiniones, quibus narratur Nili aestima

inundatio, & hanc esse, à terra illum erumpere, & augeri, non supernis aquis, sed ex intimo redditis. Ego quidem centuriones duos, quos Nero Cæsar, ut aliarum uirtutum, ita ueritatis in primis amantissimus, ad inuestigandum caput Nili miserat, audiui narrantes, longum illos iter peregisse, cum à rege Aethiopiæ instructi auxilio, comendatiq; proximis regibus penetrassent ad ulteriora quidem aiebant, peruenimus ad immensas paludes, quarum exitum nec incolæ nouerāt, nec sperare quisquā potest, ita implicatæ aquis herbae sunt, & aquæ nec pediti eluctabiles, nec nauigio, quod nisi paruum & unius capax limosa & obsita palus non ferat. Ibi, inquit, uidimus duas petras, ex quibus ingens uis fluminis excidebat. Sed siue caput illa, siue accessio sit Nili, siue tunc nascitur, siue in terras ex priore recepta cursu redit, nonne tu credis illam, quicquid est, ex magno terrarum lacu ascendere? Habeant enim oportet pluribus locis sparsum humorem, & in imo coactum, ut eructare tanto impetu possint.

Caput IX.

Gnem causam motus quidam, & quidem non eandem iudicant. In primis Anaxagoras, qui existimat simili pene ex causa et aëra conciti, & terram, cum in inferiore parte spiritus crassum aëra, & in nubibus coactum, eadem ui, qua apud nos quoq; nubila frangi solent, rumpit, et ignis ex hoc collisu nubium, cursuq; elisi aëris emicuit, hic ipse in obuia incurrit exitum querens, ac diuellit repugnātia, donec per angusta aut nactus est uiam exeundi ad cælum, aut ui, aut iniuria fecit. Alij in igne causam quidem esse, sed non ob hoc iudicant, sed quia pluribus obrutus locis ardeat, & proxima quæq; consumat. Qui si quando exesa ceciderint, tunc sequi motum earum partium, quæ subiectis adminiculis destitutæ labant, donec corrūere, nullo occurrente, quod onus exciperet. Tunc chasmata, tunc hiatus vasti aperiuntur, aut cum diu dubitauerunt, super ea se, quæ supersunt, stantq; cōponunt. Hoc apud nos quoq; uidemus accidere, quoties incendio pars ciuitatis laborat, cum exustæ trabes sunt, aut corruptæ, quæ superioribus firmamentum dabant, tunc diu agitata fastigia concidunt, & tandiu deferuntur, atq; incerta sunt, donec in solido resederunt.

Caput X.

Naximenes ait terram ipsam sibi esse causam motus, nec extrinsecus incurrere, quod illam impellat, sed intra ipsam & in ipsa. Quasdam enim partes eius decidere, quas aut humor resoluerit, aut ignis exederit, aut spiritus uolentia excusserit.

excusserit. Sed his quoq; cessantibus non deesse, propter quod aliquid abscedat, aut reuellatur. Nam primū omnia uetustate labuntur, nec quicq; tutum a senectute est. Hæc solida quoq; et magni roboris carpit. Itaq; quemadmodum in ædificijs ueteribus quædam non percussa, tamen decidunt, cum plus ponderis habuere, q̄ uirium, ita in hoc uniuerso terræ corpore euenit, ut partes eius uetustate soluātur, solutæ cadant, & tremorem superioribus afferant, primum dum abscedunt (nihil enim utiq; magnum sine motu eius, cui hæsit, abscinditur) deinde cum deciderunt, solido exceptæ, resiliunt pilæ more, quæ cum cecidit exultat, ac sæpius pellitur, toties a solo in nouum impetum missa. Si uero in stagnantibus aquis delata sunt, hic ipse casus uicina concutit fluctu, quem subitum, uastumq; illisum ex alto pondus eijcit.

Caput XI.

Vidam ignibus quidem assignant hunc tremorem, sed aliter. Nam cum pluribus locis ferueant, necesse est ingentem uaporem sine exitu uoluant, qui ui sua spiritum intendit, & si acrius institit, opposita diffundit, si uero remissior fuit, nihil amplius, quàm mouet. Videmus aquam spumare igne subiecto. Quod in hac aqua facit inclusa & angusta, multo magis illum facere credamus, cum uiolentus, ac uastus ingentis aquas excitat. Tunc ille uaporatione inundantium aquarum, quicquid pulsauerit, agit.

Caput XII.

Spiritum esse qui moueat, & plurimis, & maximis authoribus placet. Archelaus antiquitatis diligens ait ita. Venti in concua terrarum deferuntur, deinde ubi iam omnia spatia plena sunt, et in quantum aër potuit densatus est, is qui superuenit spiritus, priorem premit, & elidit, ac frequentibus plagis primo cogit, deinde perturbat. Tunc ille quærens locum, omnes angustias dimouet, & claustra sua conatur effringere. Sic euenit, ut terræ spiritu luctante, & fugam quærente, moueantur. Itaq; cum terræ motus futurus est, præcedit aëris tranquillitas & quies, uidelicet, quia uis spiritus, quæ concitare uentos solet, in inferna sede detinetur. Nunc quoq; cum hic motus in Campania fuit, quauis hyberno tempore, tamen quietus per superiores dies a cælo aër stetit. Quid ergo? Nunquam flante uento terra concussa est? Admodum raro duo simul flauere uenti. Fieri tamen & potest & solet. Quod si recipimus, & constat duos uentos rem simul gerere, Quidnam accidere possit, ut alter superiorem aëra agitet, alter inferum?

LIBER

Caput XIII.

N hac sententia licet ponas Aristotelem, et discipulum eius
 i Theophrastum, non, ut græcis uisum est, diuini, tamen &
 dulcis eloquij uirum, & nitidi sine labore. Quid utriq;
 placeat exponam. Semper aliqua euaporatio est e' terra, quæ modo
 arida est, modo humido mista. Hæc ab infimo edita, & in quantum
 potuit elata, cum ulteriorem locum, in quem exeat, non habet, retro
 fertur, atq; in se reuoluitur, dumq; rixa spiritus reciprocantis iactat
 obstantia, & siue interclusus, siue per angusta enisus est, motum ac
 tumultum ciēt. Straton ex eadem schola est, qui hanc partem philo=
 sophiæ maxime coluit, & rerum naturæ inquisitor fuit. Huius tale
 decretum est, frigidum & calidum semper in contraria abeunt, et
 una' esse non possunt, eò frigidum confluit, unde uis calida discessit,
 & inuicem ibi calidum est, unde frigus expulsus est. Hoc quod dico
 uerum est, sed utrunq; in contrarium agi, ex hoc tibi appareat.
 Hyberno tempore, cum supra terram frigus est, calent putei, nec mi=
 nus specus, atq; omnes sub terra recessus, quia eò se calor contulit,
 superiora possidenti frigori cedēs. Qui cum in inferiora peruenit, et
 eò se quantum poterat ingressit, quod densior, hoc ualidior est, huic
 alius superuenit, cui necessario congregatus ille iam, et in angustum
 pressus loco cedit. Idem e contrario euenit, cum uis maior frigidi illa=
 ta in cauernis est, quicquid illic calidi latet, frigori cedens ab it in an=
 gustum, & magno impetu agitur, quia non patitur utriusq; natura
 concordiam, nec in uno moram. Fugiens ergo, & omni modo cupiēs
 excedere, proxima quæq; remolitur, ac iactat. Ideoq; ante, q̃ terra
 moueatur, solet mugitus audiri, uentis in abdito tumultuantibus, nec
 enim aliter posset, ut ait noster Virgilius,
 » Sub pedibus mugire solum, & iuga celsa moueri,
 nisi hoc esset uentorum opus. Vices deinde huius pugnae sunt, desinit
 calidi congregatio, ac rursus eruptio. Tunc frigida compescuntur, &
 succedunt mox futura potentiora. Dum ergo alterna uis cursat, &
 ultro citroq; spiritus com meat, terra concutitur.

Caput XIII.

Vnt qui existiment spiritu quidem, & nulla alia ratione
 tremere terrā, sed ex alia causa, quam Aristoteli placuit.
 Quid sit quod ab his dicatur audi. Corpus nostrum &
 sanguine irrigatur & spiritu, qui per sua itinera dīscūrrit. Habemus
 autem quædam angustiora animæ receptacula, p quæ nihil amplius,
 quàm meat, quædam patentiora, in quibus colligitur, & inde di=
 uiditur

uidetur in partibus. Sic hoc totum terrarum omnium corpus, & aquis, quæ vicem sanguinis tenent, & ventis, quos nihil aliud quis, quàm animam uocauerit, peruium est. Hæc duo alibi concurrunt, alibi consistunt. Sed quemadmodum in corpore nostro, dum bona ualeitudo est, uenarum quoque imperturbata mobilitas modum seruat, ubi aliquid aduersi est, micat crebrius, & suspiria atque anhelitus laborantis, ac fessi signa sunt, ita terræ quoque, dum illis positio naturalis est, inconcussæ manent, cum aliquid peccatur, tunc uelut ægri corporis motus est, spiritu illo, qui modestius perfluebat, ictu uehementius, & quasi tante uenas suas. Nec ut illi paulo ante dicebant, quibus animal placet esse terram, nam si hoc est, quemadmodum animal, tota uexationem sentiet. Neque enim in nobis febris alias partes moratus impellit, sed per omnes pari æqualitate discurrit. Vide ergo nunc, quod intret in illam spiritus ex circumfuso aëre, qui quādiu habet exitum, sine iniuria labitur, si offendit aliquid, & incidit quod uiam claudat, tunc oneratur, primo insundente se a tergo aëre, deinde per aliquam rimam maligne fugit, & hoc acrius fertur, quod angustius. Id sine pugna non potest fieri, nec pugna sine motu. At si nec rimam quidem, per quam effluat, inuenit, conglobatus illic furit, & huc atque illo circumagitur, aliāque deijcit, alia intercēdit, cum tenuissimus, idemque fortissimus & irreat quamuis in obstructa, & quicquid intrauerit, uia sua diducat & dissipet. Tunc terra iactatur, aut enim datur a uento locum discedit, aut cum dedit, in ipsam, qua illum emisit, cauernam fundamento spoliata confidit.

Caput XV.

Vidam ita existimant. Terra multis locis perforata est, q nec tantum primos illos aditus habet, quos uelut spiramenta ab initio sui recepit, sed multos illi casus imposuit. Alicubi deduxit, quicquid superne terreni erat aqua, alia torrentes cedere, alia æstibus magnis dirupta patuere. Per hæc interval- la intrat spiritus, quem si inclusit mare, & adegit, nec fluctus retro abire permisit, tunc ille exitu simul redituque præcluso, uoluntatur. Et quia in rectum non potest tendere, quod illi naturale est, in sublime se intendit, & terram prementem reuerberat.

Caput XVI.

Tiamnum dicendum est, quod plerisque authoribus placet, & in quo fortasse fiet dissensio. Non esse terram sine spiritu palam est, non tantum illo dico, quo se tenet ac partes sui iungit, qui inest etiam saxi mortuique corpo-

ribus, sed illo dico uitali, & uegeto, & alente omnia. Hunc nisi haberet, quomodo tot arbutis spiritum infunderet, non aliunde uiuentibus, & tot satis? Quemadmodum tam diuersas radices aliter, atq; aliter in se mersas foueret, quasdam summa receptas parte, quasdam altius tractas, nisi multum haberet animæ, tam multa, tam uaria generantis, & haustu atq; alimento sui educantis? Leuibus adhuc argumentis ago. Totum hoc coelum, quod igneus æther, mundi summa pars claudit, omnes hæc stellæ, quarum inueniri non potest numerus, omnis hic cœlestium coetus, & (ut alia præteream) hic tam prope a nobis agens cursum sol, omni terrarum ambitu non semel maior, alimentum ex terreno trahunt, & inter se partuntur. Nec ullo alio scilicet, q̃ halitu terrarum sustentur. Hoc illis alimentum, hic pastus est. Non posset autem tam multa, tantq; se ipsa maiora terra nutrire, nisi plena esset animæ, quam per diem ac noctem ab omnibus partibus suis fundit. Fieri enim non potest, ut non multum illi supersit, ex qua tantum petitur ac sumitur, & ad tempus quidem, quod exeat nascitur. Nec enim esset perennis illi copia suffecturi in tot cœlestia spiritus, nisi inuicem ista excurrerent, & in aliud alia soluerentur. Sed tamen necesse est abundet ac plena sit, & ex condito proferat. Non est ergo dubium quin multum spiritus lateat intus, & cæca sub terra spatia aër latus obtineat. Quod si uerum est, necesse est id sæpe moueatur, quod re mobilissima plenum est. Nunquid enim dubiū esse potest cuiquam, quin nihil sit tam inquietum q̃ aër, & tam uersabile & uagatione gaudens?

Caput XVII.

Equitur ergo, ut naturam suam exerceat, & quod semper moueri uult, aliquando & alia moueat. Id quando fit?

Cum illi cursus interdictus est. Nam quādiu non impeditur, placide fuit, cum offenditur & retinetur, insanit, & moras suas arripit, non aliter, quā ille

» - Pontem indignatus Araxes. Quādiu illi facilis & liber est alueus, primas quasq; aquas explicat. Vbi saxa manu, uel casu illata, in latere pressere uenientem, tunc impetum mora quærit, & quod plura opposita sunt, plus inuenit uiriū. Omnis enim illa unda quæ a tergo superuenit, & in se crescit, cū onus suum sustinere nō potuit, uim ruina parat, & prona cum his quæ obiacebant fugit. Idem spiritu fit, qui quod ualentior agiliorq; est, eo citius rapitur et uehementius septus omnes disturbat. Ex quo motus fit scilicet eius partis, sub qua pugnatum est. Quod dicitur, uerū esse ex illo probatur,

tur, sæpe enim cū terræ motus fuit, si modo pars eius aliqua disrupta erat, inde uentus per multos dies fluxit. Vt traditur factum eo terræ motu, quo Chalcis laborauit, quod apud Asclepiodotum inuenies auditorem Possidonij, in ipsis questionum naturalium causis. Inuenies & apud alios authores hiasse uno loco terram, & inde non exiguo tempore spirasse uentum, qui scilicet illud iter ipse sibi fecerat, p quod ferebatur.

Caput XVIII.

Axima ergo causa est, propter quam terra moneatur spiritus natura citus, & locum e loco mutans. Hic quādiu nō impellitur, & in uacanti spatio latet, iacet innoxius, nec circūiectis molestus est. Vbi illum extrinsecus superueniens causa sollicitat compellitq; & in arctum agit, scilicet adhuc cedit tantum et uagatur. Vbi erepta discedendi facultas est, et undiq; obsistitur, tunc

» -Magno cum murmure montis
» Circum claustra fremit, - quæ diu pulsata conuellit ac iactat,
eo acrior quo cum ualentiore mora luctatus est. Deinde cum circa perlustrauit omne quo tenebatur, nec potuit euadere, inde quo maxime impactus est, resilit, & aut per oacula diuiditur, ipso terræ motu raritate facta, aut p nouum uulnus emicuit. Ita eius uis tanta non potest cohiberi, nec uentum tenet ulla compages, soluit enim quodcunq; uinculum, & omne onus fert secum, infususq; per minima, laxamentum superat. Indomita naturæ potentia libera est, utiq; cum concitatus sibi ius suum uindict. Spiritus uero inuicta res est, nihil enim erit quod

» luctantes uentos, tempestatesq; sonoras
» Imperio premat, ac uinclis & carcere frenet.

Sine dubio poëtæ hunc uoluerūt uideri carcerem, in quo sub terra clausi laterent. Sed hoc non intellexerunt, nec id, quod clausum est, esse adhuc uentum, nec id, quod uētus est, posse iam claudi. Nam quod in clauso est, quiescit, & aëris statio est. Omnis in fuga uentus est. Etiamnum et illud accedit his argumentis, per quod appareat, quod motum efficit spiritus, quod corpora quoq; nostra nō aliter tremunt, quā si spiritum aliqua causa perturbat, cum timore contractus est, cum senectute languescit, & uenis torpentibus marcet, cum frigore inhibetur, aut sub accessionem cursu suo deijatur. Nam quādiu sine iniuria perfluit, & ex more procedit, nullus est tremor corpori. Cum aliquid occurrit, quod inhibeat eius officium, tunc parum potens in perferendis his, quæ suo uigore tenebat, deficiens concutit, quicquid integer tulerat.

Et rodorum Chium necesse est audiamus, quod vult senten-
 m tiae loco dicentem. Non enim permitto mihi nec eas quidem
 opiniones praeterire, quas improbo, cum satius sit omnium
 copiam fieri, & quae improbamus, damnare potius, quam praeterire.
 Quid ergo dicit? Quomodo in dolio cantantis uox per totum cum
 quadam discussione percurrit ac resonat, et tam leuiter mota tamen
 circuit non sine tactu eius, tumultuque, quo inclusa est, sic speluncarum
 sub terra pendentium vastitas habet aëra suum, quem simul alius
 superne incidens percussit, agit non aliter, quam illa de quibus
 paulo ante retuli, inania indito clamore sonuerunt.

Caput XX.

Eniamus nunc ad eos qui omnia ista, quae retuli, in causa
 esse dixerunt, aut ex his plura. Democritus plura putat, ait
 enim motum aliquando spiritu fieri, aliquando aqua,
 aliquando utroque, & id hoc modo prosequitur. Aliqua pars terrae
 concava est, in hanc aquae magna vis confluit. Ex hac est aliquid te-
 nue, & ceteris liquidius. Hoc cum superueniente gravitate reie-
 ctum est, terris illiditur, & illas mouet. Nec enim fluctuare potest
 sine motu eius, in quod impingitur. Etiamnum quomodo de spiritu di-
 cebamus, de aqua quoque dicendum est. Vbi in unum locum congesta
 est, & capere se desierit, aliquo incumbit, & primo viam pondere
 aperit, deinde impetu. Nec enim exire nisi per deuexum potest diu
 inclusa, nec indirectum cadere moderate, aut sine concussionem eorum,
 per quae & in quae cadit. Si uero, cum iam rapi coeperit, aliquo lo-
 co substitit, & illa vis fluminis in se reuoluta est, in continentem ter-
 ram repellitur, & illam, qua parte maxime pendet, exagitat. Prae-
 terea aliquando madefacta tellus, liquore penitus accepto, altius sedit,
 & fundus ipse uitiatur, tunc ea pars premitur, in quam maxime
 aquarum uergentium pondus inclinat. Spiritus uero nonnunquam
 impellit undas; & si uehementius institit, eam scilicet terrae partem
 mouet, in quam coactas aquas intulit. Nonnunquam in coacta iti-
 nera coniectus, & exitum quaerens, mouet omnia. Terra autem pe-
 netrabilis uentis est, & spiritus subtilior est, quam ut possit excludi,
 & uehementior, quam ut possit sustineri concitatus ac rapidus.
 Omnes istas esse posse causas Epicurus ait, pluresque alias tentat, et
 alios, qui aliquid unum ex istis esse affirmauerunt, corripit, cum sit
 arduum de his quae coniectura sequenda sunt, aliquid certi pro-
 mittere. Ergo (ut ait) potest terram mouere aqua, si partem aliquas

eluit, & abrasit, quibus desijt posse extenuatis sustineri, quod integris ferebatur. Potest terram mouere impressio spiritus. Fortasse enim aer extrinsecus alio intrante aere, agitur. Fortasse aliqua parte subito decidente percutitur, & inde motum capit. Fortasse aliqua pars terrae uelut columnis quibusdam ac pilis sustinetur, quibus uitiatis ac recedentibus, tremat pondus impositum. Fortasse calida uis spiritus in ignem uersa, & fulmini similis, cum magna strage obstantium fertur. Fortasse palustres & iacentes aquas aliquis flatus impellit, & inde aut ictus terram quatit, aut spiritus agitatio, ipso motu crescens & se incitans, ab imo in summa usque perfertur. Nullam tamen illi placet causam motus esse maiorem, quam spiritum.

Caput XXI.

Obis quoque placet hunc spiritum esse, qui tanta possit conari, quo nihil est in rerum natura potentius, nihil acrius, sine quo nec illa quidem, quae uehementissima sunt, ualent. Ignem spiritus concitat, aquae si uentum detrahas, inertes sunt. Tunc demum impetum sumunt, cum illas agit flatus, qui potest dissipare magna spatia terrarum, & novos montes subiectus extollere. Et insulas non ante uisas in medio mari ponere. Therem & Theream, & hanc nostrae aetatis insulam spectantibus nobis in Aegaeo mari natam, quis dubitat, quin in lucem spiritus uexerit? Duo genera sunt (ut Possidonio placet) quibus mouetur terra, utrique nomen est proprium. Altera succussio est, cum terra quatitur, & sursum ac deorsum mouetur, altera inclinatio, qua in latera nitat nauigij more. Ego & tertium illud existimo, quod nostro uocabulo signatum est, non enim sine causa tremorem terrae dixere maiores, qui utrique dissimilis est, nam nec succutiuntur tunc omnia, nec inclinantur, sed uibrantur. Res minime in huiusmodi casu noxia, sicut longe perniciosior est inclinatio concussione. Nam nisi celeriter ex altera parte properabit motus, qui inclinata restituat, ruina necessario sequitur. Cum dissimiles hi motus inter se sint, causae eorum diuersae sunt.

Caput XXII.

Rius ergo de motu quatiente dicamus. Si quando magna onera per uices uehiculorum plurium tracta sunt, & rotae maiore nisu in salebras inciderunt, terram concuti senties. Asclepiodotus tradit, cum petra e latere montis abrupta cecidisset, aedificia uicina tremore collapsa sunt. Idem sub terris fieri potest, ut ex his quae impendent rupibus aliqua resoluta, magno pondere ac sono in subiacentem cauernam cadat, eo uehementius,

L I B E R

quo aut plus ponderis habuit, aut uenit altius, & sic commouetur omne tectum cauatæ uallis. Nec tantum pondere suo abscindi saxa credibile est, sed cum flumina supra ferantur, assiduus humor commassuras lapidis extenuat, & quotidie his ad quæ reliquatus est auferit, & illam (ut ita dicam) cutem, qua continetur abradit. Deinde longa per æuum diminutio usq; eo infirmat illa, quæ quotidie attriuit, ut desinant esse cneri ferendo. Tunc saxa uasti ponderis decidunt, tunc illa præcipitata rupes, quicquid ab illo repercussit, non passura consistere, sonitu uenit,

Et ruere omnia uisa repente, ut ait Virgilius noster. Huius motus succutientis terras hæc erit causa, ad alteram transeo.

Caput XXIII.

Ara terræ natura est, multumq; habens uacui, per has raritates spiritus fertur, qui ubi maior influxit nec emittitur, concutit terram. Hæc placet & alijs (ut paulo ante retuli) causa. Siqd apud te profectura testiu turba est, hanc etiã Calisthenes probat, nõ contẽptus uir, fuit enim illi nobile ingeniũ, & furibundi regis impatiens. Hic est Alexandri crimen æternum, quod nulla uirtus, nulla bellorũ felicitas redimet. Nã quoties quis dixerit, occidit Persarũ multa milia, opponetur, & Calisthenẽ. Quoties dictũ erit, occidit Darium, penès quem tunc magnum regnum erat, opponetur, & Calisthenem. Quoties dictũ erit, omnia oceanotenus uicit, ipsum quoq; tentauit nouis classibus, & imperiũ ex angulo Thraciæ usq; ad orientis terminos protulit, dicetur, sed Calisthenẽ occidit. Omnia licet antiqua ducũ regumq; exẽpla transierit, ex his, quæ fecit nihil tam magnũ erit, q̃ scelus. Hic Calisthenes in libris quibus describit quemadmodũ Helice, Burisq; merse sunt, quis illas casus in mare, uel in illas mare immergit, dicit id quod in priore parte dictum est, spiritus intra, terram per occulta foramina, quemadmodũ ubiq; ita & sub mari. Deinde cum est obstructus ille trames, per quẽ descenderat, reditum autẽ illi a tergo resistens aqua abstulit, huc & illuc fertur, & sibi ipse occurrens terram labefactat. Ideo frequentissime mari apposita uexantur, & inde Neptuno hæc assignata est maris mouendi potentia. Quisquis primas literas græcis didicit scit illũ apud Homerum ορειχθονα uocari.

Caput XXIIII.

Piritum esse huius mali causam & ipse consentio, de quo disputabo, quomodo intret hic spiritus, utrum per tenuia foramina, nec oculis comprehensibilia, an per maiora ac patentiora. Et utrum ab imo, an etiam per summa terrarum. Hoc

incredibile est. Nam in nostris quoque corporibus cutis spiritum respuit, nec est illi introitus, nisi per quem trahitur, nec consistere quidem à nobis receptus potest, nisi in laxiore corporis parte. Nō enim inter nervos pulpasue, sed in uisceribus, & patulo interioris partis recessu cōmoratur. Idem de terra suspicari licet, uel ex hoc, quod motus non in summa terræ, circaue summa est, sed subter & ab imo. Huius indicium est, quod altitudinis profundæ maria iactantur, motis scilicet his, supra quæ fusa sunt. Ergo uerisimile est terram ex alto moueri, & illic spiritum in cauernis ingentibus concipi. Immo (inquit) cū cum frigore inhorruimus, tremor sequitur, sic terras quoque spiritus extrinsecus accedens quassat. Quod nullo modo potest fieri. Algere enim debet, ut idem illi acidat, quod nobis, quos externa causa in horrorem agit. Acidere autem terræ simile quiddam nostræ affectionis, sed non ex simili causa concesserim. Illam interior & altior iniuria debet impellere. Cuius rei argumentum uel maximum hoc potest esse, quod cum uehementi motu ad apertū ingenti ruina solum est, totas nonnunquam urbes & recipit hiatus ille, & abscondit. Thucydides ait, circa Peloponnesiaci belli tempus Atalantem insulam aut totam, aut certe maxima ex parte superfusam. Idem Sidone acidisse Possidonio crede. Nec ad hoc testibus opus est. Meminimus enim terris interno motu diuulsis, loca disiecta, & campos interisse. Quod iam dictum quemadmodum existimem fieri.

Caput XXV.

Ubi spiritus magna ui in uacuum terrarum locum penitus applicuit, coepitque rixari, & de exitu cogitare, latera ipsa, inter quæ latet, sæpius percutit, supra quæ urbes interdum sitæ sunt, hæc nonnunquam adeo concutiuntur, ut ædificia superposita procumbant. Nonnunquam in tantum, ut parietes, quibus fertur omne regimen cæui, decidant in illum subternacantem locum, totæque urbes in immensam altitudinem uergant. Si uelis credere, aiunt aliquando Ossam Olympo cohesisse, deinde terrarum motis recessisse, & scissam unius magnitudinem montis in duas partes. Tunc effugisse Peneion, qui paludes, quibus laborabat Thessalia, siccavit, abductis in se, quæ sine exitu stagnauerant, aquis. Ladon flumen inter Elim & Megalempolim medius est, quem terrarum motus effudit. Per hoc quid probo, in laxos specus (quid enim aliud appellem loca uacua sub terris) spiritum conuenire. Quod nisi esset, magna terrarum spatia commouerentur, & una multa titubarent. Nunc exiguae partes laborant, nec unquam per ducenta milia mo-

LIBER

tus extenditur. Ecce hic qui impleuit fabulis orbem, non transcendit Campaniam. Quid dicam, cum Chalcis tremuit, Thebas stetit? Cum laborauit Aegine tam propinquas illi Patras de motu nihil audisse? Illa uasta concussio, quae duas suppressit urbes Helicen, & Burim, circa Aegaeum constitit. Apparet ergo in tantum spatium motum pertendere, quantum illa sub terris uacantis loci inanitas pateat.

Caput XXVI.

Oteram ad hoc probandum abuti authoritate magnorum uirorum, qui Aegyptum nunquam tremuisse tradunt. Rationem autem huius rei hanc reddunt, quod ex limo tota concreuerit. Tantum enim (si Homero fides est) aberat à continenti Pharos, quantum naui diurno cursu metiri plenis lata uelis potest, sed continenti admota est. Turbidus. n. defluens Nilus, multumq; secum coeni trahens, et id subinde apponens prioribus terris, Aegypto annuo incremento semper ultra tulit. Inde pinguis et limosi soli est, nec ulla interualla intra se habet, sed creuit in solidum arescente limo, quo pressa erat et sedes structura, cum partes glutinarentur, nec quicquam inane interuenire poterat, cum solido liquidum, ac molle semper accederet. Sed mouetur & Aegyptus, et Delos, quam Virgilius stare iussit, Immotamq; coli dedit, & contemnere uentos.

Hanc philosophi quoque, credula natio, dixerunt non moueri auctore Pindaro. Thucydides ait, antea quidem immotam fuisse, sed circa Peloponnesiacum bellum tremuisse. Calisthenes & alio tempore ait hoc accidisse. Inter multa, inquit, prodigia quibus denunciata est duarum urbium Helices & Buris euersio, fuere maxime notabilia, columna ignis immensi, & Delos agitata. Quam ideo stabilem uideri uult, quia mari imposita sit, habeatque concavas rupes, & saxa peruia, quae dent deprehensio aëri reditum. Ob hoc etiam insulas esse certioris soli, urbesque eò tutiores, quod propius ad mare accesserunt. Falsa haec esse Pompeij & Herculaneum sensere. Adijce nunc, quod omnis ora maris obnoxia est motibus, sic Paphos non semel corruit, sic nobilis, et huic iam familiaris malo Nicopolis. Cyprum ambit altum mare, & agitur. Tyros & ipsa tam mouetur, quam diluitur. Haec fere causae redduntur, propter quas tremat terra.

Caput XXVII.

Vaedam tamen propia in hoc Campano motu accidisse narrantur, quorum ratio reddenda est. Aiunt enim sexcentarum ouium gregem exanimatum in Pompeiana regione. Non est, quare hoc putes ouibus illis timore accidisse. Diximus solere post magnos terrarum motus pestilentiam fieri, nec id mirum

est, multa enim mortifera in alto latent. At aër ipse qui uel terrarum culpa, uel pigritia, et aeterna nocte torpescit, grauis haurientibus est. Vel corruptus internorum ignium uitio, cum est longo situ emissus, purum hunc, liquidumq; maculat, ac polluit, insuetumq; ducentibus spiritum affert noua genera morborum. Quid, quod aquae inutiles, pestilentesq; in abdito latent, ut quas nunquam usus exerceat, nunquam aura liberior uerberet? Crassae itaq; et graui caligine, sempiternaq; tectae, nihil nisi pestiferum in se, et corporibus nostris contrarium habent. Aër quoq; qui mistus est illis, quiq; inter illas paludes iacet, cum emerfit, late uitium suum spargit, et haurientis necat. Facilius autem pecora sentiunt, in quae pestilentia incurrere solet, quo' audiora sunt, aperto coelo plurimū utuntur, et aquis, quarū maxima in pestilētia culpa est. Oues uero mollioris naturae, quo' propria terra ferunt capita, corruptas esse non miror, cum afflatū diri aëris circa ipsam huiusmodi exceperint. Nocisset ille et hominibus, si maior exisset, sed illū copia aëris sinceri extinxit, ante, q̄ ut ab homine posset trahi, surgeret. Caput XXVIII.

Uita autem terras habere mortifera uel ex hoc intellige, quod tot uenena nascuntur, non manu sparsa, sed sponte, solo scilicet habente ut boni, ita mali semina. Quid, quod pluribus Italiae locis per quaedam foramina pestilens exhalatur uapor, quem non homini ducere, non feræ tutum est. Aues quoq; si in illum inciderint ante, quā coelo meliore leniatur, in ipso uolatu cadunt, liuentq; corpora, et non aliter quā per uim elisae fauces tument. Hic spiritus quādiu terris continetur, tenui foramine fluens, non plus potentiae habet, quā ut despectantia, et ultro sibi illata conficiat. Vbi per secula conditis tenebris, ac tristitia loci creuit in uitium, ipsa ingrauescit mora, hoc peior, quo' segnior. Cum autem exitum nactus est, aeternum illud umbrosi frigoris malum, et infernam noctem soluit, ac regionis nostrae aëra infuscat. Vincuntur enim meliora peioribus. Tunc etiam ille spiritus purior transit in noxiū. Inde subitae, continuæq; mortes, et monstrosa genera morborum, ut ex nouis orta causis. Breuis aut longa clades est, prout uita ualuere. Nec prius pestilentia desinit, quā spiritum illum grauem exercuit laxitas coeli, uentorumq; iactatio. Caput XXIX.

Am quod aliquos insanis, attonitisq; simulis discurrere fecit metus, qui excutit mentes, ubi priuatus ac modicus est, quid ubi publice terret, ubi cadunt urbes, populi opprimuntur, terra concutitur? Quid mirum est animos inter dolorem

Et metum desitutos aberrasse? Non est facile inter magna mala non desipere. Itaque leuissima fere ingenia in tantum uenire formidinis, ut sibi exciderent. Nemo quidem sine aliqua iactura sanitatis expauit, similisq; furenti, quisquis timet. Sed alios cito timor sibi reddit, alios uehementius perturbat, et in dementiam transfert. Inde inter bella errauere lymphatici, nec usquam plura exempla uanitantium inuenies, quam ubi formido mentes religione musta percussit. Statuam diuisam non miror, cum dixerim montes a montibus recessisse, et ipsum disruptum esse ab imo solum.

- » Hæc loca ui quondam, et uasta conuulsa ruina
- » (Tantum æui longinqua ualet mutare uetustas)
- » Dissiluisse ferunt, cum protinus utraq; tellus
- » Vna foret, uenit medio ui pontus, et undis
- » Hesperium siculo latus abscidit, aruaq; et urbers
- » Littore diductas, angusto interluit æstu.

Vides totas regiones a suis sedibus reuelli, et trans mare iacere, quod in confinio fuerat. Vides et urbium fieri gentiumq; dissidium, cum pars naturæ concitata est de se, uel aliquod mare ingens spiritus impegit, quorum mira, ut ex toto, uis est. Quamuis enim parte sæuiat, mundi tamen uiribus sæuit. Sic et Hispanias a contextu Africæ mare eripuit, sic hac inundatione, quam poetarum maxima celebrant, ab Italia Sicilia reiecta est. Aliquanto autem plus impetus habent, quæ ex infimo ueniunt. Acriora enim sunt, in quibus nisus est per angusta. Quantas res hi terrarum tremores, quamq; mira spectacula ediderint, satis dictum est.

Caput XXX.

Utr ergo aliquis ad hoc stupet, quod æs unius statuæ, ne solidum quidem, sed concanum ac tenue disruptum est, cum fortasse in illud se spiritus quærens fugam incluserit? Illud uero quis nescit? Diductis ædificia angulis uidimus moneri, iterumq; componi. Quædam uero parum aptata posita suo, et a fabris negligentius solutusq; composita, terræ motus sæpius agitata cōpegit. Quod si totos parietes, et totas findit domos, et latera magnarum turrium, quæ solida sunt, scindit, et pilas operibus subditas dissipat, quid est, quare quisquam dignum annotari putet, sectam esse æqualiter ab imo ad caput in partes duas statuam? Quare tamen per plures dies motus fuit, non desijt enim assidue tremere Campania, clementius quidem, sed ingenti damno, quod pressa uel quassata quatiebat, quibus ad cadendum male stantibus, non erat

erat impelli, sed agitari. Nondum uidelicet spiritus omnis exierat, sed adhuc emissa sui parte maiore oberrabat. Caput XXXI.

i Nter argumenta, quibus probatur spiritu ista fieri, non est q̄ dubites et hoc ponere. Cum maximus editus tremor est, quo in urbes terrasq; scuitum est, non potest par illi subsequi alius, sed post maximum leues motus sunt, quia uehementius exitum uentis luctantibus fecit. Reliquiae deinde residui spiritus non idem possunt, nec illis pugna opus est, cum iam uiam inuenerint, sequenturq; ea, quae prima uis ac maxima euasit. Hoc quoq; dignum memoria iudico, ab eruditissimo et grauissimo uiro cognitum, forte enim cum hoc euenit lauabatur, uidisse se affirmat in balneo tessellas, quibus solum erat stratum, alteram ab altera separari, iterumq; committi, et aquam modo recipi in commissuras pauimento recedente, modo compresso bullire et elidi. Eundem audiui narrantem uidisse se molles materias, mollius crebriusq; tremere, quam natura duras.

Caput XXXII.

h Acc Lucili uirorum optime quantum ad ipsas causas. Illa nunc, quae ad confirmationem animorum pertinent, quos magis refert uestra fortiores fieri, q̄ doctiores, sed alterum sine altero non fit. Non enim aliunde animo uenit robur, quam a bonis artibus, q̄ a contemplatione naturae. Quae enim non hic ipse casus aduersus omnes firmauerit et erexerit? Quid est enim, cur ego hominem aut feram? Quid est, cur sagittam aut lanceam tremam? maiora me pericula expectant. Fluminibus et terris et magnis naturae partibus petimur. Ingenti itaq; animo mors prouocanda est, siue nos aequo uastoq; impetu aggreditur, siue quotidiano et uulgari exitu. Nihil refert quam minax ueniat, quantumq; sit, quod in nos trahat, quod a nobis petit, minimum est. Hoc senectus a nobis ablatura est, hoc auriculae dolor, hoc in nobis humoris corrupti abundantia, hoc cibus parum obsequens stomacho, hoc pes leuiter offensus. Pusilla res est hominis anima, sed ingens res est contemptus animae. Hanc qui contempserit, securus uidebit maria turbari, etiam si illa omnes excitauerint uenti, etiam si aestus aliqua perturbatione mundi, totum in terras uerterit oceanum. Securus aspiciet fulminantis caeli truce ac horrendam faciem. Frangatur licet caelum, et ignis suos in exitum omnium, in primis suum misceat. Securus aspiciet ruptis compagibus dehiscens solum. Illa licet inferorum regna retegantur, stabit super illam uoraginem intrepidus, et fortasse, quo debet cadere, disiliit. Quid ad me, quam sint magna quibus pereor? Ipsum

perire non est magnum. Proinde si uolumus esse felices, si nec hominum, nec deorum, nec rerum timore uersari, si despiciere fortunam superuacua promittentem, leuia minitantem, si uolumus tranquille degere, & ipsis dijs de felicitate controuersiam agere, anima in expedito est habenda. Siue illam insidiæ, siue morbi petent, siue hostium gladij, siue insularum cadentium fragor, siue ipsarum ruina terrarum, siue uasta uis ignium, urbes agrosq; pari clade complexa. Qui uolet, illā accipiat. Quid aliud debeo, quā ex euntē hortari, et cū bonis ominibus emittere? uade fortiter. uade feliciter. Nihil dubitaueris reddere. Non de re, sed de tempore est quaestio. Facis quod quandoq; faciendum est, nec rogaueris, nec timueris, nec te uelut in aliquod malum exiturum tuleris retro. Rerum natura, quæ te genuit, expectat, & locus melior ac tutior. Illic non tremunt terræ, nec inter se uenti cum magno nubium fragore concurrunt, non incendia regiones urbesq; uastant, non naufragiorum totas classes sorbentium metus est, non arma contrarijs disposita uexillis, & in mutuam perniciem multorum milium par furor, non pestilentia, & ardentes promiscue communes populis cadentibus rogi. Istud leue est. Quid timemus? Graue est. Potius semel incidat, quā semper impendeat. Ego autem perire timeam, cum terra ante me pereat, cum ista quatiantur, quæ quatiunt, et in iniuriā nostram non sine sua ueniunt? Helicē Burimq; totas mare accepit, ego de uno corpusculo timeā? Supra oppida duo nauigatur, duo autem quæ nouimus, quæ in nostram notitiam memoria literis seruata perduxit. Quā multa alia alijs locis mersa sunt? Quot populos aut terra, aut in se mare inclusit? Ego recusem mei finem, cum sciā me sine fine non esse? Immo cum sciam omnia esse finita, ego ultimum suspirium timeā? Quantum potes itaq; ipse te adhortare Lucili contra metum mortis. Hic est qui nos humiles facit, hic est qui ipsam uitam, cui parcat, inquietat, ac perdit. Hic omnia ista dilatat, terrarū motus, & fulmina. Quæ omnia feres constanter, si cogitaueris nihil interisse inter exiguum tempus, & longum. Horæ sunt quas perdimus. Puta dies esse, puta menses, puta annos, perdidimus illos, nempe perituros. Quid orote refert, num perueniam ad illos? fuit tempus & auidissimes sui deserit. Nec quod futurum est, meum est, nec quod fuit. In puncto fugientis temporis pendeo, & magni est modicum fuisse. Eleganter ille Lælius sapiens dicenti cuidā sexaginta annos habeo. Hos, inquit, dicas sexaginta, quos non habes? Næ ex hoc quidem intelligimus incomprehensibilis uitæ conditionem, & sortem temporis semper alieni,

alieni, quod annos annu neramus amissos? Hoc affigamus animo, hoc nobis subinde dicamus, moriendum est. Quando? Quid tua? Mors naturæ lex est, mors tributum officiumq; mortalium, malorumq; omnium remediū est. Opabit illam, quisquis timet. Omnibus omisissis hoc unum Lucili meditare, ne mortis nomen reformides, effice illam tibi cogitatione multa familiarem, ut si ita tulerit, possis illi uel obuiam exire.

LVCII ANNEI SENECAE NATVRA-
LIVM QV AESTIONVM LIBER SEPTI-
MVS, ET VLTIMVS. IN QVO
AGITVR DE COMETIS.

Caput I.

NEMO usq; adeo tardus & hebes & demissus in terrā est, ut ad diuina nō erigatur, ac tota mente consurgat, utiq; ubi nouum aliquod e' coelo miraculum fulsit. Nam quādiu solita decurrunt, magnitudinem rerum consuetudo subducit. Ita enim compositi sumus, ut nos quotidiana, etiam si admiratione digna sunt, transeant. Contra minimarum quoq; rerum, si insolitæ prodierunt, spectaculum dulce fiat. Hic itaq; cætus astrorum, quibus immensi corporis pulchritudo distinguitur, populum non conuocat. At cum aliquid ex more mutatum est, omnium uultus in coelo est. Sol spectatorem, nisi cum deficiat, non habet. Nemo obseruat lunam, nisi laborantem, tunc urbes conclamant, tunc pro se quisq; superstitione uana trepidat. Quanto illa maiora sunt, quod sol totidem (ut ita dicam) gradus, quot dies habet, & annum circuitu suo claudit, quod à solstitio ad minuendos dies uertitur, quod à solstitio statum inclinat, & dat spatium noctibus, quod sydera abscondit, quod terras, cum tanto maior sit illis, nō urit, sed calorem suum intensiōibus ac remissionibus temperando fouet, quod lunam nunquam implet nisi aduersam sibi, nec obscurat. Hæc tamen non annotamus, quādiu ordo seruatur. Sed siquid turbatum est, aut præter consuetudinem emicuit, spectamus, interrogamus, ostendimus. Adeo naturale est, magis noua, quā magna mirari. Idem in Cometis fit, si rarus & insolitæ figuræ ignis apparuit, nemo non scire quid sit cupit, & oblitus aliorum, de aduentitio

querit, ignarus, utrum debeat mirari an timere. Non enim desunt qui terreant, qui significationes eius graues praedicent. Suscitantur itaque et cognoscere uolunt, prodigium sit, an sydus. At mehercules non aliud quis aut magnificentius quaesierit, aut didicerit utilius, quam de stellarum syderumque natura, utrum flamma contracta, quod et uisus noster affirmat, et ipsum ab illis fluens lumen, et calor inde descendens, an non sint flammei orbes, sed solida quaedam terrenaque corpora, quae per igneos tractus labentia, inde splendorem trahant coloremque, non de suo clara. In qua opinione magni fuisse uiri, qui sydera crediderunt ex duro concreta, et ignem alienum pascentia. Nam per se, inquiunt, flamma diffugeret, nisi aliquid haberet quod teneret, et à quo teneretur, conglobatamque nec stabili inditam corpori profecto iam mundus turbine suo dissipasset.

Caput II.

De hac inuestiganda proderit querere, num Cometae eius conditionis sint, cuius superiora. Videntur enim cum illis quaedam habere communia, ortus et occasus, ipsam quoque, quamuis spargatur, et longius exeat, facie, aequae enim ignei splendidi que sunt. Itaque si omnia terrena sydera sunt, his quoque eadem sortis erit. Si uero nihil aliud sunt, quam purus ignis, manentque mensibus senis, nec illos conuersio mundi soluit, et uelocitas, illa quoque possunt ex tenui constare materia, nec ob hoc discuti assiduo coeli circūactu. Illo quoque pertinebit hoc excussisse, ut sciamus utrum mundus terra stante circūeat, an mundo stante terra uertatur. Fuerunt enim qui dicerent nos esse, quos rerum natura nescientes ferat, nec coeli motu fieri ortus et occasus, sed ipsos oriri et occidere. Digna res est contemplatione, ut sciamus in quo rerum statu simus, pigerrimam sortiti, an uelocissimam sedem, circa nos deus omnia, an nos agat. Necessarium est autem ueteres ortus Cometarum habere collectos. Deprehendi enim propter raritatem eorum cursus adhuc non potest, nec explorari, an uices seruent, et illos ad suum diem certus ordo producat. Nova haec coelestium observatio est, et nuper in Graeciam transuecta.

Caput III.

Emocritus quoque subtilissimus antiquorum omnium sufficari se ait, plures stellas esse, quae coeant, sed nec numerum illarum posuit, nec nomina, nondum comprehensis quinque syderum cursibus. Eudoxus primus ab Aegypto hos motus in Graeciam transtulit. Hic tamen de Cometis nihil dicit. Ex quo apparet ne apud Aegyptios quidem, quibus maior coeli cura fuit, hanc partem

tem elaboratam. Conon postea diligens & ipse inquisitor, defectiones quidem solis seruatas ab Aegyptijs collegit, nullam autem mentionē fecit Cometarum, non praeuissurus, si quid explorati apud illos cōperisset. Duo certe qui apud Chaldaeos studuisse se dicunt, Epigenes & Apollonius Myndius peritissimus inspicendorum naturalium, inter se dissident. Hic enim ait Cometas in numero stellarum errantium poni a Chaldaeis, teneriq; cursus eorum. Epigenes contra ait, Chaldaeos nihil de Cometis habere comprehensum, sed uideri illos accendi turbine quodam aëris concitati & contorti. Caput IIII.

Rimum ergo (si tibi uidetur) opiniones huius ponamus, ac
 p refellamus. Huic uidetur plurimum uirium habere ad omnes sublimium motus stella Saturni. Haec cum proxima signa Martis premit, aut in Lunae uiciniā transit, aut in Solis incidit radios, natura uentosa & frigida, contrahit pluribus locis aëra, conglobatq; . Demū si radios solis assumpsit, tonat fulguratq; . Si Martem quoq; consentientem habet, fulminat. Præterea, inquit, aliam materiam habent fulmina, aliam fulgurationes. Aquarum enim, & omnis humidi euaporatio splendorēs tantum cœli citra ietum minaces mouet, illa autem calidior, sicciorq; terrarum exhalatio fulmina extundit. Trabes uero, & faces, quæ nullo alio inter se, quā magnitudine distant, hoc modo fiunt. Cum humida terrenaq; in se globus aliquis aëris clausit, quem turbinem dicimus, quacūq; fertur, præbet speciem ignis extenti. Quæ tandiu durat, quādiu mansit aëris illa cōplexio, humidi intra se terreniq; multū uehens.

Caput V.

T a' proximis mendacijs incipiam, falsum est faces & tra
 u bes exprimi turbine. Turbo enim circa terras concipitur ac fertur. Ideoq; arbuta radicitus uellit, & quacūq; incumbit, solum nudat, syluas interim & tecta corripuens, inferior fere nubibus, utiq; nunquam altior. At contra trabes æditior cœli pars ostentat, ita nunquā nubibus obstiterunt. Præterea turbo omni nube uelocius rapitur, & in orbem uertitur. Super ista, uelociter desinit, & ipse se sua ui rumpit. Trabes autem non transcurrunt, nec præteruolant ut faces, sed commorantur, & in eadem parte cœli collucent. Charimander quoq; in eo libro, quem de Cometis composuit, ait Anaxagoræ uisum grande insolitumq; cœlo lumen magnitudine amplæ trabis, & id p multis dies fulsisse. Calisthenes tradit ante, quā Burim, & Helicē mare absconderet. Aristoteles ait, non trabem illam, sed Cometen fuisse, cæterum ob nimium ardorem nō

LIBER

apparuisse sparsum ignem, sed procedente tempore, cum iam minus flagraret, redditam suam Cometis faciem. In quo igne multa quidem fuerunt digna, quae notarentur, nihil tamen magis, quam quod ut ille fulsit in caelo, statim supra Burim & Helicen mare fuit. Nunquid ergo Aristoteles non illam tantum, sed omnes trabes Cometas esse credebat? Hanc habetis differentiam, quod his continuus ignis est, cæteris sparsus. Trabes enim flammam æqualem habent, nec ullo loco intermissam aut languidam, in ultimis uero partibus coactam, qualem fuisse illam, de qua modo retuli, Calisthenes tradit.

Caput VI.

Vo, inquit Epigenes Cometarum genera sunt. Alij ardorem undiq; effundunt, nec locum mutant. Alij in unam partem ignem uagum in modum comæ porrigunt, & stellas prætermittunt, quales duo ætate nostra uisi sunt. Illi priores criniti undiq; etiam immoti, humiles ferè sunt, & eisdem causis, quibus trabes facesq; conflantur, & ex intemperie aëris turbidi, multa secum arida humidaq; terris exhalata uersantis. Potest enim spiritus per angustia elisus accendere supra se positum aëra plenum alimentis idoneis igni. Deinde propellere ex nitido, ne ex aliqua causa refluat rursus ac remittatur. Deinde iterum proximo die ac sequentibus con surgere, & eundem locum inflammare. Videmus enim uentos per complures dies ad constitutum redire. Pluuiæ quoq; & alia tempestatum genera ad præscriptum reuertuntur. Vt breuiter autem uoluntatem eius exprimam, eadem ferè ratione hos fieri Cometas existimat, qua fiunt ignes turbine eiectioni. Hoc unum interest, quod illi turbines ex superiori parte in terras deprimuntur. Hi de terra in superiora eleuantur.

Caput VII.

Duersus hæc multa dicuntur. Primum si uentus in causa esset, nunquam Cometes sine uento appareret, nunc autem & quietissimo aëre apparet. Deinde si uento fieret, cum uento caderet. Et si uento inciperet, cresceret uento, eoq; esset ardentior, quod ille incitator. His accedit illud quoq; qd uentus multas aëris partes impellit, Cometes in uno loco apparet. Et uentus in sublime non peruenit, Cometæ autem uisuntur supra qd uentis ire licet. Transit deinde ad illos, quos ait certiores habere stellarum speciem, qui & procedunt & signa prætereunt. Hos ait ex eisdem causis fieri, quibus illos quos dixit humiliores. Hoc tantum interesse, qd terrarum exhalationes multa secum arida ferentes, celsiorem petant partem, & in æditiora coeli Aquilone deinde pellantur.

si illos

Si illos Aquilo propelleret, ad meridiem semper agerentur, quo uentus hic nititur. Atqui uarie concurrunt, alij in ortum, alij in occasum, omnes in flexum, quod iter non daret uentus. Deinde si Aquilonis illos impetus a terris in altum leuaret, alijs uentis non orirentur Cometæ, atqui oriuntur.

Caput VIII.

Illam nunc rationem eius (utraq; enim utitur) refellamus.

i Quicquid humidi aridiq; terra efflauit, cum in unum coit, ipsa discordia corporum spiritum uersat in turbinem. Tunc illa uis uenti circumeuntis quicquid intra se comprehendit, cursu suo accendit, et leuat in altum, ac tandiu manet splendor ignis expressi, quādiu alimenta sufficiunt, qbus desinentibus, & ipse subsidit. Qui hoc dicit, non notat qualis sit turbinum cursus, & qualis Cometarum. Illorum rapidus ac uiolentus, & ipsis uentis citatior est, Cometarum lenis, & q per diem & noctem quantum transierit, abscondat. Deinde turbinum motus uagus est & disiectus, & (ut Sallustij utar uerbis) uerticosus, Cometarū autem compositus, & destinatum iter carpens. Num quis nostrum crederet aut Lunam, aut quinque sydera rapi uento, aut turbine rotari? Non ut puto. Quare? quia non est illis perturbatus & impotens cursus. Ad Cometas idē transferamus. Non confuse nec tumultuose eunt, ut aliquis credat illos causis turbulentis & inconstantibus pelli. Deinde etiam si uortices isti comprehendere terrena humidaq; & ex humili in altum exprimere possent, non tamen supra lunam efferrent, omnis illis usq; in nubilum uis est. Cometæ autem immistos stellis uidemus per superiora labentis. Ergo uerisimile non est in tantum spatium perseuerare turbinem, qui quod maior est, maturius corrumpitur.

Caput VIII.

u Trūlibet itaq; eligat, aut uis leuis inde peruenire non poterit, aut magna & concitata citius ipsa se frangat. Præterea humiliores illi Cometæ ob hoc (ut putant) non exeunt altius, quia plus terreni habeant, grauitas illos sua in proximo tenet. Atqui necesse est his Cometis diuturnioribus, & celsioribus plenior materia sit, neq; enim diutius apparerent, nisi maioribus nutrimentis sustinerentur. Dicebam modo non posse diu uorticem permanere, nec supra Lunam, aut usq; in stellarum locum crescere. Nempe efficit turbinem plurium uentorum inter ipsos luctatio, hæc diu non potest esse. Nam cum uagus & incertus spiritus cum cæteris uolutatus est, nouissime uni uis omnium cedit.

Nulla autem tempestas magna perdurat. Procellæ quanto plus habent uirium, tanto minus temporis. Venticum ad summum uenerunt, remittuntur omni uolentia. Necesse est ista concitatione in exitum sui tendant. Nemo itaque turbinem toto die uidit, ne hora quidem. Mira uelocitas eius, et mira breuitas est. Præterea uiolentius celeriusque in terra, circaque eam uoluitur. Quod celsior, eo solutior, laxiorque est, et ob hoc diffunditur. Adijce nunc, quod etiam si in summum pertenderet, ubi syderibus iter est, utique ab eo motu, qui uniuersum trahit, solueretur. Quid enim est illa conuersione mundi citatus? hac omnium uentorum in unum coniecta uis dissiparetur, et terræ solida fortisque compages, nedum particula aeris torti.

Caput X.

Ræterea in alto manere non potest ignis turbine illatus, nisi ipse quoque permaneret turbo. Quod porro tam incredibile est, quam in turbine longior mora. Vtique motus motu contrario uincitur, habet enim suam locus ille uertiginem, quæ rapit cælum, Syderaque alta trahit, celerique uoluntate torquet.

Et ut des eis aliquam aduocationem, quod fieri nullo modo potest, quod de his Cometis dicetur, quæ senis mensibus apparuerunt. Deinde duo debent esse motus eodem loco, alter ille diutinus et assiduus, suum sine intermissione peragens opus, alter nouus et recens et turbine illatus. Necesse est ergo alter alteri impedimento sit. Atqui lunaris illa orbita, cæterorumque supra lunam meantium motus irrenocabilis est, nec hæsitatus, qui nec resistit, nec dat ullam nobis suspensionem obiectæ sibi moræ. Fidem non habet turbinem, uiolentissimum et perturbatissimum tempestatis genus, in medios syderum ordines peruenire, et inter disposita ac tranquilla uersari. Credamus ignem circumacto turbine accendi, et hunc expulsam in sublime, præbere nobis opinionem speciemque syderis longi. Et puto tale esse debet, quale est id, quod ignem efficit, turbine autem rotunda facies est, in eodem enim uestigio uersatur, et in columnæ modo circumagentis se uoluitur. Ergo ignem quoque qui inclusus est, similem esse illi oportet. Atqui longus est et dissectus, minimeque similis in orbem coacto.

Caput XI.

Pigenem relinquamus, et aliorum opiniones persequamur, quas ante, quam exponere incipiam, illud in primis præsumendum est, Cometæ non in una parte cæli aspici, nec in signifero tantum orbe, sed tam in ortu quam in occasu, frequentissime tamen circa Septentrionem. Forma eius non est una. Quauis enim greci discrimina fecerint eorum, quibus in morem barbæ flamma dependet,

pendet, & eorum, qui undiq; circa se uelut comam spargunt, & eorum, quibus fusus quidem est ignis, sed in uerticem tendens, tamen omnes isti eiusdem notæ sunt, Cometæq; recte dicuntur. Quorum cum post longum tempus appareant formæ, inter se eos comparare difficile est. Illo ipso tempore, quo apparent inter spectantes de habitu illorum non conuenit, sed prout cuiq; acrior acies aut hebetior, ita dicit aut lucidiorem esse, aut rubicundiorem, & crines aut in interiora deductos, aut in latera demissos. Sed siue sint aliquæ differentie illorum, siue non sint, eadem fiant ratione necesse est Cometæ. Illud unum constare debet, præter solitum aspici nouam syderis faciem, circa se dissipatum ignem trahentis. Quibusdam antiquorum hæc placet ratio, cum ex stellis errantibus altera se alteri applicuit, confuso in unum duarum lumine, faciem longioris syderis reddi. Nec hoc tunc tantum euenit, cum stella stellam attigit, sed etiam cum appropinquauit. Intervallum enim, quod inter duas est, illustratur ab utraq; inflammaturq; & longum ignem efficit.

Caput XII.

Is illud respondebimus, certum esse numerum stellarum mobilium, solere autem eodem tempore & has apparere & Cometen. Ex quo manifestum fit, non illarum coitu fieri Cometen, sed proprium & sui iuris esse. Etiamnum frequenter stella sub altioris stellæ uestigium uenit, & Saturnus aliquando supra Iouem est, & Mars Venerem aut Mercurium recta linea despicit, nec tamen propter hunc cursum, cum alter alterum subit, Cometes fit, alioqui annis omnibus fieret, omnibus enim aliquæ stellæ in eodem signo simul sunt. Si Cometam faceret stella stellæ superueniens, momento esse desineret, summa enim uelocitas transeuntium est. Ideo omnis syderum defectio breuis est, quia cito illas idem cursus, quæ ad mouerat, abstrahit. Videmus solem & lunam inter exiguum tempus, cum obscurari coeperint, liberari. Quanto celerior debet fieri in stellis digressio, tanto minoribus? Atqui Cometæ senis mensibus manent, quod non accideret, si duarum stellarum conuentu gignerentur, illæ enim diu coherere non possunt, & necesse est illas lex celeritatis suæ separet. Præterea illa nobis uicina uidentur, cæterum interuallis ingentibus dissident. Quomodo ergo potest altera stella usq; ad alteram stellam ignem mittere, ita ut utraq; iuncta uideatur, cum sint ingenti regione diductæ? Stellarum, inquit, duarum lumen miscetur, & præbet unius speciem. Nempe sic, quemadmodum rubicunda fit nubes solis incursum, quemadmodum uespertina, aut

LIBER

matutina flavescent, quemadmodum alterne arcus solis uisitur. Hæc omnia primum magna ui efficiuntur, Sol enim est, qui ista succendit. Stellarum non est eadem potentia. Deinde nihil horum, nisi infra lunam in terrarum uicinia nascitur. Superiora pura et sincera sunt, & coloris sui semper. Præterea siquid tale accideret, non haberet moram, sed extingueretur cito, sicut coronæ, quæ solem lunam uel cingunt, & intra breuissimum spatium exolescunt. Nec arcus quidem diu perseuerat. Siquid esset tale, a quo medium inter duas stellas spatium confunderetur, æque cito dilaberetur. Vtq; non in tantum maneret, quantum morari Cometæ solent. Stellis intra signiferum cursus est, hunc gyrum premunt, at Cometæ ubiq; cernuntur. Non magis certum est illis tempus quo appareant, q̃ locus ullus, ultra quem non exeant.

Caput XIII.

Duersus hoc ab Arthemodoro illa dicuntur, non has tantum stellas quinque discurrere, sed has solas obseruatas esse.

Cæterum innumerabiles ferri per occultum, aut propter obscuritatem luminis nobis ignotas, aut propter circulorum positionem talem, ut tunc demum, cum ad extrema eorum uenire, uisantur. Ergo intercurrunt quædam stellæ (ut ait) nobis nouæ, quæ lumen suum cum stantibus misceant, & maiorem, q̃ stellis mos est, porrigant ignem. Hoc ex his quæ mentitur leuissimum est, tota eius narratio mundi, mendacium impudens est. Nam si illi credimus, summa cœli ora solidissima est, in modum tecti durata, & alti crassiq; corporis, quod atomi congesti coaceruatq; fecerunt. Huic proxima superficies est ignea, ita compacta, ut solui uitariq; non possit. Habet tamen spiramenta quædam, & quasi fenestras per quas ex parte exteriori mundi influant ignes, non tam magni, ut interiora conturbent. Rursus ex mundo in exteriora labuntur. Itaq; hæc, quæ præter consuetudinem apparent, influxerunt ex illa utraq; mundi iacente materia. Soluere ista quid aliud est, q̃ manum exercere, & in uentum iactare brachia?

Caput XIII.

Elim tamen mihi dicat iste, qui mundo tam firma lacunaria imposuit, qd sit quare credamus illi tantam esse crassitudinem cœli? Quid fuit, quod illo tam solida corpora adduceret, & ibi detineret? Deinde quod tantæ crassitudinis est, necesse est & magni ponderis sit. Quomodo in summo ergo manent graui? Quomodo illa moles non descendit, & se onere suo frangit? Fieri

git? Fieri enim non potest, ut tanta uis ponderis, quantam ille substituit, pendeat, & leuibus innixa sit. Nec illud quidem potest dici, extrinsecus aliqua esse retinacula, quibus cadere prohibeatur. Nec rursus de medio aliquid esse oppositi, quod immanens corpus excipiat ac fulciat. Illud etiamnum nemo dicere audebit, mundum ferri per immensum, & cadere quidem, sed non apparere an cadat, quia præcipitatio eius æterna est, nihil habens nouissimum, in quod incurrat. Hoc quidam de terra dixerunt, cum rationem nullam inuenirent, propter quam pondus in aëre staret. Fertur, inquiunt, semper, sed non apparet an cadat, quia infinitum est in quod cadit. Quid est deinde quo probes, non quinque tantum stellas moueri, sed multas esse, & in multis mundi regionibus? Aut si hoc sine ullo probabili argumento licet respondere, quid est quare non aliquis aut omnes stellas moueri, aut nullam dicat? Præterea nihil te adiuvat ista stellarum passim euntium turba. Nam quod plures fuerint, sæpius in alias incidunt, rari autem Comete, & ob hoc mirabiles sunt. Quid, quod testimonium dicet contra te omnis ætas, quæ talium stellarum exortus & annotauit, & posteris tradidit?

Caput XV.

Ost mortem Demetrii Syriæ regis, cuius Demetrius & Antiochus liberi fuere, paulo ante Achaicum bellum Cometes effulsit, non minor sole. Primo igneus ac rubicundus orbis fuit, clarumque lumen emittens, quanto uinceret noctem. Deinde paulatim magnitudo eius districta est, & euauit claritas. Nouissime autem totus intercidit. Quot ergo coire stellas oportet, ut tantum corpus efficiant? Mille in unum licet congreges, nunquam hunc hab tum solis æquabunt. Attalo regnante, initio cometes apparuit modicus, deinde sustulit se diffuditque, & usque in æquinoctialem circulum uenit, ita ut illam plagam cœli, cui lactea nomen est, in immensum extentus æquaret. Quot ergo conuenisse debent erraticæ, ut tam longum cœli tractum occuparent igne continuo?

Caput XVI.

Contra argumenta dictum est, contra testes dicendum. Nec magna molitione detrahenda est authoritas Ephoro, historicus est. Quidam incredibilium relatu commendationem parant, & lectorem aliud acturum, si per quotidiana duceretur miraculo excitant. Quidam creduli, quidam negligentes sunt, quibusdam mundacium obrepit, quibusdam placet. Illi non euitant, hi appetunt. Et hoc in commune de tota natione,

LIBER

quæ approbare opus suum, & fieri popolare non putat posse, nisi illud mendacio aspersit. Ephorus uero non religiosissimæ fidei sæpe decipitur, sæpe decipit, sicut hic. Cometen qui omnium mortalium oculis custoditus est, quia ingentis rei traxit euentus, cum Helicen & Burim ortu suo merfit, ait illum descendisse in duas stellas, quod præter illum nemo tradidit. Quis enim posset obseruare illud momentum, quo Cometes solutus, et in duas partes reductus est? Quomodo autem, si est qui uiderit Cometen in duas dirimi, nemo uidit fieri ex duabus? Quare autem non adiecit in quas stellas diuisus sit, cum aliqua ex quinque stellis esse debuerit?

Caput XVII.

Pollonius Myndius in diuersa opinione est. Ait enim Cometen non unum ex multis erraticis effici, sed multos Cometas erraticos esse. Non est, inquit, species falsa, nec duarum stellarum confinio ignis extentus, sed & proprium sydus Cometes est, sicut solis aut lunæ. Talis illi forma est non in rotundum restricta, sed procerior & in longum producta. Cæterum non est illi palam cursus, altiora mundi secat, & tunc demum apparet, cum in imum cursus sui uenit. Nec est quod putemus eundem uisum esse sub Claudio, quem sub Augusto uidimus. Nec hunc qui sub Nerone cæsare apparuit, & Comets detraxit infamiam, illi similem fuisse, qui post necem diui Iulij Veneris ludis genitricis, circa undecimam horam diei emerfit. Multa uarijque sunt, disparēs magnitudine, dissimiles colore, alijs rubor est sine ulla luce, alijs candor & purum liquidumque lumen, alijs flamma & hæc non sincera, nec tenuis, sed multum circa se uoluens fumidi ardoris. Cruenti quidam, minaces, qui omen post se futuri sanguinis ferunt, his minuitur, augeturque lumen suum, quemadmodum alia sydera, quæ clariora cum descenderunt, maioraque sunt, quia ex loco propiore uisuntur, minora cum redeunt & obscuriora, quia abducunt se longius.

Caput XIX.

Duersus hoc protinus respondetur, idē accidere in Cometis, quod in cæteris. Cometæ enim quo primū die apparuerint, maximī sunt. Atqui deberent crescere, quo propius accederent. Nunc autem manet illis prima facies, donec incipiant extingui, deinde quod aduersus priores, etiam aduersus hunc dicitur. Si erraret Cometes, essetque sydus, intra signiferi terminos moueretur, intra quod omne sydus cursus suos colligit. Nunquam apparet stella per stellam. Acies nostra non potest per medium sydus exire, ut

per illud superiora prospiciat. Per Cometen autem non aliter q̄ per nubem ulteriora cernuntur, ex quo apparet illum non esse sydus, sed leuem ignem ac tumultuarium.

Caput XVIII.

Enon noster in illa sententia est, congruere iudicat stellas
 Z et radios inter se committere, hac societate luminis existe-
 re imaginem stellæ longioris. Ergo quidā nullos esse Come-
 tas existimant, sed species illorum per repercussionem vicinorum
 syderum, aut per coniunctionem coherentium reddi. Quidā aiunt
 esse quidem, sed habere cursus suos, et post certa lustra in conspe-
 ctum mortalium exire. Quidam esse quidem, sed non qbus syderū
 nomen imponas, quia dilabuntur, nec diu durant, et exigui tempo-
 ris mora dissipantur.

Caput XX.

N hac sententia sunt pleriq; nostrorum, nec id putant ue-
 ritati repugnare. Videmus enim in sublimi uaria ignium
 concipi genera, et modo cœlum ardere, modo

» Longos à tergo flammarum albescere tractus,
 modo faces cum igne uasto rapi. Ipsa etiam fulmina, et si uelocitate
 mira, simul et præstringunt aciem, et relinquunt ignes suos aëris
 attriti, et impetu inter se maiore collisi. Ideo ne resistunt quidē, sed
 expressi fluunt, et protinus pereunt. Alij uero ignes diu manent,
 nec ante discedunt, q̄ consumptum est omne, quo pascebantur, ali-
 mentum. Hoc loco sunt illa à Possidonio scripta miracula, columnæ,
 clypei q; flagrant, aliæ q; insigni nouitate flammæ, quæ non auer-
 terent animos, si ex consuetudine et lege discurrerent. Ad hæc stu-
 pent omnes, et repentinum ignem ex alto efferunt, siue emicuit ali-
 quid et fugit, siue compresso aëre et in ardorem coacto, loco mi-
 raculi stetit. Quid ergo? Nō aliquando lacuna secedentis retro æthe-
 ris patuit, et uastum in concauo lumen? exclamare posses quid
 est hoc?

» - Medium uideo discedere cœlum,

» palantes q; polo stellas, - quæ aliquando non expectata
 nocte fulserunt, et per medium eruperunt diem. Sed alia huius
 rei ratio est, quare alieno tempore apparent, quas esse, etiam cum
 latent, constat. Multos Cometas non uidemus, q̄ obscurantur radijs
 solis, quo deficiente, quendam Cometem apparuisse, quem sol ui-
 cinus obtexerat, Possidonius tradit. Sæpe autem cum occidit sol,
 sparsi ignes non procul ab eo uidentur. Videlicet ipsa stella sole
 persunditur, et ideo aspici non potest. Cometæ autem radios so-
 lis effugunt.

Lacet ergo nostris Cometas sicut faces, trabesq; & alia
 p ostenta coeli denso aëre creari. Ideo circa Septentrionem
 frequentissime apparent, quia illic plurimum est aëris pi-
 gri. Quare ergo non stat Cometes, sed procedit? dicam. Ignium mo-
 do alimentum suum sequitur. Quamuis enim illi ad superiora risus
 sit, tamen deficiente materia retroiens ipse descendit in aëra quoq;
 si dextram leuamq; premit partem. Nulla enim illi uia est, sed qua
 illum uena pabuli sui duxit, illo' repit, nec ut stilla procedit, sed ut
 ignis pascitur. Quare ergo per longum tempus apparet, et non cito
 extinguatur? Sex enim mensibus hic quem nos Neronis principatu
 lætissimo uidimus, spectandum se præbuit, in diuersum illi Clau-
 dianò circumactus. Ille enim a septentrione in uerticem surgens,
 orientem petijt semper obscurior, hic ab eadem parte coepit, sed in
 occidentem tendens, ad meridiem flexit, & ibi se subduxit oculis. Vi-
 delicet ille humidiora habuit, & aptiora ignibus, quæ profectus
 est, huic rursus uberius fuit & plenior regio. Huc itaq; descendunt,
 inuitante materia, non itinere, quod apparet duobus, quos spectau-
 mus fuisse diuersum, cum hic in dextrum motus sit, ille in sinistrum.
 Omnibus autem stellis in eandem partem cursus est, id est contra-
 rius mundo. Hic enim ab ortu uoluitur in occasum, illæ ab occasu in
 ortum eunt. Et ob hoc duplex his motus est, ille quo eunt, & hic quo
 auferuntur.

Caput XXII.

Go nostris non assentior, non enim existimo Cometen su-
 e bitaneum ignem, sed inter æterna opera naturæ. Primum
 quæcūq; aër creat, breuia sunt, nascuntur enim in re fugaci
 & mutabili. Quomodo post in aëre aliqd idem diu pmanere, cum
 ipse aër nunq; idem diu maneat? fluit semper, et breuis illi quies est,
 intra exiguum momentum in aliū, q̄ in quo fuerat, statim uertitur.
 Nunc pluuus, nunc serenus, nunc inter utrūq; uariis. Nubesq; quæ
 illi familiarissimæ sunt, in quas coit, & ex qbus soluitur, modo con-
 gregantur, modo digeruntur, nunquam immotæ iacent. Fieri non
 potest, ut ignis certus in corpore uago sedeat, & tam pertinaciter
 hæreat, quàm quæ natura, ne unquam exciterentur, aptauit.
 Deinde si alimento suo hæreret, semper descenderet. Eo enim cras-
 sior aër est, quo' terris propior. Nunquam Cometes in imum usq;
 demittitur, neq; appropinquat solo etiamnum. Ignis autem it, quo
 illum natura sua ducit, id est sursum, aut eo quod trahit materia, cui
 adhæsit, & quam depascitur.

n Vllis ignibus ordinarijs & coelestibus iter flexum est. Sy-
 deris proprium est ducere orbem. Atqui hoc an Cometae
 alij fecerint nescio, duo nostra aetate fecerunt. Deinde omne
 quod causa temporalis accendit, cito intercidit. Sic faeces ardent, dum
 transeunt, sic fulmina in unum valent ictum, sic quae transuersae
 dicuntur stellae, & cadentes, praeteruolant & secant aera. Nullis
 ignibus nisi in suo mora est. Illis dico diuinis, quos habet mundus
 aeternos, quia partes eius sunt & opera. Hi autem aliquid agunt,
 & uadunt, & tenorem suum seruant, paresque sunt. Nam alternis
 diebus maiores minoresue fierent, si ignis esset collectitius, & ex
 aliqua causa repentinus. Minor enim esset ac maior, prout plenius
 aleretur aut malignius. Dicebam modo nihil diuturnum esse, quod
 exarsit aeris uitio, nunc amplius adiunctio, morari ac stare nullo mo-
 do potest. Nam & fax, & fulmen, & stella transcurrent, & qui-
 quis alius est ignis aere expressus, in fuga est, nec apparet, nisi dum
 cadit. Cometes habet suam sedem, & ideo non cito expellitur, sed
 emetitur spatium suum, nec extinguitur, sed excedit. Si erratica, in-
 quit, stella esset, in signifero esset. Quis unum stellis limitem ponit?
 Quis in angustum diuina compellit? Nempe haec ipsa sidera, quae so-
 la moueri creditis, alios & alios circulos habent. Quare ergo non
 aliqua sint, quae in proprium iter, & ab istis remotum secesserint?
 Quid est, quare in aliqua parte coeli peruium non sit? Quod si iu-
 dicas non posse ullam stellam nisi signiferum attingere, Cometes potest sic
 latum habere circulum, ut in hunc tamen parte aliqua sui incidat,
 quod fieri non est necessarium, sed potest. Caput XXIIII.

n Ide ne hoc magis deceat magnitudinem mundi, ut in multa
 itinera diuisus sit, nec hanc unam deterat semitam, caeteris
 partibus torpeat. Credis autem in hoc maximo & pul-
 cherrimo corpore inter innumerabiles stellas, quae noctem decore
 uario distinguunt, quae aera minime uacuum & inertem esse patun-
 tur, quinque solas esse, quibus exercere se liceat, caeteras stare, fixum
 & immobilem populum? Siquis hoc loco me interrogauerit, qua-
 re ergo non, quemadmodum quinque stellarum, ita harum obseruatus
 est cursus? Huic ergo respondebo. Multa sunt quae esse concedimus,
 qualia sunt ignoramus. Habere nos animum, cuius imperio & im-
 pellimur et reuocamur, omnes fatebuntur, quid tamen sit animus ille
 rector, dominusque nostri, non magis tibi quisquam expediet, quam ubi sit. Alius
 illum dicet esse spiritum, alius concentum quendam, alius uim diuinam, et

LIBER

dei partem, alius tenuissimum aërem, alius incorporalem potentiam. Non deerit qui sanguinem dicat, qui calorem. A deo animo non potest liquere de cæteris rebus, ut adhuc ipse se quærat.

Caput XXV.

Vid ergo miramur Cometas tam rarum mundi spectaculum nondum teneri legibus certis, nec initia illorū finesq; notescere, quorum ex ingentibus intervallis recursus est?

Nondum sunt anni mille quingenti ex quo Græcia.

-stellis numeros, et nomina fecit, multæq; hodie sunt gentes, quæ tantum facie nouerunt cælum, quæ nondum sciunt cur luna deficiat, quare obumbretur. Hæc apud nos quoq; nuper ratio ad certum perduxit. Veniet tempus, quo ista, quæ nunc latent, in lucem dies extrahat, et longioris æui diligentia. Ad inquisitionem tantorum ætas una non sufficit, ut toti cælo uacet. Quid, q; tam paucos annos inter studia ac uitia non æqua portione diuidimus? Itaq; per successiones ista longas explicabuntur. Veniet tempus, quo posterī nostri tam aperta nos nescisse mirētur. Harum quæq; stellarum, quæ se ingerunt nobis, quæ alio atq; alio occurrentes loco, curiosos nos esse argunt, qui matutini uesi et tertiūq; ortus sint, quæ stationes, quando in rectum ferantur, quare agantur retro, modo cœpimus scire. Vtrum emergeret Iupiter, an occideret, an retrogradus esset (nam hoc illi nomen imposuere cedenti) ante paucos annos didicimus. Inuenti sunt qui nobis dicerent, erratis, qui ullam stellam aut suppressere cursum indicatis, aut uertere. Non licet stare cœlestibus, nec auerti, prodeunt omnia, ut semel missa sunt uadunt. Idem erit illis cursus, q; sui finis. Opus hoc æternum irrenuocabilem habet motus, qui si quando constiterint, alia ex aduerso incident, quæ nunc tenor et æqualitas seruat.

Caput XXVI.

Vid est ergo, cur aliqua redire uideantur? Solis cursus specie illis tarditatis imponit, et natura uiarū circuloꝝq; sic positorū, ut certo tempore uel intentius intueētes fallant. Sic naues, quæ plenæ uelis eant, uidentur tamen stare. Erit q; demonstraret aliquando, in quibus Cometæ partibus currant, cū tam seducti a cæteris eant, quanti qualesq; sint. Cōtenti sumus inuentis, aliqd ueritati et posterī conferāt. Per stellas, inq; ulteriora nō cernimus, p Cometæ ac ætē transmittimus. Primū si sit istud, non in ea parte sit, quæ sydus ipsum est spissi ac solidi ignis, sed quæ rarus splendor excurrit, et i crines dispergitur. Per intervalla igniū, nō p ipsos uides. Stellæ, inq; omnes rotundæ sunt, Cometæ porrecti, ex quo apparet stellas nō esse.

Quis enim tibi concederet Cometas longos esse? quorum natura quidem ut ceterorum syderum globus est, ceterum fulgor extenditur. Quemadmodum sol radios suos longe lateq; dimittit, ceterum ipsi alia est forma, alia ei quod ex ipso fluit lumini. Sic Cometarum corpus ipsum corrotundatur, splendor autem longior, q̄ ceterorum syderum apparet.

Caput XXVII.

Vare inquis? Dic tu mihi prius, quare luna dissimillimū soli lumen accipiat, cum accipiat a sole? Quare modo rubeat, modo palleat? Quare liuidus illi & ater color sit, cum a conspectu solis excluditur? Dic mihi quare omnes stellæ inter se dissimilem habeant aliquatenus faciem, diuersissimam soli? Quomodo nihil prohibet ista sydera esse, quamuis similia non sint, sic nihil prohibet Cometas æternos esse & sortis eiusdem, cuius cetera, etiam si faciem illis non habent similem. Quid porro, mundus ipse, si consideres illum, nonne ex diuersis compositus est? Quid est quare in leone semper sol ardeat, & terras æstibus torreat? in aquario astringat hyemem? flumina gelu claudat? Et hoc tamen & illud sydus eiusdem conditionis est, cum effectū & natura dissimile sit. Intra breuissimum tempus aries extollitur, libra tardissimo emergit, & tamen hoc sydus & illud eiusdem naturæ est, cum illud exiguo tempore ascendat, hoc diu proferatur. Non uides q̄ contraria inter se elementa sint? grauiā & leuiā sunt, frigida & calida, humida & siccā. Tota huius mundi concordia ex discordibus constat. Negas Cometen stellam esse, quia forma eius non respondeat ad exemplar, nec sit ceteris similis. Vides quā dissimillima est illa, quæ tricesimo anno reuertitur ad locum suum, huic quæ intra annum reuinit sedem suam? Non ad unam naturā formam opus suum præstat, sed ipsa uarietate se iactat. Alia maiora, alia uelociora alijs fecit, alia ualidiora, alia temperatiora. Quædam autem eduxit a turba, ut singula & conspicua procederent, quædam in gregem misit. Ignorat naturæ potentiam, qui illi non putat aliquando licere, nisi quod sæpius fecit. Cometas non frequenter ostendit, attribuit illis alium locum, alia tempora, dissimilem ceteris motus. Voluit et his magnitudinem operis sui colere, quorum formosior facies est, q̄ ut fortuitam putes, siue amplitudinem eorum consideres, siue fulgorem, qui maior est, ardentiorq; q̄ ceteris. Facies uero habet insigne quiddam, & singulare, non in angustum coniecta & artata, sed dimissa liberius, & multarum stellarum amplexa regionem.

LIBER

Caput XXVIII.

Ristoteles ait Cometas significare tempestatem, & uentorū
 intemperantiam, atq; imbrium. Quid ergo, non iudicas
 sydus esse, quod futura denunciat? Non enim sic hoc tem-
 pestatis signum est, quomodo futurae pluuie
 » Scintillare oleum, & putres concrecere fungos,
 aut quomodo indicium est seuiturimaris, si marinæ
 » In siccis ludunt Fulicæ, notasq; paludes
 » Deferit, atq; altam supra uolat ardea nubem,
 sed sic, quomodo æquinoctium in calorem frigusq; flectentis anni,
 quomodo illa, quæ Chaldaei canunt, quid stella nascentibus triste
 letumue constituat. Hæc ut scias ita esse, nō statim Cometes ortus uen-
 tos, & pluuias minatur, ut Aristoteles ait, sed annum totum suspe-
 ctum facit. Ex quo apparet illum non ex proximo, quæ in proxi-
 mum daret, signa traxisse, sed habere reposita & compressa legi-
 bus mundi. Fecit is Cometes, qui Paterculo & Vopisco Coss. appa-
 ruit, quæ ab Aristotele, Theophrastoq; sunt prædicta. Fuerunt enim
 maximæ & continuæ tempestates ubiq; At in Achaia, Macedoniaq;
 urbes terrarum motibus prorutæ sunt. Tarditas, inquit, illorū ar-
 gumentū est grauioribus esse, multumq; in se habere terreni, ipse præ-
 terea cursus, fere enim compelluntur in cardines.

Caput XXVIII.

Trunq; falsum est. De priore dicam prius, quia quæ tar-
 dius feruntur, grauias sunt. Quid ergo? Stella Saturni, quæ
 » ex omnibus iter suum lentissime efficit, grauis est? Atqui
 leuitatis argumentum habet, quod supra cæteras est. Sed maiore, in-
 quis, ambitu circuit, nec tardius it q; cæteræ, sed longius. Succurrat
 tibi idem me de Cometis posse dicere, etiam si segnior illis cursus sit.
 Sed mendaciū est ire eos tardius, nam intra sexum mensem dimi-
 diam cœli partem transcurrit hic proximus. Prior intra paucio-
 res menses se recepit. Sed quia graues sunt, inferius deferuntur. Pri-
 mum non defertur, quod circumfertur. Deinde hic proximus à se-
 ptentrione motus sui initium fecit, & per occidentem in meridiana
 peruenit, erigensq; suum cursum oblituit. Alter ille Claudianus à
 septentrione primum uisus, non desijt in rectum assidue celsior fer-
 ri, donec excessit. Hæc sunt quæ aut alios mouere ad Cometas perti-
 nentia, aut me. Quæ an uera sint, discutiant, qbus est sententia ue-
 ri, nobis rimari illa & coniecturare in occulto tantū licet, nec cum
 fiducia inueniendi, nec sine spe.

Caput XXX.

Gregre Aristoteles ait, nunquā nos uerecundiores esse debere, q̄ cum de Dijs agitur. Si intramus templa compositi, si ad sacrificium accessuri uultū submittimus, togam adducimus, si in omne argumentum modestiæ fingimur. Quanto hoc magis facere debemus, cum de syderibus, de stellis, de deorum natura disputamus, ne quid temere, ne quid impudenter aut ignorantes affirmemus, aut scientes mentiamur? Nec miremur tam tarde erui, quæ tam alte iacent. Panetio, & his qui uideri uolunt Cometen non esse ordinarium sydus, sed falsam syderis faciem, diligenter tractandum est, an æque omnis pars anni edēdis Cometis satis apta sit, an omnis cœli regio idonea in qua creentur, an quacunq; ire, ibi etiam concipi possint, & cætera, quæ uniuersa tolluntur, cum dico illos fortuitos non esse igneis, sed intextos mundo, quos non frequenter educit, sed in occulto mouet. Quam multa præter hos per secretum eunt, nunq̄ humanis oculis orientia? Neq; enim omnia deus humanis oculis nota fecit. Quota pars oculis operis tanti nostris cōmittitur? Ipse, qui ista tractat, qui condidit, q̄ totum hoc fundauit, deditq; circa se, maiorq; est pars operis sui, ac melior, effugit oculos, cogitatione uisendus est.

Caput XXXI.

Vltæ præterea cognata Numini summo, & uicinam sortita potentia, obscurasunt, aut fortasse (quod magis mireris) oculos nostros & implent, et effugiūt. Siue illis tanta subtilitas est, quantam consequi acies humana non possit, siue in sanctiore secessu maiestas tanta delituit, & regnum suū, id est se regit, nec ulli aditum dat, nisi animo. Quid sit hoc, sine quo nil est, scire non possumus, & miramur si quos igniculos parum nouimus, cum maxima pars mundi deus lateat. Quam multa animalia hoc primū cognouimus seculo? q̄ multa negocia? * Ne quidem hoc. Multa uenientis æui populus ignota nobis sciet. Multa seculis tunc futuris, cū memoria nostri exoleuerit, reseruantur. Pusilla res mundus est, nisi in illo quod quærat omnis mundus habeat. Non semel quædā sacra traduntur. Eleusin seruat, quod ostendat reuisentibus. Rerū natura sacra sua non semel tradit. Initiatos nos credimus, in uestibulo eius hæremus. Illa arcana nō promiscue, nec omnibus patent, reducta et in interiore sacrario clausa sunt. Ex quibus aliud hæc ætas, aliud quæ post nos subibit, aspiciet. Quando ergo ista in notitiam nostrā perducuntur? Tarde magna proueniunt, utiq; si labor cessat. In quod unum toto agimus animo, nondum perfecimus, ut pessimi essemus,

LIBER

adhuc in processu uitia sunt. Inuenit luxuria aliquid noui, in quod insaniat. Inuenit impudicitia nouam contumeliam sibi. Inuenit delictarum dissolutio & tabes aliquid tenerius, molliusq; , quo pereat. Nondum satis robur omne proiecimus. Adhuc quicquid est boni moris, extinguimus leuitate & politura corporum. Muliebres munditias antecessimus, colores meretricios, matronis quidem non induendos, uiri sumimus. Tenero & molli gressu suspendimus gradum, non ambulamus, sed repimus. Exornamus annulis digitos, in omni articulo gemma disponitur. Quotidie commiscimur, per quae uirilitati fiat iniuria, ut traducatur, quia non potest exui. Alius genitalia excidit, alius in obscenam partem ludi fugit, & locatus ad mortem infamiae armatur. Egenus etiam, in quo morbum suum exerceat, legit.

Caput XXXII.

Iraris, si nondum sapientia omne opus suum impleuit, nondum tota se nequitia protulit. Adhuc nascitur, & huic omnes operam damus, huic oculi nostri, huic manus seruiunt. Ad sapientiam quis accedit? Quis dignam iudicat, nisi quam in transitu nouerit? Quis philosophiam, aut ullum liberale respicit studium, nisi cum ludi intercalantur, cum aliquis plurius interuenit dies, quem perdere licet? Itaque tot familiae philosophorum sine successore deficiunt. Academici & ueteres, & minores nullum antistitem reliquerunt. Quis est qui tradat praecipua Platonis? Pythagorea illa inuidiosae turbae schola praepitorem non inuenit. Sextiorum noua & Romani roboris secta inter initia sua, cum magno impetu coepisset, extincta est. At quanta cura laboratur, ne cuiuslibet patrimonij nomen intercidat. Stat per successores Pyladis, & Batilli decimus, harum artium multi discipuli sunt, multiq; doctores. Priuatum urbe tota sonat pulpitem, in hoc uiri, in hoc foeminae tripudiant. Mares inter se, uxoresq; contendunt, uter det latus illis. Deinde sub persona cum diutrita frons est, transitur ad galeam. Philosophiae nulla cura est. Itaque adeo nihil inuenitur ex his, quae parum inuestigata antiqui reliquerunt, ut multa quae inuenta erant oblitterentur. At mehercules si hoc totis membris premeremus, si in hoc inuentus sobria incumberet, hoc maiores docerent, hoc minores addicerent, uix ad fundum ueniretur, in quo ueritas posita est, quam nunc in summa terra, & leui manu quaerimus.

MATTHAEI FORTVNATI PANNONII

ANNOTATIONES IN VII LIBROS

NATVRALIVM QVAESTIO-

NVM SENECAE.

PRAEFATIO.

EGENTEM me nuper Plinij naturalis historiae
 libros, singulare & uere unicum naturae, latinaeque
 linguae opus, in admirationem uertit Pliniana erudi-
 tionis diuinum in rebus tam uarijs, tamque multi-
 plicibus coniungendis, copulandisque artificium. Tan-
 ta enim arte, tam felici indusiria res naturae diuersissimas, perpetuo
 orationis tenore conglutinat, ferruminatque, ut commissura non ap-
 pareat, sed res ex re educi, atque omnia inuicem sibi respondere,
 aeterno quodam orationis ductu uideantur, adeo ut summum hunc
 naturae praekonem non ab homine, sed ab ipsa rerum natura edo-
 ctum fuisse facile mihi persuaserim. Quaecumque ergo in eo uel hiant,
 uel abrupta sunt, deprauata esse temporum, librariorumque uitio nulli
 dubium esse debet. Quocirca cum apud eum de stellis discurrenti-
 bus ita legerem. Fieri uidentur & discursus stellarum, nunquam te-
 mere, ut non ex ea parte truces uenti cooriantur, & ex ijs tunc pro-
 cellae in mari terrisque. Mox nullo coniuncto sensu de Castorum stel-
 lis. Vidi in nocturnis militum uigilijs inherere pilis pro uallo ful-
 gure effigies &c. arbitratus sum, ut erat, locum mendosum esse, ru-
 ptamque illam nativam rerum compagem. Sollicitus deinde, attentio-
 reque cura, perquisitis aliquot uetustissimis exemplaribus locum per-
 pendi, inuenique esse legendum non, Ex ijs tunc procellae, sed, Existunt
 stellae & in mari terrisque. Deinde aptissime sequitur, quod maxime
 hanc lectionem confirmat, Vidi nocturnis militum uigilijs inhæ-
 rere pilis pro uallo fulgurum effigie. Cum uero de hoc Plinij loco
 aliorum, tum praesertim Senecae grauissimi philosophi senten-
 tiam in naturalibus quaestionibus consulerem, ubi de hac re pauca
 quidem, & eadem fere quae Plinius, ego tamen blandiente, & ut
 totas quaestiones, quae in septem uolumina diuisae sunt, perlegerem,
 materia inuitante, longius processi. Sed morabantur auidam lectio-
 nem innumeri, & prope infiniti errores, nihil erat quod patienter
 sine offensa legere possem. Nullum siquidem credo ex omnibus autho-

ribus, qui uetustatem pertulerunt, ita misere, & infelicitate corru-
ptum, & interpolatum ad nostram usque aetatem peruenisse, quam
Senecam ipsum, & praesertim in istis naturalium rerum quaestioni-
bus. Quae ut erant intellectu difficiliore, ita ad iniuriam corru-
ptionis opportuniore, magisque obnoxiae. Tanta est enim quorundam
audacia, seu potius temeritas, & impudentia, ut mendosum, tollen-
dumque; uel immutandum putent, quicquid ipsi non intelligunt. Indolui
profecto uicem indignam grauissimi authoris, miseratus etiam tan-
tam iacturam literarum, tam praecclarum humani ingenij opus in-
finitis mendis obrutum, & pene sepultum inutiliter iacere, & ne
a principibus quidem huius aetatis doctrinae uiris posse legi, quamuis
magnopere tum propter summam scriptoris auctoritatem, tum etiam
propter rerum scitu, curaque dignarum nobilitatem, & excellentiam
peteretur. Nimirum haec pars Philosophiae, quae tractat de his, quae
in aere uel apparent, uel existunt, quae Graeci *μῆτις* uocant, et
ad agitationem animi pulcherrima est, & ad repellendam superstitio-
nem, metumque; ex animis mortalium maxime necessaria. Nihil enim
aeque mentibus causarum ignaris religionem incutit, quam cum ui-
dent uel Solem obscurari, solitamque; lucem mundo negare, uel Lunam
delitescere, uel facies in transuersum agi, coeli partem ardere, sydera
insolita facie crinem spargere, plures Solis, Lunaeque; orbis appare-
re, igneis subitos discurrere, uariarum rerum, animaliumque; effigies
in caelo ostentari, coelum recedere, & ipsum recessum ingenti flam-
ma corripui. & multa alia id genus coelestia miracula, quorum
nihil sine timore mirantur. Quandocumque enim aliqua noua, &
praeter consuetudinem ex caelo fulserit facies, nemo adeo tardus, &
hebes, & demissus in terram est, ut ait noster Seneca, quin ad diui-
na erigatur, & tota mente consurgat. Concurrunt itaque ad spectaculum
omnis sexus, omnis aetas, omnis conditio, omnium ora in caelo sunt.
Spectant, mirantur, ostendunt, & interrogant quid coelum porten-
dat, quid moneatur insolita facies, & interdum quid causae sit quaerunt.
Adeo naturalis homini est rerum nouarum cupiditas, ut magis no-
uitate, quam magnitudine rerum ad exquirendas causas excitentur.
Nam illa quae crebro uidemus, etiam si admiratione digna sint, non
miramur, neque rationes requirimus, magnitudinem rerum consuetu-
dine subducente. Contra minimarum quoque rerum, si praeter solitum
prodierunt, spectaculum & dulce, & timoris plenum est. Hoc autem
facit causarum ignoratio. quas cognoscere qui potuit felix certe est,
& ex altissima specula lucis despectat errantium tenebras mortali-
um,

lium, exclamatq; illud Lucretij uatis.

- » O miseras hominum mentes, o pectora cæca,
 » Qualibus in tenebris uitæ, quantisq; periculis
 » Degitur hoc æui? =

Harum causas rerum olim cognoscere, has a' Musis discere expetebat uates eminentissimus, cum hæc caneret.

- » Me uero primum dulces ante omnia Musæ,
 » Quarum sacra fero, ingenti percussus amore,
 » Accipiant, coeliq; uias, & sydera monstrent,
 » Defectus Solis uarios, Lunæq; labores. & reliqua. Quin ipsa

etiam natura ideo hominem erecto ad cognata sydera corpore, ac sublimi facie, non primum, & ad pastum, ut cætera animalia abiectum formauit, ut supernarum rerum speculatione teneretur, & quidem toto in hoc intentus animo. Harum quidem observatio, & scientia primo à Chaldaeis, dehinc ab Aegyptijs, demum à Græcis multis clarissimis authoribus celebrata est, sed adeo uarijs, & discordantibus, plerumq; etiam inter se contrarijs opinionibus, & sententijs, ut difficilis sit electio, quam potissimum sequi, cui credere debeas. Ad Latinos autem ut sero uenit coelestium, sublimumq; rerum observatio, ita à paucissimis culta est, quia diffidebant hanc Latinis literis se posse illustrare. Sed illorum quoq; fere' omnium, qui aliqd de hac re posteris reliquerant, scripta temporum iniuria desiderantur. Vetus siquidem est, sicut aliarum bonarum literarum, ita & Philosophiæ apud nos querela, siue ille summus opifex ita decreuit, ut nihil humanum diuturnum esset, siue causarum latentium uis quedam potens, & inuicta mortalitati omnia deuouit.

- » Debemur morti nos, nostraq;,- dicit Flaccus. Vnde ergo Latini homines pendentium rerum observationem, scientiamq; petant, non habent, nisi à Seneca. Nam Plinius, ad res totius naturæ interpretandas properans, hæc summa breuitate perstringit. Seneca uero copiose, & accurate totam hanc Philosophiæ partem, quæ est de his rebus, & miraculis, quæ & in sublimi, & in aquis, & in terris, hoc est in toto hoc uniuerso observantur, Latinis literis illustrauit, atq; ita feliciter, quasi iure Quiritiū donatam, Romana lingua loqui docuit, ut nō magis se Græcā, quā Latinam agnoscat. Tametsi caruisse uideatur ea loquendi proprietate, & elegantia, quam in M. Tullio, C. Casare, Sallustio, Liuiο, & paucis quibusdam scriptoribus suspicimus, & admiramur, ea tamen fuit eloquentia, ut illius eloquentissimi, & eruditissimi æui confessione non infelix orator,

grauissimus philosophus, optimus uitae magister sit iudicatus, et habitus. Quem et tacitus amoenissimi ingenij fuisse scribit, et Suetonius lenius, comptumque scribendi genus Senecae, quo maxime eum placuisse dicit, attribuit. Illud plane apparet circa uerba, et compositionem non nimis anxium fuisse. Omnia enim dicta eius plus habent ponderis, et grauitatis, quam curae et decoris. Verba se cure fudisse, non solicate finxisse uidetur. Non tamen est negligens in oratione, sed securus. uerba siquidem sunt electa, sed non captata, oratioque ipsa non concinnata, neque calamistro adusta, sed secura, rebusque accommodata, et citra infamiam mollis, ac temperata. qualis philosophum decet, qui mores non uerba componit, magisque animis, quam auribus scribit, ac potius profectum quam plausum quaerit. Non ieiunam quidem, neque aridam, sed nec accuratam, diuque tortam uult philosophia orationem. Non est ornamentum uirile concinnitas. Illud aequabile, et quietum orationis genus graui uiro, et qui res, non eloquentiam ostentaret, quique mores, ac ingenia formaret, et ad uirtutis studia homines excitaret, maxime aptum, dignumque grauissimum, et doctissimi authores tradunt. In quo genere colendo tantum profecisse Senecam uideo, ut ne uerborum quidem copia Graecis cederet. Atque utinam omnes Philosophiae partes ita essent Latina oratione tractatae, nihil profecto esset cur Graecis inuideremus. Omnium enim, quae de hac re Graeci diffusius, et perplexius, quam ut sine fastidio legi possent, scripserunt, Seneca florem carpsisse, et (ut ita dicam) medullam exuxisse uidetur. Multa praeterea Graecis authoribus uel ignota, uel praeterita ex se addidit felicitis ingenij beatissima ubertas. Non simplicem itaque Latini homines, rerum naturae studiosi, poterant consequi ex his naturalium quaestionum uoluminibus utilitatem, nisi ita foede, corrupta, lacerataque ex miserorum temporum crassa caligine, superatis utcumque, hoc est infelicitate, nisi opem eis tulerimus, angustiis, et difficultatibus, in hanc lucem euasissent. Quapropter uisus sum fungi pio munere, communi que utilitati, quam quisque inuare pro suo modulo lege naturae astrictus est, non indebito, neque forsitan ingrato, si opem quamcumque possem grauissimo authori tulissem. Suscepi itaque piam quidem, et honestam, sed grauem et arduam repurgandi tot errores prouinciam, in qua plus laboris, et periculi esset, quam laudis, et gloriae. Ratus tamen minus esse malum etiam periculum famae adire, quam iacere maximo damno, et iactura rei literariae, desiderioque studiosorum tam nobile, ac diuinum opus indignis lacerum uulneribus. Praeterea quando nostra, quae uel posteritatem inuarent, uel ad

vel ad nostrorum temporum institutionem, disciplinamq; proficerent, edere non possumus, antiquorum scripta, quantum in nobis est, repurgando, non deesse iuvandi nobis studium ostendere, studiosorumq; diligentiam tum discendi, tum etiam illa, quæ nos præterierunt emendandi commovere volumus. simulq; ut hac opera & otij nostri ratio redderetur, & principis clarissimi Io. Ludovici Salutij, cui hæc nuncupanda destinabantur, favorem mereremur, pro quo ego nihil ferre recusem. Quandoquidem, ut ait Flaccus,

Principibus placuisse uiris non ultima laus est.

Quicquid ergo hoc operis est, Salutio principi, optimo optimarum literarum & cultori, & patrono acceptum referri debet.

ANNOTATIONES. EX
PRAEFATIONE LIBRI
PRIMI.

VM secretiora eius intraui.) Legendum. Sed cum secretiora eius. Necessaria est enim hæc particula ad perfectionem sensus, quam & uetusta exemplaria habent. Item. Quid enim erat, cur non in numero uiuentium me positum esse gauderem?)

Vetus lectio sincerior est. Cur in numero uiuentium, absq; negatione. Et paulopost. Nec in alienam uoluptatem sermo compositus.)

Vetusti codices Voluntatem, non Voluptatem, & fortassis rectius. Nō enim tam intelligit scurras dicaces, qui alienas aureis, compositis quibusdam dictionibus, ac scommatis delectare artifices sunt, quàm assentatores, captatoresq; , qui omnibus in rebus, & sententijs assentiuntur, & applaudunt alijs. Cicero in Paradoxis;

Quem nutum locupletis orbi senis non obseruat? loquitur ad uoluntatem, quicquid denunciatum sit, facit. assentatur, assidet, miratur. Vnde scite a' Basilio magno adulator Polypus dicitur, ut enim ille ad speciem subiecti soli colorem, sic adulator ad uoluntatem audientium mutat sententiam, & sermonem. Familiare hoc malum regibus, quorum sæpius, quàm hostis euertit opes. hinc etiam eleganter adultores diuitum, σκώληκες Græci uocant. EX EADEM Et consimiles syluas.) Legunt alij Pensiles syluas, placeret hoc, si ullæ unquam syluæ pensiles fuissent Horti quidem pensiles celebrantur,

EX LIBRO

Sylvarum uero pensilium nulla memoria extat, fidem igitur non impetrant. Quare legendum haud dubie ex uetustis exemplaribus Tonsilers syluas, hoc est recisas, & in pumilionum breuitatem coactas. Fiunt enim arbores breuitatis cuiusdam coactae & serendi, & recidendi, seu tendendi genere. C. Martium nemora tonsilia inuenisse Plinius est author.

EX EADEM

Equitem modo altiora explorantem.) Vltiora rectius, ut in antiquis exemplaribus, hoc est longiora itinera, per quae eundum esset, ne insidijs infesta sint. Praeterea, A' lateribus affusum. non Effusum. Parua quidem haec, & nullius fere momenti, qualia sexcenta castigata quidem, ne cŕitantes lectorem morarentur, in istas tamen annotationes referre noluimus. Illud uelim, quod paulo post sequitur, legentes acrius perpendant. Ponitis numina etiam cum illis.) Vetus lectio. Ponitis numina, sed quod horum sit rectius non facile dixerim. Nullus enim sensus probus elici potest, siue hoc, siue illud legatur. frustra igitur de nomine ambigemus, ubi de re non constat. ita enim foede conuulsus, & deformatus esse uidetur hic locus per aliquos temerarios castigatores, qui omnia uel cōtorto collo ad arbitrium suae imperitiae trahunt, ut nulla nec iudicandi, nec assentiendi nota superſit. Quare hoc uulnus, quod altius diuturna negligentia insedit, quam ut ei a nobis nunc tumultuarie ista tractantibus moderi possit, alijs quibus & eruditio maior, & iudicium acrius, & plus cū superest, curandum relinquo. Nos, quoque forsitan aliquando uacui ad id reuertemur. nunc satis sit (quoniam extremam sine authoribus apponere diligentiam hoc bimestri tempore non potuimus) quasi digito locum ostendisse, ut studiosi interea, quisque pro suo ingenio, opem ferre authori grauissimo annitantur. Erunt fere quatuor, aut adeo quinque in hoc opere huiusmodi carcinomata, quae nostram curationem reformidabunt. quae omnia suis locis indicabuntur. modo ne fraudi sit, bonaque uenia liceat mihi negare posse, quod non pterero, & fateri nescire quod nescio. Nulli uenatori uitio datur in magna sylua omnes feras non deprehendisse, uel saltem non cepisse. Atque equidem haud scio an plus operae pretij fecerim huiusmodi loca, quae tutius erat tacite praeterire, si plus ambitioni quam utilitati dedissem, ut plerique faciunt, quos inanis gloria, quasi dulcissima quaedam Siren, nullo respectu utilitatis rapit, indicando, quam aliqua coniectura castigando, ut scilicet ingenia studiosorum acuantur, & inflammantur ad hoc decus petendum. Tantum autem abest ut alijs hoc bonum inuideam, ut contra potius magnae uoluptatis sensum capiam,

capiam, tum causa nobilissimi authoris, tum etiam communis utilitatis, si alijs superesse ea uidero, quæ mihi denegata sunt. Hæc semel dicta uolo, ne eadem mihi sæpius repetenda sint. Illud autem non dissimulandum censeo, hunc locum forsitan posse iunari ex capite. LXX. libri. II. Plinij, illa enim ferè ex hoc loco Senecæ mutuata uidentur. Formicarum paritas, et in condendo sedulitas nota est. quibus uidetur assimilare Seneca mortales, qui minima quæque reponunt et condunt, quod commune cum formicis habent.

EX EADEM

Observat ubique quæ stella primum coelis lumen ostendat.) Vetusta exemplaria Terris, non Coelis. Neque uideo cur hæc lectio interpollari debuerit, cum lumen coelis ostentatum non ita sit nostræ observationis. Præterea non temere est inuenire apud authores idoneos hoc nomen numero multitudinis inflexum, sed semper inuicem dici. Etiam loco uerbi Primum, malim Proximum legere, ut ostendamus infra libro. VII. Nihil tamen mutandum suadeo, sed quid sentiam indico. Item infra. Si nauem ferat suus uentus implebit.) Vetus lectio multo melior, sinceriorque. Si nauem suus uentus impleuit. Ferat enim uerbum in uetustis codicibus non inuenitur, et si maxime inueniretur repudiandum esset, ita subsultat, et sensum aliqui clarum confundit, qui talis est. Ab ultimis Hispaniæ litoribus ad Indos usque, hoc est ab occasu ad ortum et (ut dixit ille) a Gadibus ad Gangem, et auroram paucissimorum dierum navigationem esse, si nauis secundum, ferentemque uentum, hoc est πανορίστον (ut Homerus uocat) habuerit. Et infra. Nusquam resistenti.) forte melius, Nunquam resistenti, quod et uetusta exemplaria. ut ad tempus potius, quam ad locum referatur. irrequieto enim cursu non tantum Saturni, sed aliorum quoque siderum orbes circumaguntur. Sensus tamen idem manet, quodcumque horum legeris. Item. Materiam in se sibi formet.) Vetera exemplaria Ipse sibi formet, et forte rectius, deus enim, et si ideas rerum, non tamen etiam materias in se habere dicitur.

EX EADEM

Et à magno artifice parua formantur multa.) Antiqua uulgataque exemplaria Praue non Parua. nec uideo quicquam cur hanc correctionem approbem, et antiquam lectionem præcedentibus sequentibusque congruentem abolendam consentiam. Magnum siquidè artificium non tam ad staturam, potentiamque, quam ad nobilitatem, et excellentiam,

EX LIBRO

perfectionemq; consumatae artis retulit, nanq; sequitur, Non quia cessat ars. Præterea artifices summi quemadmodum in magnis, sic, & nescio an etiam magis in parvis, minimisq; rebus possunt ostendere artis suae excellentiam. Spectatus enim est & naturæ, & cuiusvis artificis in minutissimus artificium. In magnis siquidem, aut maioribus facilis est officina sequaci materia. in parvis autem maxima vis & inextricabilis perfectio, & (ut dixit poëta)

» In tenui labor, at tenuis non gloria, =

Item. Sciam omnia angusta esse uersus deum.) Lectio uetus castior, & magis genuina. Sciam omnia angusta esse. Sed hæc deinde. sequitur enim. Nunc ad propositum. sic & paulo infra, Erit aliud istius rei tempus, & sæpe alibi. Præterea etiã loco uerbi, Angusta, si Angusta legerimus illustrior sensus erit, hoc est sancta, diuinãq; In quorum cognitionem (quoniam omnia completa, & referta sunt æterno sensu, & mente diuina) commoueri, & auocatos a corpore omni cura, studioq; animos humanos rapi & necesse, & iucundum est.

EX CAPITE I.

Quid dicit illum respondere non posse.) Vetus lectio fortassis uerior. Quid dicit ille, responde. Interrogandi enim, percunctandiq; modum posuisse uidetur. Verbum autem Non posse, adulterinum, & suppositum est, cuiusmodi solent sibi deprauata ingenia fingere, quoties quæ ignorant, aut scire se credunt, aut uideri scire desiderant. Nec est enim quisquam tam ignarus, & imperitus, ut etiam uideri uelit. Hac affectatione scientiæ nihil non audent, atq; de omni re iudicant, censuramq; ferunt. Hoc malo nihil pestilentius in re literaria. hinc tot tenebris offusis, tot sordibus aspersis, tot deniq; spinis intersitis elegantiora, & florentia scripta bonorum authorum pene exaruerunt.

EX EODEM

Vidimus enim eo tempore, quo de Seiano actum est.) Hæc quidem lectio defendi potest, sed uetus ut breuior, ita & elegantior. Vidimus cum de Seiano actum est. Illud uero, Eo tempore quo, tritiua-
lis glossa fuisse uidetur. Item. Mortuum signa præmittere.) Antiqua exemplaria Motuum, non Mortuum. utraq; lectio probabilis. Istis nanq; signis tam mortes principum, quàm magni rerum motus denunciantur. Vnde legimus apud Damascenum Cometas aliquando produci a deo, ut mortem alicuius Principis denunciant. Item mox. Quod perire mundus sciat.) purior uidetur
uetus

vetus lectio, & sequentibus congruentior, Quod perire mundus denunciet?

EX EODEM

Et (ut ita dicam) strictus est.) Vetus lectio Frictus est. & mea quidem sententia rector, commodiorq;: ipsa enim lenis collisio tripsin ac confricationem quandam efficit. Et quod mox sequitur. Maiora lumina excutuntur.) lego Minora. Aëre nanq; uehementius trito, & uexato maiora, lenius uero colliso, & fricto minora edi lumina certum est. Item infra. Cum in cælo quoq; non minus appareat color rerum.) Legendum Non unus appareat color rerum, sed acrior sit caniculæ rubor.

EX EODEM

Nam apud nos quoq; fragmenta sulfure aspersa.) Vetus lectio Stramenta, quod uerisimilius est. non enim quæcunq; fragmenta, sed arida stramenta, & id genus alia sulfure illita, uel aspersa ignem attrahunt. Nunc autem sarmentis sulfuratis ad hunc usum passim utuntur. Vnde forsitan hic quoq; rectius sarmenta, quàm fragmenta, aut stramenta quis legerit. Item. Quia sine fundamento, & sede creata sunt.) Legendum ex ueteribus, Et sede certa sunt. Et paulo post. Gylippo Syracusas petenti.) Scribendū Gylippo per γ. græcum, & simplex l. ut sit prima breuis. Tibul.

» - Non mihi regna

» Lydia, non magni potior sit fama Gylippi.

EX CAPITULO II.

Nonnunquam paulatim deuoluuntur, & desinunt.) Vetus lectio probior, comodiorq;, quam & Erasmus agnoscit, Diluuntur, non Deuoluuntur, hoc est sensim & æqualiter dilabuntur, euanescentq; in semetipsis, atq; ut Aristoteles ait, καταμαρτύν, hoc est marcescunt, & distabescunt. Seneca paulo post, Si facies, inquit, uniuersa sub sedit. Item infra. Nunquam ergo illud sydus talem sibi effigiem circumdabit.) Nusquam aliter legitur. sed cum de nullo certo sydere priuatim, sed de omnibus communiter loquatur, mihi placeret, si Aliquod sydus, legeretur. Corona enim ut Aristoteles ait ὅλην πᾶντος ἀστροῦ. hoc est omne sydus cingit.

EX EODEM

Lapillus in piscinam, aut lacum, & aliquam aquam missus.) Vetera exemplaria fere Alligatam aquam, quod, quamuis pro aqua stagnante non satis apte dictum uideri possit, tamen propius uero est.

EX LIBRO

Lapillus enim non in omnem aquam missus orbes facit, sed in aquam stagnantem et immotam. Liqueat hoc ex sequentibus, At hoc quidem inquit, non facit in flumine. Item. Et hoc quidem in aëre euenit.) Probabilis est hæc lectio, sed uetus magis genuina. Idem ergo in aëre euenit. Item mox. Venientemq; formam exturbet.) Vetus codices Extinguat. utrumq; recte. Item statim post. Significatur aëris quies, & otium, & tranquillitas.) Vetus lectio, Quies, & omnium tranquillitas. bona quidem est hæc lectio, sed & illa non mala.

EX EODEM

Et tunc aquam expecta.) Hæc uerba in uetustis codicibus non leguntur, & profecto ut per se sunt leuia & inepta, ita falsa & absõna mihi uidentur, adscripta ab aliquo magis, quàm satis est curioso. exterminanda igitur censeo ex his finibus quamlongissime. Nullæ enim e' coelo aquæ, nulliq; imbres, cum coronæ lenta quadam tabe consumuntur (quod tranquilli, quietiq; aëris argumentum est manifestissimum) expectandi sunt. Nisi forte defectum aliquem hic esse de tertio coronarum statu suspicemur. Coronæ enim aut concerpuntur & dilacerantur. & tunc tempestatem, uentorumq; uariorum tumultum portendunt. Aut paulatim diluuntur, & euanescent, quod pacati, temperatiq; aëris indicium est. Aut deniq; contumaces, neq; disceptæ distrahuntur, neq; marcescæ in tabem resoluntur, sed perpetuū quendam ductum seruant, & in sua natura procedunt. tunc sine dubio illa peruiæ crassæ nubis densitas aquam prænunciat expectandam. Hæc autem est sententia Aristotelis περί τῆς ἀλῶ hoc est de corona siue area scribentis. Cuius uerba ex tertio Meteororum hæc sunt. αἰ μὲν τοὶ διασπᾶσις ἢ μὲν αἰσῶσις, αὐταὶ μὲν αὐτῶν. αἰ δὲ διασπᾶσις πρὸς αἰσῶσις. εἰ μὲν γὰρ μὴτε κατὰ μαρὰν θῶ, μὴτε διασπᾶσις, αὐτῶν εἰ μὲν τὴν φύσιν ἀπολαμβάνειν αὐτῶν, ὕδατος εἰς ὅτως σημεῖον εἶναι. hæc Aristoteles. Quod me addubitare cogit hunc Senecæ locum mutilatum esse. fidem tamen facere possunt uetustissimi codices, qui illa uerba (ut diximus) non habent, ut credamus integrum esse. Item mox. Illinc uentus est unde funduntur nubes) forte Finduntur.

EX EODEM

Apparet temperatum esse aëra, & sic placitum.) Hæc duo ultima uerba, Et sic placitum, frigida & inepta sunt. ita nescio quo pacto. abhorrent ab alijs, & quadam nota adulterina se esse prædunt. Quod iræ & hæc, ut cætera plurima imperitiæ arrogantis adscripta commenta uanissima, ex hac familia procul amandanda sunt.

EX EODEM

Et ideo quia facilis à circumposito aëre facilius sustinetur) sic quidem in omnibus, sed illud Quia facilis, ut rude, & discrepans à cæteris amouendum esse uidetur. Glossema hoc fuit alicuius imperiti glossematarij, particulam illam, Ideo, interpretantis. neq; enim, Quia facilis, sed Quia inertior uis est, apponendū erat. Subit sæpe mirari, uel indignari potius uices bonarum literarum tam miseras, tamq; felicem fuisse corrumpendis nobilissimis authoribus proxime præteritorum aliquot seculorum imperitiam, deniq; tam apertos errores temporis diuturnitate confirmatos esse, & una cum seculis, ætatibusq; inueterauisse. Neq; hoc ita recens malum est, uetustissima quoq; exemplaria simili iniuria affecta sunt.

EX EODEM

Et quod sydera cætera infirma sunt.) Lego ex Aristotele Aequè sydera cætera infirma sunt. Nam sicut Lunæ inertior uis non potest exagitare, neq; dissoluere circumpositum aërem, quin coronas accepto lumine efficiat, ita & aliorum syderum, quorum aequè infirma uis est ad dissoluendum. Et infra. Hæc noctibus temperantia contingit.) Scribendum Temperatura, ut sit ὑποθεσις non ὑπερθεσις siue ὑπερθεσις.

EX CAPITE III.

Hæc inæqualitas alterius lucem, umbramq; permiscet.) Lege Alternis. Et infra. Si arcus duos haberet colores.) Addendum ad sensus perfectionem ex ueteribus exemplaribus, Si arcus duos tantum haberet colores. Certum enim est arcum habere quidem duos, sed non tantum duos colores, sed plurimos, & prope innumerabiles, adeo incertæ, & indiscriminatæ uarietatis, in ipsis præsertim commissuris ambitiosa Natura suam sollertiam ostentante, ut illos nulla ars, nulla manus, nullus artifex possit consequi imitando. ita permixtis uiribus alter altero aut excitatur, aut astringitur, ut ipse transitus in diuersa uisum quantuncunq; intuentium fallat & effugiat. Nec me mouet nostrorum Theologorum opinio, arcum scilicet duos tantum habere colores, cæruleum & igneum, hisq; duo exprimi iudicia, hoc ignis, quod futurum est. illo aquæ, quod præterijt. atq; ideo cæruleum extrinsecus, introrsus igneum duci. Quasi uero non eundem ductum colorum ante aquarum eluuiem à condito æuo arcus habuerit, ratioq; physica non præsto sit. Cur ergo physicus, hoc est speculator, uentilatorq; naturæ istorum testimonium ab animis religione im-

EX LIBRO

butis petere debeat, cum hæc ratio nunquam fallax nobis ostendat. Illud uerum est, arcum duostantum habere colores, intensum scilicet, & remissum. hunc innumeros incertos, illum tres certissimos complecti. primum puniceum seu uinosum, secundum ostrinum seu purpureum, tertium cœruleum seu uiridem, quidem cyaneus, & prasinus dicitur. hinc & Aristoteles arcum utrumque triplici colorum uarietate apparere dicit. διὸ καὶ, inquit, ἡ ἰρις τρεῖς χροὺς φαίνεται ἐκτετατα.

EX EODEM

Sed nunc diuersi intrant cum mille colores.) Lego Niteant, nō Intrant, ne uersus claudicet, neque aliter habent etiam Ouidiani codices. Et infra. Vt autem dissimiles colores sint.) Legendum ut clarior, puriorque sit sensus, Vt an dissimiles colores sint. Hanc genuinam esse lectionem euidentius est, quam ut aliquis dubitare possit. Et paulo post. Quidam ita existimant arcū fieri. Dicunt in ea parte &c.) Legendum uidetur ex uetustis exemplaribus. Qui ita existimant arcum fieri dicunt. de opinione enim eorundem loquitur, qui putant arcum umbræ, lucisque temperatura fieri. Ponit autem hic rationem eorū, qua tuentur suam sententiam. Et infra. Quia omnis circumscripta leuitas, uel planities.) Illud, Vēl planities, supernacaneum esse uidetur, neque in uetustis exemplaribus inuenitur, neque ad sensum magnopere pertinet, potest tamen defendi. Leuia enim, & complanata imagini reddendæ apta sunt.

EX EODEM

Itaque piscinam ingentis magnitudinis insertis parietibus in plures diuide.) Vetus codices illa duo uerba, Insertis parietibus, non habent, & certe inania mihi uidentur, eadem impudentia, uel imperitia, qua pleraque alia, huic loco insita. Nam piscina quocunque modo diuidatur, nihil refert. Potest tamen qui uult hæc uerba custodire, quando non ita multum sensui nocent. Ego hæc neque omnino approbo, neque planē explodenda censeo. religiose enim, timideque ueterum scripta tractanda sunt, ne temerarium iudicium secuti, ea demum tollamus, quæ maxime author probaret. atque utinam etiam cætera tam æquo animo ferre possimus. Et mox infra. Quot lacus habuit.) Legendum, Habuerit, ut sensus illustrior sit. Et paulo infra. Vbi ergo hebes, & infirma est acies.) Verior, castiorque est antiqua lectio, Vbi uero hebes. &c.

EX EODEM

Itaque quod in alijs efficit densus aër, in his facit omnis aqua.) Hoc uerbum Aqua, proculdubio otiosum, & molestum est. Expun-

gendum itaq; ut pote adulterinum, & a uero sensu alienum, sensus enim est. Visum qualemq; a' denso, infirmorem uero ab omni aëre reflecti. Est autem hæc sententia Aristotelis .III. Meteoron. Ab omnibus, inquit, leuibus rebus acies obtutum replicat, ex illis porro aër & aqua sunt. itaq; cum aër coierit, acies ab eo reflectitur. Quamquam crebro etiam propter uisus imbecillitatem, absq; ulla aëris densatione, & conglobatione fit reflexio. Quo genere morbi laborauit Antipheron Oretanus, qui adeo hebetem oculorum aciem habuit, ut sibiipsi semper occurrere, & seipsum aduersa facie præcedere uideretur. quandoquidem acies imbecilla in illum ubiq; replicabatur, cum ne proximum quidem aëra expellere posset, propter corruptam οἰσότητι. Quin omnibus spirante Vulturno res maiores apparere, & promontoria in mari diuisa uideri.

EX EODEM.

Itaq; quia crassior est, & peruinci non potest.) Sic omnino & uetusti codices. Nos tamen nisi, ita qui crassior est, separatim, & expuncto illo uerbo, quia, legerimus, aliquid in ipso sensu desideremus necesse est. Vel, quod magis placet, a superiori continuo sensu uerba hoc modo repetenda sunt. Longe autem magis uisum nostrum nobis remittit qui crassior est, & peruinci non potest. Hanc ego ueram esse lectionem crediderim, neq; aliter Senecam ipsum scripsisse. Item mox.

Vt & hæc quæ proposui refellam.) Purior est antiqua lectio, proposuisti. Et infra non ita multo post. Nec ire crederemus, nisi appareret ipse.) Scribendum proculdubio ut sensus constet, isse, non ipse, hoc est uiuisse, & motum esse, ac longe alia cœli regione, quàm pauloante fuerat, apparere.

EX EODEM.

Varietas autem non ob aliam causam fit, quàm quia pars coloris Sole est sparsa nubes illa.) Antiqua lectio omnino eadem est, nisi quod loco uerborum (nubes illa) habet, nube nulla. Mutilatam, & conuulsam esse totam hanc lectionem, adeo ut uix coniecturæ locus relictus sit, quis non uidet, qui uel mediocriter illum eruditum puluerem attigit. Scribendum nonnulli putant paris coloris, sed modestius erat tacuisse. hoc enim non iuuare, sed inuoluere magis sensum uidetur, & uulneri uulnus addere. Nos autē sollicitius, diligentiusq; & præcedentia sequentibus, & falsam, monstrosamq; ueterum, ac uulgarium codicum lectionem conferendo, ueram propriamq; deprehendisse arbitramur, quæ talis est. quia pars coloris Sole est sparsa, pars nube illa. Cum & paulo post dicat. Non est ergo mirum, cum duæ res sint, sol & nubes, idest corpus, & speculū, si tam multa genera

EX LIBRO

colorum exprimuntur. Candor enim in re atra, siue obscura multiplicem colorum effingit uarietatem, ut lux in fumo. Manifestum autem est has duas esse causas arcus, Solem scilicet, et nubem, coloremque igneum a sole esse, a nube caeruleum, alios uero ex his duobus permixtis uiribus mutua incitatione consurgere. EX EODEM

Crassius medicamentum arcus aquarius traxerit) Ecce una sentina cicta, alia graueolentior. Libet saepe exclamare, haec mensura errorum Hydrae similia esse, iugulato enim uno, et item altero, alia, et quidem atrociora innumera resurgunt. Quemnam hic inter continuum, perpetuumque de purpure tinctura sermonem arcus, uel aquarius, aut arcus aquarius locum habet? Praecedat enim, Interest quantum macerata sit, et subiungitur, saepius mersa sit, an excocta, semper de purpura. Legendum itaque ut omnia sibi consentiant, et respondeant, non arcus aquarius, sed, an aquatius, hoc est lenius, liquidiusque, ac dilutius traxerit medicamentum. Multum enim refert ad uarietatem colorum reddendam ipsius purpure tinctura, crassiore sanie, et medicamento, hoc est bammate saturata fuerit, an aquatiore, et dilucidiore, uelleribus sitientibus, tincta. Aquari autem, hoc est dilui, centenas quinquagenas medicaminis libras singulis aquae amphoris solitum, iustumque fuisse Plinius est author. Quamquam uulgata Plinii exemplaria aquari, non aquari habeant. Aquatum uero dicitur aqua perfusum, unde uinum aquatius dictum Hieronymo. Hunc Senecae locum negligenter legit, alioqui curiosissimus, multaeque eruditionis, atque in peruestigandis disciplinarum mysterijs incredibili quadam diligentia, sollertiaque praeditus author Antiquarum lectionum Ludouicus Caelius, qui se notasse apud Senecam scribit arcum, siue Irin Aquarium dici. Ita in pudendos errores, etiam maximos, principesque doctrinae uiros, nisi oculatissimi fuerint, deprauata exemplaria ueterum authorum saepe praecipitant. Hac causa uideo multos, qui aliquid posteritati non tacendum emisserunt, haec Senecae doctissima septem uolumina, tanquam lemuribus infame domicilium euitasse, aut siqui attigerunt, caece errasse. Ac nunc quoque infinitis prope erroribus doctissimum quemque a lectione nobilissimi authoris summoneri. Nos tamen (aut ego fallor) nostro labore et diligentia, praesidio ueterum exemplarium, efficacis huius mali remedium attulimus, dedimusque operam, non dico quantum humano, sed quantum nostro ingenio, breui hoc tempore (bimestri enim labore, et quidem horis succisuis tantum ista curauimus) effici potuit, ut in istis septem libris pauca admodum loca non restituta desiderarentur.

EX CAPITE IIII.

Et aqua celeriter aboletur.) Scribo æque celeriter. Et paulo infra.
 Vniuersi tibi uidebuntur priores a' te, quàm a' speculo) Vetus lectio,
 quàm speculo, sine præpositione, ut speculo dandi potius, quàm au-
 ferendi casus sit. Vnde mihi probantur, qui propiores, non priores
 existimant esse legendum. Quare sic erit tota fortassis lectio resti-
 tuenda. Vniuersi a' te uidebuntur propiores tibi, quàm speculo. Huius
 tamen lectionis fides penes experientiam esto. Illud addendum, in
 speculis planis imagines pareis uideri, in tumidis, et globosis mino-
 res, in concavis uero maiores, et auctiores. Et has quidem modo
 intra, modo extra, modo rectas, modo conuersas apparere. Sed et
 infra mox. Priorq; nobis sit.) Legere malim propior, ut supra.
 Item. Vt solis imago nube discedat.) Vetus lectio. a' latere disce-
 dat, quod et Erasmus notauit.

EX CAPITE V.

Deinde cum uelis speculum alijs comparare.) Sine dubio uerior est uetus
 lectio, aëri comparare. quoniam hic non alijs rebus speculum, sed
 aëri, a' quo uolunt arcum reddi ad similitudinem imaginum e' spe-
 culorum leuore redditurū, comparandū est. Et mox infra. Atqui
 mille nubes habent similitudinem speculi.) Scribo, ne sensus sibi dis-
 sideat, nullæ nubes, quod est apertius, quàm ut sit declarandum.
 Item infra. Cæterum cateruam illam non confundunt.) Vetus le-
 ctio non contrahunt, recta utraq;.

EX EODEM.

Quid ergo, inquit, non ex aqua, rupta fistula, sparsa etc.) Scribendū
 et aqua, non ex aqua. Ista minora sunt, quàm ut notatu digna
 essent, sæpe tamen, sicut hoc loco, unius literæ immutatio uel puerit,
 uel confundit totam sententiam, decipitq; negligenter legentis. Et
 infra. Colla Tiberiæ splendent agitata columbæ.) Scribendum
 ex ueteribus codicibus Cytheriæ. Tiberiæ enim columbas non
 legimus, neq; ratio carminis hoc uerbum patitur. Veneri autem sa-
 cras esse colūbas notum est etiam illis, qui primis tantum labris li-
 teras degustarunt. Ouidius.

- » Armigerumq; Iouis, Cythereiadasq; columbas.
- » Virgilius de Aenea - Tum maximus heros
- » Maternas agnoscit auers.-

EX EODEM

Nunquid ergo dicemus specula eiusmodi pluuias.) Quamuis et uetus
 sit codices pluuias habeant, nemini tamen dubium esse potest, quin
 plumas sit legendum, loquitur enim de pennis auium, quæ licet sine
 unius coloris, plurium tamen esse uidentur, et ad singulas conuer-
 siones mutantur, variasq; ac incertas colorum differētiās variæ illu-

LIBRO

stratæ exhibent. Et infra. Quorum color aut ex ipsis mutatus.) rectius mutatur. Item paulopost. Humore diffuso.) Vetus lectio, humore suffusa, utraq; bona. sed recentior mihi placet. nos tamen varias ponimus lectiones, ut legentes, quæ earum rectior sit iudicare possint.

EX EODEM.

Positione lucis.) Necessaria deest particula distinctiva, aut, legendū enim, aut positione lucis. Duplicem nanq; causam esse cur aliqua animalia subinde mutant colorem. aut enim affectionem id facere, aut lucis positionem. Varij enim videntur colores pro lucis illustrantis diuersitate, ut in deliquio Solis omnia natua priuantur uenustate, atq; externo deformantur colore. Lucem itaq; esse quæ colorem rebus attribuat, sine luce autem nihil uideri, nec colores discerni. Eleganter de hac re Lucretius.

- » Qualis enim cæcis poterit color esse tenebris,
- » Lumine qui mutatur in ipso? propterea quod
- » Recta, aut obliqua percussus luce resulget.
- » Pluma columbarum quo pacto in Sole uidetur,
- » Quæ sita ceruices circum, collumq; coronat. Et reliqua quæ de eadem re sequuntur.

EX EODEM.

Illæ eiusdem materiæ, tota hæc è diuersis temere compositæ.) Verior, nitidiorq; est uetus lectio. Illa eiusdem materiæ tota, hæc ex diuersis temere compositæ. Nubes enim ex diuersa, & discordi materia temere congregantur, specula uero eiusdem materiæ sunt. Et quod mox sequitur. Præterea uidemus ortu solis partem quandam cæli rubere.) Vetus lectio præterea uidemus nubes aliquando & c. illud enim totū. Videmus ortu solis partem quandā cæli rubere, in uetustis codicibus deest, & profecto an huc pertineat subdubito. Credo equidem ab aliquo studioso pro exemplo in margine scripta fuisse illa uerba, & ab ignaro librario pro uerbis authoris adscripta in contextum. Hæc tamen non castigandi, sed admonendi, & existimandi gratia dicta uelim, nihil enim moueo, sed locum indico. Aliorum potius uolo stare iudicio, quàm meam interponere sententiam. Nimirum modeste & circumspecte pronuntiandum est in ueterum scriptis iudicandis. Nam cum in omnibus rebus temeritas, errorq; turpis sit, tum maxime ubi aliorum temeritatem, erroresq; corrigimus, & repurgamus. Et infra. Et ad hoc opus est radiorum idoneus locus.) Rectius in uetustis, idonea locatio. Et item paulopost. Permaneret ut uideretur.) Vetus lectio, & uideretur.

Ex eodem

EX EODEM

Ita non est, ergo & color, argumentum falsi coloris qui dum apparet, accedentibus desinit.) Perplexam, & inuolutam omnia, longeque a uero sensu detorta. Nam de re optime constat, sed uerba ipsa discrepant, ineptumque quiddam, & repugnans uero sensui ingerunt. Apertissimum enim est Senecam exemplo nubis uelle probare, colorem arcus non esse falsum hoc argumento, quod propius accedentibus apparere desinat, quando & nubes ipsa non uideatur ab eo qui in ipsa est, nec tamen propter hoc aliquis falsam dixerit. Nulla itaque dubitatio relinquitur lectionem multis modis deprauatam esse. corrupto enim uno loco per imperitiam, cetera quoque plurima circum circa eadem labe trahantur necesse est. Ego si audendi ueniae locus sit, expungenda illa duo uerba, Ergo & color, censerem, quae molestissime & sensum totum immutarunt, & alia corrumpendi occasionem dederunt. Item lego, non Qui dum apparet, sed, Quod idem apparere. Quam lectionem colligo ex uetustis codicibus, qui habent, Quidem apparere. Sic ergo, ut omnia conspirent, & sibi consentiant, totam lectionem restituere. At qui quamuis ipsa non uideatur, est, ergo & color. Ita non est argumentum falsi coloris, quod idem apparere accedentibus desinit. Et paulo infra. Qui argumentum nihil dubij relinquentibus docent.) Lego Argumentis, non Argumentum. Et illud. Sunt quae sinistras, quae torqueant uel evertant.) Vetus lectio integrior est. Sunt quae sinistras, sunt quae torqueant & evertant.

EX CAPITE VI.

Vt ait Virgilius noster, Et bibit ingens arcus cum aduentat imber.) Inepte mihi uidetur Seneca (pace tanti authoris dixerim) uti hic auctoritate, & testimonio Virgilij ad ostendendum arcum nunquam dimidio circulo esse maiorem, uel etiam esse minorem sole altiore. nisi forte corruptus locus sit, cum Virgilius inter signa pluiarum, & tempestatis arcum simpliciter referat, ita ut nihil intersit, maior minorue sit, cum aequae tempestatum, uel etiam serenitatum index sit. Geminum autem arcum semper tempestatis, & pluuiae euidentis signum esse Aratus, & eius interpretes Theon auctores sunt, hinc & ἰπὶν γράει dictam, quia pluias praedicat. Nec illud uerbum, Bibit, humiliorem arcum indicat, ut aliqui frigide, & inepte meo iudicio existimant, cum arcum communiter, nullo respectu ad hoc maior, minorue sit ἀναρροποι hoc est sorbere, & haurire flumina Graeci dicant unde & tauri caput illi fabulae appingunt. Hoc itaque uerbo illo, Bibit, expressisse Virgilium scientissimum omnium rerum ueritatem

EX LIBRO

certainum est. Quo uerbo & Plautus utitur, anum Lenam multibibam, atq; merobibam uas uini exicantem, facete, falseq; arcum appellans, » Ecce autem, inquit, bibit arcus, pluet credo hercle hodie. Præterea nihil Senecam inuenit, etiam si illud uerbum humilem arcum ostendat, cum de Sole altiore nulla apud Virgilium præcesserit mentio. Aut ergo Seneca ineptus hoc loco est, aut conuulsum, & truncatum locum esse necesse est. quod equidē magis credo. Nam cum & Senecæ uerba sequentia arcum minari tempestatem indicant abrupte & imperfecte, tanquam prius facta aliqua tempestatum mentione, adducor ut credam tale aliquid superius deficere. Arcus etiam tempestates minatur, ut ait Virgilius noster. uel, Arcus tempestatum quocq; minas affert. uel sic. Arcus pluuiarum quocq; signa mittit, uel. Arcus & pluuiarum indicium est. uel id genus simile aliquid. Hoc modo singula singulis consonarent, neq; Virgilij testimoniū absurde aduocaretur. Sed difficile profectō est etiam de corruptis uerbis ueram lectionē indagare, quanto autem difficilius ubi & corrupta desint? Quis enim potest scire quæ uerba author posuerit? aut de his, quæ coniectura sequenda sunt, aliquid certi promittere? Potest siquidem esse, ut harū lectionum, quas uarias posui, nulla. potest etiam ut una uera sit. Coniectura nanq; ut sæpe fallitur, ita nonnunquam ad ueritatem dirigitur. & cæcus aliquando iaculo cornicem figit. Sed nos hæc curiosius forsitan, quàm necesse est. & profectō nihil erat prouius, quàm talia negligere. Sed nos malæ conscientie reatum sustineremus, nisi ea, quæ nobis uidentur, alijs indicaremus, ueritatemq; inquireremus repudiata omni ambitione. Et quod mox sequitur.

Cum aduentat imber.) Supposititium hoc esse uidetur, cum nec Virgilij sit, nec Senecæ conueniat, quippe quod sensum turbet. Sed uiderint legentes. nos hæc non repudiamus, sed arbitrio cuiusq; existimanda relinquimus. Vel forsitan hic nihil deest, sed uerborum ordo est immutatus, legendumq; hoc modo. Et bibit ingens arcus, ut ait Virgilius noster, cum aduentat imber. Sed adhuc dura, & inepta uidebitur a superiori trāsīto. Discutiant hoc diligentius, quibus plus otij superest.

EX EODEM

Cum omnes fulgores paulatim excutiantur.) elegantius, & magis proprie Discutiantur. Et paulo infra. Aequē citō omnis imago modo illo aboletur, quàm ponitur.) Scribendum In illo, non Modo illo, cū sequatur, Quàm, et præcesserit, Aequē citō. quānō conueniunt cum uerbo, Modo illo. nostram lectionem & uetusti codices approbant. Item paulopost. At maior est aliquando arcus quàm Sol.) Lego Aliquanto,

Aliquanto, nō Aliquando, cum semper maior Sole arcus nobis appareat. Et infra. Quid mirum maiorem reddi imaginem Solis.) Videri, non Reddi forsitan melius ex uetustis. Item infra. Quia in nube est uitro simile). Vetus lectio perfectior. Quia in nube est aliquid uitro simile. Et in fine capitis. Est aliquid & aquæ, quā si nondum habet, est, iam apparet eius natura.) Legendum, Quam si nondum habet, tamen iam apparet eius natura.

EX CAPITE VII.

Primum. in hoc argumento quod apparet a Sole fieri, multa sunt pro me.) Vetus lectio sincerior. In hoc argumento multa sunt pro me. Primum igitur, & illud totum Quod apparet a Sole fieri) commentum uanissimum est, & ad libidinem concepta diuinitio. exheredanda igitur sunt hæc ex hac familia tanquam adulterina, & legitimum sensum turbantia & confundentia. Et quod mox sequitur. Pridem quidem apparet quiddam leue esse debere.) Lego Primum, quod apparet quiddam &c. Hanc lectionē & sequentia probant. Item. Vbi cūq; deflectitur.) Vetus commodior, Vt cūq; deflectitur.

EX EODEM

Totidem redderet Soles, quot habuisset inspectores.) Ita habent omnes, quos ego uiderim, codices. sed Inspectores, in quo sensu accipiendum sit, non plane uideo. Nam si per inspectores, inspicientes homines intelligas, falsum erit uirgam uitreā, ut cūq; factam, fabricatam uel, ab inspectorum numero, imaginum Solis numerum trahere. cum ipsi inspectores nullum momentum faciant ad hoc, ut illa unum, uel plures Soles reddat. Nullus ita cæcus in contemplandis rebus est, qui de hoc dubitet. Sed neq; uerba ipsa, quæ sequuntur (quamuis & illa absolata, & conficta) ad hoc significatum conueniunt. Atq; utinam tam facile esset ueram inuenire lectionem, quā hanc falsam esse conuincere. Quoniam autem in hoc errore ita ptnax est omniū exemplarium consensus, tutius, modestusq; erit hoc loco quiescere, quā quicquam mouere, ne antiquum uulnus curatione ipsa rescindamus. De re itaq; tam obscura, & incerta ad Apollinem, exemplo Socratis, censeo referendum. Non tamen dissimulabimus quæ nobis uidentur. Proinde legendum forsitan erit, non Inspectores, sed Insecturas, hoc est canaliculos, siue strigles. quo nomine caua ipsa inter duas strias, hoc est angulos, & prominentias, quas Græci ἐξοχὰς uocant, in ipsis columnis, & alijs rebus per insecturas, & angulos diuisis, appellantur authore Vitruuio. Hæc lectio ut incerta, ita perfectior commodior, & sensui congruentior, quā illa prior, quæ nul

EX LIBRO

lo pacto sustineri potest. Et quæ mox sequuntur, Qui quia discernuntur inter se, non satis inuicem speculi nitent, inchoant tamen imagines) Aequè deprauata sunt, imperitia ad suum sensum omnia trahente, & ex uno errore pluribus nascentibus. Scribendum itaq; & hic erit, ut nulla supersit obscuritas, Quæ quia non discernuntur inter se, nec satis inuicem speculi nitent, inchoant tantum imagines. ita ut Inuicem, duæ sint dictiones. Haud scio mehercule an hæc lectio uera, germanaq; sit, huius tamen me non poenitebit interim, quoad meliorem uideam. Et supra. Quia enormiter fracta est.) Scribe, Facta est.

EX CAPITE VIII.

Cum certe ex inferiori nubes ferit, terris propinquas.) Antiqua lectio. Terris propinquas. ut Solem intelligas, Item infra. Atqui et nunc) lege Et tunc, ut sensus constet, Item infra. Quare ille circulus iungitur & in arcum nonnunquam.) Vetus lectio. Quare illis circulus in arcu circundatur nunquam. sed neutra placet. Scribendum itaq; esse uidetur, Quare & ille arcus in circulum iungitur nunquam. Manifestum est enim arcum nunquam posse iungi, sed semper uel dimidium circulum esse, uel dimidio minorem. Sole oriente, & decumbente dimidium. parum elato dimidio minorem. meridie tenuissimum. Namq; quod elatior est Sol, eodè depressior uertex circuli oppositi, & centrum eius magis infra finitorem descendit.

EX CAPITE XI.

An facio quod Virgilius, q. dubitauit de nomine.) Aut nos deprauatū, & nō bene intellectum Virgilij locum habemus, aut (quod magis credo) Senecæ incuria accusanda, diligentiaq; regréda hoc loco est. nō enim de nomine Rheticæ, sed de laude et præconio dubitat Virgilius.

» = Et quo te carmine dicam

Rheticæ? =

& q. hac dubitatione de eius præconio uisus erat maximam ei attribuisse nobilitatem. itaq; ne Rheticæ hac laude multum sibi placeat, seq; omnibus uitibus præferat, cum nobiliores sint aliquæ Campanæ (tameisi Cato Rheticam omnibus prætulerit) subiungit,

» = nec cellis ideo contende Falernis.

Verisimile ergo est Senecæ hoc loco somnium obrepisse, nec id mirū, cum Ciceroni dormire interdum non modo Demosthenis oratio, sed etiam Homerus ipse uideatur. Horatius.

» = Quandoq; bonus dormitat Homerus.

Diuini profecto, non humani ingenij est, nunquam errare. Nullus est ita excellens author, qui aliquando se hominem esse non prodat.

Nihil

Nihil est autem quod hic librarijs imputes, integra lectio est.

EX CAPITE XII.

Quæadmodum ergo in aëre utriusque imago terris aspicitur potest.) Scribendum aere, cum sit dissyllabum, hoc est in peluibus pingui humore repletis.

EX CAPITE XIII.

Et similia luminaribus circulis) Legendum Lunaribus. Lunari enim orbi Solis imagines, quæ in nubibus apparere solent, similes sunt.

EX CAPITE XIII.

Qui etiam fertur.) Lego, Qui uel fertur, uel in uno loco flagrat. Et infra. Et flammam, uelut dehiscens, in abdito ostendit) Vetus lectio. Et flammam dehiscens uelut in abdito ostendit, solo ordine uerborum mutato. Eminentur enim quandam altitudinem chasmata ut dicit Aristoteles, quæ Seneca imitatus, illud ποιῆτι βάθος ἔχειν δυνεῖν, his uerbis exprimere uoluit. Itē infra. Sed quacumque incurrerunt.) Vetus lectio. Concurrerunt, forsitan Cucurrerunt. Item de fulmine.

Quia cito spatium sursum transiit.) Ita habent omnes codices, sed mihi nescio quo pacto non satisfacit ista lectio, et illud Sursum, durum, horridumque uidetur. cuius loco ego malim suum legere, ut illustrior, planiorque esset lectio. Fulmina quæ celeriter transcurrunt Aristoteli Argeta dicuntur. τῶν δὲ κεραυνῶν, inquit, οἱ ταχέως διατ= τόντες, ἀργῆτες λέγονται.

EX EODEM

At ille non est extenti corporis per omne uenit) Ita et uetusti codices. sed deficere aliquid necesse est. id quod et sensus ostendit, qui talis est. Fulminis longum quidem uideri ignem, et extentum per omne spatium, per quod præcipitatur, non tamen esse extentum corpus eius per omne spatium illud, sed id uideri, quia uelocissime deijcitur. ut face circumacta uelociter, igneus circulus duci uidetur, atque

» Consequitur motos uelociter ignibus igneis.

Legendum itaque forsitan erit. At ille non est extenti corporis per omne spatium, per quod uenit. uel, per omne per quod uenit. Potest enim spatium omitti sine detrimento sensus. Aristoteles non negat esse aliqua fulmina, quæ linearum specie deferantur, flammarumque caudam trahant, quæ Helicia appellantur. Verba Aristotelis hæc sunt. τῶν δὲ κεραυνῶν οἱ μὲν γραμμικοῦς φερόμενοι, ἑλικίαι λέγονται.

EX CAPITE XV.

Fulgures, inquit, quomodo fiunt, quos Græci Chelas appellant. Lego ex Aristotele, σέλαα, siue σέλαα appellant. σέλας enim σέλατος uel σέλαος Græcis dicitur fulgor, et numero multitudinis σέλατα uel σέλαα, et per contractionem σέλα. Aristoteles. σέλας δὲ ἐστὶ πυρὸς ἀθρόον ἑξαφίς ἐν αἰέρι. τῶν δὲ σέλων ἃ μὲν ἀκοντίζονται, ἃ δὲ σιγρίζονται. Fulgor est, inquit,

EX LIBRO

ignis densi accensio in aëre. Fulgorū alij in iaculi modū euibrantur, alij certo loco fixi pmanent. Et mox infra. Potest superioris cœli, uel uenti feruor.) Illud uerbū uel uenti, otiosum, et adfectū est. neq; enim ad sensum ptinet, neq; in uetustis exēplaribus legitur. Et infra.

Hoc uero nō potest fieri. Quid? porro, ut aër uim igneā &c.) illa duo uerba, Quid? porro, inutiliter, et cū molestia sensus interposita mihi uidētur, neq; illa uetusti codices habēt. et profecto summois illis longe apertior, clariorq; sensus erit. Possunt tamen sustineri, si cui pla- cent. Et infra. Et tātū lucis emittūt, Vetus lectio Enutriūt, et for- sitan recte. subiūgitur. n. Donec cōsumpto alimēto primū ol scuriora sint. Sed et Emittūt bona, et nescio an etiā rectior lectio. Quoniam autem parū refert utrū legatur, liberū opinaturis relinquo iudiciū.

EX EODEM

Cum aër spissus ignē, quē propior terris diu parauerat.) Scribo paue- rat, hoc est nutrierat. Spissi. n. humores, et coactus aër pascunt, nu- triuntq; ignē. Et paulopost. Hij fulgores dicūtur, qā breuis facies illorū, et caudica est.) Purior est uetus lectio, Hæc fulgores dicūtur. Itē Caduca, nō Caudica scribēdū. Puderet natate tam leuia, nisi uiderē delicias legentū, q & minoribus offendūtur. EX EODEM

Motumq; cœli sequēs.) Lego Sequūtur, ut sit illustrior oratio. Sequitur. n. Aut proprios cursus agunt, Et statim infra. Cometas nostri pu- tant, de qbus dictū est.) Vide ne sit legēdū, De qbus dicēdū est, uel, De qbus dicemus. Septimo. n. uolumine de Cometis, priuatim huic rei de- stinato, tractat. superius autē nulla mētio Cometarū facta est. potest tamen et Dictū, defendi, si ardores, et trabes itelligas, de qbus supe- rius. Sit hoc ergo arbitrium. nos nihil mutamus. Itē paulo infra. Horū genera Pagonia, Lampades, et Cicharissia.) Legēdū Pogonia, Lāpades, et Cyparissia. Quæ a similitudine Cyparissi uel Cupressi sic dicūtur. Festus. Cyparissia appellatur quædā acies igneā, quæ no- ctu apparere solēt ad similitudinē Cupressi. Idē. Cyparissia dicun- tur ignes prodigiosi a similitudine Cupressorū. Asparsoplecta uero, siue, ut uetusti codices habēt, Asparsiopectra qd sit adhuc quærimus. Nisi forte ἀσπατοπληκτα, hoc est Fulgurāters Turbines legamus. Vel potius ἀσπατοπληκτα, idest Fulgura in terrā ruētia. Quæ le- ctio uerbis superioribus Senecæ cōuenit. Scepta autē dicūtur Aristo- teli omnia cœlestia, quæ in terrā usq; præcipitata se ad qppiā alli- dunt. Vel certe ἀσπατοπληκτα. Quia dicit Ab his tecta uidimus iecta.

EX EODEM

Multa. n. conglobatione igniū indigēt, cū ingēs illorū orbis aliquantum
matutini

matutini amplitudinē solis exuperat.) Vetus lectio diuersa. Multa. n. cōglobatione igniū se cōiungēs illorū orbis, aliquādo matutini &c. Potest hæc qdē, sed et uulgata lectio tolerari, ita tamen ut loco uerbi Aliquantū, Aliquando scribatur. Præterea si cui magis placet uulgata & recentior lectio, q̄ antiqua, lex grāmatica postulat, ut in calce quoq; Exuperet, nō Exuperat, legat. qđ uerbū facis, ut sincera ueteris exēplaris fides uideatur. Et infra. Nihil aliud quā alienū opus mentientibus.) Scribendum Corpus non Opus. Speculorū enim illa simulacra, quæ imaginant, mendacia sunt, & inanes uerorum corporum imitationes.

EX EODEM

Nec in alia protinus imagine abduceretur.) Lege Obduceretur, et Alia, nō In alia. Et item. Sunt ista a qbusdā ita cōposita, ut et hæc possint detorquere in prauum) Vetus lectio forsitan pfectior. Vt et hoc possent, et detorquerēt in prauū. hoc sensū. Esse quædā specula ita facta, et cōposita, ut reddāt qdē corporū imagines, et similitudines, sed lōge in peius detortas, et deformatas, id qđ et superius dixit, esse specula, quæ reddāt similitudinē i peius. Nostri qdē est officiū indicare qđ nobis uideatur, existimatio autē sua cuiq; sit. EX CAPITE XVI.

Hostius princeps qdā fuit obscœnitatis usq; in scēnā productæ.) In antiquissimis exēplaribus illud uerbū Princeps, nō legitur. Atq; eqdē haud scio an sit necessariū. ipsa. n. oratio probior, uenustiorq; uidetur illo uerbo eraso. Nō sum nescius, sicut ab idoneis authoribus elegāter dicūtur principes gulæ, ganeæ, popinæ, ita dici posse principē obscœnitatis. sed hūc principatū satis superq; puto exprimunt illa uerba, In scēnam usq; productæ.

EX EODEM

Indignū uindicta uindicauit.) Lego Iudicauit, nō Vindicauit. Sēsus autē est. Hostiū qdē nō iure occisum a seruis esse, Diuū Augustū pronūciauisse, sed i dignū esse scēlestissimū, et cōtaminatissimū nefandissimis flagitijs Cillonē uindicta, hoc est, ut eius mors uindicaretur, et in seruos, q̄ eū occidissent, animaduenteretur. Et illud paulo infra. Oculis suis ad illa aduocauit.) Scribo Oculis suis illa aduocauit. Tā leuia prætereire sepe cogito, sicut nō parū multa præterij. EX EODEM

Cum cōplexus erat.) Cōpressus forsitan conuenientius proposito uerbū. qđ & uetus habet, et aliū agnoscunt. Nota est uerbi obscœnior significatio. Et qđ mox sequitur. Genibusq; alienis obhæserat.) Vetus lectio Clunibus alienis, nō Genibus. quæ lectio etsi obscœnior sit, tamen uerior uidetur. neq; n. tāta rei fœditas honestis uerbis exprimi potest. Sed & Genibus forte tolerabiliter legitur. Subit mirari tam grauē philosophū in re obscœnissima in tantum expatiari. Indignū

EX LIBRO

perfecto sapiētis grauitate erat, tantam foeditatē, tam multis, et nudis uerbis quasi spectandā oculis proponere. EX EODEM

Et testes eius, tractores'ue sint.) Legendū ex uetustis codicibus Exactores'ue sint. quam lectionē ante nos uidit Erasmus. Et item. Etiam ea quæ conspectu corporis nostri) Vetus lectio purior. Etiam ea quæ ab aspectu. Item infra. Quo nequitiam meam si ad naturæ modum pecco?) Antiqua lectio. Quo nequitia mea, in nominandi casu. Vtraq; bona est. Horatius.

» Quo mihi fortuna est, si non conceditur uti?

Et paulopost. Quod incredibile imaginis magnitudinē reddat.) Vetus lectio Imaginum, non Imaginis, multitudinis numero, propter multa scilicet specula apposita. Item quod mox sequitur. Si liceret mihi ad uerum ista perducerem.) Vetus lectio Ad usum ista perducerem, bona utraq; apertus sensus est huius, & illius. sed quam magis probem non facile dixerim. Illud tamen testari licet, nos debere fidem ueterum exemplarium sequi, ubicunq; defendi potest. Et illud. Facinus indignum, hic fortasse cito, & antequā uideret, occisus est.) Sic quidem & uetusti codices, sed mihi illud uerbum Videret, suspectum est, aut addendum forsitan uerbum Hæc, ut sit, Et ante quā hæc uideret.

EX CAPITE XVII.

Quid facies ista nobis, & quid in nos obuersa reddatur.) Sincera, & genuina est uetus lectio. Quid ita facies nostra nobis, & quidem in nos obuersa reddatur. Item. Quod cum uera corpora edidisset.) Vetus lectio Dedisset. Et infra. Excipiendarū imaginū capacem.) Vetus lectio Appetentem. utraq; bona, sed recentior magis blanditur. Item infra. Multi ex hoc consequuti primo sui notitiā) Commodior est uetus lectio, Consequuntur, nō Consequuti. Socratem philosophum docet Apuleius speculis ad morū disciplinam usum fuisse, suasisseq; discipulis, ut sæpius in speculis sese contemplantur, et cui placuisset pulchritudo corporis, caueret formæ dignitatē morū turpitudine dehonestaret. quē uero formæ poeniteret, curaret nauiter ut uirtutis splendore, ingenijq; dotibus dāna corporis repēderet. Et paulopost. Senex ut indecora carnis deponeret.) Legendū Canis, non Carnis. cani q; sint notus est, quā ut dicatur. Multa autem iuuenes decent, quæ senibus indecora sunt. EX EODEM

Qualem fuisse cultum putas? Ad hoc speculum secernentium ætas illa simplicior, & fortuitis contenta.) Lectio confusa, & intricata mala distinctione. tu sic distingue. Qualem fuisse cultum putas ad hoc speculum se cernentium? Aetas illa simplicior, & reliqua. Ita ut Aetas principium

principium sit sequentis Coli, & se cernentiū duæ dictiones cum interrogazione. Item infra. In libidinem luxumq; rapiebat.) Vetus lectio Trahebat. Sed hæc nō ponēda ī magno discrimine. Itē paulo post. Dulcē aspectū formæ suæ ea facerēt, sæpius despexere &c.) Vetus lectio ordinatior & clarior, Dulcem aspectum formæ suæ faceret, sæpius ea despexere.

EX EODEM

Postquam deterior populus subiit, in ipsas terras se effossurus, ferrum obruendum primum in usu fuit) Vetus quoq; lectio propemodum eadem, nisi quod loci uerbi Effossurus habet Effussurus, quæ lectio sincera uidetur. nisi malimus legere deffossurus, ad scrutanda scilicet terræ montiumq; uiscera. Plinius Penetramus, inquit, in uiscera terræ, auri argentiq; uenas, & æris ac plumbi metalla fodientes. Idem alio loco. Imus in uiscera eius & in sede Manium opes quærimus. Effossurus uero & Defossurus sunt contrariæ significationis. ut autem improprie dicitur Defossurus e' terris, ita Effossurus in terras. Sed hæc nec dictu necessaria in tanta notitia, cū omnibus, qui sermonem curæ habent, communis sit uerborum proprietas & differentia. Nobis placet antiquam custodire lectionem. Et quod mox sequitur. Et id homines impune irruerent, si solum irruissent.) Lego Eruerent, si solum eruissent. Ferrum enim erutum innoxium, immo uero etiam necessarium ad multos mortalium usus uideri poterat, nisi dehinc argenti auriq; metalla effossa id nocere docuissent, hominesq; in mutuam necem armassent. Ouidius,

» Iamq; nocens ferrum, ferroq; nocentius aurum

» Prodierat. - Aurum siquidem, ut ad uitæ perniciem repertum, ab optimis quibusq; premissum est multis conuitijs. Et statim infra.

Et mox proprie huic ministerio præparatus est orbis) Vetus lectio. Et mox fuit proprio ministerio paratus orbis. de hac quoq; an recta sit non nihil ambigo. sed hæc potest sustineri in bono sensu. Illa uero uulgata quæ sensum habeat, alij uiderint.

EX EODEM

Nondum argenti nitor, sed fragilis uilisq; materia. Tūc quoq; cum antiqui illi uiri incondite uiuerent, sed satis nitidi, squalorem opere collectum aduerso flumine eluerunt.) Vetus lectio ut clarior, et melius distincta ita rector elegantiorq;. Nondum argenti nitor, sed fragilis uilisq; materia tunc quoq; cum antiqui illi uiri inclyte uiuerent. satis nitidi, si squalorem opere collectum aduerso flumine eluerent. Parsimoniam enim, frugalitatemq; ueterū laudat. Et infra. Cura comæ, capillum fuit ac prominentem barbam depectere.) Scribo, Cura comere capillum fuit, ac prominentem &c.

EX LIBRO

EX EODEM

Deniq; gemmis adornata, & poculum unum ex his faemina constitit, quod antiquarum dos fuit) Vetus lectio profecto & uerior & clarior. Deinde gemmis adornata & poculis. Vnum ex his faeminae consistit, quod antiquarum dos fuit. Plinius libro. XXXIII. Quinetia pocula ita figurantur exculptis intus crebris cuspibus, ut uel uno intuen- te populus totidem imaginum fiat. Et quod mox subiungitur.

Nō illa quae publice dabatur imperatorum pauperum filiabus) Vetus lectio integrior & elegantior, sensuiq; magis concinit. Non illa quae publice dabatur, sed imperatorum pauperum filiabus. Et in calce libri. Nulli non uitio muneratio necessarium factum est.) Vetus lectio Numerario, nō Muneratio. sed nec ista satis placet, tamen ut haec aliquem forte non ineptum, ita illa uulgata nullum sensum habet. Legunt aliqui Numerato. Sed quicquid horum legatur, non deerit locus diligentiae. Forte legendum Innumerato, ut illud Diui Augusti.

» Vincius ingenium innumerato habet.

ANNOTATIONES FORTVNATI IN
LIBRVM SECVNDVM SENECAE.

EX CAPITE PRIMO.

» T formam ignium, uel syderum) Illud, Vel syderum, inane est, cum supra dixerit, Naturam syderum. sed neq; uetusti codices habent. Et infra.

» -et humanas mouentia tonitrua mentes)

» Motura legendum ex Ouidio, & uetustis codicibus, ne uersus claudicat. Itē paulo infra. Quo de tonitruis, fulguribusq; dicturus es) Vetus lectio. Quo de tonitribus. Et certe apud auctores in hac inflexione huius uerbi frequentior usus est, & maxime in numero multitudinis. Plinius, Noctu magis, quam interdum sine tonitribus fulgurat.

EX EODEM

Cogitur in ea sede, in qua illum natura disposuit) Probior est uetus lectio. Cogitetur, nō Cogitur, hoc sensu. Aërem, q; terras subit, nō esse spectandum ibi tanquam depressum mole terrena, languentem uel, aut otiosum. sed semper luctantē, & molientem erumpere ad eum, quem illi natura disposuit, locum. atq; ibi eiusdem esse potentiae, eiusdemq; ingenij, cuius est in loco proprio, inquieti scilicet & turbulenti. Et infra. Inter coelestia & de terra dicendum erit.) Tolerabilis est haec lectio, sed uetusti codices De terrenis.

EX CAPITE II. ET III.

Et duorum inter se coniunctorum corporum tactus.) Vetus lectio forte comodior. Tractus, non Tactus. Non enim satis est ad unitatem duorum corporum ut se tangant, sed requiritur quodam tractus ductusque permixtus et indiscretus. Item infra. Illa constant aut nexu, aut acervatione) Vetus lectio Congregatione, bona utraque. Item ex Cap. III. Quaedam materiae loco relictæ) scribendum Relicta.

EX CAPITE V.

Ex quibus, idest illo et illa alimenta animalibus omnibus satis) Clarior, perfectiorque est vetus lectio. Ex quibus, idest ex illo, et ex ista alimenta omnibus animalibus, omnibus satis. Item infra. Et omnium quidem rerum naturam quantum in nutrimentum sui satis sit, apprehendit.) Lego, Natura, non Naturam. In ea enim haeresi est Seneca, ut credat sydera, et Mundum, Naturamque rerum terreno humore pasci, secutus opinionem philosophorum, et maxime Platoniorum, qui tradunt stellas, quas igneas esse opinantur, totumque mundum, cuius omnes partes calor quidam vitalis pertingit et tranat, humecto alimento, ex aquis agrisque Sole tepesactis excitato, ali et nutririque nullus ignis sine pastu aliquo possit permanere. Plinius Sydera vero, inquit, haud dubie humore terreno pasci, quia Luna orbe dimidio nonnunquam maculosa cernatur. Huius opinionis nec poetas poenituit. Virgilius.

» -convexa polus dum sydera pascet. Lucretius.

» -unde æther sydera pascit. Lucanus.

» Nec non oceano pasci Phœbumque, polumque

» Credimus. = Sed hæc aliis forsitan et aptius et latius.

Aristoteles. II. Meteoron irridet hanc opinionem tanquam vanam et ratione carentem.

EX CAPITE VI.

Nunquam enim contexti nisi per unitatem corporis visus est) Vetusti codices, Contexti, non Contexti. et loco verbi Visus, forte Nisus legendum est. hoc sensu. Nullum corpus, nisi sit per unitatem contextum, posse habere aliquam intensionem, et aliquem conatum ac nisum. Nulla enim intensio sine unitate, id quod author ipse multis infra rationibus confirmat. Nam si Visus et Contexti, vel alterutrum legeris, non video quem sensum ex ijs verbis elicias. Item paulo infra. Ostendunt voces, quæ remissa claræque sunt) Vetus lectio Elatæque sunt, quod opponitur remisso, sicut clarum obscurum. Hæc autem vocum differentia facilius deprendi potest in his, quas Phonsæ diassuatiæ quam in his, quas ουρεχας vocant. Nota sunt hæc illis, qui illam partem Geometriæ quæ γεωμετρία dicitur, quæ longitudo altitudinesque vocum emetitur, degustaverunt. EX EODEM

Arbusta sylvasque convolvit) Bona hæc, sed vetus lectio, Convellit, quæ

EX LIBRO

commodior est ad ostendendam concitati spiritus uolentiam. Item infra. Consideremus quàm ingentem uim per occultum agant paruula admodum semina) Lego Agat, non Agant, ut ad spiritum referatur. Paruula autem sit initium sequentis coli. De hoc naturæ miraculo ex tam minimis seminibus gravis ue, si inciderint in concipientem comprehendentemq; naturam, nasci procerissimas arbores longe lateq; radicū brachia spargentes, & respuentem securis materiam, copiose Plinius libro. XVII. Meminit & Cicero secundo De natura deorum. Item paulopost. In tantum coalescant) Vetus lectio Conualescant. quæ forsitan magis sensui congruit. Loquitur enim non tam de quantitate arborū, & radicū, quàm de uiribus & occultiore illa potentia. Nihil tamen mutandū censeo, cū bona sit et uulgata lectio.

EX CAPITE VII. ET VIII.

Quid autem producit fruges) Vetus lectio elegantior, & magis inferioribus congruens. Quid est aliud quod producit fruges. Item infra cap. VIII. Non autē opus erit inani aut mixto) Lego Inani admixto, hoc est ut inane aëri admisceatur.

EX CAPITE IX.

Magnosq; impetus.) Vetus lectio Magni impetus, utraq; bona est, sed uetus magis blanditur. neq; est discedendū a fide ueteris exemplaris ubi custodiri potest. Et infra. Nihil enim nisi intentione uehementius est.) Vetus lectio. Nihil enim non intentione. quæ commodior mihi uidetur.

EX EODEM

Atqui uero nec manus, nec ullum aliud tormentum, siue instrumentum aquā poterit mittere, aut agere, quàm spiritus.) Vetus lectio sincerior qdem, sed haud scio an etiam integra. Atqui nec manus, nec ullum aliud tormentum aquā poterit mittere, aut agere, quàm spiritus. Illud uero. Vel instrumentum) ex duplici, & ambigua lectione librarius ignarus addidit, sicut aliās sepe. Sunt exēplaria uetustissima in quibus ita legitur. Atqui nec uero magis, nec ullū aliud tormentū aquā poterit mittere. Quam lectionē nisi uidissem, poterat prior integra uideri. Nunc ista nescio quo pacto magis alluderet, si sincera esset. nisi forte legamus Atqui nec tollo magis, nec ullum aliud tormentum. Crediderim enim illud uero, nō otiosum esse, sed & facile p imperitum aliquē ex uerbo Tollo corrūpi potuisse. Præterea Magis potius, quàm Manus esse legendū, tum quia, si Manus legatur, inepte illud sequetur, Nec ullū aliud tormentum. quæ uerba ostendunt tormenti, seu organi aliquod genus nominatū esse. Quāuis sciamus & Manus ferreas inter genera tormentorum poni, sed hic nihil ad propositū. Tum quia in calce uerborum ponitur Quam particula, quæ cum

uerbo Magis poni apte consuevit. Præterea falsum est nullo tormento posse agi aquas, nisi solo spiritu. quem sensum uidentur habere uerba prioris lectionis. Verum autem est nullo tormento magis, quàm spiritu. Tollones uero tollendæ aquæ instrumenta sunt, ut Celonium, Ciconia, & Antlia. quod & sentinam significat. Instrumenta autem seu organa spiritalia aquæ tollendæ Pneumatica dicuntur. Plinius libro. XIX. Hortos, inquit, uillæ iungendos non est dubium, riguosq; maxime habendos, si contingat perfluo amne, si minus, è putro pertica, organis uè pneumaticis, uel tollonũ haustu rigandos. Quæ uerba Plinij uel ob id repetenda censuimus, ut corruptam apud eũ lectionem obiter restitueremus. Item infra. Hoc inserto & cogente attollitur.) Vetus lectio Agente, non Cogente. sed utraq; recta.

EX EODEM

Parum offendunt non aquam sibi resistere) Ostendunt, non Offendunt legendum ex uetustis codicibus. Et paulo infra. Vox autem qua ratione parietũ munimenta transmittitur) Vetus lectio Per parietũ. Item mox. Nisi quod solido aër inest) Scribe, Solido quoq; aër inest. Item infra. Salicet non aperta tantum intendens) Vetus lectio, Salicet spiritus non aperta tantum intendens. Et statim infra. Quod illi facere expeditum est, quia nusquam diffusa.) Vetus lectio Diuisa non Diffusa. sed neutra sensui congruit. Quare legendum forte erit, Quia nusquam diuisus, ut sensus apertus sit. Aër enim seu spiritus, cum per solida & inclusa transit, non diuiditur, sed continuus sibi, & interruptus fluit p omnes res, partibusq; mundi. quod mox latius.

EX EODEM

Ipsè quidem transit per ipsum quod scindit, & media nõ circumscindit tamen, & utrũq; cingit) Lectio confusa nullo sensu, uetus quoq; nihilominus pplexata, & obscura. Ipsè qdem transit per ipsum quo scinditur, & media non circumfundit tantũ, & utrinq; cingit. Videtur esse legendũ, Ipsè qdem transit per ipsum quo scinditur, & media non circumscindit tamen, sed utrinq; cingit. hoc sensu. Aërem omnia, quibus intercludi, uel scindi uidetur, tranare, non tamen scindere illa p quæ transit, sed cingere utrinq;. Plinius quoq; Aërem per cuncta rerũ meabilem, totoq; confertum credit. Penetrare hunc & in aquas, argumento spirantium piscium, & in terras, animalium quæ semper defossa uiuunt, cœu Talpæ.

EX CAPITULO X.

Quantum ad sinceritatem tenuitatemq; pertinet.) Vetus lectio Sicitatẽ, quã et Erasmus reposuit. Mihi tamen nõ minus bona uerãq; recetior uidetur. Et infra. quousq; redire potuerũt reduplicato calore) lego

EX LIBRO

Id duplicato, non Reduplicato. Duplicatur autem imae partis aëris calor per radios rectos, & replicatos, qui ad regionem nubium perueniunt. Seneca infra libro IIII. cap. VIII. Pars aëris, quae prope terras est, plus habet caloris, quod radij Solis a terra resiliunt, & in se recurrunt, horum duplicatio proxima quaeque a terris calefacit.

EX EODEM

Quorum aliqui eruperunt innumerabiles, & in abscondito flagent.) Remouenda est, Et, particula, atque sic distinguendum. Quorum aliqui eruperunt, innumerabiles in abscondito flagent. Dicit enim ignis plurimos erupisse, sed innumerabilis in occulto ardere. Excedit profecto, inquit Plinius, omnia miracula, ullum diem fuisse, quo non cuncta conflagrarent, cum specula quoque concava aduersa Solis radijs facilius etiam accendant, quam ullus alius ignis. Tam fecunda est huius elementi, immensae & improbae rerum naturae portio ratio. Ignem Herodotus belluam audissimam inexplabilemque uocat, quae quanto plura consumit, tanto fecundius se parit.

EX EODEM

Haec tot partes eius fertiles rerum habent, & aliquid temporis, quoniam sterile est frigidum.) perplexa haec omnia, & deformata, nulloque sensu hactenus lecta sunt. Nos arbitramur ita esse scribendum & distinguendum. Etiamnum tot partes eius fertiles rerum habent aliquid teporis, quoniam quod frigidum est sterile est. Quam lectionem propemodum ex uetustissimis exemplaribus colligi posse uideo. Omnia autem quae terra concipiat semina, quaeque ipsa ex se generata stirpibus infixae contineat, temperatione caloris & oriri, & augescere naturales consentiunt. atque omnia quae uiuunt & crescunt, siue animalia, siue terra edita, propter inclusum calorem uiuere & crescere. Qui quoadiu remanet, tandiu sensus & uita remanet. Refrigerato autem & extincto calore, occidunt & ipsa, & extinguuntur. Quo intelligendum est eam caloris naturam uim habere in se uitale.

EX CAPITE XI.

Circa terram plurimum audet.) Scribo Agit, sequitur enim eius antitheton, Patitur. Et infra. Modo imbres, aliasque iniurias turbine mouent.) Vetus lectio Turbidæ, non Turbine, & fortassis rectius. Et mox infra. Hoc necessarium fuit praeloqui) antiqua lectio. Fuerit, qui modus dicendi est elegantior & usitator. Parua sunt haec, non indigna tamen, quae a studiosis ueteris elegantiae obseruentur.

EX CAPITE XII.

Et tonatio sine ictu) Lege Conatio, una litera imutata. Penitenim dis-

ferentiam inter fulminationem, & fulgurationem. Quando spiritus inclusus, tortusq; & in nube effringenda exitum querens igniue-rit, & tenui imbecilloq; ardore eruperit fissis nubibus, Fulguratio, siue Fulgetra, siue Coruscatio dicitur. Si autem flatus ille copiosius ardens nubium conflictu elisus, expressusq;, se maiore violentia pruptis, perfractisq; nubibus emiserit, Fulminatio, siue Fulmen appellatur. Cum uero idem flatus huda densa q; nube cohibitus, & inclusus, & quasi strangulatus luctatur, moliturq; exitum, magnum sonitum ac crepitum edit, quod Tonitru dicimus, de hoc infra latius.

EX EODEM

De quibus inter nos conuenit.) scribendū ex uetustis codicibus, De quibus inter omnes conuenit, subiungitur enim, Conuenit illis. Dicit autem de his tribus, Fulgurationibus (scilicet, Fulminationibus & Tonitribus philosophorum opiniones partim consentire, partim discrepare. Nimirum si quis diligentius philosophorū scita reuoluerit, contuleritq;, uidebit summam eorum dissensionem, & inconstantia. Atq; haud scio an ulla res sit naturæ, de qua tantopere philosophi digladietur, ut magno argumento esse debeat, causas harū rerū latentes & abditas in natura esse, de quibus tot doctissimorū hominum discrepent sententiæ. Et paulopost. Etia nunc conuenit.) Ita ubiq; impressi & manu scripti codices habent. sed legendum Etiamnum ubiq;, ut una sit pars orationis.

EX EODEM

Aut igneas esse, aut ignei spiritus.) Rectius habent uetusti codices, Ignea specie. Eorū enim quæ in aëre obseruantur alia sunt per ὑπόστασιν, hoc est substantiam, alia per ἐμφασιν, idest apparentia, quam Aristoteles primo de Generatione σύμψασιν appellat. Seneca supra primo libro colores arcus ἐμφάσεις siue συμψάσεις credit. Eadem est sententia et Aristotelis, cuius uerba ex libro περὶ κόσμου de eadē re subiecti συλλήβοδν' δὲ τῶν ἐν αἰέρι φαντασμάτων, τὰ μὲν ἐστ' κατ' ἐμφασιν. τὰ δὲ κατ' ὑπόστασιν. κατ' ἐμφασιν μὲν, ἱριδὲς. καὶ ῥαβδοί. καὶ τὰ τοιαῦτα. κατ' ὑπόστασιν δὲ, σείλα τέ καὶ διάττοντες, καὶ κομήται, καὶ τὰ τούτοις παραπλήσια. Item infra. Alius enim aliunde illum colligit.) Antiqua lectio. A lumine, non Aliunde. ut sit sensus. Aliquos existimare ignem lumine superiorum posse in nubibus excitari, ut Empedocles Solis radijs. Sed magis conuenit uerbis Aristotelis, unde hæc omnia conuersa sunt, si Aliunde legatur. dicit enim Aristoteles esse aliquos, qui dicant ignem nubibus superuenire, ut Empedoclem & Anaxagoram, hic enim ab æthere, ille à Solis radijs ignem in subiectum aëra decidere existimant.

EX LIBRO
EX EODEM

Et in imbres & nives cedit) Vetus lectio, Et imbreis creat. Idem est sensus utriusq; sed vulgata, quia magis dictis Aristotelis consonat, probanda videtur. Est autem hæc sententia Aristotelis circa finem Tertiij Meteoron, & in libro De mundo. Halituum siue aspirationum duo esse genera, quæ in aëra effruntur, alterum ex terra, alterum ex aqua. Quæ terra expirat, siccata et fumida esse. Quæ uero aqua humida, & uaporosa. ex his concreescere nebulas, nubes, rores, imbreis, nives & grandines. Ex illis uentos, & diuersa tempestatum genera. Præterea tonitrua, fulgurationes, accensos turbines, fulmina, & cætera id genus similia.

EX EADEM

Deinde ut Latus ferat nubes proximas) Lego Feriat. Halitus, inquit, Aristoteles calidus nubium congregatarum compressu disspoditur, et per uim delatus ad circumstantes nubes alliditur, plagamq; incutit, cuius plane sonitus Tonitru uocatur. Is autem ictus, sonitusq; in nubibus fit eodem modo (si parua magnis componere licet) quo crepitus in flamma, erumpente halitu ardente, lignis uiridibus igni fatiscientibus, quem crepitum alij Vulcani risum, alij Vestæ, alij minas utriusq; uocant.

EX CAPITE XIII.

Cum tantūdem illic semper ardeat.) Vetus lectio spiritus, non semper. Potest utraq; sustineri, semper tamen magis sensui conuenit. Et infra.

Aut si nulla pars eius deciderit) Lego. Aut si Vlla remota prima litera. Si ulla pars, inquit, ætheris decerpta in nubes subiectas detraheretur, aliquando totus æther per partes carptus deficeret. Hoc contra Anaxagoram. Et mox infra. Sed ne ab extremo quidem comprim, quia in æthere nullus incerto corpore locus est) Vetus lectio proculdubio castior est. Sed ne ab externo quidem exprimi, quia in æthere nulli incerto corpori locus est. Aeterna enim contrarijs carent, neq; alicui externæ uiolentiæ obnoxia sunt, alioqui nõ essent aeterna.

EX CAPITE XIII.

Posse aliquas partes aëris ad se trahere ignem ex æthere decidentem ex his superioribus ardere, & sic accendi) Vetus autem lectio hæc est. Posse aliquas partes aëris ad se trahere ignem ex locis superioribus, ardere an sic accendi? Videtur ergo sic esse legendum. Posse aliquas partes aëris ad se trahere ignem ex æthere decidentem, & locis his superioribus ardere, an hic accendi? Pergit enim, & urget angustius interrogando Empedoclem et Anaxagoram, aliosq; eorū opinionem secutos, an dicant ex æthere decisum ignem discendere, &

dere, & nubibus impingi, quod ratione caret. An solo feruore semper ardētis ætheris subiectum aërem aliquando ignem concipere, quod consideratus, & cum ratione dictum uideri potest. Plurimum enim interesse, utrum dicat aliquis ab æthere ignem decidere, quod natura ignis non patitur, an ab æthere quicquam accendi in istis inferioribus. Et paulo infra. Quæ diu concaluerunt.) Vetus lectio Quæ diu non concaluerint, sed melior uidetur recentior ex supra dictis.

EX EODEM

Necesse est enim ut & unus æther habeat aliquid uerisimile) Scribendum, Et imus æther habeat aliquid aëri simile. Sicut enim summa pars aëris est sicissima, calidissimaq; et ob hoc etiā tenuissima participas naturā imi ætheris. ita ima pars ætheris est densior frigidiorq; cæteris sui partibus, & multum de natura uicini aëris referens. Nimirum ipsa uicinia & copulatio rerum quantumuis discordiū concors, & similis sit, & quasi consentiens ad mundi incolumitatem, necesse est.

EX CAPITULO XV.

Cum ignis & aqua mutabilis sit) Scribo Cum in ignem & aquam mutabilis sit. Elementa inter se mutabilia esse in primis Philosophiæ rudimentis docemur. de qua re scribit passim Aristoteles, & Seneca infra capite X. Tertij. Ex terra siquidem aqua, ex aqua oritur aër, ex aëre æther. deinde retrorsum, uicissim ex æthere aër, inde aqua, ex aqua terra infima. Dicunt Neoterici philosophi ex uno pugillo terræ fieri decem pugillos aquæ, centum aëris, mille ætheris siue ignis. Rursum retroagendo mille pugillos ætheris contrahi in centum aëris, decem aquæ, unum terræ. Et paulo post. Et condensos compactosq; nubium sinus dissipat) Lego, Et cum densos, separatim, ut sint duæ partes orationis.

EX CAPITULO XVI.

Ex hoc ipso inflammant.) Lego Et hoc ipso, non Ex hoc ipso. Quamuis in uetustis exemplaribus non sint ista uerba Emittunt, & hoc ipso inflammant, & tormenti modo) et profecto non nihil dubito an Senecæ sint, ita putida, agrestia, & insuauia uidentur. præsertim illa Et hoc ipso inflammant) succincta & elegans lectio erat, quam habent antiquissimæ fidei codices. Nubium inter se compressarum angustæ medium spiritum eijciunt. uel sic. tormenti modo eijciunt, quæ duo uerba genuina uidentur. sed legentes extiment.

EX CAPITULO XVII. ET XVIII.

Sed quemadmodum in aquam feruens massa descendit) Vetus lectio fortassis commodior. Sed si in aquam feruens massa mittatur. Vel certe ex utraq; una facienda. Sed quemadmodum si in aquam &c.

EX LIBRO

Item ex capite. XVIII. Quia tunc & per cursum, & sicum
aëra spiritus profilit) Lego Quia tunc quoque per aëra percussim &
scissum spiritus profilit.

EX CAPITE XX.

Quis negabat spiritum magno impetu lapsum) Vetus lectio, Quis enim
negabit spiritum magno impetu ductum. Alij legunt Latum. Omnes
possunt sustineri. sed ueteris rationem habendam censeo. Et paulo
infra. Dum secuta in terra incendet) Vetus lectio. Dū secuta infra
incendit. sed utrobique corrupta, & ita deprauata, ut cuique promptum
sit uidere hoc uulnus, curare autem hoc uirtutis opus. Nos itaque hunc
locum legentium diligentiae commendamus.

EX CAPITE XXI.

Qui enim confessi sunt fulmen igne esse) Rectior est uetus lectio, Quid
enim confessi est? Fulmen ignem esse, & aequae fulgurationem & c.
uulgata enim lectio confusa labat, & aestuat nullo certo exitu. Et
infra. Quid, quod omnibus fulguratis odor sulfureus est?) Pom-
peius Festus, & Nonius Marcellus fulmine tacta, uel exusta Fulgu-
rita, non Fulgurata dici uolunt.

EX CAPITE XXII.

Vno si excitatur, sicut ex lapide.) Ita quidem habent omnes codices,
sed malim legere Excitatur, quam Excitatur. Et infra. Et illa
in hunc usum nota pastoribus) Lego Alia, non Illa, quam lectione
& Erasmus agnoscit. Et paulopost. Id in quo tormentum obuium
fuit) Vetus lectio. Id in quod tormentum. sed neutra uidetur sincera,
rectius legeretur forsitan, huic tormento quicquid obuium fit dissi-
patur, & rapitur & c. uel certe, Id tormentum in quid, mutato tan-
tum uerborum ordine. Seneca infra capite. V. libri. VII. Turbo in-
quit, circa terras concipitur, ac fertur, ideoque arbuscula radicitus uellit,
& quacumque incubit, solum nudat, sylvas interim et tecta corripiciens.

EX CAPITE XXIII.

In quantum Fervorem quaedam astricta perduceretur.) forte Attrita,
non Astricta, cum superius Attritu dixerit. Et paulopost. Quan-
tum itineris. & cursus sine alimento coniectus est.) Nusquam aliter.
Sed ego loco uerbi, Coniectus, aliud desydereo. quod autem sit illud, nō
ita in promptu habeo. Hoc ergo studiosorum industriae relinquo.

EX CAPITE XXIII.

Fulmen tamen terram appetit. forte rectius in uetustis codicibus Petit.
Non enim fulmen terram appetit, quod significat cupere, & expete-
re. Petit tamen terras externa, & impressa ui coactum, ut pyrenas,
seu nuclei digitis compressi, & excussi sursum feruntur, quamuis
pondere

pondere degrauentur, ita fulmen nubium compressu elisum deprimatur contra naturam suam. Hinc ille horrendus fragor reluctantis, et indignantis spiritus. cuius argumentum est etiam in guttis pinguibus accensis, & demissis, ubi ignis partem auidē sequens deducitur sonitu quodam querulo, & indignante. Aristoteles primo Meteorologico τὰ πλείστα δ' εἰς τὸ πλάγιον, διὰ τὸ δύο περιεῖναι πορὰ. βίᾳ μὲν καὶ τῷ. φύσιν δ' ἄνω. hoc est Fulmina, ceteriq; ignes caelestes in obliquum & in latus maxima ex parte feruntur. duplici enim impulsu genere aguntur. ut quidem deorsum. Natura uero sursum.

EX EODEM, ET EX CAPITE XXV.

Vbi enim aliud est quod eum ferat, & ab impetu suo attrahat, id non natura sed seruitus eius fit) Vetus lectio paulo diuersior, & fortassis rector. Vbi est aliquid quod eum feriat, & ab impetu suo auertat, id non natura, sed seruitus eius sit. Item ex capite. XXV. Cum sint humidae immundae) Lego Cum sint humidae, immo' hidae, hoc est uidae, & totae aquosae, non tantum humidae.

EX CAPITE XXVI.

Quod si immensa aquarum uis, ex imo subeuntem uim non potuit comprimere) Tolerabilis est haec, sed uetus lectio integrior. Quod si immensa aquarum uis subeuntium ex imo flammarum uim non potuit comprimere. Et quod mox sequitur. Quanto minus in ea extinguere ignē poterit) Vetus lectio, Quanto minus in re extinguere ignē poterit. sed nihilo magis placet. Si autem ex duobus corruptis diuinare, et expiscari ueram lectionem uolueris, coniunge illa, pululabit Ea re, ex quo conflatur & efficitur, unius literae ordine mutato, ea, quam quaerimus, uera lectio, facileq; cognosces Aëre debere legi, cū omnia haec argumenta ad id tendant, ut confirment exiguo, tenuiq; humore nubium in aëre ignem extinguere non posse.

EX CAPITE XXVII.

Similem mugitibus sonum raurum &c) Vetus lectio Similem agit mugitibus sonum. Deerat necessarium uerbum. Et quod mox sequitur. Aliud genus est acre, quod acerbum mage dixerim quam sonum) Legunt aliqui, Quod crepitum mage dixerim quam sonum. sed nescio an aliquod genus Tonitruum satis apte crepitus, uel sonus dici possit. Ego ex uetustis codicibus scribendum censeo ut sensus constet. Aliud genus est acre & acerbū. quod Aerbū magis dixerim, quam Sonorum.

EX CAPITE XXVIII.

Etiam mons nō scindit nubem sed digerit) Vetus lectio loco uerbi, Scindit, habet Confundit, & fortassis rectius, praesertim cum sequa-

EX LIBRO

tur Digerit, quod est oppositum eius. Nos tamen nihil mutamus. Item quod mox sequitur. Et propriam quamque partem eius soluit) Alij legunt Proximam, non Propriam, alij Primam, & bene, uetus quoque lectio Primam. Et infra. Nisi multo impetu dissolutæ) Antiqua lectio Magno impetu, forte melius.

EX EODEM

Adijce nunc, quod nubes in monte aëre non franguntur) Vetus lectio Actæ, non Aëre, quam lectionem & sensus postulat & Erasmus approbat. Et infra. Et ita discutiuntur, & si quem habent spiritum, & multifariam emittunt) Vetus mihi lectio rectior uidetur, Et ita cum ducuntur si quem habent spiritum, multifariam emittunt. Si uero cui prior lectio magis placet, nihil repugno, amonenda tamen est particula Et ultimo posita, ne confundat sensum.

EX CAPITE XXIX.

Debent ergo nubes utrinque inferi) Alij legunt Desicari, non Inferi. sed uetusti codices Dissicari, et melius. Et infra. Nisi concavo, non tinniunt) Malim Concava legere, ut Cymbala referret.

EX CAPITE XXX. ET XXXI.

Illo tempore aiunt, tunc plurima fuisse tonitrua) Tunc supernacaneum est. Item infra. Siue uentis terras uertentibus) Verrentibus magis proprie. Et infra ex capite. XXXI. Quod omnium percussarum arborum contra fulmina hastilia surgunt) Vetus lectio, Hastulae surgunt. forte legendum Assulae.

EX CAPITE XXXII.

Sed sæpe longum fatorum sequentium ordinem nunciant) Vetus lectio » Totum non Longum. ut Plinius, In totam uitam fatidica. Sed hoc sit ad electionem liberum. Et quod mox sequitur. Et quidem certis evidentibus) Lego Decretis evidentibus, ut infra capite. XXXV. Cuius hæc prima, inquit, lex est, stare decreto.

EX EODEM

Si alijs somnia, alijs cætera disponit) Aliqui legunt, Exitum disponit, quo sensu ipsi uiderint. Nos Extæ legimus, hoc est pecudum sacrificijs » imolatarum uiscera, & fibras. sequitur enim, Nec pecudum uiscera » sub ipsa securi formantur. Et paulo infra, Quicquid extæ, inquit, » quicquid aues minabuntur. Ex uisceribus autem proprie cor, iecur, & pulmo extæ appellantur. dicta sic, quod ea dijs profecentur, quæ maxime extant, eminentque. Religio Romanorum, qui sicut nihil domi sine auspicijs habebant, ita nihil in bello agebant sine extis, iecur extorum caput semper putauit. Illius fissuras, fibrasque, & totam positionem

positionem extispices attentius rimabantur, atq; hinc rerum futurarum indicia cognoscebant, & alijs denunciabant. Democritus, ut docet Cicero primo De Divinatione, censebat sapienter instituisse Veteres, ut hostiarum imolarum inspicerentur exta, quorum ex habitu, atq; colore tum salubritatis, tum pestilentiae signa percipi possent. Sed Pacuvianus physicus festiuit, et eleganter irridet & Aruspices, & Auspices, qui linguam auium intelligunt, plusq; ex alieno iecore sapiunt, q̄ suo. Mirari se aiebat Cato, quod non rideret Aruspex Aruspicem cum uidisset, propter scientiae uanitatem scilicet.

EX EODEM

Vt magnarum rerum faceret auspicia) Vetus quidem lectio Indicia. & forte recta. sed qui Auspicia emendauerunt, non male emendasse uidentur. Et paulo infra. Ad eum itaq; pertinet, qui induxerit animum) Vetus lectio In eo direxit animum. potest utraq; sustineri, sed non uidetur recedendum à fide ueterum exemplarium. Et paulo infra.

Submissiora in nos propius uim suam dirigunt) Vetus lectio Submissiora forsitan in nos. &c. ut sit opinantis, non affirmantis.

EX EODEM

Aliter nos, aliter animalia prospiciunt) Rectior & perfectior est uetus lectio, Aliter nos, aliter caetera animalia prospiciunt. prior enim lectio uidebatur homines animalium numero eximere. Item infra.

Aut propter uelocitatem uniuerso mundo parent) Lego ex uetustis codicibus Parem, non Parene, ut uelocitatem intelligas. Globus enim, seu orbis stellarum inerrantium, & fixarum ab extremo, & supremo orbe, ut pote proximus ei, tam mirabili celeritate rapitur, ut nullum alium motum habere uideatur. & profecto multis seculis, immo multis milibus annorum proprio, hoc est mundo contrario cursu stellifer orbis conuertitur. unde multi Veteres doctissimi utriusq; linguae uiri in primo, hoc est supremo caelesti globo, qui reliquos omnes complectitur, putauerunt stellas infixas inherere. Duo namq; sunt syderum genera, quaedam Inerrantia, seu Infixa Mundo, ac cohaerentia perpetuo semel capta sede collucet. quaedam uero Errantia proprijs orbibus toto caelo sparsa. haec septem sunt, illa innumerabilia. Atq; quemadmodum haec conficiunt duas conuersiones, alteram uiolentam quotidie, rapta aeterna & concitatissima mundi uertigine ab Ortum in Occiduum. alteram propriam aduerso motu ab Occiduum in Ortum per suos quaeq; passus, uagis, sed certis cursibus, certisq; erroribus emetuntur, ita illa affixa stellifero spatij immutabilibus semper ad Occiduum commeare existimabant. nec

EX LIBRO

ullum unquam cursus sui uestigium inflectere. Secuta uero ætas subtilius cuncta exquirens, distinxit Stelliferum ab orbe extimo, cui Primo Mobili nomen imponit, datq; Stellifero proprium Primoq; Mobili aduersum, sed tardissimum quendam, & trepidum, senilemq; motum. Hoc itaq; motu Stellifer immobilis uidetur. illo autem, quo rapitur, concitatissimus, atq; par mundo. Hæc a me ideo latius dicta sunt, ut sequentem nodum implicatissimum, enodare uolentes aliqua ex parte inuarent.

EX EODEM

Aliud aspice & distributis rem efficias tractas) Ita omnino & uetusti codices, & omnia, quæ quidem ego uiderim, exemplaria. Antiquum itaq; & inueteratum hoc uulnus esse euidentius est, nec quomodo curari debeat uideo. intactum ergo legentium industriæ relinquam, ne curando hanc plagam grauiorem inferam. facilius enim cuiq; facere, quàm sanare uulnera. Mens quidem authoris, & sententia, quasi per nebulam talis ferè uidetur. Sicut auers paucissimas in auspicijs esse obseruatas, quamuis nulla sine præfagio esset, ita in Genituris pauca admodum sydera, & adeo quinque tantum Errantia notata esse, cum nulla ex tot milibus stellarum mundo infixarum non aliquod ius, dominiumq; in Horoscopis habeat. Vnde uideri sepe horum syderum in artem Natalium redactorum, & distributorum uanam fallacemq; obseruationem, ac raros effectus esse. quia scilicet horum uis, & potestas superiorum cursu impediatur. Proinde si quis hoc loco sic legat. Vnde illud aspice, etiam distributis effectus raros. Vel sic. Vnde aspiciamus ex distributis res effectui raras. Vel. Aliud aspice, & ex distributis res effectui raras. diuinatorem quidem, sed nescio an etiam castigatorem dici poterit. Genealogici autem alij alio modo Genituras obseruant, omnes tamen à syderibus Errantibus accipere pueros orientes ingenia, mores, animum, corpus, actionem, fortunam, casus, euentus, deniq; statuta totius uitæ tempora, consentiunt. Etenim cum tantæ tempestatû conuersiones, anniq; uices fiant accessu syderum, & recessu, non uerisimile solum, sed etiam uerum esse censent, pèrinde, ut cunq; hæc statum, positumq; in cælo memento natalis horæ habuerint, ita animari, atq; formari in lucē emergentis. Horum autem positionem conferunt ad situm Signiferi, seu Zodiaci, ab eo circulo, quem Græci ὀρίζωντα, nos Finientem dicimus, ad Meridianum usq;. Quæ pars mundi tria horoscopantia ex duodecim Zodiaci signis complectitur, hinc & ἡμίσπιον dicitur, à triū signorum portione, quæ nonaginta partibus exortiuis constant, quas Anaphoras, hoc est scansiones, seu ascensiones uocant. Mox ergo edito
partu

partu observant horam natalem, observant cœli syderumq; habitū,
 & positionem, an aliquod sydus sit uel in eo signo, in quo est horo-
 scopus eius qui nascitur, uel in aliqua coniuncta parte & consen-
 tente, quas Triangulas, seu Triquetras, Quadratasq; mundi formas
 appellant. Has subtiliter ad horam natalem signumq; horoscopus
 applicat. Deinde quid illa cœlestis, syderalisq; ratio uel promittat,
 uel minetur, non cunctanter pronunciant. Ab hora uero natali cur-
 sum uitæ p̄ Hebdomadas, et Enneadas annorū distribuūt. hos enim
 numeros, & omnes ex istis pullulantes, quotiescūq; uel Septem in
 se, uel Nouem ducitur, esse decretorios & maleficos, pollentesq; ad ui-
 tam succidendā. Sed maxime ancipites & piculosos, quoties cōsumunt,
 & uicissim alter in alterū ducitur. Efficiunt. n. & septies nouem, et
 nouies septem Sexagintatria, Climactera scilicet piculosissimū, cōmu-
 nemq; seniorū omniū, quē euadere difficillimū putant. Inde duos,
 à duobus maleficis numeris Climactericos, hoc est gradarios, seu
 scāsilers esse dicūt, Septimanū et Nonariū, q̄ p̄ septimanas nonanasq;
 tanq̄ per quosdā gradus, uitam hominis agant. Illū nocturna, hūc
 diurna obseruatione notari. Septimanū Marti, Nonariū Saturno esse
 dictum. Martis Climactericū difficile, Saturni ferē nunq̄ quēq̄ exce-
 dere posse. Quippe non solū momenta natalis horæ, sed totam uitæ
 rationem Planetarū potestati subiici & consentire. Primam ætatem,
 quæ Infantia dicitur, & humida est, humectōq; quādā uegetali po-
 tentia nutritur, subesse Lunæ humido syderi. Secundā, quæ Pueri-
 tia, uariorum studiorū ætatem, & in horas mutabilem, Mercurio,
 inconstanti Planetæ, q̄ cum benignis benignus, cū perniciosis exitia-
 lis est, consentire. In Adolescentiam, tertiā ætatem, lasciuā, petulantē,
 rerum, famæq; prodigam, Veneremius exercere. Quartam uero
 & mediā, quæ Iuuentus dicitur, quæ iam consilio se regit, ambit ho-
 nores, famæ consulit, laudis, gloriæq; cupidine incitatur, rebusq; ge-
 rendis apta est, à Sole rectore illustratōreq; omnium regi. Martem
 ardens, & sicutum sydus, quintæ ætati, quæ Virilis appellatur, do-
 minari. huic & in rebus ciuilibus consiliū, & in bellicis robur sup-
 petit. Hanc ætatem Climacterico Septimano obnoxia esse. Sextam. i.
 Senilem, Iouem temperatum, benignum, & pacificum sydus sibi uen-
 dicare. Hæc. n. ætas, depositis belli studiis, totam se ciuilibus rebus ap-
 plicat, pacisq; studia amat. In Septimam uero tardā, morosam, que-
 rulam, hebetem, ignauam, alijs sibiq; odiosam, quæ Præceps & De-
 crepita dicitur, Saturnum humidū, maleficum, & perpetuo frigore
 rigentem imperium durum exercere. Hanc ætatem à Climacterico

EX LIBRO

Nonario agi, quem excedere nulli temere datur. unde Saturnum
 osorem uitae humanae poëtae finxerunt. Præterea Mathematici etiã
 mensuris, quibus partus in utero materno gestatur, à Planetis regi
 affirmant, primumq; à conceptu semper subesse Saturno, secun-
 dum Ioui, Marti tertium, Soli quartum, quintum Veneri, sextum
 Mercurio, Lunæ septimum. Rursum octauum Saturno, Ioui nonum,
 & sic deinceps per ordinem, quoad nascatur infans. Quare octauo
 mense genitos, quia sub Saturno, qui suos filios deuorare dicitur, na-
 scuntur, non ferè vitales esse. Hæc est syderalis scientiæ sententia.
 quæ nos paucis syderibus assignat. Apotelesmaticorum curiositas, in-
 quit Eustathius in primum Iliados, nihil reliquit, quod Planeta-
 rum non subiecerit potestati. Horum quàm incerta, & uana, fal-
 laxq; sit prædictio, declarat & ipsa eorum inconstantia, discrepan-
 tesq; opiniones, docent & quotidiana experimenta. Etenim gemino-
 rum formas esse similes uitam, atq; fortunam disparem uidemus.
 Quid quod uno, eodemq; tempore nati dissimiles & naturas, &
 uitas, & casus habent, quod maximum argumentum est, nihil ad
 uitam agendam nascendi tempus pertinere. Atqui si maxime pertine-
 ret, adhuc istorum notatio prædictioq; incerta, & fluctuans est. neq;
 enim præsto est Astrologus cum suis Dioptris, & Astrolabijs infanti
 in lucem prodeunti, quibus statim coelestium signorum, syderumq;
 habitum, et positionem exquirat. uel si adest, nō potest esse tam absoluta
 omnibus numeris ars in Dioptris, ut in differentijs astrorum notan-
 dis non subsulent, neq; in Chaldaeo tanta peritla, ne eum in aliquo
 potestas syderū fallat. Præterea aliquando nubila aspectum impe-
 diunt, & Horiſontes pro locorum differentijs uarij sunt, Planeta-
 rumq; potestates tot milium stellarum Inerrantium radijs incidun-
 tur, & opprimuntur, ne possint in terras usque integra uirtute de-
 uenire. Hinc arbitror Senecam dixisse raros esse prædictionum etiã
 effectus ex distributis syderibus, quia eorum potentia superiorum
 numero uincitur. Et hoc incutere errorem natalium peritis, quia
 Errantia tantum sydera notant, nulla ratione Inerrantium habi-
 ta, cum illa maxime effectus horum inferiorum impediunt. Ridet
 & improbat diuus Augustinus V. Ciuitatis Diuinæ Mathematicos
 æruscatores, qui alienas aureis uerbis ditant, ut suos loculos num-
 mis distendant, & ut dixit Ennius, qui sibi semitam non sapiunt,
 alteri monstrant uiam. Vnde summi in alijs Astrologiæ partibus
 uiri totum hoc prædictionis genus repudiauerunt, explosit penitus
 etiamnum uita communis.

Ex capite

EX CAPITE XXXIIII.

Itaq; q̄ fulminis interuentus submouet extorum, uel augurum iudicia, male inspecta, male obseruata auguria sunt) Hæc lectio ita corrupta est, ut parum diligenter fallere posset, tanquam nihil erroris subsit. uetusti tamen codices genuinam, & longe distinctiorem, elegantiorēq; habent lectionem. Itaq; si fulminis interuentus submouet extorum, auguriorumq; iudicia, male inspecta exta, male obseruata auguria sunt. Et quod mox sequitur. Non enim refert utrius rei species maior, uel potentior natura sit, sed utra res ueri attulit signū, quantum ad hoc par est) Lectio & corrupta & confusa propter malam distinctionem. Sinceriores & explicatiores, nitidioremq; habent uetusta exemplaria, Nihil enim refert utrius rei maior potentiorue natura sit, sed utra uim attulit. Signū, quantum ad hoc, par est.

EX EODEM

Quod si bene nec primum auspiciū intellectum est) Lege, Quod si bene primo auspicio intellectum est. hoc sensu. si fatum primo auspicio intellectum sit, nullum sequens auspiciū illud suo loco mouere potest. cum sint in omni æternitate eius leges inuictæ, ratæ, & immutabiles. Quicquid ergo fati lege constitutum est, nunquam reuocari, nunquam conuelli, nunquam irritum fieri potest.

EX EODEM CAPITE XXXIIII. ET XXXV.

Quoniam de quo quærimus idest fatum, fulmine mutari non potest) Hæc quoq; & corrupta, & male distincta, ob id intricatissima. Sic ergo ex uetustis codicibus legendū est. Quoniam de quo quærimus idem est. deinde sequatur principium capitis. Fatum fulmine mutari potest. Ista uerba sunt distincta a superiori, & habent alium diuersumq; sensum. ponuntur enim ex opinione Hetruscorum, qui fatum fulmine mutari posse arbitrantur, alioqui frustra essent expiationes, procurationes, auerruncationes, amolationes, & deprecationes, si fata essent immutabilia. Et paulo infra. Ingesta et destinata fiunt) Vetus lectio forte melior, Ex destinato fiunt.

EX CAPITE XXXVIII.

Sed si literas didicit) Scribo Didicerit. Et infra. Hoc quoq; protinus ad fatum est) Scribendum Hoc quoq; protinus fatū est, amota præpositione. Itē infra. Per huiusmodi manus.) Lege Per huius manus, medici subintelligas.

EX CAPITE XXXIX.

Genera fulminum tria esse ait Cecinna) Vetus lectio Fulgurum, non fulminum, atq; nō aliter in Hetruscorum obseruationibus fulmina ipsa appellantur, quamuis paulo infra & Seneca fulmina dicat, sed

EX LIBRO

» capite. XLIX. Nunc nomina fulgurū quae à Cecinna ponuntur aperte stringam. Quando ergo de operibus, & generibus ex philosophia loquemur, Fulmina appellabimus, quando uero de significationibus, & portentis eorum ex Hetrusca disciplina sermonem faciemus, recte Fulgura fulgurumq; genera dicemus, ut passim utuntur authores. Sed credere, aut quærere rerū significationes in fulmine stultum est, cum uideamus id ui naturae, nulla constantia, nullo rato tēpore effici. Fulgur autem apud philosophos quantum distet à fulmine satis copiose hoc ipso libro declarauit Seneca. Item infra. Suadetur deliberantibus & ultro monetur) Verus lectio Vltronei monentur, ut

» alibi, Quid interest, inquit, ad mortem iussi eamus, an ultronei?

EX CAPITE XL.

Quod aut urit aut fuscet. Tribus modis urit. Vrit, fuscet, aut afflat) Perplexa & inuoluta haec lectio uana uerborum repetitione. Vetus planior & rector. Quod urit, et fuscet, tribus modis urit, aut enim afflat, et leui iniuria laedit &c. Aristoteles dicit, si copiosus & subtilis spiritus elidatur e nubibus effici fulmen. Si ualde subtilis seu tenuis, fulmen nihil adurens, quod poëtae clarum uocant, quod ob tenuitatem celeri lapsu cum deferatur, ante transit, quam adurat, aut infuscet. Si uero spiritus fumidus erumpat ex nubibus, effici fulmen quod infuscet propter tarditatē, nō tamen adurit, cū transitū adustioni praeuertat. unde fit ut dura & repellentia iniuriam sentiant, mollia autem & nihil obstantia illaesa sint. Sic enim. III. Meteorologion, unde Seneca haec omnia conuertit, de fulminum generibus scribit. εἰάν δ' ἐν αὐτῷ τῷ νέφει πολὺ καὶ λεπτὸν ἐμβλιβῇ πνῶμα, τὸτο γίνεται κεραυνός. εἰάν μὲν πάνυ λεπτὸν, ὅτι ἐπικρὸν διὰ λεπρότητα. ὅτι οἱ ποιηταὶ ὀργήτα καλοῦσιν. εἰάν δ' ἥπρον ἐπικρὸν, ὅτι φοβόντα καλεῖσιν. ὁ μὲν γὰρ διὰ πλὴν λεπρότητα φέρεται διὰ δὲ τὸ τάχος, θάνατι διεξιὼν πρὶν ἐκπυρῶσαι καὶ ἐπὶ διαρίψας μέλαναι. ὁ δὲ βραδύτερος, ἔχῃ μὲν, ἔχῃ δ' οὐ. αὐτὸς ἔρθασι διπλῶν. &c. quae sequuntur. Item in fine huius capitis. Potest accensum esse nec combustum) Verba haec in uetustis non leguntur. nihil tamen sensui obsunt.

EX CAPITE XLI.

Hoc autem decolorat) Legendum ex sequentibus, & ex uetustis codicibus, Hoc aut decolorat, aut colorat, ut sit illud Aristotelis ἔχῃ. Sequitur enim Vtriq; distinctionem suam reddam. Et paulo infra. Haec adhuc Hetruscis philosophis) Lego Hetruscis et philosophis. docet. n. in quo consentiunt, & dissentiunt Hetrusci & philosophi in fulminū observatione. Neq; enim Hetruscos philosophos nouimus,

quippe qui non secreta, reconditaq; naturæ scrutentur, sed qui de cælo tacta animaduertant, pecudum fibras rimantur, ostenta, monstra, atq; portenta interpretentur, ac uolatus garritusq; auium obseruent, & totam hanc suæ disciplinæ originem in Tagem quendam exaratum in sulco Tarquiniensi deum referant.

EX EODEM

Hoc fulmen boni aliquid aliquando facit, sed tunc quoq; non aliter quam ut noceat) Hæc omnia peregrina, & aduentitia sunt, nec ista author agnoscit. adscripta autem ab ignaro librario. Sunt enim superuacanea, inepta, abhorrentiaq; ab alijs. atq; sine dubio scholia illius quod sequitur, Quæ prodest quidem, sed non impune. Præterea hic incongrue & contra Grammaticam legem uerbū, Quæ, poneretur, si superius Hoc fulmen dixisset. Nullum itaq; dubium relinquitur, quin expūgenda sint. Item paulo post. Sed adhibitis in consilium quos dijs, superiores) Legendum Sed adhibitis consilio dijs, quos superiores &c.

EX CAPITE XLII.

In hijs primam speciē si intueri uelis) Vetus lectio. Primam faciem, quod idem est. Et paulo infra. Vtrum enim tunc, cum emisit igneis, quibus innoxia capita percuteret scelerata transiret, aut noluit iniustus mittere, aut non successit.) Vetus lectio diuersa & fortassis melior. Vel tunc, cum emisit igneis, quibus innoxia capita percuteret scelerata transiret, aut noluisse iniustus mittere, aut non successisse. Neq; enim est interrogatio, aut refutatio opinionis, ut aliqui perperam intellexerunt, qui corruerunt ueram lectionē, sed continuata cum superioribus sententia. non fuisse scilicet tam stultos Hetruscos, ut crederent Iouem tunc, cum igneis mitteret, & præteritis noxijs, innoxia capita percuteret, aut iniquæ fuisse uoluntatis, & noluisse iniustus mittere. aut certe minus paratum fuisse, nec bene manū librasse. Itaq; quibus ignibus noxijs peterentur, errorē in innoxios detulisse.

EX CAPITE XLIII.

Perniciosum id quod alijs quoq; dijs authoribus misit) Vetus codices & uulgati, Perniciosum id quod deliberauit, et quod alijs quoq; dijs authoribus misit. & profecto hæc lectio sustineri poterat. neq; uideo cur abijci debuerit. Item paulo infra. Aduocent, considerent multorum sententias, nocitura temperent) Vetus lectio Placita temperent. & bene. hoc est suam uoluntatem & libidinem. uel certe placita, idest sua in alios decreta, suasq; rigidas sententias. reponit hanc & Erasmus. Nanq; qui reip. præsumt legum similes esse debent, quæ ad puniendum non iracundia, sed æquitate ducuntur.

EX LIBRO
EX CAPITE XLIII.

Tela uocant superi) Scribendū ex Ouidio. Tela secunda uocant Superi.
Et mox infra. Vt existimarent Iouem modo leuioribus fulminibus & lusorijs telis uti) Bona quidem hæc, & elegans, sed uetus sincerior uidetur. Vt existimarent Iouem modo leuioribus & lusorijs flammis uti.

EX CAPITE XLV.

Mundi huius operis dominum & artificem) Vetus Mundani, non Mundi. Et paulo infra. Ex quo sunt omnes causæ causarum) Antiqua lectio Creaturarum. quodcumq; legatur tolerari potest. Et statim post. Vt inconcussus exeat) Vetus lectio Vt inconfusus. & forte rectius, præsertim cum sequatur uerbum Explicet, quod non concussioni, sed confusione opponitur. Et infra. Et se sustinens & sua) Scribe Vi sua, hoc est propria, non externa, neq; accersita uirtute. Et infra capite sequenti. Sed signum, & uim, & curam dedit omnibus) Vetus lectio Causam, non Curam.

EX CAPITE XLVII.

Sed contextum rerum per omnem deinceps ætatem futuram complectitur) Lego Futurarum, ut uerbo, Rerum, respondeat. Item quod mox sequitur. Hæc sunt fulmina, quæ proprio accepto patrimonio) Vetus lectio Primo, non Proprio. scribendum ergo ex Plinio Prima;
» ut fulmina intelligas. Plinij de eadem re uerba hæc sunt. Vocant &
» familiaria, inquit, in totam uitam fatidica, quæ prima fiunt familiã
» suam cuiq; indepto.

EX CAPITE XLVIII.

Omnium ergo fulminum, & omnis euentus dies statuta est) Ita quidem legit & Hermolaus, sed lectio uetus. Stata, non statuta. Plinius quoq; Stata ubiq;. Et paulo infra. Quæ inspicenda sunt in fulmine)
» Vetus lectio Fulgure, ut & Seneca paulo post. Nunc nomina fulgurum: & nos superius monuimus.

EX CAPITE XLIX.

Ait enim postulatoria) Vetus lectio, ait esse Postulatoria. Et infra. Persifera quæ mortē exiliūq; prætendunt) Vetus uulgataq; lectio Portendunt & hoc magis familiare & conueniens uerbū est, ut & sequenti capite, Aut ineuitabilia mala portendunt. Et paulo post. Dentanea, quæ species periculi sine periculo afferunt) Sic legitur in omnibus. ego malim legere demptanea, a' demundo. hæc enim fulmina uidentur quidem afferre periculum, sed non afferunt, quin potius adimunt, si quid periculi aliunde immuneret. legunt aliqui Ventanea, sed cur ita legi debeat, non uideo.

Parentalia, quibus coluntur priorum fulminum minae) Lego Peremptalia, non Parentalia, a' perimendo. & Tolluntur non Coluntur. Pompeius Festus, Postulatoria fulgura, inquit, quae uotorum, aut sacrificiorum spretam religionem desiderant. Pestifera, quae mortem, aut exilium ostendunt. Peremptalia, quae superiora fulmina, aut portenta perimunt, id est tollunt.

EX EODEM

Artemata, quae incluso fiunt) Vetus lectio Attercauta. sed neutrum horum intelligo quid sibi uelit. alij legunt Atterranea, quae in incluso fiunt. hoc quoque nihilominus ignotum, cum origo uerbi quae sit, non satis appareat. Item mox. Regalia, quorum ui tangitur uel comitum, uel principalia urbis. Libere loquar) Legendum ex uetustis, et uulgatis exemplaribus, Urbis liberae loca. Quid enim sibi timet Seneca? quem uel offendit, ut excuset libertatem loquendi, cum fulgurum significationes perstringit? An iram Iouis timet, ne ab eo fulmine feriatur, ut Hostilius olim, si non rite fulgurum nomina & significationes explicuerit. In magnis enim rebus & periculosis usurpamus ista uerba, Dicam enim libere, Eloquar intrepide, Loquar audacter, sed hic nullum locum habent. Miror itaque librarium aliqui diligentem, & non indoctum hoc loco in tam manifestum errorem incidisse, cum in omnibus fere exemplaribus alijs uulgatis hic locus integer sit.

EX EODEM

Hospitalia quae sacrificijs ad nos Iouem arcessunt) Vetus lectio Accersunt. bona utraq; eadem enim est significatio utriusque uerbi, sed Arcessunt antiquis magis in usu. Et quod mox sequitur. Et (ut uerbo eorum meliori utar) inuitant) Vetus codices et uulgati, Molliori non Meliori, & bene, mollius enim sonat, Inuitant, quam Arcessunt.

EX CAPITE L.

Qua utebatur Araldus) Vetus lectio Attalus, quem philosophum & superius huic disciplinae deditum fuisse commemorauit. Item mox infra. Qui Hetruscam disciplinam Graeca subtilitate miscuerat) Vetus lectio purior uidetur, Qui Hetruscam disciplinam Graeca utiliter miscuerat.

EX EODEM

Quaedam autem nihil significant, ut id cuius intellectus ad nos non peruenit) Vetus lectio rector & perfectior, Quaedam aut nihil significant, aut id cuius intellectus ad nos non peruenit. ut & sequenti capite. Nihil significant fulmina, aut id cuius notitia nos effugit. Item infra. Aduersariorum haec sunt species) Lego Aduersorū haec sunt species. Item statim infra. Aut quae minui possunt, aut

EX LIBRO

prolongari) *Vetus lectio* Aut prorogari, quod magis proprium est, quamvis eiusdem notæ. Item mox infra. *Læta* aut mansura significant, aut caduca) *Vetus lectio*, Sunt, non significant. Itē paulo infra, *Qua* terreri nec lætari debemus) *Lego*, *Qua* nec terreri nec lætari debemus.

EX CAPITE LI. ET LII.

Tanquam utrum eodem anno, idem futurum sit fulmen quod factum est) Mihi hæc uerba, quia multum abhorrere à cæteris, & à toto sensu aliena esse videtur, suspecta sunt. Et infra. In vastum mare sparguntur) *Vetus lectio* Funduntur. utraq; bona. Et ex capite. LII. Valentiora, quæ resistunt) *Vetus lectio* Quia resistunt, & forsitan rector.

EX CAPITE LIII.

Qui quia natura grauis est, sæpius actus, uel haustus alienat) *Vetus lectio*. Sæpius haustus grauius anhelat. Illud autem, Actus uel haustus, ex duplici Lectione erratum est. sulfuris uero odorem grauis anhelitus facere, quinetiam pectus, & meatus ipsius anhelitus stringere certum est. Recte tamen forsitan legetur & Alienat, scilicet mentes hominum. Sed illa duo uerba, Actus uel, tollenda sunt.

EX CAPITE LIIII.

Ea quæ uehementius intonat) *Lego* Eoq; uehementius, idest propter hoc, quia uniuersa fit eruptio. Et infra. Ergo non tonitrua hic spiritus exprimit, dum aut rumpit nubes aut peruolat) Ita quidem & uetera exemplaria. Ego tamen malim legere sine negativa particula. falsum enim est spiritum illum, dum uel rumpit, uel peruolat nubes tonitrua non edere, cum hæ sint potissimæ tonitruui exprimendi cause. nam ruptio frangit non sine sono ingenti nubes, & peruolatio, seu luctatio inclusi, & cohibiti nube spiritus, & ad libertatem exire nitentis, atterit & affligit. id quod & Senecæ sequentia uerba confirmant.

EX CAPITE LV.

E' spiritu nascitur) *Lego* Qui e' spiritu nascitur. Et infra. Non potest aliqua ex his transcurrentibus stellis &c.) *Vetus lectio* Concurrentibus stellis, uulgata forte commodior. Item mox infra. Non ob hoc tonitrua sunt, sed est hoc tonitrua sunt) Portentosa est hæc uerborum cōfusio. *Vetus lectio*, Nō ob hæc tonitrua facta sunt. Clidemus ait &c. neq; habet illa uerba, Sed est hoc tonitrua sunt, neq; multum necessaria uidetur. tamen, si restituatur, defendi possunt. hoc modo for-

sitan. Nō tamen ob hoc tonitrua facta sunt, sed hoc fieri, q̄a tonitrua facta sunt. quæ lectio propemodum ex vulgatis codicibus colligitur. erit autem sensus. Ignis aliquando stellasq; transcurrentes apparere, & impingi nubibus, non tamen propter hoc tonitrua edi, sed illos potius ignis, & stellas micare, & incidere in nubes, quia tonitrua prius facta sunt. Similis ferme est sententia supra capite. XXXII. Nos putamus, inquit, quod, quia nubes collisæ sunt, ideo fulmina emittantur. ipsi existimant nubes collidi, ut fulmina emittantur. Item mox, Tanquam non quia facta sunt, significant, sed quia significatura sint, fiant. Et apud Plinium. Sed ea accidisse, inquit, non quia hæc facta sunt arbitror, uerum hæc ideo facta, quia incassura erant illa.

EX EODEM

Clidemus ait fulgurationis speciem inanem esse) Vetus lectio Clidemus autem fulgurationes ait speciem inanem esse, bona utraq; . Diximus supra, eorum quæ in sublimi fiunt, alia apparere, alia substare. Et quod mox sequitur. Sic enim per noctem splendorem motu remotum uideri) Lego ex Aristotele & uetustis vulgatisq; codicibus Remorū non Remotū. Quamq; Clidemus non Remus, sed ῥάβδος .i. uirga dicat percussam aquam maris noctu splendere. Sed nihil refert remo, an uirga, seu quacūq; alia re percussa sit, semper. n. noctu mota æque fulget, & scintillat. Item infra. Hic quid fit in aëre erumpit et exilit) Vetus lectio rectior. Id quod fit in aëre erumpit & exilit. Item capite. LVII. Ideo æstate plura sunt fulmina) Antiqua lectio Plurima fiunt fulmina.

EX CAPITE LVIII.

Nec continuatur assiduus ignis) Vetus codices Assiduus ignibus, utrūq; bene, sed ueteris lectionis fides maior. Et quod mox sequitur. Quia celerum est, nāriq; motus) Lego Celerrimum, nō Celerum. ne non Latinum sit. Item infra. Et qui natura ignem sursum uocat) malim legere Quia, quā Qui, ut esset secunda causa obliquæ lationis fulminis. Prima, quia spiritu constat, qui flexuosus est. Secunda quia ignis natura in superiora nititur, sed illum externa uis, & iniuria deprimit, ideo incipit fulmen obliquum esse. ut cum uacuum uas in aquam deprimere conaris, obliquat & circumagat se. Item mox. Incipit autem obliquū esse) Quamuis & uetera exemplaria ita habeant omnino, illud tamen uerbū, Autem; sine dubio supernacaneum est, & turbat sensum. Ista enim uerba ad superiora pertinent continuo & copulato sensu.

EX LIBRO
EX CAPITE LIX.

Tentant fugam corpore imbecilli) Vetus lectio Imbelli, & forte melius. Et paulo infra. Cogitemus nos quantum ad mortem perditos esse, & sumus.) Scribendum, Cogitemus nos tanquam ad mortem perditos esse, & sumus. Communis est hæc querela omnibus. Omne humanum genus, inquit Seneca, morte damnatum est. omnes ea conditio deuinxit. Cui nasci contigit, mori restat, atq; in tanta uoluntatione rerum humanarum nihil cuiq; nisi mors certum est. Ita profecto est, omnes mortali conditione nascimur, atq; quamuis interuallis distinguamur, ipso tamen exitu æquamur.

» Sed tamen huc omnes, huc primus & ultimus ordo.

» Longius, aut propius mors sua quenq; manet.

Sed mors ipsa uel ob id nõ timenda, ut ait Arellius, Fuscus, quod nihil aliud ea intercidit, quàm corpus fragilitatis caducæ, morbis obnoxium, casibus expositum, omnibus deniq; periculis obiectum. animus uero diuina origine haustus, onerosi corporis uinculis exolutus, ad sedes suas, & cognata sydera recurret.

EX EODEM

Nam quod maximum solet esse solatium extrema passuris?) Legendum esse sine interrogatione arbitror. &, Nam particulam in principio positam, expungendam, ut sit continuus contextus uerborum a superiori. hoc sensu. In omnes constitutum esse capitale supplicium, & quidem iustissimo, dignissimoq; decreto, & constitutione, quod solet maxime solari miseros & extrema passuros, quod eorum in causa eadem sors est. omnes. n. mortales eadem miseria, ad idem supplicium sunt destinati. omnium causa eandem sortem, eundemq; exitum habet. quod solatio esse debet, nostram scilicet sortem communem esse omnibus, quare reges seruis extremæ conditionis æquantur. Seneca infra libro. VI.

» Nullum est maius, inquit, solatiū mortis, quàm ipsa mortalitas. mors naturæ lex est, mors tributum officiumq; mortalium.

EX EODEM

Vives, si fulmen Effugis) Vetus lectio euaseris. Et paulo infra. Si pauescis ad cœli fragorem, nubium uel trepidas. Quoties aliquid effulsit expiras) Vetus lectio commodior. Sed pauescis ad cœli fragorem, & ad inane nubium trepidas, & quoties aliquid effulsit expiras. Item infra. Cogita te nihil habere de tanta morte perdendum) Nusquam aliter, sed De præpositio nullo pacto sustineri posse uidetur, quia totam confundit sententiam, alioqui planus est uerborum sensus, si amota præpositione sic legeris, Cogita te nihil habere tanta morte perdendum.

Annotationes

ANNOTATIONES EIVSDEM FORTVNATI
IN LIBRVM TERTIVM SENECÆ.

EX PRAEFATIONE.

T ad contemplationem sui saltem ipso impetu respiciat) Vetus lectio Saltem in ipso fugæ impetu, & forte melius. Item infra. Tollimus ingentes animos, & maxima facta Paruo tempore molimur.)

Lego Et maxima paruo Tēpore molimur. Itē non ita multo post. Infractis rebus etiā post Carthaginem) Vetus lectio fractisq; rebus. Legendū ergo est, Infractisq; rebus. ut illud Virgilij.
» Turnus ut infractos aduerso Marte Latinos
» Defecisse uidet.-

EX EODEM

Quemadmodum ante desierit senex omnibus angulis bellum quærere) Lego Quemadmodum non desierit senex. &c. ut & sensus & historie ueritas consonent. Annibalis fuga ad Antiochum, & Prusiam regem, ut aliquam occasionem belli renouandi aduersus Romanos inueniret, notissima est oībus. Et mox infra. Quanto satius, quid faciendum sit, quā factum sit quærere.) Legendum, Quā quid factum sit. Item infra. In deterius optata flectuntur) Vetus lectio Vertuntur, utrunq; recte. Item paulo infra. Regna ex infimo coartata.) Lege Coorta.

EX EODEM

Inueniri non potest numerus, quā multa ab alijs fracta sint. Nunc cum maxime deus alia exaltat &c.) Ita omnia & uetera exemplaria, & uulgata. sed uacillant & fluctuant hæc omnia, nullo certo sensu, aut uerborum exitu. Quare arbitror aliquid erroris subesse, nec audeo quicquam mutare in tanto codicum consensu. Sensum quidem authoris hunc esse coniecto. Innumera regna, imperiaq; & prioribus seculis fracta esse, & nunc a maximo deo, uel, & nunc maxime (ut notet sua ætate maxime incerta ac mutabilia regna, & imperia fuisse) a deo alia prouehi, alia deprimi. &c. Ad hunc sensum forsitan sic erit lectio restituenda. Inueniri non potest numerus quā multa & alijs temporibus fracta sint, & nunc maxime deus alia exaltat. &c. Vel sic, Quā multa alijs tēporibus fracta sint. nunc enim maxime. Vel sic potius, ut nihil addas, Quā multa et aliās fracta sint, cum nunc maxime deus alia exaltat. Vel si priorem omnino lectionem, nihil immutando, nihil inuertendo custodire

EX LIBRO

uolumus, & fidei antiquorum exemplarium rationem habere, quod magis placet, tunc illa uerba, quæ mox sequuntur, Magna ista, quia parui sumus, credimus, a superiori sensu non separabimus. Quid si legeretur? Inueniri non potest numerus, quàm multa alijs atq; alijs modis fracta sint. Seneca. X. Epistolarũ. Omnes, inquit, quæ usquam rerum potiuntur urbes, quæq; alienorum imperiorum magna sunt decora, ubi fuerunt, aliquando quæretur, & uario exitij genere tollentur. alias destruent bella, alias desidia paxq; ad inertiam uersa consumunt, et magnis opibus exitiosa res luxus. Tã uarias lectiones posse contemni, uel etiam rideri præclare uideo. Nos tamen in inuandis authorum locis deprauatis, ut in ueteri morbo, quælibet mutationum auxilia tentare nõ inutile, neq; ineptum ducimus, quando uerũ absq; ambitione quærendum est.

EX EADEM

Quia a diuinorum contemplatione) Vetus lectio Conuersatione, bona est uulgata. Item infra. Sed aduersus utrumq; intrepidus & confusus) Vetus lectio melior rectorq;, Sed utrumq; intrepidus & inconfusus. quod & mox sequentia uerba confirmant. Nec illius tumultu, inquit, nec huius fulgore percussus. Et paulo post. Quod ut ad te transeat, aliquis possit dare, aliquis amittere) purior est antiqua lectio. Quod ut ad te transeat, aliquis possit amittere. Illa enim duo uerba, Dare aliquis, otiosa sunt.

EX EADEM

Etiam si quis domum casus attulerit.) Vetus lectio Abstulerit, & forsitan rector. Et quod mox sequitur. Quasi exitura, quæ uenerunt.) Vetus lectio, Quæ uenerint. Itẽ paulo infra. In primis labris animam habere.) Scribendum. In primis, liberum animum habere. loquitur enim de libertate animi, quod est summũ in omnibus rebus humanis, donumq; naturæ, non fortunæ. Hæc libertas communis est seruis pariter atq; regum liberis. Sticorum hæc disputatio est. de qua re extant Ciceronis Paradoxa.

EX EADEM

Hæc res efficit non euenire quærenti, ut sit liber, sed euenire naturæ.) Lego. Quiriti, non Quærenti, hoc est alicui nobili ex illustri familia, qualers se omnes Quirites, idest Romani credebant. Non enim longo ordine numerata ab atauis stemmata faciunt liberos, sed natura, sed uirtus ipsa. Persius.

» -Heu steriles ueri, quibus una quiritem

» Vertigo facit.- Quamquam tantum numero multitudinis præcipiant inflecti hoc nomen grammatici, tamen & in singulari numero non infrequens usus eius est apud authores. Iuuenalis.

-Tamen

- » -Tamen ima de plebe quiritem
 » Facundum inuenies.- Horatius.
 » Ludicra quid, plausus, & amici dona quiritis
 » Quo spectanda modo? Idem alibi.
 » Quis te redonauit quiritem
 » Dis patris? - Item Ouidius.
 » An si pulassem minimum de plebe quiritem.
 A' Quiritibus est etiam uerbum quiritare, ut docet Varro, & Nonius Marcellus, quod significat Quiritium fidem clamando implorare, uel quocumque modo clamare. Fabius Oratoriae Institutionis
 » tertio. Cur initio furioso sit exclamandum non intelligo, cum propo=
 » sita consultatione, rogatus sententiam, si modo est sanus, non quiritt.
 » Plinius Naturalis historiae libro. IX. Vbi de Mullo. Asinius Celer
 » e' consularibus hoc pisce prodigus. Claudio Principe unum mercatus
 » VIII. Mil. Nummum. qua reputatione aufert transuersum animum
 » ad contemplationem eorum, qui in conquestione luxus cocos emi sin=
 » gulos pluris, q' equos quiritabant. At nunc coci triumphorum pretijs
 » parantur, et cocorum pisces. Faede totum hunc Plinij locum conuulsum
 restituimus.

EX CAPITE I.

In mare praeptum, & pelago premit arua tonanti.) Vetus lectio It mare, & pelago Sonanti, non Tonanti. atqui non aliter habent & Virgiliani codices. Et quod mox sequitur. Siue ut apud Terentium Iunior carissime inuenio.) Legendum aliqui existimant, Siue ut apud te Iuniorem carmen inuenio. sed non intelligo quo sensu dicant Apud te Iuniorem carmen inuenio, nisi forte quod tu adhuc iuuenis lusisti. Ego uero censeo nihil esse mutandum, nisi ut loco uerbi, Terentium, Te legatur. Iunior enim non ad aetatem hic refertur, sed est nomen ipsius Lucij gentilitium. uocabatur enim ita Lucilius Iunior, sicut Plinius Secundus. Hunc Seneca aliquando Lucilium, aliquando Iuniorem appellat. ut infra in praefatione Quarti.
 » Ita est mi Iunior, quod' apertior est adulatio, quod' improbior, & reliqua. ubi faede deprauatum locum restituimus. Vtitur & infra capite. XXVI. testimonio Lucij de Alpheo & Arethusa, Et hoc etiam a te, inquit, traditum est, ut in prima, Lucili carissime.

EX EODEM

Alia in defectu ceterorum omnium crescant.) Rectior est uetus lectio. Alia in defectu ceterorum amnium crescant. Sunt enim aliqua flumina quae tunc crescant, cum alij amnes deficiunt. ut Nilus & Euphrates. Et paulo infra. Tam uarijs singulis usus.) Lego Tam uariius.

EX LIBRO

EX CAPITE II.

Medicatas, ex quibus sulfuratas dicimus. Legendum, aut medicatæ. Ex quibus sulfuratas dicimus. Et quod mox sequitur. Indicat inde (sapor.) malim illas, quàm inde, legere. Item paulo infra. Deinde ponderis. leues & graues sunt.) Scribendū. Deinde ponderis. Omnes leues, aut graues sunt. quamuis Plinius libro. XXXI. ubi abunde multa de aquis, dicat aquas nullo penè momento ponderis inter se distare. Item infra. Deinde salubres sunt & utiles.) Legendum deinde salubritatis. salubres etenim sunt & utiles. Et paulopost.

Quæ sine ulla bibentis ope transeunt.) Lege Quædam sine ulla ope. &c. ut sint distinctæ & contrariæ superiori. Illæ enim, quæ sine ulla ope transeunt, non alunt. rursus hæ quæ alunt, sine ope non transeunt.

EX CAPITE III.

Tunc cogitur tunc fluit.) Lego Tunc cogitur non fluit. Item infra. In quem montes circumuecti flumini deriuantur.) Lego Montis circumuecti, ut sit singularis, & patrius casus. Et mox infra. Itaq; etiam, cum hyberni defluxere torrentes, faciem quoq; suam seruant.) Legendum faciem suam seruat, non seruant, ut non ad torrentes, sed ad Fucinum referas.

EX CAPITE V.

Quidam iudicant terram, quicquid aquarū emisserit cursus accipere.) Vetusti quoq; codices eandem habent lectionem, sed bene uidetur legi Rursus in uulgatis exemplaribus. Item infra. Occulto enim itinere subit terras, & palàm uenit, secretoq; reuertitur.) Illa uerba Et palàm uenit) in uetustis codicibus non uidentur, uereor ne admista sint.

EX CAPITE VII.

Quomodo ergo potest imber suggerere amnibus uireis, qui summam humum tangunt?) Quamq; & uetera exemplaria Tangunt, habeant, singulari tamen numero Tangit, non Tangunt est legendum. & ad imbrem, non ad amnes referendum. Item mox. Pars maior est, quæ per fluminum alueos in mare effertur.) Vetus lectio Pars maior eius per fluminum alueos in mare transfertur. melior hæc, sed tolerabilis & illa.

EX EODEM

Nec collectitum humorem.) Vetus lectio, Nec collectiuum, bene tamen Erasmus collectitum, pro collectiuo reposuisse uidetur. tamen si hæc uerba idē significant, authores tamen idonei illas aquas, quæ Græcis συλλογισμαί dicuntur collectitias potius, quàm collectiuas appellant.

Aquarum

Aquarum enim aliæ *ῥυαί*. hoc est fluentes. *στασιμαί* aliæ, quas stagnantes dicimus. quædam *πηγαίαι*, quæ e' fontibus profiunt. quædam *φρεατιαίαι*, idest puteales. quædam uero *συλλογισταίαι* hoc est collectivæ ut diximus.

EX CAPITE VIII. ET IX.

Nec minus illas stagnare, quàm apud nos Oceanum & sinus eius in imo (latus) Vetus lectio Immo' eo' latus, & bene. apertus est uerborum sensus. Item ex capite. IX. Huc quoq; quicquid effluit.) Vetus lectio rectior. Hoc quoq; quicquid effluit. Intelligit enim evaporationes & exhalationes terræ.

EX CAPITE X.

At magna in terra flumina sunt.) Lego. At magna flumina sunt. Illud autem uerbum, In terra, insertum, & superuacaneum est. Illud quoq; otiosum quod sequitur paulopost, Rursus quanta sunt.) Item.

Quædam uero non concitata rapiantur.) Hic quoq; negatio eradenda est. Et item mox. Quod præsto' sit illis semper aqua nova.) Ita hoc legendum, ut a' superioribus dependeat. deniq; totam lectionem, quam fœde & corruptam & confusam uides, sic & distingue, & restitue. At magna sunt flumina. cum uideris quanta sunt, rursus ex quanto prodeant aspice. Miraris, cum labantur assidue, quædam uero & concitata rapiantur, quod præsto' sit illis semper aqua nova.

EX EODEM

Sed per dies, noctesq; æqualiter fiat.) Vetus lectio Fluit. Item infra.

Nihil deficiat, quia in se reddit.) Malim legere etiam codicibus repugnantibus, Nihil deficiat quod in se redit. id enim magis sensui conueniret. Et paulopost. Quicquid alteri perit in alterum transit.) Vetus lectio Quicquid in altero perit, in alterum transit. sed illa prior est elegantior. Et infra. Et aër & aqua facit terram.) Vetus lectio contraria sed recta est. Et aëra, & aquam facit terra, quod & sequentia probant. Item paulo infra. Quia illis in quæ transeundum est, iam mista sunt.) Vetus lectio Iam mista est, non sunt, neq; displicet, ut terram intelligas, id enim sequentibus magis consonat, quæ probant terram elementis mistam esse. Elementa autem inuicem mutari superius quoq; notauimus capite. XV. Secundi. Item paulo infra. Habet aër, hunc umbra hyberni frigoris densat.) Lege Habet aëra, hunc umbra etcætera. terram namq; dicit & humorem, & aëra mistum habere.

EX LIBRO
EX CAPITULO XI.

Et ruina interscindit cursum aquis.) Vetus lectio Viam, non Cursum. sed bona utraq;. Item. Deinde quia perdiderunt viam, faciunt hoc.) scribendum, Deinde, quia perdiderunt viam, faciunt. Ita ut, Hoc, sequentis sensus sit initium. Item mox. Hoc quod accidisse ait Theophrastus in Auctorico monte.) Lego in Coryco monte. Plinius » libro. XXXI. Terrae quoq; motus, inq;, profundunt sorbentq; aquas, » sicut circa Pheneum Arcadiae quinque accidisse constat, sicut & in » Coryco monte amnis erupit, postea, quam coepit est coli.

EX EODEM

sic & alios quoq; casus.) Vetus lectio, Sed & alios quoq; casus. Item. Qui aliter nocent aquas.) forte legendum Euocent. Item. Aut in cursu suo deiciant, aut auertant.) Vetus lectio commodior, Aut a cursu suo decidant, atq; auertant. potest tamen Deiciant uerbum defendi. Item. Fuit aliquando aquarum inops Erinius) Vetus lectio Hempnus, vulgati codices Humus. quod uerbum una litera immutata a uero detortum est. legendum enim ex Theophrasto & Plinio Hemus. Plinij uerba de eadem re, nequis dubitare possit, ex libro. XXXI. subieci. Nascuntur, inquit, fontes deasis plerumq; syluis, » quos arborum alimenta consumeant, sicut in Hemo, obsidente Gal- » los Cassandro, cum ualli gratia syluas cecidissent. quam lectionem ante nos uidit Hermolaus, ut erat in legendis authoribus oculatissimus. Illum uero, qui hic Erinius, loco uerbi Humus, reposuit, modestius erat tacere, quam ex deprauata deprauatiorem lectionem facere. Recte Stoici a rebus incertis assensionem cohibuerunt. nihil enim temeritate turpius, nihil tam temerarium, quam quod non satis explorate perceptum, & cognitum sit, tanquam uerum adfirmare. Et quod mox sequitur. Et syluas scidisset.) scribendum Cecidisset, ex Plinio.

EX EODEM

Flumini modo uis ex intimo manat, utraq; excipitur, quam radiabus euagari licet.) Legendum ut sensus constet. Fluminum uero uis ex intimo manat, utraq; excipitur &c. Fulminum dicit originem altiore esse, quam quo radices arborum demittere sua flagella possint. non uerisimile itaq; uideri in arborum alimenta humorem, qui fontis uberes fuderit, consumptum fuisse.

EX EODEM

A' cacumine deiecta pluvia potest facere torrentem.) Legendum & distinguendum ita, ut illud uerbum Pluvia, sit initium sequentis sensus. Illud

sus. Illud uero, A' cacumine deiecta, ad superiora pertineat. Scribendum tamen non A' cacumine deiecta, sed A' capite deiectus. hoc sensu. Fluminum magnorum a' capite; & ab ipso fonte per hyemem pariter, atq; æstatem deiectum ac decursum parem esse. & hoc est argumentum satis magnum; illa non ex pluuia aqua colligi, quæ potest facere torrentis, sed non æqualem eundemq; modum aquæ semper habentis. Item mox infra. Aquæ non faciunt imbres sed excitant.) Scribo Aquam non faciunt imbres, sed incitant, ne a' sensu abhorreat.

EX CAPITE XII.

Sed si in natura rerum elementa sunt quatuor.) Vetus lectio Si rerum elementa sunt quatuor. & rectius forsitan. Item paulopost. Potest aquam ex se semper effundere.) Vetus lectio Aliquid, non Aquam.

EX CAPITE XIII.

Hunc eundem languere considero.) Legendum Languentem considerare. hoc est ab illa immensa licentia remitti, & decrescere absumpto alimento quo pascebatur. Tradunt philosophi Cataclysmos, & Ecpyros, hoc est eluiones exustionesq; terrarum accidere certo tempore necesse esse. Eluiones attribunt Planetarum humorum conjunctioni in signis pluuiialibus, conflagrationes calidorum in signis calidis. Sic uicissim renouationem mundi fieri, atq; pristinum ornatum redire nunc per diluuium, nunc per exustionem. Ex his ortum, ex his & interitum rerum esse. Plinius libro. VII. in exustionis uices, putat nunc æuū uergere. ideo homines in dies fieri minores, consumente ubertate seminum exustione. Ceu uero eadem ratione, in eluionem uergente æuo, maiores in dies fieri homines luxuria humoris necesse esset. De Ecpyrosi Illud quoq; Ouidij ex primo Metamorphoseon intelligendum est.

- » Esse quoq; in fatis reminiscitur affore tempus,
- » Quo mare, quo tellus, correptaq; regia cœli
- » Ardeat, & mundi moles operosa laboret.

Quod inepte ad uenturum dei iudicium interpretes retulit. Multi eluuiem uniuersæ terræ naturali ratione euenire non posse contendunt, neq; terram ita operiri aquis, ut aliqua animalia non supersint. In qua sententia & Auerrois, non omnino futilem authorem naturæ ueriq; , tertio De anima fuisse uideo, idq; propter stellarum diuersas, & plerumque etiam contrarias potestates.

EX LIBRO

EX EODEM

Hic humor, rerum primordium, sic positus est.) Vetus lectio longe diuersa. Hic humor in diductione rerum ad aquas redactus est, sic positus, ut &c. Nos nihil immutamus, sed uarietatem ostendimus. Item infra. Et per rimas facere semitam.) Lego Sentinam, quia dixit terram in humore, modo nauigij uehi, & fluctuare mobilitate illius. & infra libro. VI. capite. VI. contra hanc eandem opinionem Thalys Milesij. Ad ultimum, inquit, non tam exigua fieret, quam dicit eruptio, nec uelut per rimam sentina subreperet.

EX CAPITULO XIII. ET XV.

Fœminæ nomen assignant huic tractabili.) Vetus lectio Fœminæ nomen imponunt huic tractabili ad culturam. Item ex. XV. Vasta maris in occulto uia est.) Verbum, Maris, inane est. expungendum ergo, ne sententiam turbet. Item. Quam nullus fluminis cursus exhauriat.) Lege Quam nullius fluminis. Item. Alia corrupti ac paulo pinguioris.) Vetus lectio Pigrioris, forte rectius, ut omnibus respondeat. Item infra. Hinc est omnis metallorum humus.) Vetus lectio Hinc est omnis metalli metallorum humus. forte legendum Hinc est omne metallorum genus. illud siquidem uerbum, Humus, mihi suspectum est.

EX EODEM

Hæc est causa aquarum secundum legem naturæ, uoluntatemq; nascentium.) Vetus lectio Secundum legem naturæ uoluntate nascentium. quasi sponte non arte humana nascentium. bona tamen est uulgata, & nescio an etiam melior. Item infra. Vel aliqua alia causa retro dedit sanguinem.) Vetus codices, Vel aliqua alia cura. Et paulo post. Quomodo consumpta aqua deficit.) antiqua lectio Sit, non deficit. Et paulo infra. Modo uult ualde in cicatrice.) Lego Velut in cicatricem. Item mox. Premitq; quam fecerat uiam.) Vetus lectio Comprimit illam quam perfecit uiam. Sed uulgata uidetur probior esse.

EX EODEM

Sæpe enim inania apposita plenis humorem in se attrahunt. Sæpe terra, si facilis est in tabem ipsa resoluitur, & humescit. Idem euenit sub terra, quod in nubibus, ut spissetur, grauiorq; quam ut manere in natura possit, gignat humorem.) Vetus lectio Ipse transire facilis in aliud. Ipsa terra in tabem resoluitur et humescit. Idem euenit si sub terra spissetur, grauioremq; quam ut manere in natura sua possit, gignat humorem. Hanc utranq; lectionem corruptam esse facilius

esse facilius est uidere, quàm ueram inuenire, quæ forsitan ex utraq; corrupta sic colligenda erit. Sæpe enim inania apposita plenis humorem in se attrahunt, ipse transire facilis in aliud. Sæpe ipsa terra in tabem resoluitur & humescit. Idem euenit sub terra quod in nubibus, si spissetur, grauioremq; quàm ut manere in natura sua possit, gignat humorem. Hæc lectio proba uideri interim poterit omnibus, qui purgatam aurem habuerint, donec genuina, si ulla alia est, inueniatur.

EX CAPITE XVI.

Cum possim eandem causam singulis reddere.) Lego Omnibus, non singulis, ut sit contrarium eius. hoc significat separatim cuiq; per se. Illud simul uniuersis. Item. Quibus se retrahant, & quibus redeant.) Vetus lectio Reddant. bona utraq; Item. Quædam maiora & minus certa.) Vetus codices, Nec minus certa. mihi quidem placeret recentior lectio, sed illa uerba, quæ paulopost sequuntur, sunt & sub terra minus nota nobis iura naturæ, sed non minus certa) faciunt ut ueterum exemplarium fidem approbem. Item paulo post. Aestas suo tempore incaluit.) Vetus lectio Incanduit, quod fere idem significat, nisi quod huius maior uidetur uis esse. Item non ita multo post. Vt in aëre cæco pinguiq; concepta.) Vetus codices Pigroq; concepta, forsitan rectius. Item. Pleraq; ex his cæca ut talpæ & subterranei uermes.) Vetus lectio subterranei mures. Sed hoc glossema illius uerbi Talpæ, uidetur fuisse.

EX CAPITE XVII.

Quæ urbane in re incredibili fabulam dicas.) Quamuis & uetus codices Fabulam, illustrior tamen sensus erit, si, Fabulosaq; legeris, Item paulo infra. Hoc miraris accidere.) Vetus codices. Hoc miraris me addere. uulgata commodior est. Item. Quoties natura aut mentitur aut uincitur.) Legendum Quoties naturam aut mentitur aut uincit. ut ipsam luxuriam intelligas ad imitationem naturæ multa excogitare, quibus naturam uel effingat, uel etiam superet. Et paulo post. Parum uidetur Recens nullus, nisi qui in conuiuio manus moritur) Lego In conuiuæ manus moritur.) Item. Et condunt uiuos) Legendum aliqui putant Condiunt, non Condunt, & bene mea quidē sententia. Quia dixit, Necant in Garo. Quod genus liquaminis est Plinio ex piscium intestinis, cæterisq; quæ abijcienda essent, sale maceratis. Laudatissimum autem erat Garum e' Scombro pisce in Hispania, in cetarijs Sotiorum, in quo. M. Apitius Mullos necari præcellens putauit. Seneca. XV. Epistolarum libro. Quid illud so-

EX LIBRO

» tiorum Garum pretiosam malorum piscium sanem, non credis ure-
 » re salsa tabe præcordia? ubi forte, Mullorum piscium, rectius lege-
 retur. Et mox infra. Quam incredibile illis uideretur, si audi-
 rent natare in Garo piscem.) Vetus codices uerbum, In Garo, non ha-
 bent, & forte non est necessarium. mihi profecto & dempto, &
 addito illo uerbo inconstans hic sensus uidetur.

EX CAPITE XVIII.

Ipsa colluctatione animam afficienti.) Vetus lectio Efflanti. sustineri po-
 » test alterutra. Plinius, Mullum expirantem uersicolori quadam, &
 » numerosa uarietate spectari proceres gulæ narrant, rubentium
 » squamarum multiplici mutatione pallentem, utiq; si uitro spectetur
 » inclusus. Vetus lectio Plinij uerbis magis consonat. Et paulo infra.

Somniculosæ inertisq; luxuriæ. Quam sero expressero, circūscri-
 bi se, & fraudari tanto bono sensit.) Vetus quoq; lectio propémo-
 dum eadem est. sed locum totum deprauatum esse manifestum est,
 nullus enim sensus, qui placere possit, ex his uerbis educi posse ui-
 detur. ita moleste illud uerbum, Expressero, inuoluit & confundit
 omnia. Senecæ autem, quantum coniectura animi colligo, sententia
 hæc esse uidetur. Somniculosam & inertem fuisse nepotum & pro-
 cerum gulæ luxuriam, quæ tanto tempore, tantis delitijs, tam cla-
 ro & iucundo spectaculo morientis Mulli caruerit, nec senserit prius
 se tanto bono esse fraudatam. Vnde hic fortasse legendum erit, eli-
 minato illo molesto uerbo, Expressero. Somniculosæ, inertisq; luxu-
 riæ est, tam sero circūscribi se, & fraudari tanto bono sensisse. uel
 sic potius, ut uerbi quoq; Expressero, aliqua ratio habeatur. Somni-
 culosæ inertisq; luxuriæ fuit, quæ tam sero hoc experta, sero enim
 circūscribi se, & fraudari tanto bono sensit. Vel sic. Hoc tam sero
 experiri, sero enim circūscribi se &c. Legentes uiderint, quid de
 hoc loco decerni debeat, nos nostram sententiam ostendimus.

EX EODEM

Vt nollent attingere, nisi eodem die captum piscem.) Vetus lectio Vt
 nollent, nisi eodem die captum piscem comesse. bona uidetur utraq;
 Item paulo infra. Is pro putrido piscis affertur.) Vetus lectio Is
 pro pudor iam piscis affertur. Vnde legendum arbitror. Is, pro pu-
 dor, iam pro putrido piscis affertur. Item quod mox sequitur. Qui
 non hodie eductus occisus est.) Legendum ex uetustis codicibus. Qui
 non hodie eductus, hodie occisus est.

EX EODEM

Quanti ad sollertiam luxuriæ pereunt? Hijs accedit, tantoq; subti-

lius &c.) Portinax est concordia hoc loco exemplarium. lectionem tamen mendosam esse, uel ipsa confusio aperte indicat. Illa quidem uerba, *Quanti ad sollertiam luxuriæ pereunt,*) possint custodiri. luxuria enim, & ipsius gulæ uentrisq; delitiæ damnosissima sunt, ac multorum periculo præcipue è mari petuntur, hinc & pretia rebus crescunt. unde multi, ut improbam ingluuiem replerent, quicquid mari, aut terra, aut etiam cælo gignitur, immenso ementes pretio, patrimonium deuorant. deinde in omnia latrocinia, & pericula se exponunt. Præterea ipsa gula & per se uitæ inimica est. Sed illud, quod sequitur. His accedit) & istis fidem derogat, & sequentia omnia tenebris inuoluit, adeo, ut ueram lectionem uerumq; sensum uix ipse Lynceus uideat. Mirum est & fide uetustorum exemplarium, & hominum iudicio hanc lectionem hactenus custoditam esse. Si quis tamen attentius sequentia præcedentibus contulerit, & quæq; uerba libauerit, uel hanc, uel huic forte similem, quantum quidem animi mei coniectura colligere possum, deprehendet lectionem. Quantum ad sollertiam luxuriæ pretij accedit, tanto subtilius quotidie etcætera. hoc sensu. Quantum crescunt rerum, & instrumentorum gulæ pretia, tanto subtilius furiosam luxuriam novas quotidie excogitare delicias, ipsisq; pretijs immensis lætari, atq; ex pretio saporis rerum iudicare. nihil enim sapit illis, quod pauperis mensa capiat. Seneca infra circa finem Quarti. Nobis dolet, inquit, quod spiritum, quod solem emere non possumus. Adeo nihil potest luxuriæ placere, nisi carum. Iuuenalis libro. IIII.

Interea gustus elementa per omnia quærunr,
 Nunquam animo pretijs obstantibus interius si
 Attendas, magis illa iuuant, quæ pluris emuntur.

Plinius libro undeuigesimo. Mergeri enim credo in profunda satius esse, & ostrearum genera naufragio exquiri, auers ultra Phasim amnem peti, & has fabuloso quidem terrore tutas, & sic pretiosiores. Idem libro. IX. Piscium saporibus pretia capientium periculo fiunt. & paulo post. Parum est, inquit, nisi qui uestimur periculo, etiam uestimur. adeo per totum corpus anima hominis quæsitæ maxime placent. Potest sic quoq; legi. Quanto ad sollertiam luxuriæ plures accedunt, tanto subtilius &c. Hæc lectio commodior uidetur, & sensui congruentior. Diuites enim, quibus molestæ erant pecuniæ, cum uiderent magnam turbam ad luxuriam accedere, seq; in numerum & in turbam deduci, subtilius quotidie aliquid, ingenio=

EX LIBRO

flusq; ad luxuriam excogitabant, quo alios superarent, seq; numero eximerent. Vel potius legendum hoc modo, eodem tamen sensu. Quanto ad sollertiam luxuriæ plures eunt, tanto subtilius & c. ut illa duo uerba. His accedunt, sint glossemata huius uerbi. Eunt. quod profecto mihi multum probatur. Item infra. Nihil est melius salatili Mullo.) Legendū est ex antiquis codicibus Saxatili, non Salatili.

EX CAPITE XIX.

Magnam uim aquarum in subterraneis occultis.) Vetus lectio Oculi, non Ocultis. hoc est occultari & abscondi. Item. Certe cum in Caria circa Idimum urbem.) Vetus lectio Nydum urbem. Legendum ergo Myndum. quanquam Aristoteles, siue is sit Theophrastus, libro De Mundo, apud Gnidum dicat pisces ex terra restagnasse. Idem & VI. De Natura animalium. Plinius uero, & Theophrastus apud Heracleam Latmi montis cognominem. sed nihil refert. hanc uarietatem affinitas facit. Sunt enim hæ in Caria vicinæ urbes.

EX EODEM

Quos ignoto ante eum diem cælo.) Vetus lectio Ignotos. Item. Et lucis inexperta.) Lego, ut melius cadat, Expertia. Item. Quod Anguillæ, quæ latebrosis locis nascuntur.) Verbum Quæ, aut supernæ, aut loci eius, Quoq; debet legi. Et paulo infra, est, non Sit, scribendum erit. Et mox infra. Si altitudo lucis illas penitus abscondit) Lego Luti, hoc est limi, non Lucis. Item. Ex quibus continuatis flumina effici possunt.) Vetus lectio Corriuatis, non Continuat, quam lectionem & Erasmo placuisse uideo, cui & nos subscribimus. Aquas siquidem subterraneas foraminibus inter se quibusdam, atq; riuis concurrere & coire, ex Phædone refert & Aristoteles. Item. Sicut flumina fontium.) Antiqua lectio. Sicut fluminum, & fontium. & paulo ante, Magnis amnibus, non Magis, est legendum.

EX CAPITE XX.

Per quod feruntur.) Codices antiqui. Ex quo efferuntur. Item. Hæ medicinam potentiam.) Vetus lectio Medicaminum potentiam. Item. Hæ grauem spiritum coloremq; pestiferum.) Scribo Odorē non Colorem. Et paulo infra. Interest utrum loca.) Vetus lectio Per loca. Item mox Nitro, non Vitro. Plinius libro. XXXI. Pluribus, inquit, generibus auxiliantur aquæ, aliæ sulfuris, aliæ aluminis, aliæ salis, aliæ nitri, aliæ bituminis. Et paulo infra. Hinc ille de quo Ouidius ait.) Vetus lectio Hinc est illud, ut flumen referat. Item mox. Medicatum est.) Vetus lectio Medicamentum est. sed magis placet

Medicatum. Plinius quoque medicatas aquas & medicatos fontes uocat, qui alicui usui salubres sunt. Et quod mox sequitur. Vt corpora agglutinet & induret.) Vetus codices, Vt corpora & glutinet, & obduret.

EX EODEM

Inde est quod res abiectæ in eundem locum.) Legendum Lacum. Et paulo infra. Circa canales suos Cymbasque durari.) Vetus lectio Riuosque durari, forte melius, ut infra capite. XXV. Qualia sunt, inquit, quæ duratus humor efficit, utique circa medicatorum fontium riuos. Item. Aliquam habent causam.) Integrrior est uetus lectio, Aliquam harum habent causam. Et paulopost. Similem habet uim mero sed uehementiorem.) Vetus lectio fortiolem. bona utraque, sed recentior magis blanditur. Item infra. Quod mentem aut furore mouet.) Vetus lectio In furorem, sed uulgata aptius cadit.

EX EODEM

Hoc habet mali amnis eius.) Volunt aliqui legere, Hoc habet mali Mintius amnis. manifesto errore, nam quis unquam Mintium uini meri, aut uirus furoris habere uel audiuit, uel expertus est? Nimirum expediebat tacere, quam plagam annis obductam, leuem, & boni (ut ita dixerim) stomachi, negligenti curatione conficere, & rescindere, atque ex modico errore in maiorem præcipitare legentes. Sequuntur enim, & facile acquiescunt magnorum iudicio uirorum, de quibus præiudicata existimatio est. Nullibi siquidem pronior fidei lapsus est, quam si quando falsæ rei graues authores extiterint. Illis ergo eò magis cauere par esset, nequid temere, nequid inconsulte, non satis compertum & exploratum emitterent, ac denique ne remedijs uitia facerent. Quis non iure miretur in re aperta magnos & antesignanos, primisque nominis in omni eruditione uiros hallucinari? Hæc Ouidij ex. XV. Metamorphoseon carmina sunt, quem pueri mox post prima elementa discunt, ubi Lyncestio, non Mintio amni natura uini meri attribuitur. Ita enim ibi de hoc amne scribit.

- » Huic fluit effectus dispar Lyncestius amnis,
- » Quem quicumque parum moderato gutture traxit,
- » Haud aliter titubat, quam si mera uina bibisset.

Sunt antiqui codices Ouidiani, in quibus legitur Lynceius. atqui non aliter uidentur Senecæ exemplaria aliquando habuisse. uerbi enim Lynceius fragmentum esse, ultimaque pars illud uerbum, Eius, apparet. Plinius tamen libro. II. Naturalis historie, Lyncestis, inquit, aqua, quæ uocatur Acidula, uini modo temulentos facit. Legendum itaque hic, non Amnis eius, neque Mintius amnis, sed Et Lyncestius amnis. Ita

EX LIBRO

est profecto summos & excellentes viros sæpe suspicimus, & ueniamur, maioresq; hominibus credimus. atq; dijs æquamus. interdum tamen homines agnoscimus, ac nobiscum simul sub alea humanæ fragilitatis & illos esse uidemus. Scitum est illud Alexandri Macedonis. Is, cum in obsidione cuiusdam urbis, dum muros circuit, faciliusq; aditus explorat, sagitta ictus esset, diu dissimulato dolore perseverauit in proposito. Deinde cum represso sanguine sicut uulneris dolor cresceret, et crus equo suspensum paulatim obtorpuisset, coactus ab incepto desistere. Omnes inquit, iurant me Iouis esse filium, sed uulnus hoc hominem esse me clamat.

EX CAPITE XXI. ET XXII.

Nulla res est, quæ non eius a quo nascitur notas reddat.) Vetus lectio Naturam, non Notas. bona tamen & illa, & forte rector. Item ex capite. XXII. Oceanus, & quodcumq; ex illo mari terras intercludit.) Scribendum ex uetustis codicibus, Interluit. Item non Ex illo mari, sed Ex illo mare legendum, ut sit nominandi, non auferendi casus. sensus autem est. Oceanum æquæum mundo esse, & omnia maria mediterranea, quæ ex Oceano profluunt.

EX CAPITE XXIII.

Post illam ex superioribus coelestes aquas nubila excutunt.) Vetus lectio, Post illam sunt coelestes, ex posterioribus, quas nubila eiciunt. defendi potest utraq; eadem enim est sententia. mihi tamen placeret ueterem tueri, præsertim cum ordinem quendam uetustatis aquis attribuat.

EX CAPITE XXIII.

Facere solemus thracones & miliaria.) Vetus lectio Dracones, ita enim dicuntur flexus, & circuitus in omnibus rebus, animalis scilicet, hoc nomine dicti, similitudine. Columellæ & Plinio palmites quoq; an-
 » nosi Dracones appellantur. Plinius libro. XVII. Nuper repertum
 » draconem ferere iuxta arborem. ita, inquit, palmitem appellamus
 » emeritum, pluribusq; induratum annis. Idem libro. XIII. Puroq;
 » producant dracone. Alibi etiam de Signiferi curuaturis, Sol deinde
 » medio fertur inter duas partes flexuoso draconum meatu. Vnde
 & in balneis ipsi flexus ignem circumeuntis aquæ dracones apte dicuntur. Trachones uero uocantur loca aspera & saxosa, quibus nullus locus hic est. Item paulopost, loco uerbi, Struimus, Vetus codices habent. Facimus, recte utrunq;.

EX EODEM

Quem non falli credebant. In quibus balnearia sine igne calefiunt.) Quamquam ita habeant omnia exemplaria. ego tamen malim le-

gere ut sensus, qui nunc fluctuat, & incerto exitu mutat, constaret. Quem non falli credunt, quibus balnearia sine igne calefiunt. hoc sensu. Illos ueram credere opinionem Empedoclis, quibus nullo igni, sed solo uapore calidarum aquarum, & balnea, & miliaria, cæteraq; balnearia uasa calefiunt. Plinius libro. XXXI. ubi agit de aquis, Vapore quoq; ipso, inquit, aliquæ prosunt, tantaq; est uis, ut
 » balneas calefaciant, ac frigidam etiã in solijs feruere cogant. Quæ
 » in Baiano Possideanæ uocantur, nomine accepto a' Claudij Cæsaris liberto, obsonia quoq; percoquunt. Mendose legitur in uulgatis Plinij codicibus, in Solis feruore.

EX EODEM

Nec trahit uaporem euaporatio.) Vetus lectio, Saporem, non Vaporem, & rectius. Item. Per loca sulfure plena, uel introeuntis aquas) Addendum est ex uetustis codicibus, Exeuntis, uel introeuntis aquas, ne imperfecta sit sententia.

EX CAPITE XXV.

Circa Nonacrium in Arcadia.) Malim legere Nonacrin ex Plinio & Vitruuio, cæterisq; quanquam uetusti codices Nonacrinum habeant.
 » Plinius. Iuxta Nonacrin, inquit, Arcadiæ Styx nec odore differens,
 » nec colore, quæ pota illico necat. Vitruuius. Est, inquit, in Arcadia
 » Nonacris nominata, quæ habet in montibus stillantis e' saxo frigidissimos humores. hæc autem aqua surds ũdwp appellatur, quæ
 » neq; argentum, neq; æneum, neq; ferreum uas potest subsistere, sed diffilit, ac dissipatur. conseruare autem eam, & continere non nisi ungula iumenti potest. Hac necatus ab Antipatro dicitur Magnus Alexander, non sine magna infamia Aristotelis philosophi, cuius consilio id factum creditur.

EX EODEM

Quia protinus hausta, duratur.) Vetus lectio Durat, sed bene et Duratur. Item. Intra certum tempus.) Vetus lectio Breue tempus. nihil refert, quod horū legatur. Itē paulo infra. At si illis lana opus fuerit nigra, pullis paratus gratuitus infector est, ad Penenion eundē gregem appellant.) Vetus lectio. At si illis lana opus sit uel pulla, paratus gratuitus infector est, et ad Peneion eundē gregē appellāt. Legunt aliq ex uulgatis codicibus hoc modo. Si lana opus fuerit nigra, puellis paratus gratuitus infector est, ad Peneū gregē appellūt. Place-ret hæc lectio, nisi uetusta exēplaria fidē eius eleuarent. Temeritas profecto est, ne dicam, impudentia, lectionē truncare integram, & necessarijs priuare membris, ut a' te conficto sensui respondeat. At,

TERTIO

enim particula apte, & eleganter in principio poni solet, cum res contraria priori inducitur. Illud quoque uerbum, Illis, custodiendum est, cum superius dixerit, Qui facere albas oues uolunt. eosdem enim refert. Pullis uero, uel Puellis, minime toleranda sensu ipso repugnante, et dissidente. Etiamnum illa duo uerba, Ad Peneion eundem, ita ut in uetustis exemplaribus legitur, stare immota permittimus. Legendum itaque erit hoc modo. At si illis lana opus sit nigra, uel pulla, gratuitus infector est, & ad Peneion eundem gregem appellant. Peneion uero Græcus est accusandi casus, ut infra libro Sexto, » capite. XXV. Tunc, inquit, effugisse Peneion, qui paludes, quibus la- » borabat Thessalia, siccauit, abductis in se, quæ sine exitu stagna- » uerant, aquis. Ibi quoque hunc locum corruptum restitimus. Pulla autem lana non est omnino Idem quod nigra, sed subnigra, atra, fusca, fuluaue, quam & leucophæam à Græcis mutuato uocabulo » appellamus. Plinius fuscam uocat. Tradit Theophrastus, inquit, in » Macedonia quæ uelint sibi candida nasci, ad Haliacmon ducere, quæ nigra, aut fusca ad Axium. Quæ uerba ex eodem fonte cum uerbis Senecæ sumpta sunt.

EX EODEM

Quod idem in omnibus efficiat.) Vetus lectio In ouibus, non In omnibus, forsitan rectius. cum superius dixerit de illis aquis, quæ sine discrimine inficiant greges, hic iam loquitur de illis, quæ priuata quadam natura, aliqua certa tantum animalia inficiunt, uerbi causa, oues in Gallatia, equos in Cappadocia. Non me præterit tradi aliqua loca, ubi omnia fusca nascantur, quippe qui legerim Plinium » libro. XXXI. dicentem ex Theophrasto. Idem omnia fusca quibusdam in locis tradit nasci, & fruges quoque, sicut in Messapijs. sed cum Messapia & Gallatia diuersissimæ sint regiones, ista Phrygiæ, illa Italiæ, nihil me mouet hoc, quominus fidem integram credam uetustissimorum codicum. legentium tamen integrum uolo sit arbitrium.

EX EODEM

Et spargitur alba cutis.) Vetus lectio commodior est, Et spargatur albo cutis. Et mox infra. Quosdam lacus esse, qui nandi imperitos ferant notum est in Sicilia. Est adhuc in Syria stagnum & reliqua.) Vetus lectio uera & perfecta uidetur. Quosdā lacus esse, qui nandi imperitos ferant notum est. Erat in Sicilia, est & adhuc in Syria stagnum. Fuisse in Sicilia aquas pinthias in quibus nihil mergeretur notum est ex Ptolemæo & Plinio. nunc quoque esse in Syria Asphaltiten Iudææ, & Aretissam Armeniæ maioris lacum omnia illata pondera sustentem.

Ex eodem

Quamcunq; uis rem expāde.) Legendum Expende, hoc est pondera et
n examina, trutinaq; nam et paulo infra. At si aquae, inquit, et eius
n rei, quam contra pensabis, par pondus erit. Et mox infra. Dum
modo utriusq; par sit onus.) Rectior est lectio uetus Par sit modus.

EX EODEM

Quaedam ad medium submersa sint.) Vetus lectio Submissa, et forsitan
rectius. Item quod mox sequitur. Quaedam ad æquilibrium aquae,
quædam descendant.) Legendum Quædam ad æquilibrium aquae
descendant, exploso uerbo, Quædā, Item mox. Nanq; cū utriusq;
pondus pars est, neutraq; res alteri cedat grauiora descendant.) Le-
gendum ex præcedētibus. Nam cum utriusq; pondus par est, neutra
res alteri cedit. Grauiora descendant. Et c. Item paulo infra. Itaq;
ubi aqua grauior est hominis corporis, aut saxi.) Lego Hominis cor-
pore, nō Corporis, ut sensus constet. Nam si Corporis legeris, aliquod
necessarium uerbum desyderes necesse est.

EX EODEM

Ex quibus quæ constant insulæ in India natant.) Vetus quoq; lectio
In India, Hermolao tamen placet ut Lydia legatur. qā in Lydia in
Torrebia, seu Nymphæo lacu sunt Calaminæ insulæ, quæ calamorū
cantu tripudiantium more in ambitum sese motant. unde et Ca-
laminæ a calamis dictæ. quas alio nomine Græci ἀλτινάς, Plinius
n Saltares uocat, quoniam in symphonice cantu ad ictus modulantiū
pedum mouentur. Quamquam Calaminas a Saltaribus Plinius di-
stinguere uideatur, et Calaminas in alio loco, quā Nymphæo locare,

EX EODEM

Theophrastus est author ipse, ad Cutillam natantem insulam uado.)
Vetus lectio. Theophrastus author est. Ipse ad Maliam natantem in-
sulam uado. Legendum ita ut illa uerba, Theophrastus author est,
ad superiorem clausulam pertineant, Ipse uero sequentis initium sit.
item non ad Cutillam, neq; ad Maliam, sed Ad Cutyliam, qui la-
cus est in agro Rheatino, umbilicus Italiae, in quo insula Cutylia
Græcis dicta, ut docet Festus, fluctuat. Illud quoq; uerbum, Vado,
sive sit nomen sexti casus, sive uerbum, stare nullo pacto potest saluo
sensu. quare loco eius reponendum censeo Vidi, ut dicat, non tantum
scriptis Theophrasti, aliorumq; fluctuantem insulam esse constare. sed
se certo scire, et uidisse ad Cutylas aquas natantem insulam. Et
quod mox sequitur. In alia in uadosis lacu uehitur. Lacus in sta-
tione Nili est.) Hermolaas Barbarus ille Plinij pene sepulti Aescula-

EX LIBRO

pius, hunc locum corruptissimum, sic restituit. Alia in Vadimonis lacu uehitur, alia in lacu Statoniensi. Vetusissima exemplaria Plinij & Senecæ habent Stationensi.

EX EODEM

Quæ ubi purgamento aquarum coarserunt, & spuma solidatur.) Legendum ex uetustis codicibus. Quæ, ubi purgamenta aquarum coarserunt, ex spuma solidantur. Item. Creditum est quasdam aquas scabiem auferre corporibus.) Lego Afferre, hoc est afficere corpora scabie. loquitur enim de uitio aquarum. Plinius. Rore nimio scabiem fieri, pruina uredinem, cognatis & niuis causis.

EX EODEM

Contra autem esse tenuissimas. hoc enim euenit.) Scribendum ex uetustis uulgatisq; codicibus. Contra autem est, tenuissimas hoc enim euenit. Aquas pluuias, ex quibus pertinacius congelatis constat Crystallum fieri, esse leuissimas, clarissimas, & tenuissimas, sed cito putrescentes, docent citra fastidium nominandi authores Auerrois, Auicenna, Paulus Aegineta, & Galenus, ceteriq; medici, & rerum naturæ periti. Ratione leuitatis afferunt, quod subire, ac pendere in aëre potuerunt, Solem quoq; tenuissima quæq; ac leuissima attrahere. τῶν ὑδάτων, Hippocrates inquit, ὑπότατα τὰ ὀμβρία, καὶ λευκώτατα, καὶ ἀμυρότατα, καὶ λεπτότατα. hoc est. Ex aquis leuissimæ sunt pluuie, et dulcissimæ, clarissimæq; ac tenuissimæ. Addit Auicenna eam præcipue probari, quæ æstua sit, & Tonitru ex attritis, uexatisq; nubibus expressa. unde illas a re ipsa Astrapæas, & Bronticæas uocant. Ceraunias uero, quæ non solum Tonitribus, uerumetiam Fulminibus excussæ deciderint. Plinium in contraria sententia esse uideo.

EX CAPITE XXVI.

Existit procul hinc, alioq; renascitur ore.) Ouidiani & uetusti Senecæ codices, Orbe non Ore. quanquam & Ore aliquot Ouidiani manuscripti codices habeant, & profecto probabilius & uerissimius est, ut Ore potius, quàm Orbe legatur. Plinius libro. II. Subeunt terras, rursus redduntur Lycus in Asia, Erasinus in Argolica. Et quod mox sequitur.

Sic modo cum bibitur, tacito modo gurgite lapsus.)

Lego Combibitur, ut sit una pars orationis ex eodem Ouidio, ubi et loco uerbi Tacito, Tecto legitur. sed placet Tacito. hoc enim mollius, & cum maiori gratia aurium sonat, quàm Tecto, sensui quoq; magis conuenit. Hoc carmen Hermolaus corrupte legit, nec uidetur Ouidianum

dianum esse agnoscere. Item sequenti uersu Ouidiani codices habent
In agris, non In undis, ut erratum esse in alterutro necesse sit.

EX EODEM

Ideoq; his diebus Olympia sunt. Victimarum stercus secundo traditum flumine illic redundare.) Vetus quoq; lectio eadem feré. Legendum tamen ita uidetur, ut hæc uerba sine cæso, coniuncto sensu ad unam clausulam pertineant. Cæterum non Ideoq; his diebus, sed, Ideo quibus diebus, scribendum erit, ne tumultuentur uerba cum sensu. Item, non Flumine, sed Flumini in datiuo casu legendum, ut cum uerbo Traditum concordet. Hoc modo igitur tota lectio reddenda. Ideo, quibus diebus Olympia sunt, uictimarum stercus secundo traditum flumini illic redundare. Quandiu ludi aguntur
» Olympij Arethusam finum olere Plinius quoq; comprobat. Est &
» illa mutatio miraculi plena, inquit, Arethusam Syracusis finum redolere per Olympia, ueriq; simile, quoniam Alpheus in eam insulam sub ima maria permeet. Idem uolumine secundo. Arethusa, inquit, fons Syracusanus, in quo redduntur iacta in Alpheum, qui per Olympiam fluens, Peloponnesiaco litori infunditur. Idem tradunt de Alpheo Strabo, & Timæus, qui etiam phialam, quæ per id tempus in Alpheum ceciderat, in Arethusam redditam tradit. Quæ de Arethusa & Alpheo scribit Virg. in. III. Aenei. & Ouid. V. Meta. cæteri; passim poëtæ, sciens prætereo, neq; enim fabulosa consectamur.

EX EODEM

Et hoc & a te traditum est ut in prima parte.) Vetus lectio Et hoc etiam a te creditum est, ut in prima Lucili carissime. superius quoq; capite. I. huius tertij aduocauit carmen Lucilij de hac eadem re.
» Elysus siculis de fontibus exilit amnis.

EX EODEM

Est in Cheronnesso Chodiorum fons.) Vetus lectio, Est in Chersoneso Chodiorum fons. utroq; enim modo dicitur. Est autem hæc Chersonesus in Caria, cuius extrema Gnidus oppidum obtinet. Cæterum legendum Rhodiorum fons, non Chodiorum ex Plinio.
» Rhodiorum, inquit, fons in Cherroneso nono anno purgamenta egerit.

EX EODEM

Vt Circa Messenam & Inulas, finum quidem Sylæ turbulente auis mare profert.) Vetus lectio æque deprauata, tamen propior uero. Vt circa Messenem & Mylas finum quidē sile turbulentum luis mare

EX LIBRO

profert. ut legendum esse arbitrer, ex Plinio hoc modo. Vt circa Messanam, & Mylas fimo quiddam simile turbulentum in litus mare profert. Plinius, quasi ista uerba Senecæ mutuatus, de hac eadem re sic scribit secundo uolumine Naturalis historiae. Omnia, inquit, plenilunio maria purgantur, quædam & statò tempore. circa Messanam & Mylas fimo similia expuuntur in litus purgamenta. unde fabula Solis boues ibi stabulari. Hinc Taurominitanum litus à ple-
 » reque Græcis authoribus νοτρίαν dici animaduertimus, quasi ster-
 » quilinium recrementorum purgantis & exonerantis se maris. Vnde
 » aliqui ex philosophis mare animal, aliqui simile animali dicunt.
 Quippe ut illa recrementa egerunt, uitalemque spiritum assidua re-
 ciprocatione nunc efflant, nunc reuocant, sic etiam mare & pur-
 gat se, & uicissitudine perpetua in se, & ex se profertur & refer-
 tur. Alij crediderunt mundum ipsum esse animal, & commercia spi-
 ritualia, & quasi nareis quasdam in Oceano constitutas, fixasque
 habere, per quas emissi anhelitus, uel reducti, modo efflent maria,
 modo reuocent. Sed uera ratio in syderibus est, & præsertim in
 Lunæ accremento, & decremento, ortu & obitu, quibus maxime al-
 terni recursus maris respondent. Vnde scite, & eleganter aliqui
 Oceanum ipsum comitem Lunæ appellant. Mylae & Messana Si-
 ciliae oppida sunt. Apollonij interpres Mylas Siciliæ Cherronesum di-
 cit esse, ubi Solis boues pascantur, stabulenturque. Hermolaus credit,
 uel alios credere uult, hunc locum Senecæ à se restitutum esse, cum
 emendatis aliquod uerbis, astute illa, quæ emendare non potuit, omi-
 serit.

EX EODEM

Sed difficilis ratio est quorundam, utique inibi tempus eius uel de qua
 queritur inobservatum, sed incertum est.) Vetus lectio rectior, &
 explicatio. Vtiq; inibi tempus eius ualde, quo purgatur, observatum,
 sed incertum est. hoc sensu. Difficilem esse rationem, & in secretis na-
 turæ abditam, cur quædam maria statò tempore se purgent. In Si-
 cilia siquidem ad Mylas & Messanam tempus, quo stercorea egerun-
 tur, diligenti cura observari, sed nullius curiositatem posse ad ueram
 rationem peruenire.

EX CAPITE XXVII.

Vt conceptus ad puerperium perducatur infans.) Vetus lectio Perduret
 infans. bona est uulgata. Item mox. Quantis laboribus tuetur,
 educatur.) Legunt aliqui Tenetur, educatur. Vetus tamen lectio Te-
 ner educatur, quæ commodior est alijs. Item haud multo post. Et
 ex humido spissa caligo. Nunquam exiantibus uenis.) Vetus lectio.

Et ex

Et ex humido, spissaq; caligine nunquam exsiccantibus uenis, ita ut ad unam hæc clausulam coniuncto tenore uerborum pertineant. Item. Quia Ilex & Quercus excutitur.) Vetus lectio Quæ Ilex est & Quercus, excutitur.

EX EODEM

Omne enim fundamentum in lubrico figitur.) Vetus codices Firmamentum, non Fundamentum, & forsitan rectius. Intelligit enim fulcra & tibianes, quibus labefactarum domorum ruinosæ latera firmari solent. Item infra. Nouissime in materia magna gentium elarius.) Legendum ex uetustis codicibus In ruina magna gentium, non Materia. Et paulo post. Quæ fundamentis laborantibus adesse recesserunt.) Vetus lectio Laboribus non Laborantibus. sed hæc quoq; nihilo probabilior, immo corruptior aliquanto. sensus enim exigit ut legamus. Quæ fundamentis laborantibus auulsa recesserunt.

EX EODEM

Et quod horrida ac terribilis.) Legendum, Et quidem horrida ac terribilis. est enim aggeratio quædam rei horrendæ. Nam si, Quod, legeris, suspensa manebit, sine ullo exitu, sententia. Item paulo infra.

Tunc uero actum fluminum, accessu & sibi angustum) Distorta hæc, atq; sine ulla consequentia uerborum confusio. Vetus lectio propius uero accedit. Tunc primum actum fluminum accessu. Legendum igitur. Tunc primum auctum fluminum accessu. Aliis enim mare fluminum accessionem non sentire manifestum est, uel quia cuncta flumina in mare se exonerantia superlabuntur, & vasto patentissimoq; spatio, tum celeriter, tum sensum fallente ratione exhauriuntur, ut cyathus aquæ in patentem tabulam infusus. Vel potius, quod maria rursum per cuniculos, uenasq; terræ occultas in flumina collantur, Solis etiam radij multum exhauriunt.

EX EODEM

Et ditissimis quibusq;) Lego Aeditissimis quibusq;, hoc est excelsissimis locis, montibusq; ædentibus se supra cætera, & ostentantibus. Ita & paulo ante. In ea, inquit, excelsissima cum liberis, coniugibusq; fugere. Item infra. Sicut illud pro magnitudine rei dixit.) scribo sic & illud. Item paulo post. Et spatiosa ruunt.) Vetus lectio. Et spatiosa ruunt. Ouidiani codices rectius, Expatiosa. hoc est ultra solitum & præscriptum spatium licenter euagata. Et quod mox sequitur.

Pressæq; labant sub gurgite turres.)

Quanquam & uetera exemplaria Labant, Ouidiani tamen co-

EX LIBRO

dices Latent, non Labant, utrunq; patitur & sensus & arminis ratio. Item paulopost. Aut non eodē impetu pecus esse.) Legendū Pecus omne, non Esse, ita enim & uetusta & uulgata exemplaria habent, & sensus, qui apertissimus est, ut ita legatur, exigit. Legi autem debet cum interrogatione figurata, quæ non responsum, sed assensum requirat.

EX CAPITE XXVIII.

Magno impetu, magna ferienda sunt.) Aliqui legunt Finienda sunt. Vetera tamen exemplaria custodiunt uulgatam lectionem, uidenturq; id adagiū formam habere. Item infra. Et illic causam tantæ cladis acersiri.) Lego illinc, hoc est à motu & auctu maris. Et paulo infra. Sed adhuc in damna prospectum est.) Legendum ex uetustis codicibus profectum est. Item infra. Deinde ubi litus his prohibitum est.) Lego Prolatum est. ut cum sequentibus conueniat.

» Et pelagus, inquit, in alieno constitit, prolato scilicet & promoto litore. Et quod mox sequitur. Cum minus procurrat æstus ex uno recessu maris.) Legendum. Communis. & Ex imo, non Ex uno.

EX EODEM

Quoniam quo terris fastigio ascenderet?) Legendum Quoniam æquo, sine interrogatione. Reddit enim rationem cur nihil aridum sit ab aquis, quoniam æstus freti æquo terris fastigio se attolleret, & altissima quæq; cacumina æquaret. Item haud multo infra. Et illud æquale terris est.) Lego At illud, ut sit aduersatiua particula. dicit mare planum quidem nobis, propter fallacem oculorum sensum, uideri, at illud figuram orbis absoluti, quemadmodum & terram, habere.

EX EODEM

Defluit ergo ubi sol & æstus æquinoctialis, sub ipsum Lunæ Solisq; coitum omnibus alijs maior undauere.) Lectio confusissima, quam facit unius uerbi soluta compages, ac duorum interpollata forma. Legendum enim est Defluit ergo, ut solet æstus æquinoctialis sub ipsum Lunæ Solisq; ortum omnibus alijs maior undare. Aequinoctialem autem appellat æstum maris solitum, & quotidianum, quia senis semper horis, non uulgaribus, siue temporalibus, quas Græci ναυπινὰς, sed æquinoctialibus, quas ισημερινὰς appellant, accedere & reciprocare solet. Plinius. Paribus interuallis reciprocis, senisq; semper horis, non cuiusq; diei, aut noctis, aut loci, sed æquinoctialibus. ideoq; inæquales uulgarium horarum spatia ut cunq; plures in eas, aut diei, aut noctis illarū mensuræ cadunt, & æquinoctio

& æquinoctio tantum pares ubiq; Vulgus breuissimum quenq; iuxta
 & longissimum diem, similiter & noctem in horas duodecim di-
 uidebat, sic horæ inæquales semper erant, præterquam tempore
 æquinoctij, Sole Arietem, uel libram obtinente, quando nox æquatur
 diei. Sole autem Cancrum transeunte, sicut breuissimæ erant no-
 ctis, ita longissimæ diei horæ, quas æstivas & solstitiales appel-
 lant. Capricorno uero Solem gerente diei breuissimæ, noctis lon-
 gissimæ, quæ brumales, uel hybernæ dicuntur. His itaq; horis.
 æstus nunquam pares erant nisi æquinoctio. Illud quoq; hoc loco
 notare non alienum duxerim, Geographos, Rei q; rusticæ præcepto-
 res per horas uulgareis designare solitos regiones cœli, terrarumq;
 situm & positionem. Plinius libro XVII. ubi de transferendis
 » seminarijs & ulmis ferendis. Pleriq; inquit, id demum cauent,
 » ut plaga deputati cacuminis Meridiem spectet, ignari fissuris nimij
 » uaporis opponi. Id quidem in horam diei quintam, uel octauam
 » spectare maluerim. Hoc est, in regionem cœli, quæ est inter Me-
 ridiem & ortum Brumalem, idest inter Austrum & Vulturum,
 atque adeo inter Austrum & Phœnicæ, siue Euronoton. Vel quæ
 est inter Meridiem & Occasum hybernæ, hoc est inter Afri-
 cum & Austrum, uel si quis subtilius id exigat, inter Austrum &
 » Libonoton. Idem libro tertio de Italia. Incedit per maria, inquit,
 » cœli regione ad Meridiem quidem, sed si quis diligenti subtilitate
 id exigat, inter sextam horam, primamq; Brumalem. quod si-
 gnificat inter Meridiem & hybernæ exortum, hoc est inter
 Notum & Eurum. Item libro sexto de Fortunatis insulis. Ab
 ijs. CCL. Mil. Pass. Fortunatas contra leuam Mauritanie in
 octauam horam Solis locari. hoc est inter Meridiem & hyber-
 næ Solis occasum, siue inter Notum & Libonoton. Fœde corru-
 ptus & diuulsus erat hic locus Plinij, nec ante nos, quod equi-
 dem sciam, a quoquam restitutus. Sic enim legebatur. Ab ijs.
 CCL. Mil. Pass. Fortunatas contra leuam Mauritanie VIII.
 Mil. Pass. Oram Solis uocari. Ex quibus uerbis nullus unquam
 sensus extorqueri potest. nostra uero lectio, immo uetustissimo-
 rum codicum, hoc est ipsius Plinij clarissima est. quam confir-
 » mant paulopost sequentia uerba. Iuba de Fortunatis, inquit, ita
 » inquisiuit. Sub Meridiem positas esse prope Occasum, a Purpura-
 rijs DCCXXV. Mil. Pass. Sic ut CCL. supra Occasum na-
 uiget. dein per CCCCLXXV. Mil. Pass. Ortus peti-
 tur. Hac ratione Iubæ intelligimus ita quidem sub Meridie sitas

EX LIBRO

esse Fortunatas, ut CCXXV. Mil. Pass. propiores sint ab Ocasu sextæ diei horæ, quàm Purpurariæ ab Ortu. Et totidē Mil. Pass. Purpurarias esse propiores quintæ, quàm Fortunatas septimæ. Et illas quidem à sexta, hoc est à Meridie, & ab ipso Austro CCCC-LXXV. Mil. Pass. ad Ortū remotas. has uero CCL. ad Ocasum. Sitæ sunt ergo sub Meridie quidem, sed prope Ocasum. In hæc nos excurrisse causa Plinij Legentes quæso boni consulat. Sed iam illuc, unde digressi fuimus, redeamus. Aliud est genus horarum, quæ semper pares sunt, & quæq; uigesimam quartam partem diei naturalis complectitur, & in sexaginta momenta distribuitur. Hæ dicuntur æquinoctiales, & æquales, paresq;, quibus nunc passim ubiq; utimur. His æstus maris pares sunt, senis enim horis æquinoctialibus semper effluunt, senis rursus refuunt, unde æquinoctiales apposite dicuntur à Seneca. Aestus uero maiores minoresue subeunt; pro ut illos elicit Solis, Lunæq; Sydus, ad cuius arbitrium Oceanus, mariaq; exundant, ut superius ex philosophorum opinione retulimus.

EX EODEM

Deuoluitur per centena milia.) Ita distinguendum est, ut uerbum Deuoluitur cum antecedentibus iungatur. Per centena milia, initium sequentis clausulæ sit. Et paulopost. Vtrum sit deo uisum ordiri meliora.) Vetus lectio perfectior Alterutrum sit, cum deo uisum ordiri meliora. hoc sensu. Fieri alterutrum, hoc est uel eluionem, uel conflagrationem, quoties deo placuit uetera aboleri, & noua melioraq; oriri, ut diximus supra. Et quod mox sequitur. Ergo quaq; placere res nouo mundo, sicut in nos semper mare emittitur desuper, ut feruor ignisq;, tum aliud genus exitij placuit.) Vetus lectio paulo corruptior, quæ tamen occasionem rectæ lectionis inueniendæ præbuit, hanc autem esse ex iam dictis arbitror. Ergo quandoq; placere res nouæ mundo, sic in nos mare emittitur, desuper ut feruor ignisq;, cum aliud genus exitij placuit.

EX CAPITE XXIX.

Berosus qui bellum interpretatus est.) Legendum Belum per simplex l. ut sit nomen uiri. Belusenim fuit rex Assyriorum, quem Iouis nomine dignantes, pro sanctissimo deo Assyrii colebant. Plinius libro sexto, ubi de Babylone. Durat adhuc ibi, inquit, Iouis Beli templum. Inuentor hic fuit syderalis scientiæ, quam deinde etiam editis uoluminibus celebravit, quæ postea Berosus Græce interpretatus est doctissime. qui tantum enituit in Astrologia, ut ei, ob diuinas prædictiones, Athenienses publico in gymnasio statuam inau-

rata lingua statuerent. Quod autem ad Belum attinet, quia is primus in astra aditum ostendit, ab eius nomine crediderim cœlum quoque ipsum, atque astrorum ætherisque ambitum βυλὸν à multis prioribus Græcis dici. Item paulo infra. Magnæ potentie signa quoque in ipsa mutatione etc.) Legendum distincte, et separatim. Signa, quæ in ipsa mutatione etc. Et infra mox. Et istas ego per ceperim causas.) Vetus lectio. Receperim, hoc est admiſerim et approbauerim. Nescio quo consilio hæc lectio immutata est, cum et vulgata exemplaria habeant Receperim.

EX EODEM

Et illa quæ in conſtellatione nostris placet.) Vetus lectio Et illa quæ in conſtellatione numeris placet. sed hæc aliquanto corruptior est. Fuit quando hæc uolumina Senecæ raptim transcurrrens, nihil in hunc locum, tanquam planum et apertum offenderim. Nuper uero, cum horum castigandorum prouinciam suscepissem, diligentius aliquantum, et attentius cuncta euoluens. neque primam tantum cutem, et sententiarum speciem, sed sanguinem quoque ipsum, ac medullam uerborum introspectiens, atque eruens (quoniam medici officium est, non apparentia tantum uitia curare, sed etiam quæ latent inuenire) impegi in hunc, tanquam in scopulum quendam, ubi multum, diuque magno cum labore, ac sudore frustra luctatus, sæpe cum desperatione et pudore reiectus. puduit enim me, fateor, mei ingenij et industriæ circa locum pene planum tandiu frustra laborare. Quare rursum, quasi indignatione incitatus, resumpta spe, locum repetens, atque omnem (ut dici solet) lapidem mouens, uix tandem aditum exitumque inueni, singula conferens cura scrupulosissima. Legendum itaque est. Et illa, quæ in conſtellatione nostri placent. Præterea non, Hoc quoque transferendum, sed Huc quoque transferenda, scribendum. Hoc modo. Et illa, quæ in conſtellatione nostri placent, huc quoque transferenda puto. Sensus autem est. Illa quoque, quæ placent philosophis, et præsertim natalium peritis in prima origine, et conſtellatione hominis, huic mundanæ perniciæ accommodanda, et conferenda esse. Placet autem philosophis, qui fato omnia fieri uolunt, mentemque hominis uoluntate libera spoliata, necessitate inuicta deuincunt, in ipso hominis primo conceptu, quamprimum formari, et fingi, conſtarique tenera membra incipiunt, statui, decernique fati inuicta lege, atque causarum sempiterna serie totam postfuture uitæ rationem. fortunarum præterea, euentuum, periculorum, et casuum

EX LIBRO

illius, qui conceptus est. Ita nihil per totum uitæ cursum accidere, nisi ex primo fati decreto, & ex causis antegressis. Simili ratione in ipsa mundi nascentis prima origine constitutum & decretum esse dicit Seneca, quid facere, quid pati debeat. non fortuitam itaq; esse eluionem terrarum, sed a principio necessaria fatorum lege constitutam. Sed nolo pluribus in re confessa morari, euidentissimum est hanc esse ueram, nescio an etiam genuinam lectionem, uel ex sequentibus, & nisi quis conuiueat, facile id uidere potest.

EX EODEM

Maximam tamen causam ad se mutandam terra ipsa præbebit.) Vetus lectio Mundandam, non Mutandam. & forsitan melius. Per diluuium siquidem, & conflagrationem terra ipsa mundatur & purgatur potius, quàm mutatur. neq; obstat quod sequitur. Quam diximus esse mutabilem, cum hoc modo per partes omnia elementa inuicem sint mutabilia. uerum hoc ut uolent legentes. nobis satis sit locum ipsum ostendisse.

EX EODEM

Ergo quandoq; erit terminus rebus humanis.) Legendum Ergo quandoq; Item. Nec supersit in deteriora magis.) Lego Magister, non Magis. nam & uetusti codices habent Præceptor. hoc sensu. Quando terminus humanis rebus uenerit, plus tunc aquæ fieri quàm unquam fuit, per quam ita totum humanum genus deleri, atq; elui, ut nullus ex illa flagitiosa, & omnibus humanis diuinisq; sceleribus obruta & impiata gente supersit, qui nouam innoxiamq; plebem corrumpat, & in deteriora magistrum se præbeat. Hic quoq; requiro industriam emendatoris, qui loco uerbi Magister, Magis reposuit nullo sensu.

EX EODEM

Vide ergo ne terra non debeat minus.) Vetus lectio Vide ergo ut terra non debeat minus. Mutata & transposita uerba, sed idem est sensus, non tamen qui placere possit, aut quem requirimus, sed futilis, uagus, nec præcedentibus, nec sequentibus coherens. Legendum ergo arbitror cum interrogatione figurata, hoc modo. Vnde ergo terra habeat, minus ut ualidioribus infirma succumbat? quasi dicat terræ nullas uires sufficere, quin tantæ uolentiæ ingruentum undiq; aquarum uicta succumbat. Item haud multo infra.

Ambriaci & Cretici sinus.) Legendum ex Plinio, Strabone, Me-la, item cæteris. Ambraci non Ambriaci. dictus autem sinus Ambracius ab Ambracia Epiri urbe. Et paulo infra. Ex ipsis ar-

tibus.) Lege Arabus.

EX CAPITE XXX.

Atq; non subito.) Legendum Ad quæ, separatim. & supra, Vti quæ, non Vtiq; , ut sint duæ partes orationis utrobique. Item paulo infra.

Cum in hunc habitum ex informi unitate descenderet.) Vetus lectio Disceret, legēdū Discederet. Et paulo infra. Quid porro istinc, unde tantum tumultum uides? Metus est e' mari, & magno spiritu erumpentibus fluminibus.) Legendum Quis porro istinc, unde tantum tumultum uides, metus est e' mari, & magno impetu erumpentibus fluminibus? ut sit continuus uerborum & sententiæ cursus. Et quod mox sequitur. Vbi humorem natura disposuit.) Legendum cum interrogatione ne sensus titubet. Vbi non humorem natura disposuit, ut undiq; nos, cum uoluisset, aggredi posset?

EX EODEM

Mentior nisi erumpentibus terræ humor occurrat.) Legendum, Eruentibus terram. hoc est effodientibus & egerentibus ex puteis, uel ex cuniculis, quos propter auaritiam, uel aliquam aliam causam in terram homines agunt, hæc lectionem & sequētia confirmant. uulgata quoq; exemplaria rectam habent lectionem, quo magis mirari par est eius negligentiam, ne dicam temeritatem, qui recta, claraq; , & apertissima lectione repudiata, uerba adulterina, distorta, ac nullo pacto coherentia inculcauit. Oculatus lector multa huiusmodi hic temere interpollata inuenire potest, quæ nos librario potius, quàm cuiquam alij imputamus.

EX EODEM

Adijce nunc quod inanes sunt ex abdito lacus.) Lege Immanes sunt in abdito lacus. Item paulo post. Multum fluminum per operta labentium.) Vetus lectio Per opaca. sed nihil est immutandum. Item paulo infra. Et maiore hiato soluet.) Antiqui codices Maiorem hiatum. bona tamen & uulgata. Item infra. Venter exoluit.) Verusta exemplaria. Exhaurit, quam lectionem & Erasmus reposuit. Et infra. Nihil enim tam uiolentum.) Rectior est uetus lectio Nihil est tam uiolentum. Et mox infra. Infestumq; retinentibus.) forte Renitentibus. quam lectionem ex notulis ueteris codicis deprehendo. Potest tamen & uulgata lectio tolerari.

EX EODEM

Quæ scindit circuitq;.) Vetus lectio Quæ scindit creuitq;, forte legendum Eruitq; bene tamen et Circuit. Et paulo post. Sic momento se

EX LIBRO

redundantia pluribus locis maria committent.) Vetus lectio Sic momento redundantia maria se committent. neq; habent illa uerba, Pluribus locis, & haud scio an necessaria sint, praesertim cum atrocitatem rei, quam Seneca aggerare uidetur, diminuunt. Item infra.

Extinctisq; pariter feris ui aquarum homines ingenia transierent.) Legendum In quarum, non Vi aquarum, & Transierant, non Transirent. hoc sensu. Extinctis feris, in quarum ingenia & mores homines sceleratissimi descuerant, & degenerauerant a simplici, nutu, & innocenti cultu. Et infra. Omne ex integro animal gloriabitur.) Legendum arbitror Generabitur, non Gloriabitur, tametsi omnia antiqua, recentiaq; exemplaria Gloriabitur tueantur. Item. Sed illis innocentia non durabit.) Legendum ex uetustis codicibus. Sed illis quoq; innocentia non durabit.

ANNOTATIONES FORTVNATI IN

LIBRVM QVARTVM SENECAE.

EX PRAEFATIONE.

T subijci ne contumelia quidem possunt.) Vetus lectio Subigi. bona utraq; & fere eiusdem notae. Item infra. Ea miseria quisq; patet, quam patitur.) Vetus lectio uidetur probior. Ea maxime quisq; patitur, quae patet. Haec lectio bonum & sequentibus congruum sensum habet, quamuis subobscura sit. sensus autem uerborum talis uidetur esse. Iusto quodam fati iudicio quenq; ea maxime pati ab alijs, quibus ipse alios laesit. uerbi causa. Si quis uel lacerat, uel patitur apud se aliorum famam lacerari, accommodatq; faciliis aureis conuitijs, quibus bonorum nomen incessitur, ipsius quoq; fama lacerabitur, & multis conuitijs exagritabitur, magno successu lacerantium, & exagritantiu. ita iustissime poenam in authores recidere, & ea maxime parte quenq; obnoxium calamitati esse, quae patuit ad Calamitatem aliorum, seq; facilem detrectatoribus praebuit. Qui enim uel audit, uel dicit quae uult, quae non uult, audiet. Sophocles, ut refert Plutarchus, hanc sententiam sic extulit.

» φιλεῖ τὸν γλῶτταν ἐκείας μάτην,

» Ἀκῶν ἀκείνους ἐκὼν εἶπεν λόγους. idest,

» Etenim solet, qui dicta temere iecerit,

» Audire nolens uerba, quae dixit uolens.

Qua mensura alijs emensi fuerimus, eadem remetietur nobis. quod
 » Christus apud Matthæum sic testatur. ἐν ᾧ ᾧ κρίματι κρίνετε, κριθή-
 » σεσθε. καὶ ἐν ᾧ μέτρῳ μετρεῖτε, μετρηθήσεται ὑμῖν. hoc est. In quo
 iudicio iudicatis, in eo iudicabimini. Et qua mensura metimini alijs,
 illa remetientur vobis. In authores itaq; poena solet fere' semper de-
 torqueri,

» Vt Phalaris tauro uiolenti membra Perilli

» Torruit, infelix imbuit author opus.

» Primus inexpertum, Siculo cogente tyranno,

» Sensit opus, docuitq; suum mugire iuuenicum.

Perillus scuior Phalaride tyranno suffragabatur scuitiae tyranni
 tauro facto aereo, in quo homines inclusos igni subdito, mugitum imi-
 tatos pollicebatur. Et primus eum expertus cruciatum, in nulla
 unquam re Phalaridis iustiore scuitia.

EX EADEM

Plaucus artifex ante Vileum maximus.) Vetus lectio Plaucus artifex
 ante Vileum maximus. Et paulo infra. Nec dissimulando blan-
 diendum.) Vetus lectio Ex dissimulato, ea forma, qua ex occulto, ex
 composito. sed nihil muto.

EX EADEM

Futuros multos in persona tua Plancos cogita.) Quamquam omnia tam
 uetera, quam recentia exemplaria In persona habeant, cum tamen
 hoc uerbum sensus nullo modo patiatur, legendum censeo, non In
 persona, sed In prouincia, hoc est in Sicilia, in qua Lucilius Iunior
 tunc praefectus erat. In Sicilia itaq; dicit multos adulatores Planci
 similis esse, quos omni diligentia cauere Luciliū monet. Plutarchus
 quoq; nihil intentius cauendum esse, quam adulatores dicit, quoniā
 nullum sit genus perniciosius, quodq; in praecipitium festinatus agat.

» Cynicum Diogenem refert Stobaeus solitum dicere κρείττον εἶναι ἐς
 » νόραν καὶ ἀπελθεῖν, ἢ ἐς νόλαν καὶ. hoc est. Melius esse in cornos incide-
 re, quam in adulatores, quoniam illi tantum cadauera Et mortici-
 nia confectentur, ij etiam uiuos, bonosq; uiros laniatu pestifero ex-
 carnificent. Illud autem quod in Sicilia multos Plancos dicit esse, non
 caret ratione. nam sicut Creteneses, propter familiaria Et domestica
 mendacia, apud antiquos infamia pulsati sunt, ita Siculi, propter adu-
 lationem, proprium germanumq; uitium, semper male audierunt.
 author Q. Curtius.

EX EADEM

Et quidem sic, quemadmodum opponi amico solet. Quae si impulit gra-
 ta, gravior est si effregit.) Legendum esse uidetur. Nec quidem sic,
 quemadmodū opponi amicæ solet, quae si impulit grata est, gravior
 si effregit. Nihil gratius amantibus, quam proteruitas amicarum.

EX LIBRO

EX EADEM

Non incertam fidem iuris.) Lego ex uetustis codicibus, Ruris, cuius fides paulo minus incerta est, quam fori. Nam sæpe spem agricolarum seges uanis eludit auenis, sæpe imber nocet, sæpe grando sata decutit, aut etiã proterit. rubigo quoq; maxima segetũ pestis, uinearumq; malum nullo minus noxium, consumit ruris fructus. Sæpe etiam ipsa rura usq; ad iniuriam sterilitatis exarescunt. Quid quod ipsa quoq; fertilitas suspecta est, luxuria procumbentibus satis.

EX EADEM

Et Apollonio. Picturæ.) Vetus lectio Et Apollonio pictæ. Legendũ ergo Et Apollonio pyctæ, hoc est pugile. Pyctas enim pugiles appellant multi antiqui scriptores, a Græcis usurpato uocabulo. Lampridius in Heliogabalo. Gladiatores, inquit, ante conuiuium pugnantes sibi, et pyctas frequenter exhibuit. Et Pliniani uetustissimi codices libro. VII. ubi similitudinum ponuntur exempla, sic habent. Indubitatum exẽplũ est Nicei nobilis pyctæ Byzantiĩ geniti. nõ Poëtæ, ut in uulgatis legitur exemplaribus. Nam et in Solini iam carie propter uetustatem semesis exemplaribus omnibus, qualia nos ad uiginti fere diligenter contulimus, legitur, Vel in Byzantio nobili pugile. Et quod mox sequitur. Quamuis staturã habeas Thetisum recte compositi.) Locus corruptissimus, quem sine præsidio uetustissimorum codicum difficile est restituere. nam in istis, quos nunc habeo, codicibus omnibus æque deprauate legitur, præterquam, quod unus uetustissimus habet Thetisi in Threcæ cõpositi. Vnde legendũ arbitror Thetisi Threcæ incompositi. Threcæ enim siue Threces dicebantur gladiatores a similitudine Parmularum Thraciarum, ut docet Festus.

EX EADEM

Hominem quidem non esse illo liberaliorem.) Vetus lectio, Illum, non Illo, sed legendum Vllum, ut sensus constet. Nam hoc quoq; ad artem Gnatonis pertinet, ut suum quisq; regem in omnibus rebus alijs præferat. Item. Ita est mihi uilius, quo apertior est. Adulatio quo improbior &c.) Legendum, ut et superius annotauimus. Ita est mi Iunior, quo apertior est adulatio, quo improbior, et reliqua. iuncto sensu. Habent hanc lectionem et uetusta omnia et recentia fere exemplaria. quo minus ferenda est temeritas illius, quisquis sit, qui ueram sinceramq; lectionem ita corruerat. Item paulo infra. Ab omni eum parte tentasse.) Legendum ex uetustis uulgatisq; codicibus, Tentasti. Et paulo post. Quod consecrari mallet, quàm conuerti.) Vetus lectio Conteri, forte rectior, hoc est frangi, molliiri, et ab

illa seueritate, animiq; magnitudine deflectere.

EX EADEM

Frugalitatem laudare coepit.) Vetus lectio coepisti. sed recte legitur Coepit, ut non ad Lucilium, sed ad Gallionem referatur. Sequitur enim, ut illos nec habere, nec damnare uideatur. Quanquam haud parum dubito, an tota haec lectio conuulsa, & deprauata sit, ita omnia inepta, frigida & abrupta, nonnulla uero etiam dissona sunt. Primo, illa uerba Quae sic a nobis, uel, ut alij Legunt, A uobis resiliuit) quid referunt: frugalitatem ne? nihil profecto ineptius putidiusq; sed procedat hoc. Verbum deinde, Illos, quo referendum? quod nullo pacto cum uerbo Nobis aut Vobis locum habere potest. Etiamnum alia, quae sequuntur, nulla ratione coherent. Legendum itaq; arbitror hoc modo. Quare sic a nobis resiliuit? uti nos nec laudare nec damnare uideatur. Moderationem enim animi Gallionis laudat. Sensus autem est. Quare Gallio frater meus, cum eum laudarem, eiq; adularer, a nobis sic resiliuit? hoc est, non probatis, uel reprobatis nostris de se laudibus, uerba sua ad frugalitatem laudandam transtulit. Respondet deinde Seneca. Vti nos, inquit, nec laudare nec damnare uideatur. quod argumentum temperati animi est.

EX EADEM

Nemo enim imputari sibi bonitatem publicam patitur.) Legendum ex uetustis, & etiam uulgatis codicibus. Nemo non imputari. sic paulo infra. Quas nemo non in sinum recipit. Et paulo ante. Vbi artem simulationemq; non redolet) Legendum ex uetustis codicibus. Vti artem simulationemq; non redoleat. Item infra. Quia paria factururus.) Vetus lectio Qui, non Quia. & mox, Dixeris, non Dixerit. Et paulo infra. Quanquam paupertas alias uaderet.) Lego. Alia suaderet. Item. Vbi praesens studij pretium est, ad gratuita carmina deflexi me.) Vetus lectio Deduxi me. bona utraq;.

EX EADEM

Non mihi inimicitia Gettuli grauis fidem eripuit.) Vetus lectio Nec mihi inimicitia Getulici Gaius fidem eripuit. Legendum ergo Getulici Caij. ut paulopost. Videbam apud Caium tormenta, uidebam igneis. Caius Caligula, fax humani generis, per adulationem Getulicus fuit dictus, ut refert Suetonius ex Plinio. Et quod sequitur. Infelicitur armatorum.) Commodius erit si Armati, non Armatorum legerimus.

EX LIBRO
EX EADEM

Periculis meis paratis ire in ea.) Vetus lectio Periculis meis maior, paratus ire in ea &c. Et paulopost. Vtrum satis esset me perire pro fide.) Satus legerim potius, quam Satis. Item haud multo infra.

Virgilianum illud excludi.) Vetus quoq; lectio Excludi, sed deprauatum esse uerbum non est dubium. Forte legendum Excude. Item infra. Erimus una, qua parte Optimi sumus.) Vetus lectio Meliores sumus. bona utraq; animo enim & meliores, & optimi sumus.

EX CAPITE I.

Cui danubium similem habere naturam.) Vetus lectio Similem natura. bona utraq; sed ueteris gratia maior.

EX CAPITE II.

Tantum usura, quantum siccitati annuae sufficere possit.) Forte Hausura legendum, non Vsura. nam & uetusti codices Ausura. Item infra.

Quare non cum poeta in ea re iocor, & illi Ouidium suum impingo.) Ita & uetusti codices. Lectionem tamen corruptam esse nulli dubium esse debet. uel Senecam lapsam memoria. quod ego non credo, sed potius seculum illud rude & in crassissimas tenebras prolapsum, quo omnes bonae literae obsoluerant, nullum nouisse poetam praeter Virgilium, & Ouidium. Quare putauisse hic Ouidium scribi debere, ubi uel Albium, uel Tibullum legebatur. Non enim Ouidij, sed Tibulli est hoc hemistichion. Is libro primo inter caetera de Nilo haec scribit.

- » Te propter nullos tellus tua postulat imbres,
- » Arida nec Pluuio supplicat herba Ioui.

Vnde hic quoq; Pluuio, non Pluias legendum est, ut intelligamus Iouem ὀμβριον, siue ὑέτιον, cui apud Athenienses aram in monte Hymetto positam fuisse, iuxtaq; terrae simulachrum pluuiam ab eo suppliciter comprecantis, Pausaniae credimus. Aegyptus uero nihil Ioui Pluuio, nihil imbribus, nihil caelo se in alendis, augendisq; seminibus debere gloriatur. Nilum enim habet & colonum, & fecunditatis parentem. hoc uno aquarum genere pinguescit.

EX EODEM

Ad hanc Nilus magnus magis, quam uiolentus egressus. Aethiopiam harenasq;) Legendum ex uetustis codicibus. Hanc Nilus magnus magis, quam uiolentus, egressus Aethiopiam harenasq; &c. Nilus enim ex Aethiopia, in quam se diffuderat, egressus, collectis iam, & concordibus aquis Philas praelabatur, quae distant DC Mil. Pass. a Nili fissura, quae Delta facit. Plinius quatuor Philas ponit, Seneca uidetur

unam

unam multitudinis numero. Et illud quod praecedit. Urbem totam complectitur.) Legendum etiam refragantibus omnibus codicibus, Vrbs, non Urbem. hoc est, totam insulam, idest Philas, urbs eodem nomine complexa est. ut illud Plinij, ubi de insulis ante Asiam. In Phoenicio deinde mari est ante Ioppe Paria, tota oppidum. Philae sunt paulo supra Cataractem Nili, communis Aethiopum & Aegyptiorum habitatio. haec templa Aegyptiorum habuit, ubi Aacipitrem uice Numinis cultum accepimus.

EX EODEM

At ubi in scopulos cautius libravit, spumat.) Legunt aliqui Cautius non Cautius, & recte. nam neq; uetusti codices aliter. Praeterea Vibravit, non Libravit. ego uero ex uetustis Intrauit. Plinius. Postremo inclusus montibus, nec alibi torrentior. Et paulo infra. Obtusis assidue frangitur auribus.) Legendum Obtusis assiduo fragore auribus. Seneca alibi. At mehercule ego istum fremitum non magis curo, quam fluitum, aut deiectum aquae. Quamuis audiam cuidam genti hanc unam fuisse causam urbem suam transferendi, quia fragorem Nili cadentis ferre non potuit. Plinius libro quinto. Nouissimo Cataracte inter oarsantes scopulos non fluere immenso fragore creditur, sed ruere. Scribit Philostratus libro sexto De uita Apollonij, Nili uertice octo ferme stadiis ad Cataractas suspēdi, aquarumq; eius inde ruentium fragorem horrendum, & auditu intolerabilem esse, multosq; propius accedentes auditum amittere. Cicero in fragmento sexti De Rep. Nec est ullus hebetior sensus in uobis, sicut in illis, ubi Nilus ad illa, quae cataduppa nominantur, praecipitat ex altissimis montibus, ea gens, quae illum locum accolit, propter magnitudinem sonitus, sensu audiendi caret. Et mox infra. Et ob hoc sedibus ad quietiora translatis sunt.) Malim legere Ad quietiora translatis, alioqui illud uerbum, Sedibus, inane est.

EX EODEM

Exiguo ab hoc spatio terra diuiditur.) Vetus lectio rectior, Petra, non Terra, nam & paulo infra. Illa primum saxa auctum fluminis sentiunt. ita enim legendum est, non Saxum, neq; Auctu. Et quod mox sequitur. Abacton Graeci uocant.) Aliqui legunt Abactos. Vetus autem & uulgata lectio Abaton, & recte quidem. nam hanc lectionem & uerba sequentia probant. Nec illam, inquit, ulli, nisi antistites calcant. Illa itaq; petra ἀβάτος dicitur, quia non pater ad eam accessus prophanis, & hoc quidem propter Nili uenerandam maiestatem, qui Aegyptijs uice Iouis cultus est, Iupiterq; Aegyptus

EX LIBRO

appellatus. Pindarus Nilum Saturnium uocat, quasi & ipse, ut Iupiter, Saturni filius sit, & Iupiter æque nominetur.

EX EODEM

In hæc ora stirpem sacerdotes.) Lego Stipem, non Stirpem. Plinius libro
 » octauo. Memphi est locus in Nilo, inquit, quem a figura uocant
 » Phialam, omnibus annis ibi auream pateram, argenteamq; mergen-
 » tes diebus, quos habent natales Apis. Solinus quoq; Apis natalem
 » celebrari a Memphitis iactu in Nilum pateræ tradit. Et mox
 infra. Ne in altitudinem excedat) Sensus postulat ut Latitudinem
 non Altitudinem legamus. Item infra. Et quod obliniat.) Vide-
 tur esse legendum Oblimat, hoc est illato limo saturat, & opplet.
 » Cicero libro secundo De natura deorum. Nilus Aegyptum irrigat,
 » & cum tota æstate obrutam, oppletamq; tenuerit, tum recedit, mol-
 » litusq; & oblimatus agros ad ferendum relinquit. Vnde Seruius
 grammaticus existimat dictum esse Nilum quasi νεῖλ λυῖν. hoc est
 nouum limum, quod oblimet, nouum lutum deuehens, singulis annis
 Aegyptum. Et paulo infra. Adeo nihil edit.) Vetus lectio Exedit,
 & rectius.

EX EODEM

Illato enim limo arenas saturat ac iungit.) Forte Legendum Inungit,
 hoc est pinguis, fertilisq; facit. potest tamen & Iungit custodiri,
 hoc est rimosas hiantesq; astringit, & conglutinat. Et paulo ante.

Nimumq; in eo sit.) Legendum, ut sensus constet, Minimum, non
 Nimium, Item infra. Cæterum belluas marinas uel magnitudine,
 uel noxa pareis educat. Lego Marinis, dandi casu, non Marinas,
 ut uerbo Pareis respondeat. Item. Et ad nauigandum loci conti-
 net.) Legendum ex uetustis Ad uagandum, hoc est, huc & illuc di-
 scurrendum. Neq; enim nauigant belluæ, sed uagantur. Et infra.

Valde properantibus prælium.) Alij legunt Velut pro parti-
 bus, forsitan recte, neq; enim aliter habent uetusta exemplaria, ut
 intelligas Pro partibus, pro suis finibus & terminis. Crocodili enim
 pro Nilo, tanquam pro regno suo dimicant. Plinius libro VIII.
 » Abigentes eos præda, ac uelut in suo tantum amne regnantes. &c.
 Ego aliquando existimaui esse legendum Velut præparantibus præ-
 lium, nunc autem uideo id non posse coherere. Item. Et in aduer-
 sum emersi.) Vetus lectio Emissi. bona utraq;

EX EODEM

Nec illos tincturæ generis, aut sanguinis proprietate separant.) Vetus-
 sta quoq; exemplaria nihil uariant. mendosum tamen hunc locum
 esse, & in labem tractum cui non apparet. Sed bene habet, quod
 facile,

facile, nulloq; negotio ex Plinio, Solinoq; & item alijs restitui, et emen-
dari potest. Legendum ergo hoc modo. Nec illos Tentyritæ generis,
aut sanguinis proprietate superant, sed contemptu & temeritate.
quam lectionem & sequentia Senecæ uerba confirmant. Nota est
historia solos Tentyritas dominari Crocodilis, ut Psyllos, Marsosq;
» serpētibz. Plinius libro. XXVIII. In insula, inquit, Nili tentyri na-
» scentes tanto sunt Crocodilis terrori, ut uocem quoq; eorum fugiant.
» Idem libro. VIII. ubi de Crocodilis. Quin & gens hominum est
» huic belluæ aduersa in ipso Nilo, ab insula Tentyri, in qua habitat,
» appellata. mensura eorum parua, sed præsentia animi in hoc tan-
» tum usu mira. Quæ uerba Plinij maxime cū illis Senecæ consonant,
ubi ait Tentyritas non generis, aut sanguinis proprietate superare
Crocodilos, sed animi præsentia, & temeritate in hac tantū re præ-
» cipua. Faciunt ad hoc & uerba Solini. Præterea habitant, inquit, in
» insula Nili homines forma perexigui, sed audacia eousq; præditi, ut
» Crocodilis se offerant obuios. Incolæ autem huius Insulæ Tentyritæ
apud Strabonem appellantur. quos dicit præter cæteros Aegyptios
» mīrum in modum Crocodilos persequi, atq; ex omnibus belluis ini-
» micissimos habere. Cæteros enim Aegyptios, quanquam eius ani-
» malis malitiam nouerint, & humano generi perniciosum sciant,
uenerari tamen, & ab eo abstinere. Tentyritas uero omnibus mo-
dis id inuestigare atq; occidere. Non deesse præterea qui existiment,
quemadmodum Psyllis apud Cyrenaiam regionem contra serpen-
tes, sic & Tentyritis naturale quoddā uirus inesse contra Crocodi-
los. Hinc ab eis nihil pati, nihil timere, sed intrepide natare et aquā
» tranare, alijs minime id audentibus. Addit itē ultra. Cum Crocodili
» causa spectaculi Romam allati fuissent, Tentyritas cum eis uenisse,
Crocodilisq; factum fuisse euripum in modum piscine, & in uno
latere euripi egressum facilem, ut in aprium ex aqua egredi pos-
sent ad præbendum spectaculum. Tentyritas uero præsto fuisse,
qui eos etiam inuitos nunc extraherent ad Solem in conspectum
spectatorū, nunc rursus in aquam retraherent magno spectan-
» tium miraculo. Atque adeo ipsa Strabonis uerba, si cui legere li-
» bet, ex XVII. Geographiæ libro subiiciam. μετὰ δὲ πρὸ ἄβυ-
» δος διόσπολις ἡ μικρά. εἴτα τέντυρα πόλις. ἐνταῦθα δὲ διαφερόντως
» παρὰ τῆς ἄλλου ἀγρυπῖους ὁ κροκόδειλος ἡτίμωται. καὶ ἔχθιστος τῶν
» ἀπάντων θηρίων νενόμισται. οἱ μὲν γὰρ ἄλλοι καί πρὸ εἰδότες πρὸ καίαν
» τὴν ζῶν, καὶ ὡς ὀλέθριος τῷ ἀνθρώπινῳ γένει σέβονται ὁμῶς καὶ ἀπέ-
» χονται. οὗτοι δὲ πάντα πρόπρην ἀνιχνεύουσι, καὶ διαφθείρουσιν αὐτῶς. ἐνίοτε

EX LIBRO

- » δ' ὡς πρὸς τοὺς φύλλους πρὸς τῇ κυρυναίᾳ, φυσικὴν τινὰ ἀντιπάθεσιν ἔχει
 » πρὸς τὰ ἔρπετα, οὕτως καὶ τοὺς τετυρίτας πρὸς τοὺς κροκοδείλους. ὥστε
 » μηδὲν ὑπ' αὐτῶν πάχειν. ἀλλὰ καὶ κολυμβᾶν ἀδελῶς, καὶ διαπρᾶν, μηδενὸς
 » ἄλλου θαρροῦντος. εἰς τε πλὴν ῥώμην κομιοθεῖσι τοῖς κροκοδείλοις ἐπὶ δειξί
 » ὡς χάριν, σωηκοιούθου οἱ τετυρίται. γενομένης τε δεξαμενῆς καὶ πρὸς
 » μακρὸς τινὸς ὑπὲρ μιᾶς τῶν πλουρῶν. ὥστε καὶ τοῖς θηρίοις ἐκβάσι τὸ ὕ-
 » δατος ἡλιασῆριον εἶναι. ἐκείνοι ἦσαν οἱ ἅτε μὴ ἐξέληκοντο διηκτύῳ πρὸς
 » τὸ ἡλιασῆριον, ὡς καὶ ὑπὸ τῶν θεατῶν ὁραθῆναι. ἐμβάνοντο ἅμα εἰς τὸ ὕ-
 » δωρ. ἅτε δὲ πάλιν εἰς πλὴν δεξαμενὴν καταπῶντο. De Tentyritis
 » Hermolaus in Plinianis castigationibus, et Iuuenalis in ea Saty-
 » ra, quæ est de pudēdis portentosisq; Aegyptiorū Numinibus. Quo-
 » niam autē hic de Delphinis quoq; fit mentio, nō alienū fortassis erit,
 » neq; ingratum lectionis Plinianæ studiosis, si in eo de Delphinis lo-
 » cum, iam inde a multis seculis deprauatum, et ad hanc diem a
 » nemine, quod sciā, emendatum, aut intellectum (legentes quæso boni
 » consulant) restituero ex uetustissimis probatæ fidei codicibus. Libro
 » nono Naturalis historiae de Delphinis sic legitur in uulgatis codi-
 » cibus. Nanq; cū fame conciti fugientem in uada ima psecuti piscem,
 » diutius spiritum continere, ut arcu emissi ad respirandū emicant,
 » tantūq; ui exiliunt, ut plerunq; uela nauium transuolent uento.
 » Agunt uere coniugia etc. Alij loco uerbi, Vento, legunt Euntium,
 » alij Iuncti, ut ad sequentia pertineat, hoc modo. Iuncti agunt uere
 » coniugia. Non displiceret hæc lectio, si modo uera esset, neq; sibi dissi-
 » deret. Quomodo. n. fieri potest, si uere agūt, siue iuncti, siue diuisi con-
 » iugia, et decē mensibus catulos gestant, ut æstiuo tēpore pariant? Nu-
 » mera a Martio, q. facit Veris initiū. uel, si mauis, a Februario decē
 » mensis, partus Delphinorū in Decembrem, uel saltem Nouembrem
 » incidat, necesse est. Quo pacto igitur æstiuo tēpore pariunt? Nec possi-
 » mus dicere in hoc aliquid erratum esse, nam et Aristoteles libro. VI.
 » De historia animalium, ubi de partu Delphinorum. κβει δὲ δέκα
 » μῆνας. τί κτε δὲ ὁ δελφίς ἐν τῷ θέρει. ἐν ἄλλῃ δὲ ὥρᾳ οὐδεμιᾶ. Fert,
 » inquit, uterum Delphinus decem mensibus. Parit autem æstate, nec
 » ullo alio tempore. Vides hanc lectionem nullo modo defendi, aut to-
 » lerari posse. Euntium uero, et si uolueris, potes addere Vento, ad
 » præcedentem quidem sensum pertinet, sed ineptum facit. Quid enim
 » interest stantium, an euntium uento, uel remis nauium uela transuo-
 » lent? Aristoteles libro. IX. historiae animalium, maiorum etiam
 » nauigiorū transilire malos dicit cuius uerba de Delphinis hæc sunt.
 » λέγεται δὲ καὶ περὶ ταχυτήτος ἀπίστα τοῦ ζώου. ἀπάντων γὰρ δοκεῖ εἶναι
 » ζώων

» ζώων τάχιστον καὶ τῶν ἐνὶ ὄρω, καὶ τῶν χειροπόρων. καὶ ὑπεράλλονται δὲ
 » πλοίων μεγάλων ἰσούς. hoc est, dicuntur autem et incredibilia de ve-
 locitate huius animalis. Omnium enim apparet esse animalium ve-
 locissimum et aquaticum et terrestrium Transiliunt quidem etiam
 maiorum nauigiorum malos. Et paulopost καὶ ὑπερβάλλονται τοὺς
 ἰσούς, ἐὰν παρατύχῃσι τῶν πλοίων. id est. transgrediuntur etiam ma-
 los nauium, si forte in eas inciderint. Sed hoc nihil adiuvat, nam et si
 nauium maiorum legamus, adhuc de coniugis manebit idem error.
 Vetus autem lectio omnibus numeris sibi consonat, et conspirat, quæ
 talis est. Vt plerumque uela nauium transuolent. Vagantur fere con-
 iuges. Hoc est, coniugati et copulati, ut Coniuges sit nomen adie-
 ctivum, quemadmodum iniuges, biuges, et cætera his similia. Plinius
 » libro octauo de Aspidibus. Coniuga ferme uagantur, nec nisi cum com-
 » pare uita est. Idem libro nono de piscium diuersitate. Vagantur gre-
 » gatim fere. Apud Solinū, qui omnia ferè, quæ scribit, ex Plinio ma-
 » gna ingratitudine accepit, integer sincerusque mansit hic de Delphinis
 » locus. Ante omnia, inquit, nihil uelocius habet maria, ut plerumque sa-
 » lientes transuolent uela nauium. Quocumque eant coniuges euagan-
 » tur, ætulos edunt, decimus mensis maturum facit partum, Lucinam
 » æstiuus dies soluit etc. In uetustissimis aliquot Solini codicibus legi-
 tur Quoquo eant coniuges euagantur. quæ lectio mire conuenit cum
 Pliniana antiqua. Aristoteles quoque libro nono De historia animalium,
 unde Plinius hæc accepit, διασπύβουσι δὲ μετ' ἀλλήλων κατὰ συζυγίαν
 οἱ ἄρρενες τὰς θηλείας. Theodorus hoc ita interpretatus est. Delphini
 mares coniugatim degunt cum foeminis. Plinius uero more solito felici
 breuitate duobus uerbis hæc Aristotelis sententiā expressit. Vagantur,
 inquit, fere coniuges. Illud enim διασπύβουσι, uerbo Vagantur magis
 proprie, quam uerbo Degunt exprimitur. Quæ uerba Aristotelis
 ita nostram confirmant castigationem, ut nulla superesse amplius
 debeat dubitatio. Ex uerbis Aristotelis credo datam fuisse aliquibus
 occasionem Plinium corrumpendi, et inculcandi inepte, et superua-
 caneæ illud uerbum Iuncti (quod glossema uerbi Coniuges, aliquan-
 do fuisse arbitror) Ceu uero non omnium animantium iuncta, co-
 pulataque sint coniugia. Præterea etiam loco uerbi Vere, ut euitarent
 errorem, qui ex tempore sequebatur, legunt Vera, hoc modo. Iuncti
 agunt uera coniugia. Quæ lectio falsa, inepta, et ad libidinē ficta est,
 indignaque Plinio, quam reprobare satis poterant uel Solini codices.

EX EODEM

Non descendisse decimo regni anno, et undecimo constat.) Vetus lectio

EX LIBRO

- » Non ascendisse. ita & paulo infra. Per nouem annos non ascendisse
 » Nilum superioribus seculis. hoc est non inundasse, neq; in agros more solito diffusum fuisse. Nam cum iustum sit incrementum eius cubitorum XVI. illo biennio contractior, et exilior, non ultra quinque cubitos ascenderat. Inundatione itaq; solita, idest ubertate fraudata Aegyptus frustra tunc nubila optauit, caelumq; respexit. Plinius libro V. de auctu Nili. Maximum incrementum ad hoc æui fuit
 » Cubitorum XVIII. Claudio principe. Minimum V. Pharsalico bello. Ita enim legendum est, non Minimumq; , ut perperam in omnibus vulgatis Plinij codicibus legitur.

EX EODEM

In eadem opinione omnis uetustas fuit.) Codices antiqui Vetus ætas. bona utraq; , & paulo infra, loco uerbi Tradebant, ueteres codices habent Tractabant, ego malim legere Credebant. Item infra. Nullum materię superadornatę manet operimentum.) Vetus Superadornatę. nõ facile dixerim utra sit rectior. inclinatur animus, ut utraq; deprauatã credã. Nisi Seno, uel Sepo adornatę legere uelimus. Itẽ infra. Alexandria quoq; longe ab huiusmodi immodicis caloribus est posita. Nives nõ cadunt superiora pluuia carent.) Vetus quoq; exemplaria propẽ eodẽ modo habent, sed mihi hæc lectio tota distorta uidetur. Neq; enim sibi conuenit, nec quicq; ad argumentum facit, quo nives in Aethiopię montibus non esse probaret. Quare, ut singula cohæreant, & sequentia præcedentibus respondeant, legendum esse censeo hoc modo. Alexandria quoq; , quę longe ab huiusmodi immodicis caloribus posita est, nives non cadunt, superiora etiam pluuia carent. Ita hoc argumentum efficax erit.

EX EODEM

Quemadmodum ergo regio tantis subiecta feruoribus duratur as per totam æstatẽ nives recipit.) Legendum ex uetustis Quomodo ergo. itẽ Recipit? cū interrogatione, nõ Recipit. Et qđ mox sequitur. Quas sanẽ aliqui montes illic quoq; excipiant? Legendum est sine interrogatione. hæc. n. uerba non interrogantis, sed admittentis sunt. Interrogatio autem debet poni mox post uerbum Recipit, ut diximus. Item mox.

Nunq; magis Alpes, quàm Thracię iuga.) Scribendum ex antiquis codicibus Nunq; tamen magis, quàm Alpes, quàm Thracię iuga. hoc sensu. Et si aliqui montes in Aethiopia excipiant nives, non tamen maiores excipiunt, quàm Alpes, & quàm Thracię iuga. Item paulo infra. Nec Rhenus, nec Rhodanus, nec Caystrus.) Vetus lectio Nec Ister, nec Caystrus. Quamuis Cayster frequentius proferant authores in er, quàm in us, Senecam tamen credo propter uitandum ἰμοιότη' αὐτοῦ Caystrus, non Cayster protulisse.

Ex eodem

Aestate proueniunt, & illis altissimæ in septentrionalibus iugis niues sunt. Phasis quoq; per Indiæ campos oras tenens cresceret, si niues flumina possent contra æstatē magna producere.) Vetus lectio æstate. Sunt & illis altissimæ in septentrionalibus iugiter niues. Phasis quoq; p Indiæ tempus, & oris tenus cresceret, si niues flumina possent contra æstatem magna producere. Harum lectionū utra sit, non dico rector, sed corruptior, & portentosior, difficile est discernere, ita fæde omnia uerba, partim mutata, partim luxata, & (ut ita dicam) delubata, partim autē suo loco, & ordine mota sunt. Ego, si quis coniecturæ locus est, legendū ita censeo, ut illud uerbū Aestate, ad præcedentē clausulā ptineat, hoc modo. Nec Rhenus, nec Rhodanus, nec Ister, nec Caystrus subiacent malo æstate. Cætera uero sic. Altissimæ sunt & in illis septentrionalibus iugis niues, Phasis quoq; per id tempus, eas oras tenens, cresceret, si niues, & reliqua. Quid si legatur? Altissimæ sunt et in septentrionalibus iugiter niues. uel, Iugesq; niues. Dicit enim paulo infra parters septentrionalers semper hybernas esse. Virgilius de Scythia.

- » Illic clausa tenent stabulis armenta, neq; ullæ
- » Aut herbæ campo apparent, aut arbore frondes,
- » Sed iacet aggeribus niuēis informis, & alto
- » Terra gelu late, septemq; assurgit in ulnas.
- » Semper hyems, semper spirantes frigora Cauri.

Phasis Colchorum fluius est in Moschis ortum habens. hūc Aristoteles ex Caucaſo monte profundi dicit. Verbū autem Proueniūt, tanq̃ inane, remouendū censuimus, credo glossēma illius uerbi sunt, fuisse, ab aliquo ignaro appositum.

EX EODEM

- Præterea, si hæc eadē attollerent Nilū.) Legendū Hæc causa attolleret Nilum. Et infra. Etesiae descendentes Nilo resistunt.) Lego ex uetustis codicibus Descendenti Nilo. Confirmat hanc lectionem quod mox sequitur. Et cursus eius actus contra ostia maris sustinet.) Lego Et cursus eius, acto contra ostia mari, sustinent. nā et uulgati codices Acto, nō Actus. Plinius libro quinto de Nili incremento. Causas huius incrementi uarias prodidere, sed maxime probabiles Etesiarū, eo tempore ex aduerso flantium, repercussu ultro in ora acto mari.
- » Aut Etesiae per ea tempora flantes, inquit Mela, uenienti obuij, aduerso spiritu cursum descendents impediunt, aut arenis, quas cum fluctibus litori applicant, ostia obducunt. Seneca quoq; paulopost.
 - » Tunc enim eijcitur mare instantibus uentis.

EX LIBRO
EX EODEM

Et quocumq; mox potuit incontextus erumpit.) Vetus lectio purior. Et quacumq; mox potuit, inconcessus erupit. hoc est. quamuis includeretur, & cogeretur oppositis aggeribus, & chomatis intra alueum fluere, ne excedens regionem laceraret, ipse tamen, cum se non capit, ruptis molibus, per scissuras & diacopos aggerum errumpit. Plinius libro X. tradit Hirundines continuatione nidorum molem inexpugnabilem Nilo euaganti opponere. Item paulo infra.

Inde Nilus fluit maior.) Vetus lectio Vbi Nilus fluit maior. Item.

Cum resederint in pelagus, conquiescit.) Legendum Cum resederint, & pelagus conquiescit. hoc est. cum Etesiae posuerint, & flare desierint, tunc & pelagus conquiescit, nec, fluctibus in ora Nili actis, cursum descendens remoratur. Item Descendenti, non Discedenti legendum.

EX EODEM

Præterea non sit quo illi fauere uehementius.) Lego Præterea non sit maior, quod illi flauere uehementius. quam lectionem uerba sequentia probant. Nam si Etesiarum flatus causa est inundationum Nili, consequens esset, quod illi uehementiores flarent, eod' maiora aquarum fieri incrementa. Item. Quid quod Etesiae litus uerberant.) Vetus lectio Litus Aegypti uerberant. Item infra. Nunc turbidus uenit.) Antiqua lectio Non, ut nunc, turbidus ueniret. Itē mox. Adde quod testimonium eius.) Vetus lectio Age quod testimonium eius. bona est utraq; Itē paulo post. Cum ignota essent externa.) Vetus codices addunt Litora, et recte. Et infra. Nunc uero tota extremi maris ora.) Vetus codices non Extrema, sed Exteri, forte uerius.

EX EODEM

Quorum nemo narrat Mintium, Nilum, aut mare saporis alterius, quam natura credi uetat.) Vetus lectio Quorum nemo narrat nunc Zeum Nili, aut mare saporis alterius, quod & natura credi uetat. Corrupta utraq;. Legendum ex præcedentibus crediderim. Quorum nemo narrat nunc coeruleum Nilum, aut mare saporis alterius, quod & natura credi uetat. nam superius dixerat. Præterea » ex mari purus & coeruleus efflueret. Item paulo ante. Cæterum » dulcis mari sapor est. Emendatori uero huic familiare est Mintium inculcare, ubi aliud non potest. Et paulo infra. Præterea quare hyeme non crescunt.) Lego Crescit, ut Nilum intelligas. Item infra.

Semel populet Aegyptum.) Vetus lectio non Populet, sed Opleret. & recte.

EX EODEM

Genopidechius ait.) Legendum Oenopides Chius. Huius & apud Plinium fit mentio.

fit mentio. Item. Sed in alijs terris augent imbribus flumina.) Lego Augentur. Item infra. Quod si uerū esset, æstate abundaret.) Vetus lectio integrior. Quod si uerū esset, æstate flumina crescerent, omnesq; putei æstate abundarent. Item mox. Deinde calorem hyeme sub terris esse maiorem.) Vetus lectio Deinde non calorem hyeme &c. & recte. refutat enim opinionem Oenopidis Chij. Sunt autem multi philosophi cum Oenopide, qui dicunt magnā uim terræ cauernis contineri caloris, eamq; hyeme esse densiorem, ob eamq; causam calorem insitum terris contineri arctius. Item. Ex eadem causa æstate frigidant.) Vetus lectio rector. Refrigerant. Item. Hunc & siccata tellus ex mari ducit, & ex cæteris aquis.) Verior, elegantiorq; est uetus lectio, Hunc exsiccata tellus, tum ex mari ducit, tum ex cæteris aquis.

EX EODEM

Sunt enim perforata omnia, & itinere peruia.) Lego Inuicem peruia. Diximus superius capite XIX. Tertij, aquas in terra quibusdam foraminibus inter se consuere. Terram siquidem ipsam esse porosam, & uenis quibusdam, atq; foraminibus humori peruiam, argumento sunt cuniculi stillantes, & quasi sudorem quendam emittentes. Nisi quis dicat ex aëre incluso, & frigore illas guttas fieri, eadem ratione, qua supra terram aër uaporosus in aquam frigore cogitur. sed flumina quæ absorbentur, rursus alijs locis redduntur, citra omnem dubitationem, & calumniā aperte declarant terram anfractibus, & cauernis subhiare.

EX EODEM

Ergo unde Sol trahit.) Vetus lectio Ergo undas Sol trahit, absq; interrogatione. Item mox. Sed ex his quæ premunt, maxime hæc remedia sunt.) Vetus lectio Meridiana, non Remedia, & recte. Præterea legendum Premuntur, non Premunt. hoc est excoquantur, & torrentur propinrioribus, & directis ac fere perpendicularibus radijs Solis. sequitur enim paulopost. Sic aqua illo incumbit, quod uis caloris, & terræ æstuantis arcessit. Item infra. Unde ergo trahitur.) Vetus lectio Trahit. utraq; recta, eiusdemq; sententiæ.

EX EODEM

Quod cuiq; superest, emneret.) Vetus lectio sincerior Emitteretur. hoc sensu. Nisi Pontus semper in unam partem, hoc est in Meridiem fluere, nunq̃ reciprocis aquis, redundantiaq; humoris, ac luxuria, quæ Septentrionalibus regionibus superest, hoc Ponti fluxu emitteretur, & humectaret æstuanters terræ Meridionalis partes, iam et Meridionalia omnia exsiccata fuissent, & Septentrionalia inundassent. Pontum autem semper in Propontidē & Aegēū, dehinc in alia me-

EX LIBRO

diterranea maria exæstuarè, nec unq̃ inde aquas reuocare docet
 » Aristoteles primo Meteoron. Plinius libro II. Et Pontus semper ex=
 » tra meat in Propontidem, introrsus in Pontũ nunq̃ refluxo mari. Idẽ
 » libro IIII. ubi de Ponti insulis. Non est, inquit, omittenda multorum
 » opinio prius, quàm digrediamur à Ponto, q̃ omnia maria interiora
 » illo capite nasci, non Gaditano Freto existimauere, haud improbabili
 » argumento, quoniam æstus semper è Ponto profluens, nunquam re=
 » ciprocetur ad eundem.

EX EODEM

Interrogare Diogenem libet, quasi cõpertus animus cuncta & inuicem
 commeet.) Vetus lectio Commeent, in cæteris ne uno quidẽ apiculo à
 vulgata dissentit, quod magis temerariũ erit hic coniectura piclitari
 qd legendũ sit. nã hæc omnia immutata & mendosa esse euidentius
 est, quàm ut aliquis dubitare possit. Nos tamen, q̃ nulla ambitione, sed
 utilitatis cõmunis causa hunc laborẽ suscepimus, nõ recusabimus uel
 graue iudiciũ subire. tantũ quæso memnerint legentes, nos nihil, nisi
 iuuandi gratia bonas literas quantũ in nobis est, facere, & ut hoc
 nostro qualicunq; labore, legentiũ labor, et tædiũ diminueretur, la=
 borare. Legendũ ergo tum ex superioribus, tum ex inferioribus ar=
 bitror hoc modo. Interrogare Diogenẽ libet, quare, cum Pontus &
 amnes cuncti inuicem commeet, nõ omnibus locis æstate maiora sunt
 flumina. Sensus apertior est, quàm ut uel exẽpli, uel declarationis
 indigeat. Iudiciũ uero legentiũ, ut toties præfati sumus, sicut in alijs,
 ita in hoc quoq; integrũ sit uolo, ac liberũ.

EX EODEM

Dẽinde, quia illa pars terræ sine humore est, omnis ad se ex alijs regio
 nubus trahit, eoq; magis humidior, quod calidior est.) Vetus lectio Dẽ=
 inde, quare ulla pars terræ sine humore est, cũ omnis ad se ex alijs
 regionibus trahat, eoq; magis, quod calidior est. Illud autem uerbũ
 Humidior, superuacaneũ est, & sine causa appositũ fuit. non. n. dicit
 terrã quo calidior sit, eodẽ humidiorẽ esse, sed eodẽ magis humorẽ at=
 trahere.

EX CAPITE III.

Inter nullos magis, quàm inter philosophos esse debet æqualitas.) Vetus
 lectio forsitan rector. Cũ inter nullos magis, quàm inter philosophos
 esse debet æqua libertas.

EX EODEM

Et quomodo cœpi tibi molestus esse.) Cõmodior, puriorq; est uetus lectio.
 Et quoniã cœpi. Item infra. Me usq; ad mendacia hæc leuiora.)
 Lege Qui me usq; ad mendacia. Item non Præscidi, sed Præcidi.
 Martialis II. Epigrammaton.

» Os tibi præcisum, quanto non ipse Latinus

Vilia Panniculi percutit ora sono:

Quod ultra notam significatione, aliam obscenā habet, ut νόπτο
 apud Græcos, ut in Batrachis Aristophanis καὶ νόπτετ' ἐν κενυφῶς.
 Illud. n. uerbū νόπτεται, ut etiam interpretes Aristophanis admanuit,
 κενυφάτος promuntiatur. Ab hoc uerbi significatu dicuntur præcisi,
 muliebri patientes. Seneca. Quid porro, nō est iniquū fortis arma
 sumere, & in castris pnoctare, & pro uallo obligatis stare uulneri-
 bus, interim in urbe securos esse præcisos, et professos impudentiā?
 Et paulo infra. Aquilone flante & suū cælū habente.) Vetus le-
 ctio Et suū diē habente. potest utraq; sustineri, omnes enim uentos
 uicius spirare Plinius est author. ita suos flatus cuiq; suasq; uices cer-
 to tempore redire. Quid si hic, non suū, sed sudū cælū legeremus?
 Aglonis. n. confessa potestas est nubis abigēdi, cælūq; serenādi, unde
 et sudificus apposite dicitur à poētis. propterea et ab Homero βορέης
 αἰθρηγέτης, hoc est serenificus, seu sudificus Boreas dicitur. Neq; il-
 lud obstabit, quod sequitur. Minutæ pluuie sunt, cū etiam sudo, hoc
 est, ut Nonius uult, semudo cælo, possint alibi minutæ pluuie esse.

EX CAPITE V.

Quid. n. mali est, aliquid & faciliori iudici scribere.) Ita habēt omnia
 etiā uetusta exēplaria, nullo tamen recto sensu. Nos Iudicio, nō Iudici
 scribēdū arbitramur, sensus autē erit. Nihil esse mali, neq; uitio uerti
 debere, si scribuntur aliqua ab authoribus nō adhibito acri iudicio.
 Nam quis potest omnia argumenta ad amussim, et ad unguē exco-
 gitare. quod si ab authoribus durius exigeretur, pauci admodū, hac
 difficultate territi, scriberent. His autē uerbis Seneca Latinis autho-
 ribus, q aliquid operæ leuioris scripserūt, patrocinatur. Vide quantā
 faciat confusionē unius literulæ detrimentū. Hanc nostrā lectionem
 confirmant etiā uerba sequentia authoris. Pauca. n. admodum sunt,
 inqt, sine aduersario. Itē infra. Si uolueris uerū exquirere.) uetus
 lectio Experiri. bona utraq;

EX EODEM

Et hoc intelligere usu ipso potuerit.) Scribe Potuisse. Et paulo infra. Pu-
 blice præpositos χαλαροφύλακας.) Scribendū χαλαροφύλακας per ζ.
 non per ξ. χαλαζα enim grando dicitur Græcis, nō χαλαξα. Et pau-
 lopost. Aut ad scoreas.) Vetus lectio Scorta. forte legendū Storeas,
 hoc est tegetes, seu mattas, quæ ex ulua, siue scirpo, aut sparto fiunt.
 Mihi non displiceret tueri authoritatem & fidē ueteris lectionis, cū
 Scorta, hoc est duriora & crassiora animalium coria, uestium im-
 pluiarum usum præbeant.

EX EODEM

Immo pro se quisq; alius agnū immolabat, alius pullū.) forte rectius

EX LIBRO

legeretur. Immo pro se quisque album agnum immolabat, aut pullum, ut ostenderet illam antiquam sacrificandi consuetudinem, de qua est illud Virgilij.

- » Nigram hyemi pecudem, Zephyris felicibus albam.
 Ut pullum, hoc est nigrum, agnum intelligeremus immolari consuevisse ad repellendam, et amoliendam grandinem, tempestatemque. Album vero ad propitiandos quiettoris aeris diuos. Sed cum omnia uetusta exemplaria, quae quidem nos uiderimus, uulgatam lectionem custodiant, nihil mutare ausim. satis sit non insalutatum hunc locum praeteriisse, nam id incuriosum uidebatur. Item illud quod mox sequitur. Siquis nec agnum pullum habebat.) Vetus lectio Siquis nec agnum, nec pullum habebat, ego malim legere, si superiore, cuius admonui, lectionem admitteremus, Si quis nec album, nec pullum habebat. sed nec hic quidem innovandum quicquam, cum tolerari possit uetus lectio. piculum siquidem est, ne pro alienis natura reiciamus, ut olim uir quidam Thracius insipiens, et ruris colendi insolens, fructiferas arbores, uiterisque pro rubis detruncauit, et excidit. Ego magis haec, ne praeterire, quam quod probare, retuli.

EX CAPITE VII.

Alteri suspicari ipsos aiunt.) Legendum se, non ipsos. Item infra. At Cleone iudicia reddebant in illos.) Vetus lectio At Cleone iudicia in illos uertebant. Scribendum ergo censeo Animaduertebant. Item paulo post. Et attrahi imbres cantibus.) Vetus lectio Nubers non Imbreis. sed hoc non in magno ponendum discrimine.

EX CAPITE VIII.

Hanc. n. plus habere caloris ex quatuor causis.) Lego ex uetustis codicibus. Tribus, non Quatuor. nam neque ipse plures recenset. De istis libro secundo abunde multa. Certum est contra istorum rationem nubers, pluuias, imbreis, niueis, grandines, pruinas, et rores illic concipi, ubi replicati a terra radij desinunt. Item infra. Et in se currunt.) Lege Recurrunt.

EX CAPITE IX.

Sequitur, ut quemadmodum minora balnearia, et minora foramina citius calefiunt.) Vetus lectio sincerior, Et minora milliaria. cuius loco uerbi, Foramina ut inculcaretur, eo errore factum existimo, quod paulo ante dixerat Necessesse est minora foramina esse. Milliariu autem, et plurali numero milliaria, non tantum spatium mille passuum significat, sed etiam uas aeneum magnum, multarum mensurarum capax, unde et nomen. ad balnearum usum maxime aptum. Seneca supra tertio uolumine
 » capite XXIII. Facere solemus dracones, milliaria, et coplures formas. Hoc genus uasis ἰαυολέβης Graecis dicitur. Milliariu dicebatur etiam columna aurea in capite fori Romani, in qua uiae terminabantur,

ut docet Plinius libro tertio, cui & Milliariae porticus dicuntur a' mille passuum spatio arbitror, uel a' columnarum, quibus suspensae pendent, numero. & Milliariae Oleae, a' pondere olei, quod ferant annuo proventu.

EX CAPITULO X.

Ita in aëre spississima quæque descendunt.) Vetus lectio desidunt. Et paulo post. Sed editior aër quod longius a' terrarum collumie recessit.) Vetus lectio forte purior est. Sed quod editior est aër, & quod longius. &c. Bona tamen est & illa, idem enim manet sensus, nisi quod uetus elegantior, honestiorque est.

EX CAPITULO XI.

Vt illorum magnitudo sentire solis uiciniam possit.) Vetus lectio Magnitudines. & Possint multitudinis numero. sed frequentior est in singulari usus. Et paulo infra. Ad æqualitatem ducta, hanc autem accipe.) Vetus lectio sincerior, Aequalitatem autem hanc accipe. Inepte enim, et sine causa apposita fuerunt illa duo uerba, Ad æqualitatem ducta, cum prius dixerit, Cum æqualitate quadam rotunditas. Item mox infra. Non multum illi commissuræ rimarum nocent.) Vetus ista & uulgata exemplaria, Non multum illi commissuræ, & rimæ earum nocent, & forte rectius. bona tamen & illa. Et quod mox sequitur. Nihil illa interualla efficiunt.) Vetus lectio Vlla non Illa, recte tamen utrumque.

EX EODEM

Quia Solem propius excipiat.) Vetus lectio Respicit. nihil mutato. Item haud multo post. Sed sic, quo modo est pilus pilo grossior.) Legendum crassior, ne Senecam barbarum, & parum Latine loquentem faciamus, ut enim crassus Latine, ita grossus barbare, & non Latine in hoc significato dicitur. Nam grossos Ficorum nouimus, quos Græci ὀλίβου, & ἐνίκω ὀλίβου uocant. Nam & apud Latinos contra grammaticorum opinionem, inuenitur in singulari inflexum, ut apud Plinium & Macrobiū. Et quod mox sequitur. Isto enim modo & arbor, & alia magis, quam alia, dicentur uicina cœlo.) Vetus lectio Et alia magis, quam alia terra dicetur uicina cœlo. Item paulo infra. Quia etiam si magno discrimine, tamen minima uincuntur.) Vetus lectio Quia & sine magno discrimine, tamen minima uincuntur. mihi neutra satis facit. ita nescio quo pacto a' sensu ipso utraq; aliena uidetur, si quis introspexerit, quamuis primo aspectu blandiantur, fallantque parum diligenter intuentes. Quomodo enim, uel a' quo ista, seu cum discrimine, seu sine discrimine uincuntur, si nihil interest quanto alterum altero sit maius? neque intelligere possumus ab immenso totius uniuersi corpore ista uinci, id enim ineptum esset, nec quicquam argumentum auctoris adiuuaret.

EX LIBRO

nam collatione uniuersi uel maxima inter se discrimina absumuntur, et ferè nulla sunt. Videtur ergo esse legèdū, Quia etiā si magno discrimine tamen minima iudicantur, uel, minima uidetur hoc sensu, etiam quæ magnum discrimen inter se comparata habent, minima collatione totius uniuersi uidentur.

EX CAPITE XII.

Nam uicius aër plus habet frigoris, quàm ut in aquam, & imbrem transeat, & minus, quàm ut duretur in grandinem. hic medio frigore non nimis intento niues fiunt coactis aquis.) Vetus lectio Nam uicius aër & plus habet frigoris, quàm ut in aquam & imbrem transeat, & minus, quàm ut duretur in grandinem, hoc medio frigore non nimis intento niues fiunt coactis aquis.

EX CAPITE XIII.

Iubes me cū luxuria litigare Ha ha.) Illā notā cachinni uel potius indignationis uetusti codices nō habēt, neq; uidetur necessaria, aut digna graui philosopho. Itē paulo ante. Quare emendæ nō sint niues.) Vetus lectio Quomodo, nō Quare. Itē infra. Hanc ipsam inspectionē.) Addendū ex uetustis exēplaribus Quid porro? hanc ipsam inspectionē naturæ &c. Item infra. Vbi ebrietas continua uisceribus insedit, & præcordiale, in quod uertitur, torret) Scribendum Et præcordia Bile, in quā uertitur, torret. Bile enim, ut scholæ medicorum docent, ex intemperanti & redundantī uictu, pessimūq; sanguinis purgatione colligitur, & præsertim Atra bilis, quā Græci μελαγχολία uocant, ex fecibus, & ex sordibus coit. hæc inimica uitæ, cognatāq; senio, & morti dicitur. Medici, & rerum naturæ periti, ut mundum quatuor elementis, ita hominem quatuor humoribus constare asserunt, Sanguine, Pituita, & utraq; Bile, Flaua scilicet & Atra. Sanguinem aëri, aquæ Pituitam, Flauam bilem igni, terræ uero illam quæ Atra bilis dicitur assimilari. Conuenireq; horum qualitates, quas Græci ποιότητες appellant. Sanguinem esse humidum & calidum, Pituitam frigidam & humidam, calidam uero aridamq; Bilem flauam, Atram autem siccam & frigidam. Sanguinis originem esse ex corde, ex cerebro Pituitæ, Flauæ bili ex iecore, et Atræ ex splene. Item infra. Nam sicut animo relictos, stupentesq; aqua frigida spargimus.) Vetus lectio Frigida spargimus, simpliciter, non Aqua frigida. & certe honestior elegantiorq; est oratio si sine Aqua legeris. multa enim cum maiore gratia intelliguntur, quàm dicuntur, quale est illud Gelidæ calidæq; minister. Et mox infra. Ita uiscera istorū intus torpentia.) Vetus codices Vitijs tor-

penia. Et quod mox sequitur. Nisi frigore illa uehementiore perusseris.) Antiqua lectio Persuderis, bona tamen, & forte melior illa prior, ut Penetrabile frigus adurit.

EX EODEM

Et annonam pro pudore uariam.) Vetus lectio Pro pudor. Item paulo infra. Cuius calorem saporemq;.) Forte rectius Colorem, quàm Calorem, ut sit *χρῶμα*, non *ναῦμα*. Item infra. Et raptim indumento suo mersatos.) Legendum uidetur In condimento suo mersatos. Boleti inter opimos cibos habebantur, sed immenso exemplo in crimen adducti, ueneno Claudio principi per hanc occasionem a coniuge Agrippina dato, eius enim cibi auarissimus fuisse fertur. Martialis.

» Dic mihi quis furor est, turba spectante uocata,

» Solus boletos Ceciliæ uoras?

» Quid dignum tanto uentriq; gulæq; precabor?

» Boletum, qualem Claudius edit, edas. Seneca alibi Boletos uoluptuariū uenenum appellat. Item mox infra. Videbis, inquā, quosdam graciles, & palliolo focaliq; circundatos.) Vetus lectio Gracili palliolo, focaliq; circundatos. Fabius Quintilianus. Palliolum, sicut fascias, quibus crura uestiuntur, et focalia, & auriū ligamenta sola excusare potest ualetudo.) Et quod mox sequitur. Non sorbentis solum niuem, sed etiam esse.) Legendū, ut uerba sibi respondere, Sorbere, non sorbentis, quia sequitur Esse, hoc est mandere et comesse. Plinius libro XIX. Hi niues, illi glaciē potant. Item mox infra. Inter ipsam bibendi moram.) Legendum uidetur ex uetustis codicibus ad perfectionem sensus, Ne inter ipsam bibendi moram tepestant.

EX EODEM

Nec in cutem effuso calore deprehenditur.) Vetus lectio Colore, non Calore, potest defendi utraq; febres enim & colore ægri, & calore deprehenduntur, sed quoniam dixit Effuso, quod colori magis conuenit, placet recentior lectio. Et infra. Itaq; nix ista, in qua etiam iam natatis, eo peruenit usu ad quotidianam stomachi seruitutem.) Vetus lectio & integrior & honestior. Nix inquam ista eo assiduitate peruenit, usu, & quotidiana stomachi seruitute. Potest etiam hoc modo ex utraq; legi. Itaq; nix ista, in qua etiamnum natatis, eo peruenit usu, & quotidiana stomachi seruitute. nam illud, Etiam iam, agreste, rude, & insuauis est, & quod aures uix patiuntur.

ANNOTATIONES FORTVNATI IN
LIBRVM QVINTVM SENECAE.

EX CAPITE PRIMO.

1 Vidam ita diffinierunt, Ventus est aër fluēs in unam
partem) Vetus lectio Ventus est aër agitat^{us} in unā
partem, bona est utraq; tamen paulo post hanc de-
finitionem repetens, Fuens non Agitatus dicit quæ
definitio uidetur accepta ex libro De mūdo Aristote-
lis, ubi uentū sic definit. ἀνεμος οὐδὲν ἄλλ' ἐστὶ, πλὴν ἀὴρ πολὺς ῥέων
καὶ ἀσπόμενος. Secundo autem Meteoron dicit Ventum esse copiam siatarū
ex terra aspirationum, quæ circa terram feruntur. ἐπεὶ δ' ὅτιν' ἀνε-
μος, inquit, πλεονέχει τῆς ἐν ἡμῖν ξηρᾶς ἀναθυμιάσεως κινούμενον περὶ
τὸν ἥν. Et paulo infra. Et dici tranquillum est. &c.) Vetus le-
ctio Et dici tranquillum, quia nec huc, nec illō impetum capiat,
potest stare utraq;. Item infra. Ergo parum diligenter comprehen-
dit, quod uult, qui dixit.) Lege Comprehendet, quod uult, qui dixe-
rit, & paulo post Cauerit, & Fuerit, non autem Caut, & Fuit.

EX CAPITE II.

Et diu fluctuata, ac dubia.) Vetus lectio Fluctuantia, sed nihil interest.
Item mox infra. Nec arietare possunt nec impelli.) Vetus lectio
forte probior Nec arctari possunt, nec impelli.

EX CAPITE III.

Et inde est spissior nubium grauitas.) Vetus codices Et inde spissata-
rum nubium grauitas est. Item mox infra. Artatis, conuinctisq;
corporibus.) Antiqua lectio Congestisq; corporibus. sed hæc nō sunt
ponenda in magno discrimine.

EX CAPITE IIII.

Quæ meraserat, immutatio ipsa alicuius mīsti in uentum uertitur.) Ve-
tus lectio probior. Quæ emiserat, mutatio ipsa halitus mīsti in uen-
tum uertitur. Nam & Aristoteles uentos, qui flant in aëre, ex siata
terræ aspiratione impulsæ frigore fieri dicit. Ventus enim est, inquit,
siatarum ex terra aspirationum copia. Item paulo post. Quæ non
sine magna iniuria emittitur.) Addendum Nariū ex uetustis codi-
cibus, qui sic habent, Quæ non sine magna nariū iniuria emittitur.
Item mox infra. Bene nobiscum agitur, quod semper excoquit.)
Magis proprie dixeris, ut habent uetusta exemplaria, Concoquit,
hoc est digerit, & consumit omnia alimenta, quibus nutritur. fa-
cte autem, & satis iocose irridet hanc opinionem.

Ex capite

EX CAPITE V.

Quin ego hanc solam esse causam uenti existimo.) Legendum ex uetustis
 uulgatisq; codicibus. Quid ergo? item Existimas, non Existimo. Est
 enim interrogatio ex opposito, non opinio authoris. cum paulopost di-
 » cat. Ego uero & hanc iudico, ceterum illa est longe uerior causa,
 » ualentiorq; Item infra. Cumq; densa steterint.) Legendum sepa-
 ratim. Cum quæ densa steterunt. Item scribo In ampliorem locum,
 non inter ampliorem. Et paulopost. Aëra autem relictum &
 inertem & inagitabilem esse.) Vetus lectio eadem habet uerba, sed
 compositius ordinata. hoc modo. Aëra autem inertem & inagita-
 lem relictum esse.

EX CAPITE VI.

Animalia igne aliquando generari.) Vetus lectio Generatur. forte conue-
 nientius. Gignitur autē ex igni in Cypri ærarijs fornacibus animal
 maioris muscæ magnitudinis. pennatum, quadrupes, appellatur Py-
 ralis, a quibusdam Pyrotus, ut docet Plinius libro XI. Naturalis
 historiae. Item. Aliquando per seipsum solum causa uenti est.) Ve-
 tus lectio Aliquando per se ipse Sol causa uenti est. Hanc lectionem
 confirmant ea quæ dicuntur infra nono, & octauo capite. Adijcit
 » autem ei, inquit, stimulos ortus Solis feriens gelidum aëra. unde hic
 quoq; legere malim, Findens, uel Fundens rigentem aëra. Plinius li-
 » bro II. Ventos, uel potius flatus posse & arido, siccq; anhelitis
 » terræ gigni non negauerim, posse & aquis aëra expirantibus, qui
 » neq; in nebulā densetur, nec crassescat in nubes, posse & Solis im-
 » pulsū agi. quoniā uentus non aliud intelligatur, quā fluctus aëris.
 » Aristoteles II. Meteoron. ὁ δ' ἥλιος, καὶ παύει, καὶ συνεξορμᾷ τὰ πνέ-
 ματα. idest. Sol autem & sedat flatus, & concitat. Plinius uero hæc
 » uerba Aristotelis sic Latine extulit. Sol & auget & comprimit fla-
 tus. Syderalis scientiæ periti dicunt Solem excitare uentos ab Orien-
 te, Iouem a Septentrione, ab Occasu Lunam, Martem a Meridie.

EX CAPITE VII.

Nunc iterum incipiemus illos excutere.) Legendum ex uetustis exem-
 plaribus. Nūc uiritim incipiemus illos describere, hoc est singillatim,
 & unumquēq; per se. Prius enim summam locutus de omnibus,
 nunc uero singillatim de singulis. Verbum Excutere, potest tueri qui
 uult. Item paulo infra. Nec fertur ultra terrarum conspectum.)
 Vetera exēplaria. Nec fert ultra terrarū aspectum, forte rectius.

EX CAPITE VIII.

Quomodo ergo talis flatus concipitur, quem Græci ἀνοπίαν uocant.)
 ἀνοπίαν idem fere esse quod ἀνορίαν nouimus, sed ita uocari

EX LIBRO

aliquem flatum, uel uentum nusq̃, nec apud Græcos, nec apud Latinos legimus, nec credo reperiri apud quenq̃. Legendū ergo ex Aristotele arbitror ἐκκολπίαν, seu Encolpiā, hoc est ex sinibus flantem. Nā & uetusti codices Encolphiam parum corrupto & immutato nomine.

» Aristoteles libro, qui De mundo inscribitur, τῶν δ' ἀνέμων οἱ μὲν ἐκ
 » γενεσιολογίας τῆς πνεύοντες, ἀπὸ γῆς λέγονται. οἱ δὲ ἐκ κολπίων διεξέρχον-
 » τες ἐκκολπίαι. τούτοις δὲ ἀνάλογόν τι ἔχουσιν οἱ ἐκ ποταμῶν καὶ λιμνῶν.
 » οἱ δὲ κατὰ ῥῆξιν νεφούς γινόμενοι, καὶ ἀνάλυσιν τοῦ πάχους πρὸς ἑαυτοὺς
 » πρὸς μέντοι, ἐκ νεφῶν καὶ καλοῦνται. μετ' οὗτος δὲ ἐκ φρενός ἀθρόως, ἐξ οὗ-
 » δρῶν λέγονται. Venti q̃ ex humida terra spirant Apogæi dicuntur,
 qui ex sinibus Encolpiæ, qui uero ex fluminibus & paludibus proficiunt,
 Encolpijs proportionem, & quasi cognationem quadam respondent. At
 qui scissa, concerptaq; nube erumpunt, & discissam Crassitudinem
 in se ipsos contorquent, Ecnephiæ uocantur, ut Exhydriæ, q̃ ex aqua
 repente diruptæ inferuntur. Plinius uidetur Encolpias Altanos La-
 tine appellare, quasi ex alto spirantes. Apogæi autem dicuntur
 Aterranei, quando à terra consurgentes in mare pergunt. cum uero
 è mari in terram redeunt Tropei, quasi uersarij appellantur. Sed
 ipsa uerba Plinij cum fide de his subiiciam, ut aperiatur in eo er-
 » ror ex dictis Aristotelis & Senecæ. Quoniam uentus, inquit, non
 » aliud intelligatur, quàm fluctus aëris. pluribusq; etiam modis,
 » namq; & è fluminibus, & è sinibus, & è mari uidemus equi-
 » dem tranquillo alios, quos uocant Altanos, & è terra consurgere.
 » qui quidem cum è mari redeunt, Tropei uocantur, si pergunt Apo-
 gæi. Male erat distincta Pliniana lectio, & loco uerbi sinibus, per-
 peram legebatur Niuib. Aristoteles Apogæos dicit Aquilonij gene-
 ris esse. Ventos ternos à quatuor mundi partibus multi authores tra-
 dunt. Ab oriente Solstitiali καυρία, qui Latinum nomen non ha-
 bet, ab oriente Aequinoctiali ἀπιδιώτων, ab ortu Brumali ὄρον,
 hic Vulturius, ille Subsolarius nobis dicitur. Ex aduerso, ab occasu
 Solstitiali spirat ἀπρῆστος, ab occasu Aequinoctiali ζέφυρος, ab oc-
 cidēte Brumali λίψ. Primus Caurus, secundus Fauonius, tertius Afri-
 cus Latinis dicitur. A' Septentrionibus autem post Caurij θρασιῶας,
 qui apud Latinos sine nomine est. dein à uertice ἀπαριτίας, post
 hunc βορέας. hunc Aquilonē, illū Septentrionem appellamus. Con-
 trarij à Meridie, post Vulturij ἀπρότοτος, post hunc νότος, deinde
 inter Liba & Notum, idest inter Austrum & Africum λιβόντοτος, qui
 & Libophœnix dicitur. Notus Auster Latine nominatur, Euro-
 notus & Libonotus nondum Toga donati sunt.

Ex eodem

EX EODEM

Nocte exhauritur montibus inclusum, & in unam regionem colligitur.) Vetus lectio rectior. Nocte non exhauritur, sed montibus inclusum in unam regionem colligitur. Item infra. Vbi plurimum nati est, & magna, & patens aëra.) Vetus lectio Et magno potens aëre. sed rectius legeretur Et magna ac patens area. Et paulopost.

Iam tantum laceffit & irritat.) Lege Iam tamen laceffit. Et mox infra. Cum ipse præcessit.) Malim legere Processit. Et quod mox sequitur. Alia superius rapiuntur, alia finiuntur tepore.) Vetus lectio Alia diffunduntur terræ. forte Diffunduntur in terra, ut sit oppositum illius, quod dixit. Alia superius rapiuntur. Item.

Ideo non ultra matutinum illis datur fluere.) forte legendum Flare, non Fluere. flatus qui ex fluminibus, sinibus, paludibus, & conuallibus feruntur, prima ferè aurora spirant, & ante Solis ortum residunt, hinc & Antelucani appellantur. etiam ptinacius, & ualentius flantes ante Meridiem languescunt. EX CAPITE IX.

Quia uer aquosius est, & plurimis locis, ob humidam cœli naturam saturis, et redūdantibus maior euaporatio est.) Vetus codices Quia Vere aër aquosus est, et ex pluribus aquis, locisq; ob humidam cœli naturā. &c. quæ lectio sincerior uidetur, tametsi nō mala sit et uulgata. Item mox infra. Quia post occasum Solis remanet diuturnus calor.) Scribendum Diurnus calor. Item haud multo post. Illa quoq; nebula & tristi luce calefiunt.) Nebula scribendum, non Nubila, ut sit sextus, uel septimus singularis casus, non nominatiuus pluralis.

EX EODEM

Et ideo, ut quibusdam uidetur, inde flatus est, unde Sol.) Vetus lectio purior esse uidetur. Et ideo quibusdam uidetur inde flatus esse, unde Sol est, bona est tamen & uulgata. Item paulopost. Et contra ortum plenis uentis nauigatur.) Legendum Velis, non Ventis. Seneca in hoc ipso capite. Nec qui uela impleant. Plinius. Et quamuis plena præterit uela. Ventum prosperum, secundum, & ferentem, uelaq; implentem Homerus ἀνοίσιοι uocat, ut diximus.

EX CAPITE X.

Nec minus propositum adiunant.) Quamquam omnia uetera quoq; exemplaria Minus habeant, ipse tamen sensus exigit, ut minus legatur. Ait enim paulo infra, Quare Etesiae illos non adiunent, nec quicquam huic conferant causæ.

EX CAPITE XII.

Dicimus ante lucem auram incitari, tandem subsidere, cum illam Sol attingit.) Legendum ex præcedentibus, & ex uetustis codicibus Dicimus

EX LIBRO

autem luce auram incitari, eandem subsidere, cum illam Sol tangit. Et quod mox sequitur. At quia Etesiae.) Lege Atqui Etesiae. Item. Quod non accideret, si ut auras, ita illos Sol commoueret.) Vetus codices Cōminueret, non Commoueret, sed forte Cōmoueret rectius.

EX CAPITE XII.

Hos Graeci uentos aetnephias uocant.) Scribendum Ecnephias. Plinius.
 » Repentini, inquit, flatus maiore illati pondere, incursumq; si late sic-
 » cam ruperint nubem, procellam gignunt, quae uocatur a Graecis Ec-
 » nephias. Sin uero depresso sinu arctius rotati effregerint sine igne,
 » hoc est sine fulmine, uorticem faciunt, qui Typhon uocatur. idest ui-
 » bratus Ecnephias. Defert hic secum aliqd abreptum e nube gelida
 » conuoluens, uersansq; et reliqua. Aristoteles De mundo ut paulo
 » ante retulimus, τῶν δ' ἀνέμων οἱ μὲν κατὰ ῥῆξιν νέφους γινόμενοι,
 » καὶ ἀνάλυσιν τῆς πάχους πρὸς ἑαυτοῦς ποιοῦμενοι, ἐκνερίαι καλοῦνται,
 » idem III. Meteo. ἐὰν δ' ἄθροον πᾶν καὶ πυκνότερον, ἥπλον δ' ἐκνερίαν
 » λεπτόν, ἐκνερίαν ἀνεμος γίνεται. Idem paulo post. Vortex, inquit,
 efficitur cum spiritus procellosus e nube crassa, propter densitatem,
 erumpere non potest, quae luctatio circumagit, rotatq; nubem, et in
 terram defert, mouetq; et torquet concitata uertigine. atq; id pla-
 ne quod percellit prostratum in coelum refert, sorbetq; in excel-
 sum. Cum autem idem spiritus inclusus crassae nubis coriū aliquo
 impetu ruperit, fit procella Ecnephias. Cū uero idē spiritus effracta
 nube erūpens ignē conceperit, Turbo accensus dicitur, quem Praestera
 uocant. Item paulo ante. Et in prouum solutae praemittunt.) Forte
 legendum Emittunt.

EX EODEM

Et in modum tibiae angusta.) Vetus lectio Diducta, non Angusta. potest
 tamen utraq; tolerari. Item infra. Hic fere breuis status est.) Le-
 gendum Flatus, non Status. Item paulo post. Sicut torrentes modi-
 cae uoletudinis eunt, quādiu separatis suis cursus est.) Vetus lectio
 Sicut torrentes modicae magnitudinis eunt, quādiu separatus eorum
 cursus est. bona utraq; sed recentior magis placet. Item infra.
 Idem credibile est fieri et in procellis, ut sint breues, quādiu
 singulae sunt.) Vetus lectio Ideo credibile est, ut spiritus, quādiu singuli
 sunt, breues sint. Idem sensus est utriusq;. Nos autem ueterem adscri-
 psimus, non ut eam probandam censeremus, sed ut eius copia fieret
 arbitraturis. Item paulo post. Et impetus illis accedit et mora.)
 forte Motus, non Mora legendum.

EX CAPITE XIII.

Modo ipsa arietatio.) Vetus lectio Agitatio. bona utraq;. Itē paulo ante.
 Nonnunquam conglobationem illam spiritus rumpit, nonnunquam
 inclusi,

inclusi, & in exitum nitentis luctatio.) Illud uerbum Nonnunquam, secundo loco positum, delendum est, & sic coniuncto sensu legendum. Nonnunquam conglobationem illam rumpit spiritus inclusi, & in exitum nitentis luctatio. Item. Qui euenire in fluminibus solet.) Legendum ita, ut illud uerbum Qui, in principio positum expungatur, ne obstrepat sensui. Et paulo infra. Ita ut circumlatæ in se sorbeantur.) Legendum Ita ut circumlatæ in se sorbeantur. Item infra. Sed fere omnia pericula.) Legendum ex uetustis codicibus. Hi fere omnia pericula. ut Presteras intelligas, hoc est Turbines accensos, & non accensos. Plinius libro II. Quod si maiore depressæ nubis eruperit specu, sed minus lato, quàm procella, nec sine fragore, Turbinem uocant, proxima quæq; prosternentem. Idem ardentior accensusq; dum fuerit, Prester uocatur, amburens contacta pariter, & proterens. Est etiam πρηστὴρ ἁβύσσος. hoc est Prester terrestriæ Aristoteli, quod ἀναψύχουσα uocat, cum spiritus ex terræ hiatibus explosus, maiore ui se circumagit, & contorquet. Quid si legeremus in Seneca, non Hi fere omnia pericula, sed Typhones fere omnia pericula uenti erupti de nubibus produnt. Typhonem enim Plinius dicit præcipuam nauigantium pestem, non antennas modo, uerum ipsa nauigia contorta frangentem. Quamuis Turbines, Vortices, Typhones, et uibrati Ecnephie non magno discrimine distent. Item paulopost. Etiam nunc quia uentos diuersos ex se generant.) Legendum Etiamnum quidam uenti diuersos ex se generant.

EX CAPITE XV.

Et recto spiritu liberoq;.) Lego Et relicto spiritu libero. Item. Oblitus rerum naturæ melioris.) Scribendum ex ueteribus Oblitus dierum, oblitus naturæ melioris. Item supra. Sed iam ante antiquitus.) Ante otiosum est. Item infra. Supra quos auaritia ingens terrarum pondus iniecit.) Vetus lectio Vrgens, non Ingens. Illa prior tamen lectio probabilior. Item paulopost. Et aquarum in illis fluentium horridos fontes.) Vetus, uulgatq; codices Et aquarum pulli fluentium, forte melius, hoc est, nullo usu, uel nulli usui fluentium.

EX CAPITE XVI.

Et singulis uentis binos suffectos dant.) Alij legunt Subditos, neq; displicet. uetera autem exemplaria Sub præfecto dant. hæc quoq; non mala. Item infra. Imus Trachias.) Scribendum Thracias per Th. non per T. Vetus codices Thrascias, id quoq; recte. hic enim & Thracias & Thrasceas, & Thrascias indiscriminatim dicitur. Ari

EX LIBRO

Aristoteles hunc inter Argeten, & Aparctian, hoc est inter Caicum et Septentrionem spirare dicit. Item illud paulo ante, quod me uelut aliud agentem eluserat. Graeci illum ἐπιπνεῖον uocant: Legendum ἀπὸ πνεῦτος. Ita enim Aristoteli, Straboni, Plinio, & Cello, ceterisq; dicitur. Quamquam nō male uideatur per.φ. scribi, ut habent omnes uetusti tum Graecorum tum Latinorum authorū codices. ἥλιος enim primam densam & flatilem habet, cuius flatum.π. praecedens in se attrahit & in suam aspiratam transit, ut in ἐπὶ πνεῦμα, ἐξ ἐπὶ πνεῦμα. Eadem ratione libro I. Parhelia, ut habent antiqui codices, non Parelia scribendum pleriq; censent. Aristotelis tamen, ceterorūq; Graecorum impressa exemplaria παρήλια, non παρήλια. Nos haec Grammaticis, quos ea cura tenet, disputanda relinquimus. Frequens, et pene familiaris est Graecorum literarū inuicem transitus, Tenuēs in Aspiratas, seu Densas transeunt, et contra. Item Mediae in utraq; & rursus haec utraq; in Medias. atq; talis fere in istis literis mutatio est, qualem in mundi elementis fieri diximus, unde elementi nomine haec quoq; apposite censentur, quia elementorū mundi non modicam similitudinem habent.

EX EODEM

Deinde libanotus, qui apud nos sine nomine est.) Vetera exemplaria Leuconotos. sed rectius in uulgatis Libonotus. Quamuis non nesciam apud Aristotelem Etesias imbecilliores a Bruma spirantes Leuconotos & Ornithias uocari. Post Brumam, inquit, qui Leuconoti appellantur, non tamen ita continentes spirant. Et paulo post. A Bruma aequae Ornithiae flant, quos supra Leuconotos dixerat, hi enim imbecilli Etesiae sunt, cum pauciores, & tardiores, quam Etesiae flent. Hi septuagesimo die post Brumam spirare incipiunt. Plinius quoq; libro II. de Etesiis scribens. Spirant autem, inquit, & a Bruma, cum uocantur Ornithiae, sed leniores, & paucis diebus. Cum tamen Seneca uideatur hunc uentum post Austrum siue Noton inter Meridiem, & hybernū Occidentem ponere, placet ut Libonotus legatur, a Libe scilicet, & Noto compositus, et medius inter utrunq; spirans. Nam & Aristoteles libro De mundo Libonoton, inter Liba & Noton, hoc est inter Austrum et Africum ponit, quamuis hunc secundo Meteoron non agnoscat. Dicit enim Mese, qui medium tenet locum inter Aquilonem, & Caeciam, nullum flatum ex aduerso respondere, hoc est a loco inter Austrum & Africum medio, unde p dimetientem ducitur linea ad locum qui est inter Boreā & Caeciam,

- » & Cæciam, ubi Mæses oritur. Plinius libro II. Numerosior, inquit,
 » ratio interiecerat inter Liba & Noton compositum ex utroq; me-
 dium inter Meridiem, & hybernum Orientem, Libonoton. Stra-
 bo Argesten, hoc est Caurum, seu Corum, qui ab Ocasu Solstitiali
 spirat, Leuconoton, hoc est, Album Austrum appellari dicit. Hic. n.
 » contra naturam Austri paucas nebulas facit. τὸν ὑπ' ἡμῶν, inquit,
 » καλούμενον ἀργέτην, νότον τὸν λευκόνοτον, οὗτος γὰρ ὁλίγα τὰ νέφη ποιεῖ.

EX CAPITE XVII.

- Pamphiliam Chagenus.) Vetus lectio Chagreus. Legendum arbitror ex
 Aristotele Catægis, idest καταιγίς. Hunc uentū procellosum superne
 incumbere dicit, & quidem repente, sicut Lælapa, & Strobilum
 » in superiora uolui. τῶν γερμῶν βιαιῶν πνευμάτων, καταιγίς μὲν ἔστι,
 » πνεῦμα ἄνωθεν τύπτον ἐξ ἁέρων. Et paulo ante. Athenas Scyron.)
 Scribendū Sciron, uel Sceiron per. i. uel per. ei. non. y. Hunc enim
 Athenienses a Scironis saxi, unde spirat, appellarunt. Hunc eun-
 dem putant Argesten, siue Caurum, & Olympian, & Hellepon-
 tion & Iapyga. Aristoteles dicit Scironem ab ocaſu Solſtitiali mitti,
 & Euroſiue Vulturno p̄dimetientem occurrere. Strabo & Zephy-
 ros, q̄ a Scironis scopulis flant Scirones ab Atheniensibus appel-
 » lari, sed præcipue Argestas. καθάπερ καὶ τῇ ἀπικτῇ ἀπὸ τῶν σκειρωτί-
 » δων πετρῶν, ἀφ' ὧν καὶ σκείρωνες καλοῦνται οἱ ζέφυροι. καὶ μάλιστα οἱ
 » ἀργεῖαι.

EX CAPITE XVIII.

- Vitalemq; terris.) Vetus lectio Tracturis, non Terris. Item Sinerent,
 & Redderent, multitudinis numero, non Sineret & Redderet. Item
 infra. Mouemus maria, & nauigia deducimus.) Vetus lectio Mo-
 uemus manus, nauigia deducimus. bona utraq; sed uulgata magis
 placet. Item supra. Non in hoc providentia. &c.) Vetus codices.
 Nimirū in hoc providentia. Item mox. Vt nos classes) Vetus lectio
 Non ut nos classes. Item infra. Ergo non merito quis dixerit.) Le-
 go Non immerito. Et mox infra. Et in alto discursu furentium.)
 Scribo Inhibito, non In alto. Item. Nunc parum in domestica.)
 Vetus codices Vi domestica. Et paulo post. Si circumſcriberetur na-
 turalis ſoli fine.) Scribendum Natalis fine ſoli. Item. Cui uidere
 expeditur.) Legendum Expedit. Item. Quod non in contrarium
 transferat culpa) Vetus exemplaria Tranſeat culpa. bona utraq;
 Item infra. Cum cogitaueris uita parari ea.) Legendum Vitæ
 parari.

EX LIBRO
ANNOTATIONES FORTVNATI IN
LIBRVM SEXTVM SENECAE.

EX CAPITE PRIMO.

» a B altera Calcedonense.) Vetera, vulgataq; exem-
» plaria Herculanense, & rectius, ut & paulo infra.
» Nam & herculanensis, inquit, oppidi pars ruit, &
» capite XXVI. infra. Falsa hæc esse, inquit, Pompeij
» et Herculanæum sensere. Adde quod Herculanæum
et Pompeij vicina erant oppida, eodem litore haud procul Vesuui-
monte. Nisi forte Chalcidense legere malis, idest Neapolitanum. sed
Pompeijs Herculanæum propius erat, quàm Neapolis. Et quod mox
sequitur. Mare ex aperto conductum.) Vetera exemplaria Re-
ductum, sed Conductum magis conuenire uidetur, ut ingenij, non
naturæ opus intelligamus. Item. Quos uacare à tali periculo ma-
iores nostri solebant permittere.) Legendum Promittere. Item.
Adiunguntur his illa.) Vetus lectio Adiungunt his sexcentarum
oniarum. Et paulopost. Impotentes sui errasse.) Lege Impotes sui.

EX EODEM

Discedit, ac titubat.) Vetera exemplaria Desidit ac titubat. Legendum
» uidetur Desidit, aut titubat, ut infra capite IIII. Cur modo tre-
» mat, modo laxata subsidat, nunc in partes diuisa discedat. Quare
hic quoq; non male legitur Discedit. Item. Sed gentes totas, re-
gionesq; subuertit.) Vetus lectio Submergit, parum tamen refert.
Item infra. Hoc habet inter cætera iusticiæ suæ natura præci-
puum, quod cum ad exitum uentum est.) Vetus lectio Hoc habet in-
ter cætera iusticiæ suæ munera præcipuum deus, quod cum ad exi-
tum, & reliqua. bona & elegans profectò utraq; , ut quam magis
eligas, non sit facile discernere. Item non ita multo post, Aut quæ
in futuram ruinam suam fulta sunt?) Vetus codices Et quæ in fu-
turum ruina sua fulta sunt? ut de illis locis intelligas, quæ iam sua
ruina periculo defuncta sunt, & in futurum tuta.

EX EODEM

Asia duodecim urbes simul perdidit anno priore in Achaia & Ma-
cedonia. Quæcunq; ista uis mali incurrit, nunc Campaniam læ-
sit.) Legendum uidetur ex uetustis, ita ut illud, Anno priore, sit
principium sequentis clausulæ, scribendumq; hoc modo. Asia duo-
decim

decim urbes simul perdidit. Anno priore Achaïam & Macedoniam, quæcunq; est ista vis mali, quæ incurrit, nunc Campaniam ledit. Nam quomodo diceret anno priore Asiam duodecim urbes perdidisse, cum hæc Neronis principatu prodat, in Asia autem Tiberij principatu prostratæ sint duodecim urbes maximo illo in omni memoria mortalium terræmotu, qui fuit tempore, quo Christus Saluator patiebatur, terra ipsa supplicium mundi principis non ferente. Illud quoq; absurdum, Achaïam, & Macedoniam in Asia esse, quæ sensum prioris lectionis uerba habere uidebantur. Et paulo post. Quæ brevis, & caduca.) Legendum Qui, non Quæ.

EX CAPITE II.

Quid ergo.) Malim legere. Quid ago. Et paulo post Denuncio, non Pronuncio. Item infra. Hoc itaq; generi humano dictum puta, quod illis subdita captiuitate rerum.) Legendum Subita, non Subdita. Hoc ne notandum quidem putassem, nisi omnes librarij in hunc errorem hæcenus lapsi fuissent. Omnia enim exemplaria, quæ quidem ego uiderim, tam manuscripta, quàm ære excusa, habent Subdita. Illud quoq; uerbum Rerum, sine causa positum est, reijciendum ergo censemus, idq; fide ueterum exemplarium approbante. Nota est hæc subita Troie captiuitas ex Secundo Aenei. Virgilij.

EX EODEM

Magni se æstimat, qui flumina, & motus terrarum, hiatusq; formidat.) Legendum Fulmina, non Flumina. Item paulo ante. Sine dubio id unum periculi nobis esset.) Videtur esse legendum Satis esset, non Nobis esset. Item infra. Et sub terram se corripere fulminum metu.) Vetera exemplaria Et sub terram correpere. neq; displicet hæc lectio ad ostendendum illorum timorem, qui metu fulminum in angustissimos etiam specus, & cuniculos irrepunt Vulpecularum more, cum gressum rectum angustiae non capiant. Fulmen autem nunquam altius quinque pedibus descendit in terram. Item mox infra. Quid stultius quàm timere mutationem, aut subitos montium lapsus.) Legendum Nutationem, non Mutationem.

EX CAPITE III.

Nec ira numinum aut coelum conuerti, aut terram.) Legendum Concuti, non Conuerti. Celi enim conuersio, quæ quotidie fit, nihil minatur, terra uero nunquam conuertitur. Gellius libro II. dicit incompertum esse, quæ causa, aut quis deus, deaue terram quatit.

EX LIBRO

propterea, inquit, ueteres Romani, cum ferias eius rei causa indicabant, nomen dei, ita, uti solet, cui seruari ferias oporteret, edicere quiescebant, ne alium pro alio nominando, falsa religione populum alligarent. Philostratus in uita Apollonij dicit Neptuno, Telluriq; sacrificia fieri solita, cum terra concussa esset. Cum ciuitates, inquit, circa Hellepontum positas crebri terræmotus concuterent, Aegyptij Chaldaeiq; sacrificuli apud eas, pecuniæ colligendæ causa, conuenerant, decem poscentes talenta pro sacris Neptuno Telluriq; faciendis. Multi enim aquarum in terræ cauernis spiritu impulsarum, et undantium fluctibus, pulsibusq; terrā moueri existimauerunt, unde Neptuno assignata hæc mouendi potentia, hinc uaria indita illi nomina. Dicitur enim alijs ἐνοσίχθως, alijs ἐνοσίχθων, alijs autem οὐχίχθων, hoc est, Terræmotor, uel quassator.

EX CAPITE VI. ET VII.

Et ea aliquando concuteretur.) Legendum uidetur Tota aliquando concuteretur. Item ex capite VII. Et Europam, Asiamq; disternans.) Quis non iure miretur (nisi hæc uerba aliena, et adueterina sint) Senecam in tanta notitia, contra omnium opiniones, et contra ueritatem ipsam Danubium Asiæ Europæq; terminum statuere, quas Tanaim diuidere certum est. Mari enim mediterraneo, et Tanai, Niloq; uniuersum terrarum orbem in tres partes diuidi compertissimum est, mare Europam ab Africa dissecit, Africam ab Asia Nilus. ex aduerso latere Asiam ab Europa Tanais. Lucanus libro III.

- » - Quæ uertice lapsus
- » Riphæo Tanais, diuersi nomina mundi
- » Imposuit ripis, Asiæq; et terminus idem
- » Europæ, et mediæ dirimens confinia terræ.

EX CAPITE IX.

Ignem causam motus terrarum quidam, sed et quidam non ob eandem causam iudicant.) Vetus lectio sincerior, et ciuilior forsitan. Ignem motus causam quidam, et quidem non eandem iudicant. Itē mox. Qui existimat simili penè ex causa, et aëre concuti terram.) Legendum tum ex Aristotele, tum ex sequentibus, Et aëra concuti et terram. Plinius libro II. Neq; aliud est in terra tremor, quam in nube tonitruū, nec hiatus aliud, quam cum Fulmen erumpit incluso spiritu luctante, et ad libertatem exire nitente. Item mox infra. Ex eadem uia.) Scribendum Eadē ui. Item. Hunc ipse.)

Vetus lectio. Hic ipse. Item paulopost. Aut cum dubitauere, super ea se, quæ supersunt, quæ constant, se componunt.) Vetus lectio liquidior, & elegantior. Aut cum diu dubitauere, super ea se, quæ supersunt, stantq; componunt. Item paulo ante. Sed quia pluribus obuius locis ardeat.) Licet omnia exemplaria Obuius, ego tamen malim legere Obrutus, hoc est tectus in locis subterraneis.

EX CAPITE X.

Hic ipse casus uicinia concutit fluctum.) Lege Fluctu, non fluctum. Item paulo ante. Quæ cecidit, exultat.) Scribendum, ut sensus sit perfectus, Quæ, cum cecidit, exultat.

EX CAPITE XIII.

Sine per angusta enisus est.) Alij elisus. Vetus tamen codices Enisus, hoc est eluctatus angustias. Et paulo ante. Deinde rixa spiritus.) Vetus, uulgatiq; codices Dum rixa. forte rectius. uel legatur utrunq; Deinde dum rixa. &c. Item infra. Motum, ac tumultum faciet.) Legendum ex uetustis codicibus Ciet. Item infra. In proxima quæq; re molitur ac iactat.) Scribendum Proxima quæq; remolitur, ac iactat.

EX CAPITE XIII.

Quemadmodum animal totam uexationem sentiet.) Scribo Tota, non Totam. Item mox infra. Alias citius impellit.) Neq; uetus, neq; uulgati codices illa duo uerba Alias citius, habent, neq; necessaria sunt, cum honestius, atq; etiam clarius intelligantur, quam scribantur.

EX CAPITE XV.

Sed multos illi casus imposuit natura.) Hoc uerbum Natura, non minus frigide, quam inaniter nuper tantum insitum, & inculcatum ab aliquo moleste curioso, summouendum ergo est, ne sensui noceat, nam sine illo & elegantior, & apertior est sensus. ut Casus uerbo Imposuit, Multos uero, uerbo Aditus respondeat, quæ lectio uel indicali turbæ probabilis, & aperta est. Aristoteles etiam ex sententia Anaxagoræ dicit terram totam in modum fungi naturalibus spiramentis subhiare, sed ultra hoc multos in ea aditus, multosq; specus casu, & externa ui factos, & apertos. Et quod mox sequitur. Aqua alia torrentes cecidere.) Alij legunt Edidere, uetera tamen exemplaria Cecidere, ut sit à uerbo Cædo, non Cado. Illud autem uerbū Aqua, ad præcedentia pertinet, Alia uero sequentis cæsi initium est. quare sic distingue. Alicubi deduxit, quic=

EX LIBRO

quid superne terreni erat, aqua, alia torrentes cecidere.

EX CAPITE XVI.

Quemadmodum tam diuersas radices aleret, atq; aliter in se mersas foueret.) Vetus, vulgataq; lectio Aliter, atq; aliter in se mersas foueret, quæ recta, sinceraq; est. Quo magis miror temere, nulloq; iudicio ueram lectionem aliquem interpolauisse, & quasi data opera Senecã corrupisse. Item. Et tam uersatile & uagatione gaudens?) Vetus lectio Et agitatione gaudens?

EX CAPITE XVII.

Non aliter, quàm ille pontem indignatus Araxes.) Vetus codices Quàm ille poëta, forte legendū Quam illud poëtae. uel, Ille poëtae pontem indignatus Araxes. Hoc enim hemistichion Virgilij uatis est in calce octauæ Aenei. Item mox. Vbi saxa manu, uel casu in latere pressere uenientē.) Quamq; & uetus codices In latere, rectius tamen meo quidem iudicio legitur Illata, quam lectionem Erasmus reponit. uel forte utrunq; retinendum, ut sit Illata in latere pressere. Nam si In latere tantum legerimus, suspensæ sententia uidebitur. Eleganter, & copiose scribit Mela Pomponius hanc Araxis fluminis contra opposita saxa uolentiam. Cuius uerba non queo mihi
» temperare quin adscribam. Araxes, inquit, Tauri latere demissus,
» quoad campos Armeniæ secat, labitur placidus, & silens, neq; in
» utram partem eat, quanquam intuearis, manifestus. Cum in
» asperiora deuenit, hinc atque illinc rupibus pressus, & quanto
» angustior, tanto magis pernix, frangit se subinde ad apposita cau-
» tum, atq; ob id ingenti cum murmure, sonansq; deuoluitur, adeo
» citus, ut, quæ ex præcipiti in subiecta casurus est, non declinet statim
» undam, sed ultra, quàm canalem habet, euehat plus iugeri spatio
» sublimis, et aquis pendentibus semetipsum sine alueo ferens. Deinde
» ubi incuruus, arcuatoq; amne descendit, fit tranquillus, iterumq; p
» campos tacitus, & uix fluens. Item infra. Citius eripitur.) Vetus lectio Eo citius rapitur. Item mox infra. Sæpe enim terræ motus fuit.) Legendum Sæpe enim, cum terræ motus fuit, si modo pars eius aliqua disrupta erat, inde uentus per multos dies fluxit.

EX CAPITE XVIII.

Infususq; per minima, laxamentum superat. Indomita naturæ potentia libera est, utiq; cum concitatus sibi ius suum uindicat.) Vetus lectio diuersa. Fususq; per minima laxamentum superatus, indomita naturæ potentia liberat. Est utiq; cum concitatus sibi ius suum uendicat.

Potest utraq; utcunq; defendi, mihi tamen uetus & elegantior, & magis genuina uidentur. nihil tamen ausim mutare, suum igitur opus naturis liberum, integrumq; sit iudicium. Illud hoc loco monere inter necessaria duxerim, non proprie dici Laxamentum superari, quod mihi dubiam, suspectamq; facit lectionem Erasimianam. Præterea si sic legatur, & sequentia æstuant nullo sententiarum fundo. Item infra. Quicquid integrum tulerat.) Quamq; omnia exemplaria Integrū, ego tamen legendū arbitror Integer, spiritum enim refert.

EX CAPIT E XIX.

Quomodo cum in dolio causatur uox, illa per totum cum quadam discussionē percurrit, ac resonat, & tam leniter morata circuit.) Vetus lectio probior, puriorq; uidetur. Quomodo in dolio cantantis uox per totum cum quadam discussionē percurrit, ac resonat, & tam leniter mota tamen circuit.

EX CAPIT E XX.

Aut his plura.) Legendum Aut ex his plura. Item infra. Nonnunq; in coacta itinera coniectus.) Vetus codices In terrena itinera coniectus, forte legendum In arcta itinera. Item paulopost. Quibusdam iam uitiatis.) Vetus lectio Quibus uitiatis &c.

EX CAPIT E XXI.

Therem, & Theream hanc nostræ ætatis insulam.) Vetus lectio Therē & Themam, & hanc nostræ ætatis insulam. Videtur legendum ex Plinio. Theram, & Therasiam, uel Theram & Thiam, quia sequitur Et hanc nostræ ætatis insulam. Thia enim principatu Claudij, ætate Senecæ enata est. Thera autem & Therasia ante Senecam plus minus ducentis annis emerferunt. Quid si quis Theram & Hieram, hoc loco legeret? Quamquam Hiera quoque ante ætatem Senecæ enata credatur. Videtur ergo suæ ætatis insulam illam intelligere, quæ inter Theram & Therasiam cum flammis totum mare inuoluentibus illa ætate enata est, de qua supra capite XXVI. libri II. Strabo libro I. ἀνὰ μέσον γὰρ θήρας, καὶ θηρασίας ἐκτεταταὶ φλόγες ἐν τῷ πελάγους, ἐφ' ἡμέρας τέσσαρας, ὥς τε πᾶσαν ζῆν, καὶ φλέγεσθαι πῦρ θάλασσαν. &c. Sed circa hæc, non debet esse nobis anxia diligentia, ad alia properantibus. Item paulo ante.

Et novos montes subiectos extollere.) Lege subiectus.

EX E O D E M

Altera inclinatio, quæ altera nutat.) Legendum Qua in latera nutat; nauigij more. Tales motus, quibus in obliquum, & in latera, atq; in unam partem inclinatione facta, aut uoluntatione fluctuum more terræ mouentur, Aristoteles Oostas uocari dicit. hi maxime infest &

EX LIBRO

periculosi labefactant, & subuertunt quaecumque mouerint. Qui autē, inquit, in obliquum quidem, sed alterno pulsu, contrarioq; icū, micronatis quassant angulis, & quadam arietatione uicissim se impellunt, Epiclintae uocantur. Illi uero qui sursum, ac deorsum terram rectis angulis succutunt Brastae dicuntur. Quibus terra in caua desidit, Chasmatiae. quibus aperitur & discedit, Rhectae nominantur. Quidam uibrant in utranque partem crispante aedificiorum crepitu, & id quod uibrant, ipsa quassatione dirigunt, hos Palmatias uocant. Seneca latine Tremorem numero singulari. Ostas Inclinationem, Brastas Succussionem, Chasmatias autem nos possumus dicere Recessus, Rhectas Hiatus, Epiclintas uero Acclinationes. De hoc ipsa

» Aristo. uerba, si quis legere uoluerit, subscripsi. τῶν δὲ σεισμῶν οἱ μὲν
 » εἰς πλάγια σείοντες καὶ τὸ ξείας γωνίας, ἐπικλίνονται καλῶνται. οἱ δὲ ἄνω
 » ῥιπτόντες καὶ κατὰ καὶ τὸ ὀρθὰς γωνίας, βράσαι. οἱ δὲ σικκίζουσιν ποιοῦντες
 » εἰς τὰ κοῖλα, χασματίαι. οἱ δὲ χάσματα ἀνοίγοντες καὶ τὴν ἀναρρηγνύν-
 » τες ῥήνται καλῶνται. Et paulo infra. τινὲς δὲ ἀνατρέποντες κατὰ μίαν
 » πρὸς ὧσιν, ὅς τις καλῶσιν ὧσας. οἱ δὲ ἀναπάλλοντες καὶ ταῖς εἰς ἐχέτερον
 » ἐγκλίσεις καὶ ἀναπάσεις διορθοῦντες αἰὲρ τὸ σειδόμενον, παλματίαι λέγον-
 » ται. Item paulo ante. Vtriusque nomen.) Vetus lectio Vtrique.

EX CAPITE XXII.

Vt ex his quae impendere rupibus aqua resoluta.) Vetus codices Vt ex his quae impendent rupibus, aliqua resoluta. Item paulo post Cadat, non Cadant. ut sit sensus, & ordo uerborum. Aliqua rupes resoluta cadat ex his rupibus, quae impendent. Item infra. Nec tamen pondere suo. Legendum ex uetustis codicibus. Nec tantum pondere suo. Item paulo infra. Vt desinant esse oneri ferendo idonea.) Hoc uerbum Idonea, otiosum est, & inane.

EX CAPITE XXIII.

Quemadmodum Helice Burisq; mersa sunt.) Plinius libro II. & Quarto Buran non Burim uocat Oppidum Corinthio sinu ablatum. Aristoteles quoque, et Strabo Helicen et Buran. i. ἐλίκη καὶ βούραν.
 » βούρα δὲ καὶ ἐλίκη, ἢ μὲν ὑπὸ χάσματος, ἢ δ' ὑπὸ κύματος ἠφανίσθη.
 Burā uero & Helicē, inquit Strabo, haec terrae hiatus absorpta, illa undis submersa est. Ouidius.

» Si quaeris Helicen & Buram Achaeidas urbes,
 » Inuenies sub aqua, & adhuc ostendere nautae
 » Inclinatae solent cum moenibus oppida mersis.

Item paulo infra. Quisquis primas literas Graecas didicit, scit illum apud Homerum ἐννοσεύων uocari.) Vetus omnes, uulgatiq;

codices Sibithona, non ἐννοσεύχαιον. Vnde, & ex Homero legendum est hic σεῖσι' χθονα. α' σεῖω, quod est quatto, & χθών. oros. idest terra, quasi Motorem terrae dicas. Ipsum quoque terræmotum σεισµόν Græci vocant. Scio Neptunum eadē de causa ἐνοσίχθων quoque dici, ab ἐνώω καὶ χθίνα, & aliquando gemino vi metri causa, ut apud Iuvenalem.

» Ipsum compedibus qui uinxerat Ennosigæum.

Dicitur etiam ἐνοσίχθων similiratione, quod scilicet terram concutiat, ut diximus.

EX CAPITE XXIIII.

Immo, inquit, seu cum frigore.) Legendum Ceu cum frigore per. c. non per. s. Aristoteles quoque secundo Meteoron dicit terræ simile quiddam nostris corporibus accidere. quemadmodum, inquit, plerumque post urinam redditam, quodam quasi tremore corripimur, exteriorē scilicet, & frigidiorē aëre in interiora ad sedem emissi lotij penetrante, sic ipsam terram per cavernas ingressi frigidi spiritus quantunt, & uibrant.

EX EODEM

Atalantam insulam.) Vetus codices Atlantem, sed legendum putauit Hermolaus in Plinio Atalantem ex Strabone, Stephano, & Thucydide. Quanquam & Atlantem insulam esse sciamus, contra montem Atlantem sitam, sed. Atalantis, de qua hic fit mentio, Eubœæ adiacet, quondam eidem iuncta, deinde maris interuentu amissa. Sed forsitan nō male exit etiam in. a. Græci enim efferunt ἡ ἀταλάντη. ἡ. autē finale sæpius in. a. quàm in. is. à Latinis cōuertitur. Strabo libro IX. πλησίον δὲ καὶ ἡ ἀταλάντη, ὁ μώνυμος τῇ περὶ αὐτοῖαν καὶ λοκρούς. proxima est Atalante, cui cognominis alia est ad Eubœam & Locros. Idem in eodem. καὶ ἡ ἀταλάντη δὲ, νῆσος, κατὰ ὁποῦντα ἰδρυται, ὁ μώνυμος τῇ πρὸ τῆς ἀπικῆς. Et Atalante insula locata est in Hopuntem, eiusdem nominis cum illa, quæ contra Atticam sita est. Item paulopost. Aut certe maxima ex parte superfusam.) Vetus lectio suppressam, sed uulgata lectio probior. Item. Id Sidoniæ accidisse.) Vetus codices Sidone. Forte legendum Sidoni. Strabo In Phœnice factō terræmotu, inquit, oppidum super Sidonem situm absorptum fuisse Possidonius author est, & Sidonis duas fere partes corruisse.

EX CAPITE XXV.

Decidant in illum subteriacentem locum.) Vetus lectio subternacantem. Item paulopost. Et scissam unius magnitudinē montis in duas partes tunc effugisse.) Distinguendum ita, ut illa ultima uerba Tunc

EX LIBRO

effugisse, ad sequentia pertineant, hoc modo. Tunc effugisse Penæon. Tametsi Effudisse, uel Effluxisse magis probauerim, quàm Effugisse. Præterea scribendum per ei Græcam diphthongum, ut & supra libro III. monuimus, quando ipsi Senecæ sic scribi ex Græco placuisse uidemus, ita enim habent omnia uetusta exemplaria. Item. Ni laxos specus.) Legendum In laxos specus. Et paulo infra Spiritum, non Spiritui. Item infra. Quod nisi essent magna terrarum spatia.) Legendum Quod nisi esset; singulari numero. hoc est. nisi spiritus in laxos specus conueniret, magna terrarum spatia commouerentur. Et paulo infra. Cum laborauit Aegine, tam propinquas illi patrias de motu nihil audisse.) Forte legendum Patras, non Patrias, Patrae enim in promontorio longissimo Peloponnesi conditæ, quinque fere Mil. Pass. ab Aegina, siue Aegine oppido distant.

EX CAPITE XXVI.

Multumq; secum limum trahens.) Vetus lectio Multumq; secum cœni trahens. Item mox infra. Et eum subinde.) Legendum Et id subinde. Aegyptum totam fere a Nilo aggeratam docet Aristoteles primo Meteoron. & Plinius II. Naturalis historiae. Item infra. Nec ulla interualla in se habet, & sic creuit in solidum arescente limo, cuius pressa erat.) Purior est uetus lectio. Nec ulla interualla intra se habet, sed creuit in solidum arescente limo, quo pressa erat, & sedens structura. &c. Item paulo post. Falsa hæc Pompeium, & Herculanæum sensere.) Legendum ex uetustis codicibus Pompeij, πληθυντι= uos, ut supra in principio libri. Item infra. Sic nobilis, & huic iam familiaris Malonicopolis.) Legendum separatim, malo Nicopolis, ut
» Malo sit dandi casus. Plinius libro II. Nec montosa tali malo carere
» quamuis mendose legatur in omnibus Plinianis codicibus Tali modo
» carent. Strabo libro I. de Terræmotu τὸ δ' αὐτὸ πάθος καὶ ἐπὶ τῷ
» οὐρίαν ὅλην διέτερε. hoc malum in totam Syriam extensum est. hoc
est, hæc clades & affectio terrarum. Hæc leuia admonere superuacuum esset, nisi delicatum lectorem uel fallerent, uel morarentur, & (ut Plautino utar uerbo) remoram facerent. Nicopolis Epiri urbs est, a uictoria augusti ad Actium sic appellata, quæ prius Ambracia dicebatur. Est & Alia Nicopolis in Aegypto, non longe ab Alexandria ab eadem Augusti uictoria.

EX CAPITE XXVII.

Vel corruptis æternorum ignium uitio.) Rectius forte uetusti codices Internorum ignium, hoc est, in terra latentium. Item quod mox sequitur. Cum est longo situ emissus, parum habet liquidum quod maculat, ac polluit

ac polluit.) Vetus vulgatiq; codices paulo sinceriores habent lectionem hoc modo. Parum hunc liquidum quod maculat. Legendum ergo Cum e' longo situ emissus, purum hunc, liquidumq; maculat, ac polluit. Ipso Sole clarior est sensus. Item. Ante, quam ab homine posset trahi.) Vetus, & vulgata lectio forte probator, & integrior. Ante, quam ut ab homine posset trahi, surgeret.

EX CAPITE XXIX.

Nam quod aliquos insanis, attonitisq; similis discurrere facit motus.) Legendum est. Nam quod aliquos insanis attonitisq; similis discurrere fecit motus. Cum enim Pompeij terræmotu defecerunt, aliqui attoniti ipotesq; mentis discurrerunt. Seneca supra statim a principio huius sexti libri. Adijciunt, inquit, his sexcentarum ouium gregem exanimatum, & diuisas statuas, motæ post hoc mentis aliquos, atq; impotes sui errasse. Confirmant hanc lectionem etiam sequentia.

EX EODEM

Hæc loca ui quondam, & uasta percussa ruina.) Vetus lectio Conuulsa ruina. Item. Venit ingenti ui pontus.) Vetus codices Medio ui pontus. Item Et undis hesperium, non Ingens. Et paulo infra. Littore, nō Aequore diductas. Virgiliani quoq; codices nō discrepant unico apiculo a uetustis Senecæ exemplaribus. Item paulo infra. Cum pars naturæ concita est, deesse & aliquo mare ignem spiritu impegit.) Ita habent omnia exemplaria, quæ ego uiderim, adeo pertinaciter in errorem conspirarunt. nisi quod unus uetustissimus codex loco uerbi Concita, habet Concitata. Præterea Spiritus, non Spiritu. Robustior est, altiusq; longo tempore hic error demisit radices, quam ut obiter extirpari queant. Quare in loco tam insigni coniectura periclitari uix citra reprehensionem possumus. sed quoniam nobis propositum est non recusare, causa cōmunis utilitatis, etiam ancipitis iudicij aleā subire, non dissimulabo nostram super hunc locum sententiam, quam late missa coniectura assequor. Legendum enim arbitror. Cum pars naturæ concitata est de se, uel aliquod mare ingens spiritus impegit. Nam maria & de se naturali motu concitantur, ut docet Aristoteles, & spiritu per occulta foramina subeunte aquas impelluntur. Spirituum autem in omni mundi parte indomita, miraq; potentia est. Verum hoc nolo ita esse decretoriū, quin integrum sit opinionis iudicium.

EX CAPITE XXXII.

Quos magis refert natura fortiores fieri.) legendum ex uetustis codicibus Quos magis refert uestra fortiores fieri. Ut supra circa finem

SEXTO

» *secundi. Intelligo quid iandudum desyderes, quid efflagites. malo,*
 » *inquis, fulmina non timere, quàm nosse, itaq; alios doce quemadmo-*
 » *dum fiant, ego mihi metum illorum excuti malo, quàm naturam*
 » *inducari. Item paulo infra. Quid est enim cur ego hominem aut*
feram quidem.) Legendum Quid est cur ego hominem aut feram?
quid est cur sagittam &c. Item. Siue mors æquo &c.) Legendū.
Siue nos æquo. Item infra. Cum libet illi eam accipiat.) Vetus
lectio Qui uolet illā accipiat. ut sit communiter dictum. Item mox
infra. Et cum omnibus bonis.) Lego Et cum bonis omnibus, hoc
est precationibus & auspicijs.

EX EODEM

Nec quod fuit in puncto fugientis temporis. Pendeoq; , & magni est
modicum fuisse.) Ita legendum, & distinguendum est, ut Pendeo uer-
bum, ad præcedentia pertineat. & In puncto sit initium huius clau-
 » *sulæ, hoc modo. In puncto fugientis temporis pendeo, & magni est*
 » *modicum fuisse. Nihil habemus de tempore nisi præsens, dicit philo-*
 » *sophus. Seneca in libro De breuitate uitæ. Præsens tempus, inquit,*
 » *breuissimum est, adeo quidem, ut quibusdam nullum uideatur. Et*
paulopost. Solum igitur ad occupatos præsens pertinet tempus, quod
tam breue est, ut arripi non possit. Hinc est illud uulgatissimū apud
Græcos authores. στιγμὴ χρόνου. idest. momentum, seu punctum tem-
 » *poris. Plutarchus de pueris instituendis. στιγμὴ χρόνου πᾶς ὄντι ὁ βίος.*
 » *Punctum temporis est omnis uita. Terentius. Tum temporis adhuc*
punctum mihi est. hoc est, breuissimum spatium. Punctum enim apud
Mathematicos est pars indiuidua lineæ. Tria sanè dicuntur esse tem-
pora Præteritum, Præsens, & Futurum. sed præteritum iam non
est. futurum nondum uenit. præsens instans est, nullum spatium, nul-
lamq; partem suam habens. prima enim eius pars est præteriti, se-
cunda futuri. tertia siqua est media, illa instans & incomprehensi-
bilis est, atq; omnino puncto indiuisibili similis. Item. Hoc assigne
mus animo.) Vetus lectio Hoc affigamus animo. Item mox. Hoc
nobis subinde semper dicamus.) Legendum Hoc nobis subinde di-
camus. Illud enim Semper, superuacaneum & inane est, ac ὁλιγὸν
illius uerbi subinde. Et in fine libri. Vel si ita tulerit, possis illi ut
obuiam exire.) Honestior puriorq; erit lectio, si mutato ordine uer-
borum sic legerimus. Vt si ita tulerit, possis illi uel obuiam ire.

ANNOTATIONES MATTHAEI FORTVNATI
IN LIBRVM SEPTIMVM ET VLTIMVM
NATVRALIVM QVAESTIONVM SENECAE.

EX CAPITE I.

ipsi quoque quamuis spargantur, et longius exerant
faces, aequae tamen ignei, splendidiq; sunt.) Magna
arte corrupta est, et mutata haec lectio, frigida ta-
men est et inepta. Legendum ergo tum ex uetustis,
tum etiam uulgatis exemplaribus, nam et illa uno
uerbo parum deflexo, sinceram lectionem habent. Ipsam quoque,
quamuis spargatur, et longius exeat, faciem, aequae enim ignei
splendidiq; sunt. Sensus autem est. Cometas caeteris syderibus non so-
lum ortus et occasus communis habere, sed ipsa quoque facie simi-
lis esse, quamuis sparsa sit, et latius, liberiusq;, quam caeterorum
syderum diffusa, atque multarum stellarum regionem complexa. Item
mox infra. Mouenturq; senis mensibus.) Vetus lectio. Manentq;
senis mensibus. ut infra capite XII. Atqui Cometæ senis mensibus
manent. Plinius uero libro II. dicit longissimum spatium, quo cer-
nerentur, octoginta dierum annotatum esse, breuissimum septem.
Item paulo post. Et nuper in Graecia inuenta.) Rectius uulgati
codices In Graeciam inuenta, uel In Graeciam transueta, ut uetusta
habent exemplaria. Nam observatio rerum coelestium non inuenta
in Graecia, sed in Graeciam ex Assyria, et Aegypto inuenta est.
Seneca paulo infra. Eudoxus, inquit, primus ab Aegypto hos motus
in Graeciam transtulit.

EX CAPITE III

Plures stellas esse quae currant.) Quanquam Currant legatur in
omnibus, quae nos uidimus, exemplaribus, ego tamen malim legere
Coëant, uel Concurrant. Anaxagoras enim, et Democritus, ut docet
Aristoteles I. Meteoron, arbitrantur nihil aliud esse Cometen, quam
iunctam effigiem, lumenq; commissum, et confusum duarum, uel
plurium ex propinquo Errantium stellarum. Nam quaedam sydera
dissolutis etiam crinibus conspecta fuisse tradiderunt. Αναξαγόρας
μὲν οὖν καὶ Δημόκριτος φασιν εἶναι τοὺς κομήτας, σύμφασιν τῶν πλα-
νιτῶν ἀστέρων. ὅταν διὰ τὸ πλείον ἐλθεῖν δόξωσι θιγγάνειν ἀλλήλων.

EX LIBRO

- Item non ita multo post de sententia Democriti φησὶ γὰρ ὅτι φθασία
 λυομένων τῶν νομιστῶν καὶ ἀσέρας τινός. Item paulo infra. Nec
 omnia.) Lege Nomina, ut habent vulgati codices. Virgilius.
- Nauita tum stellis numeros, & nomina fecit.

EX CAPITE IIII.

Hinc uidetur.) Legendum Huic uidetur, ut sit dandi casus. Item mox
 infra. Hæc cum proxima signa Martis, aut in Lunæ uicina tran-
 sit.) Vetus lectio Hæc cum proxima signa Martis premit, aut in lu-
 cem uiciniam transit, ut forte legendum sit. In lunæ uiciniam, aut cer-
 te Lucem uicinam, idest Iouis sydus, cui stella Saturni uicina est.
 Verum hoc ut uidebitur legentibus. Illud sciendum, Saturnum ideo
 plus uirium ad omnes motus habere, quia quodq; signum bis re-
 petit. In Capricorno facit grauissimas pluias, præcipue in Italia,
 in Scorpio grandines, item in alio fulmina, in alio uentos. Item paulo
 post. Præterea, inquit, aliam naturam habent fulmina.) Scriben-
 dum tum ex uetustis codicibus, tum ex sequentibus uerbis Mate-
 riam, non Naturam, nam sequitur Aquarum enim, & omnis
 humidi euaporatio &c.

EX CAPITE V.

Syluas interim & tecta corripuens.) Interdum forte, non Interim le-
 gendum. Item. Calisthenes tradit antequam Burim & Helicen
 mare absorberet.) Vetus aliquot codices sic habent. Talem effigiem
 ignis longi fuisse Collisthenes tradit, ante, quàm Burim & Helicen
 mare absorberet. Sed hæc uerba mihi addita, et insita. ab aliquo ui-
 dentur, quod alioqui imperfectus, & abruptus sensus prima fronte
 apparebat. Scribendū præterea Callisthenes gemino ll. ubiq;.

EX CAPITE VI.

Et stellas non prætermittant.) Legendū absq; negatione. Et stellas præter-
 mittant. ut capite sequenti. Qui & procedunt, & signa prætereunt.

EX CAPITE VII.

His accedit illud quoq; uentus multas aëris partes impellit.) Legen-
 dum ex uetustis codicibus Quod uentus &c. Et paulo post. Si illos
 Aquilo propelleret, ad meridiem semper augeretur.) Legendum
 Agerentur.

EX CAPITE VIII.

Num quis nostrum aut accideret.) Legendum ex uetustis Num quis no-
 strum crederet, aut Lunam &c. Item paulo post. Non tantum su-
 pra Lunam efferrent.) Scribendum Non tamen supra Lunam &c.
 Item capite IX. Plurium uentorum, non Plurimum. Et paulo post.
 Nam cum

Nam cum uagus, & incertus spiritus certi uolatus est.) Vetus lectio Certi uolutatus est. Videtur esse legendum Cum ceteris uolutatus est. sequitur enim. Nouissime uni uis cedit. Vortex enim seu Turbo, est plurium uentorum inter se luctatio, ut paulo ante dixit Seneca. Item In exitum sui, non In exitum. Et capite X. Caeli q; uolumina torquet.) Legendum Celeriq; uolumine torquet ex Ouidio, cuius ex II. Meta. sunt carmina hæc.

- » Adde quod assidua rapitur uertigine cælum,
- » Sydera q; alta trahit, celeriq; uolumine torquet.

EX CAPITULO XI.

Forma eius non est una.) Videtur esse legendum absq; negatione. Forma eius una est. ut apparet ex sequentibus. Item paulo post. Et eorum quibus fusus adest ignis.) Scribendum ex uetustis codicibus, Quibus fusus qdem est ignis. Item. Ita dicit, aut lucidiorem esse.) Vetus lectio Ita ait aut liuidiorem esse, aut rubicundiorem. hoc tamen non castigandi, sed admonendi gratia posuimus. Et quod mox sequitur. Aut in latera diuisos.) Vetus lectio Demissos.

EX CAPITULO XII.

Quanto' celerior debet fieri in stellis congressio?) Scribendum Digressio? Item paulo post. Cum sint ingenti ratione diductæ.) Legendum Regione, non Ratione, hoc est spatium & intervallo. Item infra. Quemadmodum arcum alterne sol uisit.) Vetus lectio castior. Quemadmodum alterne arcus solis uisitur. Et paulo post. Intra breuissimum spatium, non Inter scribendum.

EX CAPITULO XIII. ET XIII.

Aut per obscuritatem luminis.) Legendum ex uetustis. Propter obscuritatem. Et mox infra Propter circulorum, non Per circulorum. Item ex capite XIII. Velim cum mihi dicat.) Legendum Velim tamen mihi dicat. Item mox infra Qui mundo, non Cum mundo scribendum. Item infra. Quid est deinde quod probes.) Legendum Quo probes.

EX CAPITULO XVI.

Sicut hic dicit Cometen.) Verbum Dicit otiosum est, ponitur enim infra aliud uerbum sensui respondens. Ita autem est distinguendum, ut illa particula Sicut hic, ad superiorem clausulam pertineat. subintelligendumq; est uerbum Decipit. Item paulo infra. Qui ingentis traxit euentus.) Vetus lectio Quia ingentis rei traxit euentus. Item supra capite XV. Quid ergo coire stellas oportet.) Scribendum Quot ergo. Et paulo infra. Quot ergo conuenisse debent Erraticæ.

EX LIBRO
EX CAPITE XVII.

illi similem fuisse negans.) Verbum Negans, antiqui codices non habent, & profecto confundit sensum, neque enim potest ad Apollonium apte referri. Et quod mox sequitur. Qui post diui Iulij Veneris ludis genetricis.) Hic necessarium uerbum deesse uidetur, arbitror illud uerbum Negans, quod paulo ante repudiauimus, huc pertinere, sed immutatum esse, scribendum enim uidetur hoc modo. Qui post neminem Diui Iulij, Veneris ludis genetricis. Plinius libro II. Cometes in uno, inquit, totius orbis loco colitur in templo Romae, admodum faustus Diuo Augusto iudicatus ab ipso, qui incipiente eo apparuit ludis, quos faciebat Veneri genitrici, non multo post obitum patris Caesaris, in collegio ab eo instituto. Haec Plinius. Cometes hic natalem Christi Saluatoris praenunxiasse creditur. Item capite XVIII. Non autem manet illis prima facies.) Legendum Nunc autem.

EX CAPITE XX.

Multos cometas uidemus.) Legendum cum negatione Non uidemus. Item infra. Quem Sol uicinus traxerat.) Scribendum Texerat. uel, ut uetusti codices habent, Obtexerat. hoc est, obscurauerat, & hebetauerat.

EX CAPITE XXI.

Ignium materia alimentum suum sequitur.) Legendum Ignium modo alimentum suum sequitur. Item mox infra. Quamuis enim ad superiora uisus est,) Vetus lectio sincerior, et clarior. Quamuis enim illi ad superiora nisus sit. hoc sensu. Quamuis Cometes, utpote igneus, naturali cursu ad superiora moueatur, tamen materia alimenti deficiente retroit, descenditque in aëra humiliores, & crassiores, partem sequens. Seneca non ita multo post. Huc itaque descendunt inuitante materia, non itinere. quamuis non haec sit opinio Senecae. Item infra. In diuersum illi Claudiano circumactum.) Lego Circumactus. Item. Videlicet ille humilia habuit.) Legendum Humidiora. Item. Et ibi se subduxit.) Vetusti codices addunt Oculis.

EX CAPITE XXII.

Quam quae natura ne unquam excuterentur aptauit.) Vetus lectio Quam quae natura ne unquam excuteretur aptauit. bona est utraque, sed uulgata probior. sensus autem est. Cometas in aëre uago, & fluido locum habere non posse, qui tam pertinaciter suis sedibus haereant, quam illi sempiterni ignes, quos natura partim caelo, partim suis orbibus ita affixit, ne unquam excuterentur. Cometas itaque certos, & perpetuos ignes a natura aptatos credibile esse.

Ex capite

EX CAPITE XXIII.

Sic quæ transversæ dicuntur stellæ cadentes.) Vetus lectio cōmodior videtur. Sic quæ transversæ ducuntur stellæ, & cadentes. sed hoc arbitrarium sit. Item paulo infra. Cometes potest sic altum habere circulum, ut modo in hunc parte aliqua sui incidat.) Videtur esse Legendum. Cometes potest sic latum habere circulum, ut in hunc tamen aliqua parte sui incidat. neq; enim altitudine, sed latitudine potius Cometarum circulum à Septentrione, ubi fere Cometæ visuntur, ad Zodiacum usq; extendi, & aliqua parte in eum incidere credibile est.

EX CAPITE XXIII.

Vt in multa itinera diuisus, hinc non unam deterat semitam.) Vetus lectio Vt in multa itinera diuisus hinc &, nec unam deterat semitam. Vnde legendum arbitror. Vt in multa itinera diuisus sit, nec hanc unam deterat semitam. Item paulo post. Quæ minime uacuum, & inertem esse patiuntur.) Vetus lectio Quæ aëra minime &c. Item. Quinq; stellæ esse.) Lego ex uetustis codicibus Quinq; solas esse.

EX CAPITE XXV.

Nondum teneri legibus cæteris.) Scribo Certis. Item infra. Qui nullam stellam.) Lege Qui ullam. Item. Quæ nō tenor.) Vetus lectio Quæ nunc tenor. Item. Alia ex diuerso.) Vetus codices ex aduerso.

EX CAPITE XXVI.

Vt certo tempore intuentes afflent.) Vetus codices Vt certo tempore uel inuentis intuens afflant. Vnde legendum arbitror. Vt certo tempore illis inuentis afflet, uel, illas inuentas afflet. Certo enim tempore, certisq; partibus cœli Sol deprensas stellæ afflat, propellunturq; aut in summas, Sole subeunte absidas, aut superueniente in imas depressuntur. Quod supra in præfatione primi uoluminis Seneca his uerbis notauit. Obseruat, inquit, ubiq; quæ stella primum terris lumen ostendat, ubi culmen eius summum, qua cursus sit, quousq; descendat. Vbi si Proximum, non Primum legeres, clarior, & uerior forsitan lectio esset. Proximæ enim sunt terris stellæ, & altitudine & latitudine in Occasu uespertino. contra uero in Exortu uespertino altissimæ, & remotissimæ à terris utraq; ratione, & altitudinis scilicet, & latitudinis. A matutinis enim, primisq; stationibus (quas Saturnus, Iupiterq; facit in triquetra, seu triangula forma à partibus CXX. Mars uero, quippe Soli propior, etiam in quadrato à partibus LXXX.) Solis radio percussæ rectum agere cursum pro-

EX LIBRO

hibentur, & ignea vi in sublime, absidumq; altitudinem subire congruntur. Deinde progrediente radiorum uiolentia retroaguntur, dimittiturq; semper motus, ac detrahuntur numeri usq; ad alterum ab altero latere triquetrum, ubi faciunt stationes uespertinas, seu secundas. Itaq; harum trium superiorum stellarum (nam Veneris, Mercurijq; quæ infra Solem sunt, penè contraria ratio est) à primis stationibus ad secundas adeo diminutus est motus, ut intuentes fallant, stareq; credantur, ac multo magis in exortu earum uespertino, cum minimo motu feruntur, propterq; nimiam sublimitatem uix cernuntur, expulse scilicet in ipsos summorum absidum uertices, toto sole à partibus CLXXX. aduerso, ac diu in nullam partem stellam propellente, sed totis per dimittentem aduersis radijs, in articulo summæ absidos sydus urgentibus. Hoc ergo tempore maxime pertinaciter stare uidetur, intuentesq; fallit, & præsertim, si id in Septentrionalibus signis, quæ altiora sunt, euenerit. Quare hic quoq; forte legendum erit. Vt certo tempore uel intentius intuentes fallant. Quæ mihi uidetur uerissima, & germana lectio, conueniensq; tam præcedentibus, quàm sequentibus. confirmat maxime hanc lectionem exemplum quod sequitur de nauibus. Syderum uero sublimitatem, uel humilitatem facit etiam absidum, seu circulorum eccentricorum uaria positio. præterea obliquitatis, latitudinumq; signiferi ratio, per quas stellæ euagantur nunc in Austrum descendentes, nunc in Septentrionem subeuntes.

EX CAPITE XXVII.

Quomodo nihil prohibet. ita sydera esse.) Legendum sine interrogatione. Quomodo nihil prohibet ista sydera esse. Item infra. Intra breuissimum tempus Aries excolitur.) Legendum Extollitur. Item. Libra tardissime mergitur.) Legere malim Emergit. sequitur enim, Hoc diu proferatur. Videtur loqui de ortu utriusq; signi, quàm uariis sit, illius uelox, huius tardus. Hæc autem inæqualitas in emerſu syderum, uel signorum sit secundum quod recta, uel obliqua emergant. Item paulopost. Vides enim simillima est illa.) Sic in omnibus. Legendum tamen arbitror Vides quàm dissimillima est illa. Item paulopost. Alia morosiora.) Vetera, uulgataq; exemplaria Maiora, non Morosiora, & certe Morosiora abhorres à sensu, neq; enim idem significat, quod tardiora, ut arbitratu est ille, qui hoc uerbum apposuit. Nam morosum, morosa, & inde morosiora, non à mora, sed à moribus deducatur. morosus enim dicitur, qui habet multos ac uarios, discordesq; & inter

inter se contrarios mores . Item capite XXVIII . Ex quo apparet illum non ex proximo .) Vetus lectio Non ex improviso , & rectius forsitan .

EX CAPITE XXIX.

Non desit in rectum assidue celerior ferri .) Legendum Celsior ferri . Seneca supra de eodem . Ille enim , inquit , a Septentrione in uerticem surgens . Item infra . Quæ an uera sint dii sciunt .) Legendum ex uetustis non Dii sciunt , sed Discutiant quibus est sententia ueri . supra quoq; Contenti , inquit , sumus inuentis , aliquid ueritati & posteris conferant . Discutiant autem hoc sensu dixit , ut palam disputent , & exquirant , quos ea cura tenet . sequitur enim , Nobis rimari illa et coniecturare in occulto tantum licet . Illud enim dictum Dii sciunt , puerile & putidum est , neq; huic loco conueniens . Tragi solent ad aliquem deum confugere , ubi explicare argumenti exitum non possunt , atq; ubi aliquis dignus uindice nodus inciderit .

EX CAPITE XXXI.

Multa præterea cognata nimium summo .) Lege Numini summo . hoc est deo . Item paulopost . Ne quidem hæc multa , uenientis æui populus .) Legendum uidetur ex uetustis codicibus , ut sensus constet , Ne hæc quidem multa . Multa uenientis æui populus ignota nobis sciet . hoc sensu . Multa quidem hoc primum seculo cognouimus , sed longe plura cognoscent posteris . ex ipsius enim naturæ sacrario interiore quælibet ætas habebit , quod promat . Item infra . Vtiq; si labor cessat .) Ita legendum , distinguendumq; est , ut hæc uerba ad præcedentem clausulam pertineant . In quod autem inchoet sequentem . Item paulo ante . Ex quibus hæc ætas .) Scribendum . Ex quibus aliud hæc ætas . Item . Non ambulamus sed incedimus .) Vetus lectio commodior . Non ambulamus , sed repimus . Cicerone de officiis . Cauendum est autem ne tarditatibus utamur in gressu mollioribus , ut similes pomparum ferculis esse uideamur . Item . Aut traducatur .) Vide ne legendum sit , Vt traducatur . hoc est dedecoretur , & deturpetur , atque infamia afficiatur . ut apud Iuuenalem .

» Squalentes traducit auos .- Seneca XVI . Epistolarum ,
 » Volo luxuriam obiurgari , libidinem traduci , impotentiam frangi . Item infra . Et locatus ad mortem infamiae armatur .) Vetus lectio In fame armatur . neq; displicet , subiungitur enim , Egenus etiam , in quo morbum suum exerceat , legit .

- Quis philosophum.) Lege Philosophiam. Seneca libro XV. Epistolarum. In Rhetorum, inquit, ac Philosophorum scholis solitudo est, » atqui celebres culinæ sunt. Idem libro XI. Cogito mecum, quàm » multi corpora exerceant, quàm pauci ingenia, quantus ad spectacu- » lum non fidele, & lusorium fiat concursus, quanta sit circa artes » bonas solitudo, quàm imbecilli animo sint, quorum lacertos, hume- » rosq; miramur. Item paulo post. Sine successione deficiunt.) Ve- » tusti codices sine successore. Item mox infra. Academici ueteres, » & minores) Rectius forsitan legeretur Iuniores. Item. Vt detur » latus.) Legendum ex antiquis codicibus Vter det latus illis. Item. » Transitur ad ganeam.) Vetera, recentiaq; exemplaria forsitan » rectius Galeam. dixit enim. Deinde sub persona cum diu trita frons » est. Nam prius & uiri & foeminae impudentiores exercebantur » sub persona, deinde, quasi ad ueram arenam se præpararent, sub » galea. Iuuenalis libro II.
- » Quem præstare potest mulier galeata pudorem? » Idem paulo post.
- » Aspice quo fremitu monstratos perferat ictus, » Et quanto galeæ curuetur pondere.= » Hæc foeminarum impudentia eo progrediebatur insania, ut ali- » quando in ueram arenam, ueramq; pugnam prodire auderent, & » cominus Apros, Leones, Vrsos, & alias id genus feras in arena » conficere. Iuuenalis libro I.
- » Cum Meua Thuscum » Figat aprum, & nuda teneat uenabula mamma. Item » Martialis primo Epigrammaton » Belliger inuictis quod Mars tibi sæuit in armis, » Non satis est Cæsar, sæuit & ipsa Venus. » Prostratum Nemees & uasta in ualle Leonem » Nobile, & Herculeum fama canebat opus. » Prisca fides taceat, nam post tua munera Cæsar » Hæc iam foeminea uidimus acta manu. Papini. in Syluis » Stat sexus rudis, insciusq; ferri, » Et pugnas capit improbus uirilis. » Credas ad Tanaim, ferumq; Phasim » Thermodontiacas calere turmas.
- Refert Suetonius Domitianum non modo uirorum, uerumetiam foe- » minarū pugnas edidisse. Cum hæc proderem, consului iudiciū ui-

ri in utraq; lingua eruditissimi tum de alijs, tum præsertim de illo Senecæ loco libro primo, capite XV. Quæ asparsoplecta Græci uocant. quid loco illius uerbi Asparsoplecta legendum censeret. Tardius, quàm uolebam, & iam formatis excusisq; primi libri annotationibus respondit his uerbis. Ex Aristotelis libro de mundo, conijcere possumus, & ex eo præcipue loco, ubi de fulminibus agit, legi oportere Apyroplecta. uel Apresteroplecta. ut sit uel ἀπυρόπληκτα. uel ἀπρηστέροπληκτα. Quæ uerba uel præpostere, quando suo loco non licuit, reddenda censuimus, ne iudicio hominis doctissimi legeretur defraudaremur. In eodem libro primo capite V. de speculis & nubibus sic legitur. Cum illæ non perluceant, hæc transmittant lucem? Illæ densæ & coactæ, hæc raræ sint? Verior uidetur esse lectio, si legerimus. Cum illa non perluceant, hæc transmittant lucem? Illa densa & coacta, hæc raræ sint? Hanc lectionem & lex ipsa dicendi, et ueritas requirit. specula enim sunt densa, ideo non perlucet. Nubes uero & raræ sunt, & lucem transmittunt.

» Seneca infra capite VIII. de Sole & nube. Cū radios transmittere soleat, & omnem densitatem perrumpere.

F O R T V N A T V S L E C T O R I.

Non est querendum Lector candide, quot loca corrupta, & deprauata, sed potius quot sincera, ac integra in istis Naturalium rerum questionibus fuerint ante, quàm nostro labore, & industria, uetustissimorum codicum auxilio restitutæ essent. Nam si scrupulatim rationem colligere uoluerimus, maior profecto illorum, quàm istorum numerus pullulabit. Ita fœde omnia erant infecta, deformata, & in labem tracta, ut nihil inoffense legi potuerit. Mirari non sufficimus, quibus tantum de nobilissimo, & grauissimo authore licuerat. Siquis nostram recognitionem cum exemplaribus hætenus impressis, diligenter contulerit, inueniet certe multa nullia locorum in tam paruo opere à nobis restituta. Nullum enim locum, ac ne uerbum quidem inexcussum reliquimus. Laborauimus, fateor, omni cura, & diligentia, ut hoc nostro labore, omnis labor, ac fastidium legentium tolleretur, atq; omnia ita complanarentur, & leuigarentur, expolirenturq; ut ne minima quidem asperitas relinqueretur. Quod quantum effecerimus aliorum sit iudicium. scio id me magis uoluisse, quàm præstitisse. neq; enim omnia consequimur, quæ uolumus. Illud audeo citra suspensionem arrogantiae

polliceri, has *Quæstiones naturales* ex nostra recognitione nitidio-
res, & sinceriores in lucem prodire, quàm à multis seculis prodie-
rint. Videbis studiosè lector quamplurima exoleta esse renouata,
subsultantia resecta, adulterina remota, legitimus in familiam resti-
tutus. confusa in ordinem redacta, præpostera suo loco reddita, trun-
cata, & necessarijs membris priuata, ad integritatem perducta. Sup-
pleuimus enim non uerba tantum, uerumetiam integras sententias.
Creuerat in immensum labor. Nam & uetusti codices mendosi sunt
omnes, habentq; uarias, & nonnunquam contrarias lectiones, in
quibus difficilis est & electio & diuinatio. Nunc ego facile intelligo
quantum debeant omnia tempora Aldo Manutio assertori, & Ca-
millo utriusq; facundia maximo, cuius excellenti uirtute, labori-
busq; immensis effectum est, ut uirtutum studia colantur. Hic amissa
iam pridem eloquentia ornamenta reparauit. huius diligentia extin-
ctum Græcæ Romanæq; gentis lumen reuixit. Incredibile profe-
cto est, si uero iudicio æstimare uolumus, quanto labore, & in-
dustria, quantaue cura, & diligentia, uir ille ingens, dono quo-
dam providentiæ genitus, & supra mortalium naturam euectus,
tantum scriptorum utriusq; linguae à tenebris reuocauerit, & ab
infinitis erroribus, quibus temporum iniuria, & librariorum ui-
tio oppleti erant, uindicauerit. Incredibile etiam quantum omni-
bus seculis tam pio labore, ac munere profuerit. Sed quamuis ma-
gna, totiq; posteritati celebranda fecerit, parua tamen præ illis,
quæ diuino animo concepta ad utilitatem mortalium moliebatur,
magnòq; & pio conatu iam multos annos parturiebat, uidentur.
Hoc ipsum, credo, aduertens seua, & importuna mors prope-
rauit pulcherrimo conatui obstrepere, & obsistere, ipsumq; tantæ
molis opificem ex altissima immortalitatis specula deicere. Nimirum
in eos solet uiolentius, atq; acerbius seuire, quos nouerit immor-
talia, suisq; legibus non obnoxia facere, ac moliri. Sed in Aldo,
cuius nomine audito semper instaurator literarum intelligitur, non
omnino ex uoto processit detestandum truculentæ mortis consilium.
uiuere enim Aldi gloria per orbem, quem ipse meritis impleuit. uin-
dicata est ab iniuria obliuionis eius memoria. celebratur, ac celebra-
bitur, dum erunt literæ, fama tanti in omnia tempora meriti. Nul-
la erit tam surda & tam ingrata posteritas, quæ summus laudi-
bus in coelum non ferat tam insignem in literas, humanumq; genus
pietatem. Post mortem Aldi hoc egregium iuuandi homines, bo-
nasq; literas institutum, ac munus quasi hæreditarium, & singu-

lari dei immortalis beneficio Asulanæ genti datum, suscepit Andreas Asulanus socer Aldi, uel hoc unico pietatis testimonio uir maxime insignis. Accessit coheres, et particeps huius pij muneris Franciscus Asulanus Andreae F. iuuenis ingenij, animiq; dotibus ornatissimus, cuius animum succendit eximiae laudis amor, et uirtus æmula pectus eius peracuit. Incitat eum Aldi gloria, et imago oculis proposita, stimulat iuuandi omnem ætatem ardens studium, insignis amor, et memoranda pietas. Non impensis, non laboribus, non uigilijs parat, ut omnem uetustatem ab Orco reuocet, et uindictet ab omni situ et squalore. Huius egregios conatus tum alijs studijs, tum uetustorum exemplarium inquisitione iuuare debent omnes, qui Remp. literariam saluam uolunt. Nostra enim ætas hoc genere studiorum maxime indiget, ut antiquorum scripta quamcastissima habeat. quando deest nobis felicitas noua inueniendi, quæ in aliqua parte uetustatem imaginentur. Nos primo eius studiij iuuandi causa has Naturales Senecæ grauissimi philosophi, et optimi uirtutum, formandorumq; ingeniorum magistri quæstiones, ab omni squalore, quo obsitæ erant, præter pauca admodum loca, repurgatas, tanquam præludia nostri laboris dedimus, mox Plinium, in quem iampridem molimur, daturi. plerosq; alios suæ lectioni nostro labore et diligentia, præsidioq; uetustissimorum haud dubiæ fidei exemplarium tum restitutos, tum restituendos (faueant modo numina coeptis) dabimus. idq; maiore diligentia sumus facturi, si uiderimus hæc nostrorum studiorum progymnasmata non ingrata studiosis esse. In quibus, ut errauerim, legentis tamen non decepi, indicata cum fide uaria lectione, ut quam uellent sequi magis probantibus liberum esset. Vbi uetus lectio suspecta erat, secuti sumus uel rationem, uel historiam, uel auctoritatem, coniectura modice usi. Quædam aperta, et nuda, suaq; luce clara, annotare tantum inter agnoscentes satis esse duximus. Alioqui neq; tempus hoc bimestre, quo hæc, et quidem succisius tantum horis curauimus, sufficiebat ad excutiendas bibliothecas, ut cuncta auctoritate firmaremus. Quare, ut in opere tumultuario, tuum erit Lector carissime et cognoscere errores, et ignoscere, non me maledictis onerare. Scio nonnullos errores non mea culpa, sed impressorum præcipiti consilio factos esse. hæc enim est cõmunis labes omnium librorum. Distinximus autem quenq; librum per capita, ad distinctionem uetustorum exemplarium, ut facilius ea, quæ notata essent, inuenirentur. Annotauimus uero loca deprauata ex his exempla-

ribus, quæ nuper ab Erasmo Roterodamo maximo bonarum literarum assertore & principe recognita, & in Germania Basileæ septimo ab hinc anno impressa sunt. quæ castigatiora inter cetera vulgata, ut sunt, credidimus. atq; ea tantum, quæ Erasmus, qui primus aliquam lucem in Senecam aperuit, spemq; dedit posse illum emendari, præterierant, quæ propè infinita sunt, quoad licuit restitimus. Ille enim iandudum ad fastigium usq; euectæ famæ securus, negligentius ista, ut sua curatione minora, tractauit, alioqui, certo scio, nostro labori consulisset. Vale. IIII. Nonas. Augusti.

M. D. XXII.


F I N I S.

Errores, qui inter imprimendum inciderunt, qui alicuius momenti uisi sunt emendauimus. reliquos tute lector cariss. emendabis. Hic autem uerã tantũ ponimus lectionẽ, quomodo legi debeat, ut tu expuncta erronea, sic legas, ut infra notauimus. Horũ uero triũ numerorũ, primus ostēdit carthã, secundus paginã carthæ, tertius uersum paginæ.

an mundus. Liceat	Ita illic	8.2.19	influxit	25.1.5
cartha 1. pagina 1.	tempestas	8.2.32	fluminum	25.1.25
uersu	23. Cyparissæ	9.2.9	sentiant?	25.2.9
possit,	2.1.25	circundedit.	flāma, &	26.2.37
respōde, satius	2.2.3	Et	10.1.22	Cappadocia 30.1.5
colores,	4.2.1	immolādus	10.2.11	Cutyliarũ 30.1.27
singulis	4.2.15	consistit	11.1.17	Ambracij 33.2.9
cum illa non placeāt,		materiæ	12.1.18	Aegyptum 37.1.15
hæ transmittant lucē?		quo deprimatur		ueniret 37.2.39
Illa densa et coacta, hæ raræ sint?		ingesta ex destina-		lucē 42.2.39
	6.1.17	to	18.2.15	extenditur 43.1.35
uelut duro corpori		omnium	18.2.21	circumlatæ 44.1.10
	6.2.1	aut non	18.1.39	obiectu retundi-
dum enim particula		uenit, sed in	19.2.6	tur 47.2.7
supflue est appposita.		ne fulmen	20.1.13	maxime appa-
perbreuem	6.2.3	ut peregrinatio-		reat. 49.2.27.
cũ aduentat	6.2.23	nem	21.1.17	Quæ si quan-
multo	6.2.29	impetu	21.1.29	do 50.2.26
interitus.	7.1.1	natura	22.2.2	Callisthenes 54.2.16
multiplex	8.1.13	Ita'ne salus	23.1.3	ita ubiq; scribendum
exhibendam	8.2.14	te Iunior	24.2.2	propria 55.2.35

oro te	57.2.33	fiat. hæc tria uerba	tenacitate euellisset li
cingunt, intra	61.2.7	supflue addidit chal	teras, & impressor
caput XVIII.		cographus ex mar-	alias reposuisset.
	62.2.30	gine aliunde acce-	fluminum 93.2.33
non idem	62.2.31	pta.	81.1.5 codicibus 96.2.6
potest	63.2.17	συλλήβδην δὲ	82.1.29 Galatia 98.2.33.
Græcia	64.2.8	φορὰς	84.1.6 (C. 27
orationem.	68.2.14	Arellius Fu-	interpolata 101.2.
clarissimi	69.1.6	scus	90.2.13 (30. C. 104.1.23
interpolari	70.1.11	EX EADEM	spectatorū 108.1.32
δξυοπίαν	73.1.12	91.1.14. C. 24. hic	serenandi 112.1.13
Effusus	79.1.9	error in paucis tan-	fluens 114.2.9
conuexa	80.1.21	tū exēplaribus est,	suspensa 120.1.17
quod & sentinā signi		cum pila atramenti	

Dum chalographorū errores pquirere, incidi in quædā fugitiua man-
cipia, quæ me prius latuerant. Hæc tibi nūc ad tuū arbitriū poenas
datura lector expono. capite. 53. libri. 2. Quod in fulminis inspectio-
ne.) Videtur esse legendum Quod fulminis inspectione. absq; præpo-
sitione. cap. 7. lib. 3. Putei in altū acti.) Forte legendū Puteis in altū
actis. cap. 15. lib. 3. Aut ictus, aut quassatio.) Arbitror legi debere
Cum aut ictus, uel, Quando aut ictus. In calce Tertij libri. Iterum
aquas terra sorbebit, terrā pelagus stare, aut intra &c.) Forte scri-
bendum Iterū aquas terra sorbebit, pelagusq; stare, atq; intra ter-
minos suos furere coget. Cap. 2. lib. 4. In unam partē semper pro-
nus, et torrens.) Forte legendū Sed in unam partē &c. Cap. 2. lib. 6.
Imperitis fit magna ex desperatione securitas.) Rectius forsitan In-
peritis, ut sint duo uerba. Cap. 6. lib. 6. Sine illud Oceanum uocas.)
Aptius uidetur legi Sine illū Oceanū. Cap. 25. eiusdē. Ladon flu-
men inter Elim & Megalempolim.) Plinius lib. 4. Megalepolim.
Strabo lib. 8. μεγαλόπολιν ubiq; Hæc ubiū Arcadiarū amplissima
est, unde et nomen. Hanc ab Homero Oechaliā appellari dicit Stra-
bo. Cap. 6. lib. 7. Hoc unum interest, quod illi turbines.) Hoc uerbum
Turbines otiosum esse uidetur. Cap. 28. eiusdem. Et compressa legi-
bus mundi.) Quamuis et uetusti codices hanc lectionē habeāt, ego ta-
men malim legere Cōprehensa, quā Cōpressa. Cap. ultimo eiusdē
septimi, cur dicat inuidiosam turbā Pythagoreæ scholæ, te querere
Lector amice uolo. item cap. 41. lib. 2. qui sine Inuoluti dij. ne omnino
otiosum te relictum existimes.



ELENCHVS, SIVE INDEX RERVM NOTA-
BILIUM QVAE IN HISCE ANNOTA-
TIONIBVS CONTINENTVR.

Abaxos petra Nilum	Aëris summa pars te	Altani uenti	8.5
diuidens. capite. 2. li-	nuior calidiorq; 14.2	Ambracia oppi-	
bri. 4.	Aestus maris senis sem	dum	29.3
Absides summae	per horis accedere et	Amicrū proteruitas	
imaeq; 26.7	recedere 28.3	grata prologo. 4.	
Acclinatio genus ter-	Aestus æquinoctialis	Anaphoræ 32.2	
ramotus 21.6	qui dicatur. 28.3	Anaxagoræ de igne	
Adolescentiam à Ve-	Aestus maiores mino	nubiū opinio 12.2	
nere agi 32.3	res'ue qua ratione	Anaphysema 13.5	
Adulatores polypos di	fiant 28.3	Animal ex igne gi-	
ci prologo. 1.	Aetates septem, Plane	gni 6.5	
Adulatores à Græcis	tis totidē subesse 32.2	Animum coelestem ori	
apte scolæas uocari	Aeterna contrario ca	ginem habere 56.2	
ibidem	rere 13.2	Anni temporum uices	
Adulatores coruis pe-	Aetheris ima pars de	syderum accessu et	
iores esse, prologo. 4.	sior frigidiorq; 14.2	recessu fieri 32.2	
Adulatores summo pe	Africus uentus 8.5	Antelucani flatus 8.5	
re cauendi ibidem	Alba pecude bonam	Antipheron Oreta-	
Aegine. 25.6	Tempestatem propi-	nus 3.1	
Aegyptum Nilo pin-	tiari solitū apud ue	Antlia trahendæ az-	
guescere 2.4	teres 6.4	quæ instrumentū 9.2	
Aegyptum totā ferē à	Alexander sagitta	Aparctias uen-	
Nilo coniectā 27.6	ictus 20.3	tus 8. et 16.5	
Aëre colliso, uel fri-	Alexandri dictū me-	Apeliotes uen-	
cto maiora minora'	moria dignum 20.3	tus 8. et 13.5	
ue edi lumina 1.1	Alexander Stygis	Apheliotes idē ibidē	
Aërem omnia pene-	aqua necatus 25.3	Apis natales 2.4	
trare 9.2	Alexander consilio Ari	Apogæi uenti 8.5	
Aëris imam partem	stotelis necatus 25.3	Apotelesmaticorū cu-	
calidiorē esse 10.2	Alpheum in Arethu-	riositas 32.2	
Aëris miraculorū ali	sam permeare 26.3	Aqua stagnans per-	
qua apparere, ali-	Alpheū Elidis flumiū	cussa orbis facit 2.1	
qua substare 12. et	in se iacta i arethu	Aquari 3.1	
(55.2	sa reddere 26.3	Aquatius uinum 3.1	

Aquæ tollendæ instru- menta 9.2	primere 3.1	ra 49.2
Aquas nullo fere pon- dere distare 2.3	Arcus pluuiarum uel serenitatû indices 6.1	Auaritiæ reprehensio 17.1
Aquæ collectitiæ 7.3	Arcû tauri caput ha- bere 6.1	Aurum ad uitæ per- nicië repertû 17.1
Aquarum differen- tiæ 7.3	Arcum bibere 6.1	Auster 8.5
Aquas subterraneas foraminibus qbusdâ côfluere 19.3. et. 2.4	Arcum ipiv a' Græcis dici 6.1	B
Aquarum medici- næ 20.3	Arcum nunquam in circulum iungi 8.1	Balneas sine igni cale fieri 24.3
Aquam sine igni fer- uere 24.3	Arcus colores appa- rentias esse 12.2	Belus Assyriorum rex 29.3
Aquæ in quibus nihil mergitur 25.3	Aretissa lacus Arme- niæ 25.3	Belus Iupiter 29.3
Aquis pluuijs tenuis- simæ 25.3	Arethusam cû Olym- pia celebrantur fi- mi redolere 26.3	Belus syderalis scien- tiæ inuentor 29.3
Aquis pluuijs Cry- stallum gigni 25.3	Arethusa fons Syra- cusanus 16.3	Berosus 29.3
Aquas pluuias pro- bari 25.3	Apertus fulminum ge- nera 14.1	Berosi statua inaura- ta lingua 29.3
Aquarum pluuiarû genera & differen- tiæ 25.3	Argestes uentus 8.5	Bilis atra & fla- ua 23.4
Aquam maris noctu percussam scintilla- re 55.2	(et. 16. et. 17.5)	Boleti inter opimos ci- bos 13.4
Aquilo 8.5	Aristotelis cõsilio neca- tus Alexander 15.3	Boletus uoluptuarium uenenum 13.4
Araxes flumini 16.6	Artificiû spectabilior ars in minimis pro- logo 1.	Boleti ueneno suspen- di 13.4
Arcessere et accersere eiusdem significa- tus 49.2	Artium bonarum ne- gligentia 32.7	Boreas sudificus 4.4
Arcus coelestis uarij co- loris 2.1	Aruspiciû uanitas 32.2	Boreas uentus 8.5
Arcû non tantû duos habere colores 3.1	Asphaltites lacus Iu- dææ 25.3	Brastæ terramo- tus 21.6
Arcum duobus colori- bus duo iudicia ex- primere 3.1	Atalantis insula 24.6	Bura & Helice sub- mersæ 23.6
	Aterranei uenti 8.5	C
	Atlantis insula 24.6	Caligula prologo 4
	Atram bilem quid ge- neret 23.4	Calamniæ insulæ 25.3
	Atterranea fulgu-	Calorem in omnibus mûdi ptibus esse 5.2
		Calore omnia nutri- ri 10.2
		Caloris naturam uim uitalem

uitale habere	10.2	Caeleſtium obſeruatio	bitus	2.1	
Canaliculi in colum-		a quibus primum	Coronae coeleſtes nūc		
nis	7.1	celebrata, praefatione	turbidi, nūc tranquilli		
maxorū pars Geome-		Colorē animalium quae	aëris indices	2.1	
trie	6.2	cauſa mutet	5.1	Corus uentus	8.5
Captatores prologo	1.	Colorū uarietatem lu	Coruſcatio	12.2	
Cataclyſmus	13.3	am facere	5.1	Corycius mons	11.3
Catægis	17.5	Columbae Veneriſa-	Cretenſes mundaces.		
Cataractae Nili	2.4	cræ	5.1	prologo	4.
Caurus uetus	8	Columbarum pennae	Crocodilos pro Nilo		
(17.5		plurium colorū	5.1	tanquam pro regno	
Cauſas rerum cogno		Cometas aliquando	dimicare	2.4	
ſcere felicitas eſt		mortis principum	Crocodili Tentyritas		
praefatione.		praenunciare	1.1	fugire	2.4
Cayſter uel Cayſtrus		Cometarū facies	2.7	Crystallus ex aquis	
flumini	2.4	Cometas aliquando ſe	pluujs	25.3	
Caeſas uentus	8.5	nis menſibus appa-	Cutyliae lacus	25.3	
Celonium aquae tra-		rere	2.7	Cypariſſiae ignes pro-	
hendaſt instrumen-		Cometes qd ſit ex De	digroſi	15.1	
tum	9.2	mocriti opinione	3.7	D	
Chafmata	14.1	Cometes Iulij Caeſa-	Decrepitam aetatem a		
Chafmatiae genus ter		ris	17.7	Saturno agi	32.2
ramotus	21.6	Cometes Romae cul-	Delphinos prolem. X.		
Cherroneſus Ca-		tus	17.7	meſſ. geſtare	2.4
riae	25.3	Cometes Chriſti ſalua-	Delphinos aeſtate ſem		
Chomata Nili	2.4	toris natalem pra-	per parere	2.4	
Chriſto patiente terrae		nuncians.	17.7	Delphinorum ueloci-	
motus maximus	1.6	Cometas paſtum ſecu	tas	2.4	
Chriſti natalem come		tos in humiliorem	Delphinos uela nau-		
tes praenūcians	17.7	aëra deſcendere	21.7	um tranſilire	2.4
Ciconia aquae trahē-		Cometas Seneca ppe-	Delphinos coiuges ua		
daſt instrumentū	9.2	tuos credit ut caetera	gari	2.4	
Claudius princeps ue		ſydera	22.7	Demptanea fulgu-	
neno boleti nea-		Cōiectura fallax	6.1	ra	49.2
tus	13.4	noſtrow obſcœnae inter-	Diacopi Nili	2.4	
Climactericus pericu-		dū ſignificationis, ut	Diei cuiusq; in. XII.		
loſus	32.2	praecido apud Lati-	horas diuiſio	28.3	
Coelū ſingulariter tan		nos	4.4	Diluvium uniuerſe ter-	
tū inſpecti prologo	1	Coronarū triplex ha-	ra fieri non poſ-		

se	13.3	Eurus	8.5	Fulguratio	11.2
Diogenis dictum de		Exhydriae uenti	8.5	Fulgurita dici fulmi-	
adulatoribus prolo-		Extæ	32.2	ne tacta	21.2
go	4	Exustio terrarum	13.3	Fulgurum genera	49.2
Dracones qui dicantur	14.3	Ευνορία	8.5	Fulmen	12.2
Dracones Vitium	24.3	F		Fulmen clarum	40.2
Dracones balnearum	34.3	Fati legem inuictam		Fulmen quæ causa in	
E		esse	34.2	terras depri-	
Eccentrici circuli	26.7	Fati necessitate omnia		mat	24.2
Ευνορία, uentus	8.5	fieri	29.3	Fulmen quæ alte in ter-	
Ecnephie uenti	8.5	Fatum an sit mutabi-		ram penetret	2.6
Ecnephias procel-		le	35.2	Fulmen oblique fer-	
la	12.5	Fati legibus mundum		ri	58.2
Ecnephias uibra-		obnoxium esse	29.3	Fulmina ab Hetruscis	
tus	12.5	Fato regi uitam homi-		dici fulgura	39.2
Ecpyrosis	13.3	nis	29.3	Fulmina cur in obli-	
Elementa inter se mu-		Fauonius	8.5	quæ ferantur	14.2
tari	15.2	Ferri usum innoxium		Fulmina familia-	
Eloquentissimi quæ sue-		aurum nocere do-		ria	47.2
runt præfatione.		cuit.	17.1	Fulmina duplici motu	
Elunio terrarum	13.3	Fidei lapsus ubi pro-		agi	14.2
Empedoclis de igne		nior	20.3	Fulmine cur innoxii	
nubium opinio	12.2	Flammæ crepitus	12.2	petantur aliquan-	
Enneades anno-		Flammæ ex mari erum		do	41.2
rum	32.2	pentes	21.6	Fulminum differen-	
Ευνορία, et Ευνορία		Flumina in defectu		tiae et genera	40.2
Neptuni epithe-		aliorum crescentia	1.3	Fulminum significatio	
ta	3. et 23.6	Flumina omnia a ma-		nes nullas esse	39.2
Epiclinae terræmo-		ri sine sensu absor-		Fusca ubi nascuntur	
tus	21.6	beri	27.3	omnia	25.3
Erasinus amnis terras		Fœminas in arenam		G	
subit	26.3	prodire	32.7	Galatia	25.3
Etesiae imbecillio-		Fortunatae insulae	28.3	Gallio frater Senecæ	
res	16.5	Fortunatarum insularum		prologo	4
Etesiarum flatu Nilum		situs	28.3	Garum quid sit	17.3
crescere	2.4	Fulgëtra	12.2	Garum Sotiorum	17.3
Euronotus	8.5	Fulgores coelestes	15.1	Genethliaci	32.2
		Fulgura et fulmina		Genethliacorum na-	
		ferè idem	39.2	nitas	32.2
				Genitura	

Genitura obserua-	mauit	præfatione.	mentis mundi assimi-
tio	32.2	Hominum mentibus	lari.
Gnidus oppidum ca-		quæ res potissimum	Humorū quatuor qua-
rie	19. & 26.3	religionē incutiant.	litates
Grando	6.4	præfatione.	I
Grossi ficorum & in		Horarum differen-	Iapyx uentus
singulari gros-		tia	17.5
sus	11.4	Horas pares in sexa-	Iecur caput exto-
Gulam pretiosa		ginta momenta dist-	rum
iuuant	18.3	ribui	28.3
Gula uitæ inimi-		Horæ æquinoctia-	Ignem belluæ audisse
ca	18.3	les	28.3
Gylippus	1.1	Horæ æstiuæ siue sol-	mæ conferri
H		stitiales	28.3
Halituum duo esse ge-		Horæ brumales siue	Ignes transcurrentes
nera	12.2	hybernæ	28.3
Hebdomades anno-		Horæ uulgares siue tē	an edant toni-
rum	32.2	porales	28.3
Hellepontion uen-		Horæ pares	28.3
tus	17.5	Horæ pares uigesimā	trua.
Helicia fulmina	14.1	quartā partem diei	55.2
Helice & Bura sub-		complectuntur	28.3
mersæ	23.6	Horis uulgaribus re-	Ignem pascentia
Hemus mons	11.3	giones cœli terra-	15.1
Heraclea Lat-		rumq; positiones no	Ignem in nubes su-
nia	19.3	tari solitum.	28.3
Herculaneum oppi-		Horoscopia si-	peruenire
dum	1.6	gna	12.2
Hetruscorum scientia		Horti pēsiles prologo	Ignem nullū sine pa-
circa quæ uersa-		Hospitalia fulgu-	stu
tur	41.2	ra	5.2
Hiatus	21.6	Humanum nihil diu-	Ignis an possit ab
Hieme terra cali-		turnum præfatione.	æthere decide-
dior	2.4	Humanum est erra-	re
Hirundines Nilo agge		re	14.2
rem opponere	2.4	Humore terreno syde	Ignis fœcundā ratio-
Hominem natura ipsa		ra, mundum, natu-	num esse
ad cœlestium rerū		raq; rerū pasci	10.2
contēplationem for		Humores quatuor, ele	Ignorantiæ temeri-
			tas
			1.1
			Imperitia proximo
			præteritorum secu-
			lorum
			2.1
			Inclinatio
			21.6
			Infantiam Lunæ con
			sentire
			32.2
			Intensionē nō esse nisi
			per unitatem
			6.2
			Inuentor syderalis
			scientiæ
			29.3
			Iouis natura
			32.2
			Ἰππολέβης uasis bal-
			nearij genus
			9.4
			Irim triplici colore

distingui	3.1	Luxuria damnosissi-	Melancholia	13.4	
Iupiter belus	29.3	ma	18.3	Mente aeterna omnia	
Iupiter ὀμύβριος	2.4	Luxuriae furorē in-	plena prologo	1	
Iupiter ὀέτιος	2.4	geniosum esse	18.3	Mercurij natura	32.2
Iuventutem a' sole re		Luxuriae improba-		Messana	20.3
gi	32.2	tio	18.3	Messapia	25.3
L		Lycus amnis terras		Mesos uentus	16.5
Legentes a' magnis ui		subit	26.3	Meteora maxime mu-	
ris saepe decipi	20.3	Lyncestium amnē uini		ramur, praefatione	
Leges aequitate ducun		naturā habere	20.3	Meteora quae sint;	
tur	43.2	M		praefatione	
Laelaps uentus	17.5	Marcus Apitius	17.3	Meteoron scientia ne-	
Leuconoti uenti	16.5	Magnos uiros cautos		cessaria, praefatione	
Leucophaea	25.3	esse oportere	20.3	Metus insanos, attoni-	
Liberos natura, non		Mare animal es-		tosq; facit	29.6
fortuna facit praefatione	3	se	26.3	Milliariae olla	9.4
Libertas animi praefatione	3	Mare figuram orbis		Milliariae porti-	
Libonotus uen-		habere	28.3	cus	9.4
tus	8. et 16.5	Mare fluminum ac-		Milliarium columna	
Libophoenix	8.5	cessum cur non sen-		aurea	9.4
Libs uentus	8.5	tat	27.3	Milliarium uasis bal-	
Literarū inuicem mu		Mare simile esse ani-		nearij genus	9.4
tatio	16.5	mali	26.3	Morosum a' moribus	
Literae cur elementa		Maria mundo esse		deduci	27.7
dicantur	16.5	coena	22.3	Morosus quis dica-	
Literulae unius detri-		Maria se purgan-		tur	27.7
mentum sensum con		tia	26.3	Mors oīa aequat	59.2
fundere	5.4	Maris aquam per-		Mors tributum mor-	
Lucem rebus calorem		cussam noctu scin-		talium	59.2
attribuere	5.1	tillare	55.2	Mortali lege omnes	
Lucilius Iunior	1.3	Maris fluxus et re-		nasci	59.2
Ludouicus Caelius		fluxus uariae cau-		Mortem naturae legem	
antiquarum lectio-		se	26.3	esse	59.2
nem author	3.1	Maris se purgantis ra-		Mortem non timen-	
Lunae arbitrium in		tio incerta	26.3	dam esse	59.2
oceanum	28.3	Marsos serpētibus do		Morte nihil certi-	
Lunae natura	32.2	minari	2.4	us	59.2
		Martis natura	32.2	Mortis solatiū	59.2
		Matta	6.4	Mulierum impuden-	
				tia	

na	32.7	Nigra pecude hyemū	Nouenarij pote-
Mullorum piscium lu	sacrificari solitū 6.4	stas	32.2
xuria	17.3	Nili acrolae surdi 2.4	Nouitas rerū, q̄ ma-
Mullos in garo necari	Nili cadētis fragor 2.4	gnitudo ad excitā-	
solitum	17.3	Nili cataduppa 2.4	das hominū mentes
Mullum expirantem	Nili cataractae 2.4	potentior, praefatione	
mutare colores 18.3	Nili chomata 2.4	Numeri decreto-	
Mullum uitro inclu-	Nili fissurā deltam fa	riū	32.2
sum spectari soli-	cere 2.4	O	
tum	18.3	Nili diacopi 2.4	Oceanum mundo
Mundi formae 32.2	Nili incrementi cau-	aequū esse 22.3	
Mundi renouationem	se 2.4	Oceanus ad Lunae ar-	
per exustiones &	Nili maximū mini-	bitrium fluit & re-	
eluniones fieri 13.3	mūq; incrementū 2.4	fluit 28.3	
Mundum esse ani-	Nili iustum incremen-	Oceanus Lunae co-	
mal 26.3	tum 2.4	mes 26.3	
Mundum humore pa	Nili uerticem octo sta	O'λωθος 11.4	
sci 5.2	dijs suspendi 2.4	Olympia uetus 17.5	
Mundum in oceano	Nilo agger ab hiru	Ornithiae uenti 16.5	
nares habere 26.3	dinibus oppositus 2.4	Os praecidere 4.4	
Mylae 26.3	Nilū ab Aegyptijs ui-	Ostae terrae motus 21.6	
Myndus 19.3	ce numinis coli 2.4	Ouers nigras ex albis,	
N	Nilum Aegyptiorum	& contra potu fie-	
Naturae sacrarium	colonium esse 2.4	ri 25.3	
cuiq; aetati ad pro-	Nilum diuidens petra	Ouidij locus ex primo	
mendū sufficit 31.7	αβατος dicitur 2.4	metamor. 13.3	
Naturales quaestiones	Nilus Aegyptum obli	P	
utilissimas & neces-	mat 2.4	Palmatiae 21.6	
sarias, praefatione	Nilus Iupiter Aegy-	Parhelia an parelia	
Naturam humore nu	ptius 2.4	dici debeat 13.5	
triri 5.2	Nilus Saturnius 2.4	Partus menses à pla	
Nebulae unde fi-	Nilus unde dictus 2.4	netis regi 32.2	
une 12.1	Noctis cuiusq; in duo-	Partus octauī mensis	
Neptuni aliquot epi-	decim horas diui-	cur nō uitalis 32.2	
theta 3.6	sio 28.3	Patrae 25.6	
Neptunus terrae mo-	Nonacris 25.3	Peremptalia fulgu-	
tor 3.6	Nonarius climacteri-	ra 49.2	
Nicopolis urbs 27.6	cus 32.2	Pinthiae aquae 25.3	
Nigralana 25.3	Notus 8.5	Perillus aerei tauri au	

chor, præfatione	4	Plinij locus de Nili au	Præfati q dicatur	4.4	
Perillus suum taurum		ctu repurgatus	2.4	Præster	12.et.13.5
primus mugire do-		Plinij locus de aquis		Proxime præteritorij	
cuit, præfatione	4	calidis	24.3	seculorū i peritla	2,3
Pestifera fulgu-		Plinij locus de terræ-		Pruina uredinem fie-	
ra	49.2	motu	25.6	ri	25.3
Phalaris tyrannus		Plinij locus de uentis		Psyllos serpentibus do	
præfatione	4	castigatus	8.5	minari	2.4
Phasis fluius	2.4	Plinij locus ex li-		Pueritiam Mercurio	
Philas totas oppidum		bro XIX. de horto		subesse	32.2
eiusdem nominis oc-		rigando	9.2	Pulla lana	25.3
cupat	2.4	Plinij locus ex li-		Pullum à nigro qm	
Phile insula	2.4	bro IX. de Delphi-		differat	25.3
Philosophia latinis li-		nis castigatus	2.4	Purpuræ tinctu-	
teris à paucis cul-		Plinij tria loca ex-		ra	3.1
ta, præfatione		posita	28.3	Purpurariarū insula	
Philosophiæ quale		Plinij locus ex libro		rum situs	28.3
orationis genus con-		septimo prologo	4	Putei cur hyeme cale-	
uenit præfatione		Πανοίστος uetus ferēs		ant	2.4
Philosophorū de ful-		8.5. & prologo	1	Pyctæ qui dicantur	
minibus dissidentes		Pluuia, grandines, ni-		prologo	4
sententiæ	12.2	ues &c. quomodo		Pyralim siue pyrotū	
Philosophum quale		concipiantur	8.4	ex igne gigni	6.5
orationis genus de-		Pœnam in authores		Pyrenes seu nuclei di	
ceat præfatione,		recidere prologo	4	gitis expressi	24.2
Physicus quis sit	3.1	Pocula speculis ador-		Q	
Phiala locus	2.4	nari	17.1	Qualitates humorū	
Planetas partus men-		Pogoniæ ignes prodi-		quatuor	13.4
ses regere	32.2	grosi	15.1	quirites et i singulari	
Planetis totam uitæ ra		Pompei oppidū	1.6	declinari prologo	3
tionem subesse	32.2	Pontū semper in Pro-		Quirites qui sint	
Plinij locus de Casto-		pontidem fluere nec		prologo	3
rū stellis, præfatione		unq resuere	2.4	Quirito uerbum	
Plinij locus de ecpyro		Postulatoria fulgu-		prologo	3
si enarratus	13.3	ra	49.2	R	
Plinij locus de Fortu-		Præcidi interdū obsce-		Recessus	21.6
natis insulis	28.3	næ significationis ut		Rectores reip. quales	
Plinij locus de Mullo		νόπτο apud græ-		esse debent	43.2
prologo	3	cos	4.4	Regalia fulgura	49.2

Rhetice terramoto-	philosophus præfat.	morum disciplinam
tus 71.6	Seneca præcipue apud	usum fuisse 17.1
Rhetica uitis 11.1	latinos sublimia la-	speculorum imagines
Rhodiorum fons purga-	tinis literis ornavit	inanes esse 15.1
menta egerit. 26.3	præfatione.	Spirituum indomita po-
Romanorum religio cir-	Σειώuerbum 23.6	tentia 29.4
ca exta 23.2	Σειώuor Neptu-	Stellæ quando terræ
Rore scabiē fieri 25.3	nus 23.6	proximæ quādo re-
Rubigo maxima sege-	Σεισμός 23.6	motæ 26.7
tum pestis prolog. 4	Senili ætati Iouē do-	Stellarum contrariæ
Ruris fidem incertam	minari 32.2	potestates 13.3
esse prologo 4	Septenarij pote-	Stellarum inerrantiū
s	stas 32.2	orbis 32.2
Saltares insulæ 25.3	Septentrio uen-	Stellarum occasus &
Sarmēta sulfurata 1.1	tus 8. & 16.5	ortus uespertini &
Saturni natura 32.2	Septimanus climacte-	matutini 26.7
Saturnū bis quodq; si-	ricus 32.2	Stellarum sublimitatē
gnum repetere 4.7	Serpētibz qui domi-	& humilitatem qd
Saturnus cur filios de-	nantur 2.4	faciat 26.7
uorare dictus 32.2	Siculi adulatores pro-	Stellarū stationes pri-
Saturnus cur osor ui-	logo 4	mæ quæ & matu-
tæ humanæ 32.2	Signorū uelocem tar-	tutinæ 26.7
Saturnus oībz moti-	dum ue ortum et oc-	Stellarum stationes se-
bz uiolentus 4.7	casum quid effi-	cundæ quæ & ue-
Sciron uentus 17.5	ciat 27.7	spertinæ 26.7
Scironia saxa 17.5	Sinus Ambra-	Stellas igneas esse 5.2
Scorta 6.4	cus 24.3	Stellas quid subire &
Scythia semp nimbis	Solini ingrati tu-	descendere fa-
informis 2.4	do 2.4	ciat 26.7
Selas 15.1	Solini locus de Byzan-	Stellifer an sit extimus
Semina minuta i qū	tio pugile prologo 4	orbis 32.2
coalescant 6.2	Solis boues ubi stabu-	Stelliferi orbis conuer-
Senecæ error 11.1	lane 26.3	sio 32.2
Senecæ naturalium quæ	Solis natura 32.2	Storea 6.4
stionū uolumina ma-	Sol uētos concitat 6.5	Striæ columnarū 7.1
maxime fuisse cor-	Specularie forma-	Strigles columna-
ruptæ præfatione.	ta uarie imagies red-	rum 7.1
Seneca nō infelix ora-	dere 4.1	Strobilus uentus 17.5
tor grauissimus que	Speculis Socratem ad	Stygis aqua Alexan-

der neatus	25.3	Taurominitanum li-	Thera insula	21.6
Stygis aquam nullo		tus uox piar dici	Therasia insula	21.6
uase contineri	25.3	Teges	Thia insula	21.6
Stygis aquam ungula		Temeritas	Thracius uir ruris co-	
tantum iumentu con-		Temeritas ubiq; tur-	lendi insolens	6.4
tineri	25.3	pis	Thrasceas uentus	8.5
Stygis aqua pesti-		Temeritate nihil tur-	Thraſcias, Thracias,	
fera	25.3	pius	Thrasceas idem uen-	
Subsolanus	8.5	Temperatura	tus	16.5
Suauſſio	21.6	Tempora tria	Threac gladiato-	
Sudum quid ſit	4.4	Tēporis nos nihil niſi	res prologo	4
Sulfuris odorē gra-		inſtans habere	Tibicines	27.3
uens anhelitus ſa-		Tēporis punctū	Tollones	9.2
cere	53.2	Tempus præſens bre	Tronitru	12.2
Summos quoque uiros		ue eſſe	Tonitru acerbū	27.2
labi	20.3	Tentyris inſula	Tonitru quomodo	
Sydera humore pa-		Tentyritas Crocodilis	ſit	12.2
ſci	5.2	dominari	Tonitru quomodo edi-	
Syderalis ſcientiæ ua-		Terræmotu cui ſacri-	tur	54.2
nitas	32.2	ficiū fieri debe-	Tonſiles ſyluæ pro-	
Sydera p latitudinem		at	logo	1
Zodiaci euagari	26.7	Terræmotū quis de-	Torrebialacus	25.3
Syderum duæ conuer		us de æue ſciat incer	Trachones	24.3
ſiones	32.2	tum	Traducere quid	
Sderum duo gene-		Terræmotus ſex gene	ſit	31.7
ra	32.2	ra	Tragicorum mos ad	
Syderum quinque in		Terræmotus maxi-	deū confugiēdi	29.7
genturis obſerua-		mus	Tremor terræ	21.6
tio	32.2	Terræ uniuerſæ in	Trimorion qd ſit	32.2
Syluæ tonſiles pro-		tres partes diui-	Tropei uenti	8.5
logo	1	ſio	Turbines	8.5
Syluas tonſiles qd pri-		Terram frigidi ſpir.=	Turbinis uiolen-	
mus inſtituit pro-		tus quatiunt	tia	22.2
logo	1	Terram multos ſpecus	Turbo accenſus	12.5
T		habere	Turbo quid ſit	9.7
Tages deus Hetruſco		Terrā qd moueat	(et	13.5
rum	41.2	Terram totam ſungi	Turbo terreſtris	13.5
Tanais Europā Aſi-		modo ſubhiare	Typhon	13.5
amq; diuidit	7.6	Terra poroſa	Typhones	8.5

V	de fiat	4 & 6.5	Vortex procel=	
Varietas colorum in	Versarij uenti	8.5	la	12.5
arcu unde sit	Vestæ risus qd sit	12.2	Vrbes varijs modis	
Veneris natura	Veterum scriptæ reli-		pire prologo	3
Venti duodecim	giöse tractanda es-		Vrina reddita cur	
Venti duplex defi-	se	5.1	tremore corripiti-	
nitio	Viciniæ rerum etiã		mur	24.6
Ventos à quatuor sy-	discordium similem		Vulturno spirante res	
deribus concitari	esse	14.2	maiores appare-	
Ventorū genera	Virgilij locus expo-		re	3.1
Ventos quæ causa gi-	situs	6.1	Vulcani risus quid	
gnat	Virilē ætatem à Mar		sit	12.2
Ventos sol sedat &	te regi	32.2	Vulturnus	8.5
conciat	Vniuerso collata uel		Z	
Venti à quibus exci-	maxima nulla eē ui		Zephyrus	8.9
tantur	dentur	11.4	Zephyri leuco-	
Ventus qd sit & un-	Vocū differentie	6.2	noti	16.5

* a b c d e f g h i k l m n o p q r

Omnes sunt quaterniones præter * & r terniones & h quin-
ternionem.

VENETIIS IN AEDIBVS ALDI


ET ANDREAE ASVLANI


SOCERI, MENSE

FEBRVARIO.

M. D. XXII.







Aldine

522

54750

C. 2





